

17.

(73)

51^c




5

کبی تصویرات بدیعہ سنی ادب کلام نوغندن عد ایتک ، بوتون
حسن وعشق ماہیتی بر صنعت ادبیہ یہ حصر ایلک درجہ سندہ
فاحش ، بر غلط نظر در .

بوندن باشقہ شودہ اونودولما ملیدر کہ ادب کلامک وجوبی ،
تعداد ایتدی کمز فوائد ادبیہ مقاباندہ ، تحقیق ایدر ؛ یوقسہ بالخاصہ
قدمای منشیانک ابتلاسی کبی مثلاً « کونش طوغدی » یرینہ
هیچ بر فائدہ ادبیہ سی یوقکن « کیسوان غنبر افشان خورشید
دریای آینه نمادن بدید ویشکاه شاهراهنده نجوم زاهرہ ساهرہ
سمایہ سر بجنبان تبعد اولونجه » طرزنده سوزلر سويلک آج
اولدیغنی آکلاتمی ایچون « تأثیر جوع ایلہ پیچ وتاب معدیہ مبتلایم ،
دیمک قدر مناسب تیز لکدر . قدمانک بو ابتلاسی مصطلحاتہ
فرط رغبتدن وبر چوق ملاعب لفظیہ امکان حصول پیدا
ایتک امل سقیمندن نشأت ایدبور .

بعض اشیای اسماریلہ سويلیوب ، حقیقی ویا مجازی برر
جمله ایلہ افادہ ایتک بر زمانلر فرستده موده اولمش ، مولیرک
تزییف شدیدینہ اوغراشدی ؛ ادب کلامک بو شکلده سوء
استعمالی بزدهده واقعدر . مهم بر معاون بلاغت اولان بو صنعت
ادبیہ بی بویله بیہودہ ، مضر کلقتلر درجہ سنہ کتیر ماملیدر .



دیمش اولماسی ، شمرک افکار و خیالات آتیه‌سنی حسن تلقی
ایچون ، اوقویانلرک ذهنلرینه نه قدر معاونت ایدیور .

ادب کلامک شو اوچ نوعی فصاحت و بلاغتی اکمال ،
دردنجیسی تظاهر ظرافته خدمت ایدر . مثلاً سوز آکلامیان
بر آدمه ساده‌جه « احمسک » دیمک یرینه « بوکون ذهنآ چوق
مشغول کورینیورسکز » صورتنده مقابله ایتمک کبی .

شوراسی ایجه اکلاشلملیدرکه ادب کلام مطلقاً معنای
حقیقیده مستعمل برکله یرینه بر مجاز اقامه ایتمک دکلدر .
تعبیرلرک هرایکیسی ده معنای حقیقیده قولانیلمش اوله بیلیر .
هر مجاز ادب کلام نوعنه داخل اولمادینی کبی ، ادب کلامده
هرزمان مجازه افتقار ایتمز .

برده شایان اخطاردرکه موضوع ادبی بی حسن تصویر
ایچون ایراد اولونان افکار و خیالات و مجازاته ادب کلام
ذنبله مز ؛ چونکه عکس تقدیر ، بوتون محاسن و لواحق بلاغت
وحتی اسلوب ادبی ایله ادب کلام کلمات مترادفه دن معدود اولمق
لازم کلیر . مثلاً شیخ غالبک

اما که نه شب ، امین رحمت ،
شیخ الحرم حرم حضرت
مانند بلال صاحب عرفان
نور سیه ایچره نور ایمان .
چون آب و حیات او شام انور
رنکی سیه ایدی موجی اخضر

سسویلیویر مک ، « ترمک » گمسنک معنای معتادیه ذهنه دائماً
ناخوش بر خیال و تأثر القا ایتمسندن طولایی، موضوع شعر دن
آله حق تأثر اصلی بی اخلال ایدر . اوزمان نای ایله بر لکده
ادب کلامه مراجعتله

قات قات دوشوب اول پری حجاب
غرق ولدی کلاب اضطرابه

بیته قائل اولمق ، بو محذور بلاغتی از الیه کافیدر .

مخاطبری مجازات آتیه نک سهولتله تلقیسنه حاضر لاق
نه دیمک اولدینی امثله آتیه ایله قولای ا کلاشیلیر : جناب
شهاب الدین بک موسم خزانک آلامنی تصویر ایدن شعر نفیسنه

بوصولوق موسم کدورتدن
داغیلیر بروداع بی کلمات
بک خیالی ، رقیق بر هیات !

قطعه سیله باشلایه رق موسم خزان یرینه « موسم کدورت »
تعبیری استعمال ایتمش ، بزی تصویر آلام ایدن خیالات
متعاقبه بی تلقیه حاضر لامشدر .

توفیق فکرت بکک « خلوقک وداعی » عنوانی شعرنده
اوغلونک اسم خاصی یرینه ، ادب کلامه مراجعتله

ای ییزانک چوروک ، سقوط آلود
قوللرندن پراشتیاق صعود ،
سیریلان یولجی ...

ییتنه اولدینی کی . فقط اساساً فکر و خیالده تضاد ایله
امتزاج ایدرسه او بدیعنه روتقی برقات دهه ترید ایلر .
مثال :

اشاغیدن یوقاری یه ایدیلن بو خطاب ، یوقاریدن آشاغی یه اینن
خطابلر قدر ، علوی ایدی .
عبدالحق حامد

ادب کلام

فصاحت ، یاخود بلاغه بر محذور ادبی یه ازاله ایتک ،
مخاطبلری مجازات آیهنک سهولته تلقیسنه حاضر لاق ، تبلیغ
اولونه جق شیئک شدت و ثقلت زائده سنی بر طرف ایلک ایچون
بر فکر معنی بالواسطه افاده ایتکه « ادب کلام » دیر لر . ادب
کلام ایله ازاله اولونان فصاحت محذوری - اک زیاده - کثرت
تکراردر . مثال :

« اویله سیاه چهره لی یوز بیکارجه مخلوقاتک کفنلره بوروغش
اولدقلری حالده قارشیمه کلیشی اوستنه فورطنه بلوطی چوکش بر
متحرک قبرستان کی کورونوردی . موتا البسه سی کینمش بودنیو بیلرک
کوکله الفا ایتدیکی ... »

عبدالحق حامد

بلاغت محذوری ایسه - ینه اک زیاده - بر کلمه دن دفعه
حاصل اولان تأثر معتادک موضوع اصلی ایله عدم اشتلافیدر .
مثلاً: حسن و لطافتی تصویر اولونان بر قزک ترلیدیکنی آچیقجه

عكس

بر جمله ده بولونان ايکي کلمه ويا ترکيبي ، عيني ويا خود ديگر
بر جمله ده ، تقديم و تاخير ايتمه «عکس» ديرلر. افاده اوليه ايله
افاده معکوسه نك آرالرنده حکم و معناجه بهمه حال اهميتلي بر
فرق بولونمق مشروطدر . بوفرق نه قدر بارز اولور ايسه
عکس ايله استحصال اولونان تأثيرده او قدر زياده اولور . فرق
حاصل اولمازسه سوز عادي برملعه لفظيه دن عبارت قاليرکه
هيچ بر حکم و قوتي اوله ماز .

بوشروطه موافق اولان عکس ، ذهنده لفظ اوزرينه مبتني
وجعلي بر تضاد تأثيري حاصل ايدرك معنائك شدت و قوتي
آرتيرير . مثال :

صحبـت دولت اولدی ده مقدور

دولـت صحبتکدن اولدم دور

عبدالحق حامد

صنعت عکس تضاده مشابه برماهيت اظهار ايدرسه ده
يومثالده اولديغي کي اکثريا برکله نك ايکي مختلف معناسنه
مستند برنوع تجنيس حالنده بولنديغدن بنفسه او قدر شايان
رغبت دکدر . هله التزام صنعتله طبيعيتنه ده خلل کليز ايسه
هيچ چکلمز ؛

اولور عکس رخکله بزم ميده جاملر کلرنک

عجبي اولسه رشک ساغر لعلکله کل ملرنک

عارف

منگنده می داک آشفته وصال سحر ؟
نه در بو حزن غریبانک ای هلال سحر
اکرم

خطاب صورتیه اولمایه رق برشیدن ، آرازانده مناسبت
اولان ، دیگر برشیته بردن بره انتقال ایتک ده التفاته شبیه
وتأثیر وماهیتهجه معادلدر . مثال :

ای زائر اعتبار پرور ،
سیرایت نه کوزل طورور شو مقبر !
یا لکزانن خوشنما دکلن ؟
یا ساده لکی دکلن دلبر ؟
غایتله حزن ایکن او طوبراق
اوستنده یا قشماه شی صرصر ؟
نافنده بیتنه نهال کلینز
باق باق نه قدر لطیف منظر !
اولمازمی نظر ربای وجدان
نزدنده او موج اوران چنلر ؟
وبرمش اوکا بشقه بر لطافت
پیشنده کی سرو سایه کستر ؟
دوشسه بو قدر دوشر موالق
بر ظله ضیای مهر انور .
سیرایت بونی کورمدکسه شاید
محزونلق ایچنده شاد بریر .
سویله ، هله پک کوزل دکلن ؟
شو سرو نهال قبر یکسر !
هپسندن آنک کوزلدی ایواه
آلتنده یاتان زوالی دختر !

اکرم

بوسوزلرده سکوت بلیغ ایله برابر مجاهل عارف و کنایه کی
منابع ادبیه دن بالاستفاده قدر لطیف بر اثر ظرافت کوششست
« فواضل » کلمه سی ایسه پک بجا بر ترویج الفاظدرکه وجوه
ایله شایان قبولدر . بزجه اصل دقت ایدیله جک شی شودرکه
جودت پاشانک بوسکوت بلیغ ایله جوابی ، معترضی الزام
ایتمکده ، اک قوتلی دلائل مفصله دن دها مؤثردر .

التفات

برحکایه تصویر و بیان ایدرکن بردن بره ، فقط مناسبتلی
اوله رق ، غائب و حاضر بر شـخصه ویا بر شیئه خطاب ایتمکه
« التفات » دیرلرکه غیر منتظر اولدینی جهته مخاطبیری اعجاب
ایله ذهنلرینی ایقاظ ایدر . بناءً علیه ماهیت پسیقولوژیه سی تردید
ورجوع کیدر . شرط موفقیتی ده مظهر التفات اولان شیئک
ویا شخصک موقعاً اوکا لیاقت ادبیه سی بولونماسیدر . چونکه
التفات ایله تنبه ایدن ذهن تلقی ایده جکی تأثرک اهمیتنی درجه
انتباهیله متناسب بولمازسه آرانیلان تأثیر معکوس اولور .

صنعت التفاته مثال :

نهدر بوفیض مکمل نه در بوحال سحر ؟
نهدر حقیقت علویه مأل سحر ؟
نهدن بولور بو قدر رونق ظلال سحر ؟
بن اولشم ازلی عاشق جمال سحر ،

قدر ناب، جل بولوتان بو تعریفه پك نازكانه بر مقابله اولوق اوزره
دیوركه :

« بو خصوصده دخی اعتراف قصور اواننی ضروریدر . فقط
قباحت سرتیده دکل . قلم مورخده در ؛ دهها طوغروسی خطا
بنده در ؛ لکن فضائل یرینه فواضل یازمقده دکل . خطا بونده دركه :
فضائل فضیلتك وفواضل فاضلهك جمعی اولوب اولکیسی محسنات
ذاتیه وایکنجیسی سائره مفید اولان محسنات متعدیه دیك اوله رق
ایکیسی ده یرنده قوللانیلمش ایسه ده قرق بو قدر سنه اول مراد ملا
درگاهنه دوام ایلرکن سامی ونقی به تقلیداً شعره وویسی و اوچی زاده به
تقلیداً انشایه هوس اولوندینی صرده سهج دوشورمك ایچون بله نیش
اولان فواضل کله سنی شیمدی هیچ کیمسه استعمال ایتدیکی حالده
تاریخه یازمق پك غریبدر . بو دورلو الفاظ غریبه نی استعمال
ایتك محل بلاغت اولدینی مسامدر . فقط دالغینقله نصلسه کنیدی جامع
فاتح ایله مراد ملا درگاهی آره سنده متردد بر حالده تصور وتخیل ایدرك
بولفظ غریبی یازیویرمشم . بوکا سهو دیمکدن ایسه غفلت دیك
دها مناسبدر . فقط اوزماندیری لسانز برقاق شکله کیردی . پك
چوق تبدلات کوردی . برقاق کره لسانی دکیشدیرمش و اصول خط
واملا سنی بیله شاشیرمش براسکی مورخك برجله کتایبنده کورولن
قصور بویله برخطایه مقصور اولورسه کنیدیسنجه باعث افتخار وبش
اون قدر اولورسه معذور اولور . برکت ویرسون ابدادن بولفظ
غریبه دقت ایدن اولدی . کوروبده نفته اعتراض ایتسه یدیلر
نه دیه جکمی بیله مزدم . لکن شمدی غافل بولنام ؛ صوران اولورسه
نه باس وار اصری القیدك « مستشزرات » کله سی بیک بو قدر ییلدن
بری تنافر حروفه مثال اوله رق ایراد اولونه کلمش ومعلقه سندن زیاده
شهرت بولمشدر . « فواضله وارسون الفاظ غریبه یه مثال اولسون »
دیرم . بلکه « مخصوص بونك ایچون یازدم » دیه بیلیم . فضائل
ذاتیه لری جمله عنندنه مسامدر . بو اخطار عالیلرینی دخی فواضل عنایت
مأثر کریماهلرندن عد ایله تشکر ایدرم]

بعض کرمه کوزلرمن بکده کرسنه قارشى کلمه . برلنکنده بی اختیار
 آه ایدرؤ . و بعض کیزلی کیزلی کوز باشلری دو کوز آه زولی
 بو اتحاد اکر تقدیر ازی ایسه بنون دنیا بر بره کلمه
 امان زولی عفو ایدیکن شاییدم . ساچه - ویلیورم ..

ژان ژاق روسو - منیف پاشا

سکوت بلیغ

اڭ زیاده حائر اهمیت اولان نقطه بی تفصیلات سائره میاننده
 ظاهرأ مختصر، فقط حقیقه سده اڭ زیاده جالب دقت اوله رق
 سویلکه « سکوت بلیغ » دیر لر . بونکده علت تأثیر قطع
 صنعت ادبیه سیله مشترکدر . بناءً علیه اظهاردن زیاده ابهامک
 بلیغ اولدینی یرلرده اختیار اوانه بیایر بر مجاز تبلیغیدر که بعضاً
 قوتلی بر واسطه ظرافت اولور .

مثلاً جودت پاشا مرحومک تاریخی ارسال صورتیله ابراز
 ایتدیکی اثر نزاکته قارشى کمال بکک مقابله جوابیه سننده بعض
 تنقیداته کیریشه رک اومیانده تاریخده کی « دولت آدم لرینک
 فضائلندن ایسه فواضلندن بحث ایتک اولادر » عباره سننده
 تعرضله [حقیقه و سیاق کلامه کوره « دولت آدم لرینک
 فواضلندن ایسه فضائلندن بحث ایتک اولادر » طرزنده اوله جق
 کبی کورونور . بو سهو ترتیب بیاغی تشویش اذهان ایدیور]
 دیمسی فواضلک معناسی بیلمه سنندن ایلوو کلدیکنی، جودت
 پاشا ، ظریفانه بر سکوت بلیغ ایله اکلته رق یا کلش اولدینی

بن داخی بیایدیم اول قدر کاش
 افواحه سوزم اولیدی دمسار .
 لازمی ایدی بلکه پرواز ؟
 وه وه ، بونه شکوه ایندم اظهار ؟
 صد توبه و صد هزار انکار !
 براهل سخن که ایده تحسین
 بیک چرخ ذکر او بیت رنگین .
 شیخ غالب

حبذا کلزار پرفیض تماشای غریب
 کیم بهشت هشت آنک برکوشه تنهاسیدر .
 آکا تنها کوشه تعبیر ایتک ، ای کلک بسم ؟
 حق بوکیم ، غایت خطانک ذروه اعلا سیدر .
 هیچ تنها یرقالیری اول جلالخانه ده
 کیم جناب آصفک منزله وه اواسیدر ؟
 ندیم

قطع

سوزی بیتی رمدن ، فقط نتیجه سی کنیدی کندینه آکلا -
 شیله جق مخلنده ، بردن بره کسمکه « قطع » دیرلر . بوجاز تبلیغی
 انجق تیین مقصد ایچون سکوتک سوزدن زیاده بلیغ اولدینی
 یرلرده اختیار ایدلمک لازم کلیر . معانی خفیه نک کنیدی کندینه
 استدر اکندن حصوله کلن سهولت تلقیه دایر ظرافت بمختدم
 ایراد ایتدیکمز مطالعه قطع صنعت ادبیه سنک ده علت تأثیرینی
 تعیننه کافیدر . مثال :

بدل عذاب ، تسلی محنت
فناده مکافات ، عقاده جنت
عبدالحق حامد

ایکنجیسیده صدیق برعزم ، عمری بر توفیق ، عثمانی بر فدا -
کارلق ، حیدری بر جلادت ایله ۱۰۰۵ تاریخنده و محمد ثالث زماننده
اکری ملحه کبراسنک قازانیلمه سنه سبب مستقل اولان مرحوم
خواجه سعدالدین ایدی . کمال - جزی

رجوع

فکر و خیالک جریان طبعیسیله سویلنمش کبی کورینن بر
سوزی انکار و تصحیح ایله آز چوق مخالفنی ایراد ایتمه
« رجوع » دیرلر . اصل مقصود به اولان شیئی دوغرودن
دوغرویه سویلیوب رجوع صورتیله تبلیغ ایتک ، تردیده
اولدینی کبی ، ذهنلری تنیه و ایقاظ ایچوندور . بناء علیه رجوع
بالذات سویلنن شیئک قوت و شدتی آرتیرمز ؛ فقط دیکلینلرک
دقتی و او سببله تلقی به قابلیتنی تقویه ایدرکه نتیجه سی تأثیر
ادینک تزیایدور .

مثال :

مراد آکا دینورکه آچه نوراه ،
ارباب وقوفی ایده آگاه ؛
اولمایه سوزی بدیهی نام .
ایده نیجه تجربه یله اتمام .
اما کیمه ایده بم بونی فاش ؟

مديحه می اوشاعرك قدرت دهاسی ایچون اك طوغری ، اك
 بوبوك برنجیل اولدینی کی باشاك ده نفوذ انتقادینه دلیلدر .
 حقیقهٔ نفیعك - اسلاف و اخلافنده کی نقصان سببيله اكثریته
 نظراً خلاف عاده کورولن - نفخهٔ صاعدهٔ دهاسی اك عالی مدار
 تمایزیدر . تکرار ایده لم که ، بومعنا ایله ، تدریج بوتون برائر
 ادینك مجموعنده یاخود اوزون ، مرکب آثار ادبیهك برر
 جزء تام حالنده اولان اقسامنده بولونور . اثر ادینك یالکز
 برنقطه سنه ، بر جمله سنه تعلق ایدن ونهایت بر صنعت ادبیه اولان
 تدریج ایله آرازلنده بوفرق اساسی واردر .

« تنسيق صفات »

برشي تصوير ایچون متوالی صفتلر ایرادینه « تنسيق
 صفات » دیرلر ؛ شوشروط ایله که صفتلر یا تدریججه موافق اولمالی ،
 یاخود هربری کندیسندن اول کلن صفاتك - هیچ اولمازسه
 من جهة - متممی بولونمالیدر . مثال :

- هیات دلبر دیدیکم کیم ؟ نسترن .
- یانسترن کیم ؟ بکا بن دیدیرن .
- همد صباوت ، یار شبابت ،
- علت ادراك ، سبب محبت ،
- مخطر ماضی ، امید استقبال ،
- شوحالده موجب عز و اقبال ،

افاده کی ترتیه کوره ظاهر آ کورییور که طوب و تنگدن
مزراع ، مزراقدن قلیجه ، قلیجدن خنجره ، خنجردن بوناز
بونازه عجمه خویری درجه درجه برهبوط وارد . فقط
حقیقته بوهبوط ظاهری ، شدت حربک کیتدکجه صعودینی
تصویرایله او قویانلرده حاصل اولان تأثر کده او نسبتده تشددینی
استلزام ایدیور . دیمک که ادبیاتده تدریج هابط یوقدر ؛ ظاهر آ
هبوطی کوسترن تدریج بیل بر صنعت ادبیه ماهیتده بولونه
بیلیمک ایچون مطلقا صاعد اولمالیدر .

تدریج استناد ایتدیکی پسیقولوژی قانوننک حکم شاملنه
کوره یالکز بویله برصنعت ادبیه دکل بر دستور ادبی قوتی
حائزدر . برشیمک تصویر و توصیفده بالنسبه ضعیف و بی رنگ
اوصاف ایله باشلا یهرق الکوتلی ، انظرربا وصفی نهایته بر اقق ؛
علی العموم آثار ادبیه ده تأثری کیتدکجه تقویه پذیر اوله جق صو-
رتده تبلیغ ایتیمک بلاغتمک هیچ اونودولیمه جق شرائطنددر .
بونک خلاقی اختیار اولونورسه صوکلرده قاله جق افکار و خیالات
ضعیفه حشویات معنویه قدر ایراث مضرت ایدر . ینه بونک کبی
هر اثر ادبیه ، بوتون منظومات و منشوراتک خاصه میزه سی
اولق لازمکلن ، نفخه ذی روح ، کیتدکجه متزاید بر قوتله
محسوس بولونمالیدر . اساتذۀ ادبک آناری اکثریا بویله بر
نفخه صاعده ایا ، متعالی اولور . حتی ضیاپاشانک نفعی حقنده کی

طبعنده اولور خلاف عاده
کیتدکجه مسارعت زیاده .

فضا آراستده کی فرق عظیم بو اسنادک حسن تافیسنه مانع اولور
تدریج مقبردن، تربیه، تربودن معبد، معبددن کرمیه، کرده
فضایه انتقال ایله بو وحشت ذهنیه ازاله ایدیور.

اشعه شمسه قارشی طوران کوزلر همان جهات سائریه
انعطاف ایدنجه هر شیئی قارا کلق کوردییی، پک طاتلی برشیه
متحسس اولان ذائقه دهها آز طاتلیقلری حس ایده مدییکی
کبی شدتلی برتأثره معروض اولان ذهن، درعقب عینی
جنسدن، دهها خفیف تأثرلری تلقیدن عاجز قالیر. بناءً علیه
تدریج محسوس اولق ایچون دائماً ضعیفدن قوییه، خفیفدن
شدیده ارتقا ایتماید. حالبوکه تدریج، «صاعد» و «هابط»
ناملریله ایکی نوعه آیرلمش وتدریج هابط «قوت افادەنک
کیتدکجه تناقصی» صورتنده تعریف اولونمشدر. حواس
ظاهره وباطنه نك کافه سنده بلا استثنا جاری اولان بویله بر
پسیقولوژی قانوننه مخائف کورینن بوتقسیم وتعریف حقیقتده
یالکیز شکل ظاهرییه عائددر. اصل مقصود به اولان تأثر
اعتباریله، تدریج دائماً خفتدن شفته طوغری صعود ایدر.
ایشته تعلیم ادبیاتده تدریج هابطه مثال اوله رق ایراد ایدیلن
شوققریه باقالم :

«آلایلر بربرینک امدادینسه کیده کیده برنجی صف حره بری
تمامیله یکدیگرینه قارشیدی؛ احتیاطلرده سلاح ارقداشلرینی تأیید
ایچون برلرندن اوینادی. طرفیندن طوب وتفنک صداسی کسیلدی.
ایکی عسکر مزارق مزاراغه، قلیج قلیجه، خنجر خنجره حتی بوغاز
بوغازه اوغراشمغه باشلادی.

مثلاً بر سنده هر کون یکسوق بر حیات امرار ایدلسه ،
دیگر بر سنده ظرفدهده فرضاً سیاحت کی قابل تنوع مشاغل
ایله یکی یکی تحسبات و تأثراته معروض بولونولسه آرادن برار
زمان کچدکدن صوکره بوا یکی سنهدن اولکیسی قیصه ، دیگری
بالعکس اوزون بر مدت اوله رق تخطر ایدیلیر . بو نتیجه یی
حاصل ایدن سبب ایکنجیسنده کی تحسبات و تأثراتک حافظهده
دها بویوک بر محل اشغال ایتسیدر . ایشه بونک کی بر فکر
وخیالی بر حملهده سویلکدن زیاده ذهنی درجه درجه آرتان بر فکر
وخیال ایله اوزون مدت اشغال ایتدکدن صوکره نقطه مطلوبه یه
وارمق ، عینی سیدله ، مخاطبلرده تلقی و تأثرک قوت و شدتی تزید
ایدر . تدریج بو حالده مبالغه نك ، مقصده کوره ، نقصانی اکاله
خادمدر .

دیگری ده بودر که : برشی ایچون دفعه حسن قبولنده تردد
ایدیله جک بر وصف درجه درجه اسناد اولونورسه ذهنلرده ،
تدریج ایله ، برنوع استیناس پیدا ایدلمش اولور . تدریج ، بو
حالده ، مبالغه نك شدت زانده سنی تعدیله خدمت ایدر . مثلاً :
« مقبر ، مقبر دکل بر تر به ، تر به دکل بر معبد ، معبد دکل بر
کره ، کره دکل بر فضای بی انتها اولمیدی » .

عبدالحق حامد

جمله سنده کی تدریجدن صرف نظر ایدرک « مقبر ، مقبر دکل بر
فضای بی انتها اولمیدی » شکل مختصریله اصل مقصوده اولان
فکری طوغرودن طوغرویه سویلیویرسه ک ضیق قبر ایله وسعت

انكار سينك حكيمى ايسه « قطعياً يشقه بر سبب يوقدر » فاعتنى
 افاده مثبته دن دها بيوك بر قوتله ، تبليغ ايدور .
 تجاهل عارفك ايكنجى نوعى مجرد تنشيطه خدمت ايدر ؛
 محاوراته مخصوصدر . قارشيسنده كينك مقصـدندن تجاهل ايله
 سوزينى ويا حركتى ديكر صـورتله تلقى ايتمش كورونهرك
 خلاف انتظار ، فقط مناسبـتلى بر جوابله مقابله ايتمك كېي كه ؛
 قيمت حقيقهسى اعتباريله بر نوع مشـكله ديمك ايسه ده اونك
 اساسى تجنيس و ايهام اولدينى حالده بوننگكى ساده جه تجاهلدر .
 بو نوع تجاهل عارف ، اظهار ظرافته وساطت ايله ، مجازات
 تبليغيه مياننه داخل اولور . اصطلاحات ادبيه دن باحث بر
 اثرده منظور اولان فقره آتیه كېي :

« خلفای عباسیه دن منصور ، وفات ایدن عمجه سى قیزی ایچون
 احضار ایدیان قبرك کنارینه کلهرك تدفینه انتظار ایتدیكى ائاده یاننده
 بولنان ظرفای عربدن « ابودلامه » یه نعلشك وضعنه آماده اولان
 قبری کوسترهرك دیدی كه :

— یا ابادلامه ! بوراسی ایچون نه حاضر لادك !

— خلیفه نك عمجه سى قیزی !

تدریج

بر فکر و خیالی دفعه تبليغ ایتیموب ، درجه درجه سونمكه
 « تدریج » دیرلر . بونك بلاغته لطف معاوتی ایکی دورلودر كه
 بری شودار :

ببل ناطقهك نه دن صوصی ؟
 صولدی آه غنجه دهك ؟

بیتلری تجاهل عارفك اك كوزل بر مثالیدر.

تجاهل عارفك بونوعی ، یوقاریده ایراد ایتدیكمز مثالرك
 كافه سنده كورولدیكى كبی ، دائما صیغ استفهامیه ایله تظاهر
 ایتدیكندن تعلیم ادبیاتده « استفهام » عنوانیه قید اولونمش
 و « بودرلو سؤالردن مقصد حقیقی جواب آلمق دكل بلكه
 افكار وحسیاتی دها واضح ، دها شدید ، دها مؤثر بر یولده
 موقع بروزه چیقارمق وبوصورتله مخاطبی تهییج واقناع ویاخود
 تحیر و اعجاب ایتكدر » دنیلمشدر .

صیغه استفهام ایله تبلیغ مرامك بر دورلوسی ده مقام
 تصدیقه استفهام انكازی شكلنك اختیاریدر . بوكا تجاهل
 عارف دنيله مز . چونكه افاده ده معنای تجاهل یوقدر . آنجق
 قوت تبلیغه خدمت اعتباریله تجاهل عارفك بونوعنه بکزه ر :

« بو كوردیكمز سامان وانتظام اناام ومعاشرت خواص وعوام
 هب هنر ومعرفتله حصوله كمش بر اثر دكلیدر ؟ ومشهودمن اولان
 بونجه محاسن امور وآسایش وحضورك نظر امعان ایله باقیلنجه دانش
 ومعارفدن بشقه بر سببی وارمیدر ؟ »

مثالنده اولدینی كبی كه بوراده « هنر ومعرفتله حصوله كلن
 بر اثر دكلیدر ؟ » استفهام انكاریسنك معناسی « مطلقا هنر ومعرفتله
 حصوله كلن بر اثر در . » ؛ و « باشقه بر سببی وارمیدر ؟ » استفهام

مقصود ادبی بولنه ماز - « اونو تدم » دیمك تجاهل ایسه دهه تجاهل
عارف ، دكلدر . تجاهل عادیده « کتم » املی واردر . تجاهل
عارف ایسه بالعکس دهه راده اظهاره خادمدر .

تجاهل عارف ایکی نوعدر : برنجیسی دائما غلو حس ابراز
ایتمك ایچون اختیار اولونور که تبلیغده مبالغه دیمکدر ؛ نه درلو
یرحس تبلیغ ایدمك ایستیلورسه اونی تقویه به خدمت ایدر .

مثلا مرحوم عونى بكك قبه خضراى مولانا حقهده کی

بارگاه آسمای ، قبه خضرامیدر ؟
یافضای لامکانده چتراو ادنامیدر ؟
شش جهندن روزوشب کرو بیان ایلر طواف ؛
مسجد افصامیدر ، یا کعبه علیامیدر ؟
ساحه سنده روشنا قندیللری برق اوران ،
یا نجوم آسمان عالم معنامیدر ؟ ... الخ

منظومه سی کی ، فضولینك :

ماه نودر ؛ یوقسه سن قیلدقده سیر آسمان
قالدیروب پارمق کتیرمش آسمان ایمان سکا ؟

ییتندهده کوزل برتجاهل عارف واردر . علی الخصوص اکرم بك
افندیك ؛ هنوز کوچوك ایکن ابدیته قاووشان بر چوجوق
ایچون ، پدری لسانندن ، انشاد ایتدیکی منظومه نفیسه نك

سویله یالکزمیسك جگر پاره م ؛
ایصیدن یوقی خاك ایچنده تنك ؟

هرمن

دردك نه در ؟

نسترن

حيات !

عبدالحق حامد - نسترن

ترديد مطايبه مثال :

شعراي زمانه دن بريسي
 دزد معنيدن ايليوب شكوا ؛
 ديدى نظمده كي خيالاتم
 چالديلر هپ برر برر طرفا .
 كوش ايدنلر دروغه حمل ايديجك ؛
 بن ديدم : كيم بيليركه صادق اولا ..!
 في الحقيقه سوزنده صادق ايمش !
 كوردك اشعاري جله يي معنا !
 مليح احمد

تجاهل عارف

• برنكته يه مبنى اولمق شرطيله معلوم اولان برشيني غير معلوم
 كبي كوسترمكه تجاهل عارف ديرلر. « نكته يه مبنى اولمق » قيدي
 شونك ايچون قونولمشدر كه سويلنيلن سوزده تجاهلى موجب
 بر مقصد ادبي بولونمالى و مخاطبلرجه اكلاشيله بيلمليدر . مثلاً:
 « دون نزميه كيتديكيز ؟ » سؤالنه قارشى ، مجرد كيتديكي يري
 كيزله مك ايچون - كه بونده ديكر بر مقصد اوله بيلير ؛ فقط

ترديد

تبليغ ايديلهك فكر و خيالى مقدماتنده آچيقدن آچيجه سويله يهرك ، مخاطبلى تردد و مراقه دوشورد كدن صوكره ، نتيجهده وهلة اظهار ايتمهك « ترديد » ديرلر . ذهنده بوصورتله حاصل اولان تجسس و انتظار ، تبليغى ملتزم بولونان فكر و خيالى ده ا اهميتله تلقى استعدادى پيدا ايدر . ديمك كه ترديدك خدمتى آكلاديله جق سوزك دكل ، آكلايه جق ذهنك قوتنى آرتيرمقدر . مثلاً آلفرد دوموسسهك « كانون اول كيجهسى » عنوانلى شعرنده دائماً قارشيسنده بولدينى بر « طيف » ى تصوير ايله ذهنلى تجسس و مراقه دوشورد كدن صوكره نهايت بونك « يالكزلق » اولديغنى سويله يهرك ترديدك تاثيرينهك كوزل بر مثال وجوده كيتيرمشدر .

ترديد بويله جدى بر نتيجه ايله نهايتلنيرسه « ترديد صادق » نامى آليركه خدمتى تاثر مطلوبك تقويه حصوليدر . بالعكس فكر مزاح ايله نهايتلنيرسه اوكا « ترديد مضايب » ديرلر كه يالكز حس ضحكك و بعضاً تظاهرات ظريفانهك وسائط حصولنددر .

ترديد صادقه مثال :

هرمن

بو توهم نه دن كليور نهك وار ؟

نسترن

براضطرابم وار كه دفى دشوار

ایچون دیلم که عالی بر اثر بداعت اولان رسمه نسبتله البسه
مفاظه لری اعلاناتنده کی تصاویر نه ایسه ، ادبیاته نسبتله صنایع
لفظیه دن عبارت اولرده الحق او . اوله بیلیر .

لواحق بلاغت - مجازات تبلیغیه

بر تائثر وحسی حامل اولان فکر و خیال ذهنده تقرر
ایتدکن صوکره ، کمیت و کیفیت معین بولونان او فکر
و خیالی طوغربدن طوغری به فصاحتک لساننه تودیع ایله
لزومی قدر سریع و تام اوله رق تبلیغ ایتمک ممکن اوله ماز ،
یا خود اوله ظن ایدیلرسه افکار و خیالاتک ترتیب و عرضنده
قوت تبلیغک نقصاتی تضمین ایده جک بر طاقم اطوار کوستریلیر که
بونلره « مجازات تبلیغیه » دیورز . مجازات اصلیه افکار و بالخاصه
خیالات تالیه نک شکل و ماهیتی تائثر اصلی دیمک اولان موضوعو-
عک تلخیصنه اک مساعد اوله حق صورتده تعدیل ایدر؛ مجازات
تبلیغیه ایسه افکار و خیالاتک ترتیب و عرضنه ، طوغربدن
طوغری به موضوعک دکل ، فقط او افکار و خیالاتک تلخیصنی
اتمام و تأمین ایده جک طورلر ویرر . بونلرده ایکی خیال
تبادل و تقابل ایتدیکی حالده مجاز نامی ویرلسی تمائل طریقیله درر .
تفکر و تخیله دکل ، آنجق تبلیغه خادم اولمالرینه کوره محاسن
بلاغت میاننده اعدادلری ده طوغری اوله ماز؛ اوسبیله « لواحق
بلاغت » عنوانی آلتنده ذکر ایدیورز .

حالبوکه دهها اول عجمک . حتی عربک انخطاطات ادبیہ
دورلرنده برسوری مشکلات تحریر الہ بوتون سرمایہ مسابقت
ومفخرت اتخاذ ابدیش ایدی . بوتون بوتون نقطہسز حرفلرله
قوجه قوجه منظومات ، حتی مؤلفات وجودہ کتیرمک ؛ بر
کلمہسی نقطہلی ، دیگر کلمہسی نقطہسز اثرلر یازمق ؛ بالناوبہ
بر حرفی نقطہلی دیگر حرفی نقطہسز کلمہلردن جملہلر ، بیتلر
تشکیل ایتک ؛ کاملاً نقطہلی حرفلردن مرکب کلمات ایلهسوز
سـویـلک ؛ براتردہ ، بوتون حروف منفصلہ ، یاخود بوتون
حروف متصلہیی حاوی کلمہلر استعمالنه چالیشمق ؛ برمنظومہ
ده مصراعلرک باشلارنده کی کلمہلرله یوقاریدن آشاغی دیگر
بر منظومہ ترتیب ایتک ؛ یاخود بر رسالہنک سطر باشلارنده
کی کلمہلرله دیگر بر موضوع اوزرینه ایراد مقال ایلک ؛ اوزون
بر منظومہنک ہر مصراعیلہ بر قاج دورلو تاریخ دوشورمک کبی
ہنرلر اظہاریلہ اوغراشیلمشدر . فقط بوتون بوکفتلر ادبیاتدن
زیادہ جانبازلفہ بکزرہ بر معرفت اولمقدن باشقہ برشی دکلدہر .
بوہنرلر قسماً تورک ادبیاتنہدہ انتقال ایتمشہدہ - غالباً
مشکلاتی سبیلہ - وقدر رواج یاب اولہمیہرق ، زمین مسابقہ
بی همان منحصرآ یوقاریدہ بحث ایتدیکمز ملاعب لفظیہ تشکیل
ایلمشدر .

تجدد ادبی دوری بو ساختمہ ہنر پردازنی اہمیتدن
اسقاط ایتدی . شمدی آرتق بونلرک ماہیت حقیقیہسی آکلا-
شیلمشدر . نتہ کیم آنفاً بحث ایدلدی . بو تفصیلی اجمال ایتک

معنای تأییدی ایله ده جمله تشکیلی قابل اولسه جناس معنوی
تخصیص ایدر . ایسته ایهام تناسبه نامقام بر جناس معنوی
دیکمیز .

ایهام تضاد ایسه معنای حقیقیلریله بربرینه ضد ویا مقابل
اولان کله لردن بریله جناس معنوی یاپه رق ایکی لفظی تأیید
ایده بیلیمکدر . بوضعت :

« کهنه جهانك حوادث واحوالی یکی دنیا کی بریردن محاکمه
ایده لم . »

عباره سنده اولدیفی کی ، بردن بره تضاد ظن ایدیه جک
قدر برنمایش ظریفانه یی ؛ یاخود

بابا طاغنده ده اولسه آنا کی آغلادیرم
کاظم پاشا

مصراعی درجه سنده ، برتحلفنی متضمن اولورسه شایان
مسامحه در .

بوملاعب لفظیه ایرانك انحطاط ابدی دورینه وارث اولان
ادبیات عثمانیه ده بدایتدن بری مظهر رواج اولمقله برابر نفی
کی ، ندیم کی خاصه شاعریته ممتاز اولان اکابر بونلره او قدر
رغبت ایتماشلردر . فقط حائر قیمت واهمیت عد ایدیلن بوصنایع
لفظیه بالخاصه شیخ غالب عصرندن سوگره باشلایان دور انحطاط
ادبیمزده معرفت یکانه ظن ایدیه جک قدر کسب اعتبار ایتمش
و آرتق شعرا و ادبامن بو وادیده عرض هنر مسابقه سنه
کیریشمشدر .

طلعت زیبای تفتیشی ، فلك !
 کیم دیدی بر ریزه لی بیر تلازه ویر ؟
 جامهٔ نعمت ایکن ، لایق میدر ،
 ریزه ریزه ، بز کی بیرت لازه ویر ؟

قطعه سنده کورلدیکی کی بر فکر مزاحه مستد ؛ ویاخود
 نفعتك .

بكا طاهر افندی كلب دیش
 التفاتی بوسوزده ظاهر در ؛
 مالکی مذهب بنم زیرا
 اعتقاد بـ كلب طاهر در .

هجویه سی کی هزله معطوف اولمالیدر که لزومی آ کلاشیله
 بیلسین .

بومبجسته ایراد اولونه بیله جك بر « ایهام تناسب » ، برده
 « ایهام تضاد » واردر . ایهام تناسب ، ناقص بر جناس معنوی
 دیمکدر .

هر كسك قسمتی یوقدن کلیر اما بیلمز ؛
 بری وار عالم من ایلسه سلوای عدم
 عاكف پاشا

بیتی کی که « من » کلمه سی عبارتده « امتنان » معنا سنه
 مستعمل اوله رق ، تشکیل عبارتده آنجق بومعنا ایله ممکن بولونمقله
 برابر معنای دیکری اولان « قدرت حلواسی » نكده - کرچه
 عبارتده محلی یوقسه ده - « سلوی » ایله مناسبتی واردر ؛ اگر

بوراده جناس اشتقاق کورولیور . شوسیدله که قابل ایله
مقبول براصلدن مأخوذ اولقله برابر آیری آیری اصللره راجع
کلهلر قدر متخالف المعنادر .

یوقسه ، مثلاً ناجی افدینک

نه صایارسک بکا مشاغلکی ؟
اولله شیرله اشتغال ایدهم .

یتیمده جناس اشتقاق بیله یوقدر .

کوکله داغ محبت غذا بوزندیسیدر
او آه وواه تعلق هوا بوزندیسیدر
نابی

بوکاده جناس قلب دیرلر .

بومثاللری جناس لفظینک تعیین انواعی ایچون ایراد ایتدک .
اساساً هیچ بریسی ظریفانه و بناء علیه موفق دکلدر . تجنیس
لفظی - تعلیم ادبیاتدهده اشارت ایدلیکی وجهله - هیچ
اولمازسه باقینک :

لطف ایدوب اول شه فرشته خصال
قوزیلر ایلش قولنه عطا ؛
دائماً قیل دعایی ای باقی
قوزیلرین باغیدشلا - ون مولا .

قطعه سنده اولدینی کبی براستعاره ایله حسن امتزاج ایده جک
قدر ظریفانه ، یاخود حشمتک

بوکا جناس تام بسیط دیرلر .

سودیکم باقی بونه مهلك یاره

یا قیشیری بونی آجق یاره ؟

صفا

بو، جناس تام مرکبدر .

دیدیلر اولدی برایکن ایکی شر ؛

حیقدیلر خارجه برر ایکیشر .

ناجی

بوکاده جناس مفروق دینیلیر .

ایدرسه قند ابك خاطر مذاقه خطور

دیار مصره دکل قندهاره دك کیدرز .

نائلی

بوراده عمومیتله جناس ناقص وارددر .

شهرک ایچنده شهرق آرتار جمالک

اوصاف ورد عارضی ورد زبان اولور .

بونک اسمی جناس محرفدر .

چکمه بیهوده زحمت ای مطرب

بوتغنی دکل تعنی در .

ناجی

بوکاده جناس خطی دیورلر .

بزده صورت ویرهلم کندیمزه قابل ایسه

کیدلم اهل صفا بزمنه مقبول اولم

عاصم

غداركہ لطافت بحث ایدرسہ لالہ طاغیدر ؛
لبكہ رنك و بودعوی ایدرسہ غنجه باغیدر .
عارف

بیتی ایسہ یالکز لطافتدن دكل معنادن بیله عاریدر .

جناس لفظی یه کلنجه ؛ بونك صنایع مجازی یه معاوتی نادر
و بونون قیمتی کندی نفسنه منحصر در که اوده شودر : غایت
خفیف ودها زیاده لاغ و مزاحه عائد بر سوز ایچنده کلفت
و کثرتدن بری اوله رق بولونورسه احساس ظرافت ایدر . عکسی
تقدیرده اوقدر بارد دوشر که بر سوزك تأثیر ادیبسی بر جناسله
محو اوله بیلیر . مزاح صددنده بیله جناس لفظینك کثرت
توالیسی طبعه نفرت و کلال کتیریر ؛ و یوقاریده ده سوزیلدی کمز
کبی ، بو لفظ او یونجا قلیله مألوف اولانلر نصل عقامت فکریه
و ادیبیه دوشرسه عمومیتله ادبیات ده ادوار انحطاطیه سنده
همان دائماً تجنیسه انهماك صورتیله تفسخ ایدر . چونکه بالخاصه
جناس لفظی سطحیت تصورك حد اسفلیدر .

جناس لفظی ادبیات شرقیه ده ، مع التاسف ، يك فضله
جای قبول بولمس ؛ برطاقم انواعه بیله آیرلمشدر . بعضیلرینی
برر مثال ایله کوستره لم :

غضنفر (غضوب)

بهرام ! یا کچن خطیثامی صای

یا خود ذات حشمت آیامی صای

عبدالحق حامد

مع مافیه جناس معنوی ایله جناس لفظی آراسنده استعماللری
اعتباریله فرق واردر :

جناس معنوی، باشلی باشنه حائز قیمت صاییله ماز. فقط توریه ،
ایهام ، مشاکله کبی عوامل ظرافتدن اولان صنایع مجازیه نك
ماده اصلیه سنی تشکیل واوزمان فکر وخیاله عائد بر مناسبت
تمثالیه حالی اکتساب ایدر . بوسببیه جناس لفظیدن چوق
یوکسکدر . مثلاً توریه ایچون ایراد ایتدیکمز مثالده کی « اینمک ،
چیقماق » فعللرنده ؛ « دیدم بدجه چیقماشدی آوازمز » مصراعنده ؛
ایهام ایچون کتیریلن مثاللرده کی « قیماق » فعلیله « قویوب قالدیرمه دن
ایکیده برده - قازان دوریلدی سوندردی اوجاغی » بیتنده ؛
مشاکله مثاللرنده کی « ویرمک » « چیقماق » فعللرنده هپ جناس
معنوی موجوددر . بونلره ایسه عادی برلفظ اویونجاغی دینیله مز .
فقط بویله اولیوبده کندی کندینه قالیرایسه درحال قیمتدن
دوشر . یوقاریده ایراد ایتدیکمز ایکی مثالدن برنجیسنده ،
جناس معنوی مصرعک کوزه لاکنه معاونت ایده مامکله برابر
عادتا غیر محسوس بر حالده بولوندیغی ایچون ساده جه لغودر ؛
فقط ایکنجیسنده شاعر ایرانی صائبک ، مطلقاً معناسی اعتباریله
نامی صوابدن مأخوذ اولمسندن طولایی ، تخصیصاً ذکر ییته
برکوزه لاک علاوه ایتماک شویله طورسون ، اوقویانلره ساده جه
مناسبتسزلك احساس ایدیور . تعلیم ادبیاتده بو صنعته مثال
اوله رق ایراد ایدیلن

شکلی اولان ایکنجی « ناله » لفظلری آراسنده کی مشابیهت
تصوت کی . تجنیسک الک بوسکک شکلی : ایکی معنالی برکله نیک
عینی جمله ده هر ایکی معناسیله ده اوزاقین ، یاقیندن برمناسبت
کوستره بیلیمسی صورتنده تعریف اولونور . بو نوع تجنیسی
دیگرندن تفریق ایچون بوکا موقعنه کوره « جناس معنوی ،
مغالطه معنویه ، استخدام » املری ویرلمشدر .

آجیل ای فصل دی سن کلستانلردن ، آجیلسون کل
ندیم

مصراعنده کی آجیلیمق فعلنک بری اوزاقلاشمق ، دیگری
انکشاف ایتک دیمک اولان ایکی معناسیله استعمالی کی . بوا یکی
نوع تجنیس آراسنده ماهیه " بویوک بر فرق یوقدر ؛ چونکه
حقیقت حالده ایکی معنالی برکله تصوتلری مشترک ایکی لفظ
دیمکدر . حتی بومثالده کورولدیکی کی لفظلر متکرر اولمایه رق
متحد بولونسه بیله ینه بر فرق اساسی حصوله کله من .

بخت اولما ییجه حسن طبیعت نه بی مفید
صائب ده اولسه خاق خطا - ن آزار بولور .
راغب پاشا

بیتنده کی « صائب » لفظنک حصوله کتیردیکی جناس معنوی
کی کی که ؛ حقیقت حالده صواب ماده سندن مأخوذ « صائب »
اسم فاعلیله عجم شاعر مشهورینه دلالت ایدن « صائب » اسم
خاصی آیری آیری ایکی کله در .

اولانر فصل فکری و خیال فقرینه مبتلا ایسه لر، ملاعب لفظیه بی
غایه اتخاذ ایتک درک سینه دوشن ادبیاتده انحطاط و تقسده
اوغرامش دیمکدر؛ بوتون عالمک تاریخ ادبیاتی بوکا دلیل
اوله رق اقامه اولونه بیلیر .

قیمت و ماهیتلری حقنده شواخطار ایله بر فکر صحیح حاصل
ایده بیله جکمز صنایع لفظیه قدما نك « بدیع » دیدکری فن
مخصوصده برچوق انواع و تقسیمات ایله تفصیل و اطناب ایدلمش
ایسه ده بزبونلرک هپسنی « تجنیس » دینیلن بر اصل اوزرنده
تدقیق ایده بیلیرز .

تجنیس

اساساً تجنیس معناری مختلف فقط یالکز تصویرلری متشابه
بولونان الفاظی بر جمله ده طویللامق دیمکسه ده بوتعریف ده
زیاده « جناس لفظی » یه توافق ایدر .

دوندی جسم ضعیف پر ناله
مویه دن مویه ، ناله دن ناله

سیفی

ییتنده « کریه شدید » معناسنه اولان « مویه » لفظیه قیل
معناسنی افاده ایدن « موی » کلمه فارسیه سنک تورکجه مفعول به
شکلنی کوسترن ایکنجی « مویه » و فریاد دیمک اولان « ناله »
ایله قلم چوپنی معناسنه کلن « نال » کلمه سنک ینه تورکجه مفعول به

قیمتسرزنشکنده مشترکدرلر ؛ فقط آلتونک جوهرنده موجود
اولان قیمت اصلیه دائماً محفوظ قالیر ، حالبوکه دیگر ی بوتون
بوتون قیمتدن ساقطدر . ایشه محاسن بلاغت دینلن مجازات
ایله سادهجه و سائط ظرافتدن معدود اولان صنایع ادبیه
آراسندهده قیمت اصلیهجه بویله برفرق واردر . معافیله
بونلردهده ذهن ؛ ایکی فکر ویا خیال آراسنده — دهاسطیحی
دها عارضی اولقله برابر هر حالده — برمناسبت تمائیل بولقله
محفوظ اولور .

دیگر بر طاقم صنایع ادبیهده واردرکه اونلرده فکر ویا
خیال ایله دکل ، انجق الفاظک اصواتیله اشتمال اولونور . بو
صنعتلرده ، بعضاً طوغرودن طوغرویه عوامل ظرافتدن ، اکثریا
او عواملک اجزای اصلیه — سندن اولمقدن باشقه برعلت وجود
اثبات اولونهماز . بویله ایکن ادبیات قدیمه مزده مع التأسف
بونلر یالکز باشنه بر محسنه ادبیه ، عادتاً بر مقصد عدایدلش ؛
ساحه ادب بر چوق بارد وجامد سوز کومه لریله طولدیرمشدر .
تلفیق افکار وخیالات دیمک اولان تصور ، مختلف فکر
وخیاللری لا اقل برعلاقه ایله یکدیگریینه باغلامقدن متشکلدر .
بوعلاقه لریلر قیمتی ایسه افکار وخیالاتده حائز اولدقلری نفوذک
درجه سیله متناسبدر .

حالبوکه ایکی فکر آراسنده کی روابط ملحوظه نک عمق ونفوذی
اک آز اولانی اوفکرلری تبلیغه خادم اولان الفاظک تصواتلرنده
بولنه بیان قرابتدر . تفکر وتصورده بودرجه سطحیتله مألوف

بعضاً مشاکله طرفیندن برینک فعلیه دیگر طرفک قولی
آراسنده واقع اوله بیلیر که اوزمان متکلم اولان یالکیز بر طرفدر.

سور و حریف

دلی اختیار ! دلی اختیار ! دمنجک بکا نصیحت ویرن سن
دکلیدک ؟ سکا کنج اولدکمی ؟ دیدمسه ، سکسان یاشندن سوکره
کنجک ایت دیدم یا !.. نصیحت ویروب طورورکن کوکل ویردمی
دیه جکسک ؟

عبدالحق حامد - دختر هندو

بورایه قدر تعداد ایتدی کمز وسائط ظرافت ایکی فکر
وخیال آراسنده برمناسبت تمثلیه بوله بیلیمک اساسنه مستند
و قیمت و اهمیتلری مخاطبلره ظریفانه برخط ادبی پیدا ایده بیلیمکه
قائمدر. یعنی بونلر کندی کندیلرینه دکل ، مقصود اصلی اولان
ظرافته خدمتلری طولایسیله و او نسبتله مرغوبدرلر . کرچه
تشبیه ، استعاره ، تضاد کبی مجازات مهمه ده ، داخل اولدقلری
اثر ادبیه تنویر و تقویه موضوعه خدمت ایده میهرک وضوح
دلالتده قاصر بولونورلر سه اوراده کی قیمت اضافیه لری
تناقصه اوغرایه رق صفره منجر اوله بیلیر ؛ حتی او اثر ادبی به
نسبتله صفردن اشاعی بر منفیت حصوی بیله ممکندر . فقط
ینه بونلردن هر برینک آریجه برکوزللکی ، آریجه بر قیمت
اصلیه سی اوله بیلیر . مثلاً بری آلتوندن ، دیکری نیسکلدن
اعمال اولونان ایکی شینک هر ایکسی ده بوتون بوتون صنعتدن
محروم ، غایت قبا برشکلده یاپیلیمش اولسه واقعا صنعت اعتباریله

ایهامده مقصود اولان معنای ایمید مکتوم حکمنده بولونمق،
بناءً علیه کتم ایچون بر سبب اولوق و بوسبب ده مخاطبیه جه حسن
ایملک لازمدیر . بوقسه مجرد نکته بردازلق ایچون یاسیلان
ایهاملر دیکلینلره یالکز کلال کتیریر . نائلی قدیمک

بردلی قانلو حرامیدر دیو عفو ایتدیلر ؛
آسمه دن قور تولدی اما چوق صیقلمشدر شراب .

یتتی کی .

« مشاکله »

یکدیگریله محاوره ایدن ایکی طرف آراسنده متکون بر
ایهامدر که بر طرفک معنای مجازی و یا حقیقده استعمال ایتدیکی
برکله یی ، طرف دیگرک معنای حقیقی و یا مجازیده قوللانه رق
باشقه بر فکره جواب ویرمسی دیمکدر . بو حالد مشاکله عینی
ذاتک تبلیغ ایتدیکی ایکی فکر و خیالده دکل ، ایکی کشینک
آری آری بیان ایلدیکی افکار و خیالات آراسنده تحقق ایدر .

مثال :

تزر

ینه می قائمورسکن سوزومه
نه ایچون باقیورسکن یوزومه
بنی هرکه او قشاسهک نه چیقار ؟

ملک

سن چیقار سک ...

عبدالحق حامد - تزر

دیتیدینکی، ایکیدم بر چوربا قازاتی اوموتدمن سوریه املار
عصیان ایتلرینه « قزان قالدیرمق » نامی ایتلرینه سالت
لازم کلیر . بونی یلمه یئرلر ایچون توریه نت نامیری یوقدر .

فقط عبدالحق حامد بک « ماجرای عشق » عنوانلی بر
تیا تروسنده کی محاوره آتیده « قیقمق » و « یره کچمک » کلمه لرینک
معانی مختلفه سنه استناد ایدن ، ایهاملری ادراک معنایه مقتدر
اولانلر ، در حال تقدیر یدم بیلیرلر .

شیرین

نکاح قبیله جق او یله می !

دلارا سلطان

اوت قبیله جق . مطلقا قبیله جق . قرار ویرلدی بیتدی . اکلادمکمی ؟

شیرین

ثاقبه سلطانهمی ؟ کیمه قیغه قرار ویردیلر ؟

دلارا سلطان

نکاح نکاح اکلایورمیسک ؟ بردها سویلم قبیله جق .

زلیخا بکم

او یله ایسه ثاقبه سلطانده کوردیکمز حال نه در ؟ نکاح لاقیردیمی

اولونجه نه دن او یله عجائب حاله کلدی ده کیتدی ؟

دلارا سلطان

آدام او ، اوتاندی ده کیتدی . دقت ایتیمورمیسکز ؟ بو کونلرده

سوینج دلیسی اولمش ؟ نه یاپدیغنی بیلیمور .

شیرین

اوت ، اوت ! اوتاندی ده کیدی . هم او قدر اوتاندی که ظن ایدرم

بو کیدیشه یره کچه جک !

ایهام

علی الاطلاق حقیقی و یا مجازی ایکی معنایه مختل اولان کلمه لرله بر برندن بعید ایکی فکر و یا خیالی دفعهٔ تبلیغ ایتمه «ایهام» دیر لر . بو تعریف ایله آ کلاشیلور که ظاهراً تبلیغ اولونان معنا ایله ایهام ایدیلن فکر و خیال آراسنده الفاظ تبلیغیه نك اشتراکندن بشقه هیچ بر علاقهٔ تمائل یوقدر . بو اعتبار ایله ایهام توریه به بکزر سه ده توریه ده معنای تلمیح بولونمق لازمدر . یعنی نصلکه تلمیح ایدیلن شی اساساً مخاطب لرك مجهولی اولونجه تلمیحك ادراکی قابل اوله مازسه توریه ده ده معنای بعید معلوم و معین برشی و یا بر حادثیه تعلق ایتك اقتضا ایدر ؛ ا کر اوشی و یا حادثه مخاطب لرجه مجهول ایسه توریه بی تأثیر قالیر . حالبو که ایهامده معنای بعیده وصول ایچون معلومات ابتدئیه احتیاج یوقدر .

مثلاً : عزت ملانك ؛

تجمع ایلدی میدان لجه
ایدوب کفران نعمت نیجه باغی
قویوب قالدیرمه دن ایکیده برده
قزان دوریلدی سوندوردی اوجاغی

قطعه سنده بر توریه واردر . چونکه معنای بعیده وصول ایچون یک یچر لرك مرکز تشکیلاتنه اوجاق، کندی لرینه اوجاقلی

« اون اوچنچى لوئىنك وكلاسندن قاردينال ريشليو بر كون لوور
سراينده مرد يوندن چيقاركن دوق ده پرونه قارشى كليرده » نه واره
نه يوق » سؤالى ايراد ايدر . بريكيده » هيچ نه اوله جق ؟ ... سز
چيقبورسكز بنده اينورم » ديهرك قرال نرذنده ريشليونك ازدياد
مقبولكنه وكندينك نزل قدرينه ظريفانه تلميح ايدر »

تعليم ادبيات

ايشته بوراده تلميحك طرفيندن مذكور اولانى مرد يوندن
اينوب چيقمق حركت عادييه سي ، اخطار ايديلنى نزل وترفع
قدردر . آرالرنده كي مناسبت ايسه برى مادي ، ديكرى مغزوى
اولان هرايكي حركت ايجونده عيني افعالك امكان استعمالندن
عبارتدر كه طرفينك اوصاف ذاتيه سندن خارج وعارضيدر .
حالبو كه يوقا ريده تلميح ايجون ايراد ايتديكمز » تمثال جهالت »
عنوانلى شعرى اوقويانلرك ذهننده تحصل ايدن خيال
ايلاه كنديسنه تلميح اولونان شخص آراسنده كي مماثلت تماميله
طرفينك اوصاف ذاتيه سنه عائددر .

كشانه نفى اولونان عزت منلانك شاعرلكنى خبر آلهرق
كنديسنه بر آرز ساز چالمسنى رجا ايدنلره ويرديكى

ديدم بدجه چيقم شدى آوازمى
ستانبولده ترك ايلدك سازمى

جوانى ده ظريفانه برتوريه مثاليدر .

صدور ایتمزسه ساده جه کولونج اولور . بناءً علیه طبعاً ظریف
اولیانلر اظهار ظرافتدن توقی ایدرلرسه حقلیدرلر .
ماهیت ظرافت حقنده شو اجمالی کافی کوره رک عواملنه
نقل بحث ایدر جکر . فقط عوامل ظرافتک یوقاریده تفریق
ایتدیکمز نوع اولی آنفاً کفایت درجه سنده ایضاح اولونمش
ایدی ؛ بناءً علیه اباحت آتیهدده نوع ثانی به داخل و قیمت و اهمیت
اظهار ظرافته خدمتدن عبارت اولان صنایع ادبیه به حصر
مقال اولونه جقدر .

توریه

توریه اویره برتلیحدرکه اونده ، بری ذکر ایله دیکری
اخص : لونان ایکی فکر و خیالک آراسنده کی علاقه تامل اساساً
کندیلرینه عائد و وصف مشترک دکل ، مثلاً عینی زمانده ایکی
مختلف مدلولی بردن تبلیغ ایدر بیلن الفاظ کی ، عوارض
خارجیه به عائددر دیمشک . بونی تلمیحدن تفریق ایدیشمزک
سببی شودرکه : علاقه تامل بودرجه بعید و عارضی بر مناسبت
حائنده اولمادقجه تلمیحی ظرافت مدلولنه ادخال ایتمه امکان
یوقدر . کتب قدیمه ادبیه ده ایسه توریه ایهامک عطف تفسیریسی
کی استعمال ایداشدر . انجق توریه تماماً ایهام دیمک ده دکلدر .
بلکه ایهام ایله تلمیحدک امتزاجندن حاصل اولور بر طرز
تصوردرکه قیمتی ظرافتله قائمدر . مثلاً

خلاف انتظار، فقط يك مناسب بر جله ويا بر گله ايله مخاطبي الزام ايده بيلمك ده بر شكل ظرافتدر . مثلاً امرای عربدن بری خصومت ايتديكي بر ذاتی نزدینه دعوتله ظلماً تسميم ايدر . شخص مسموم بی خبر اوله رق حضور اميردن چيچه جفی صروده « کيديورميسك ؟ بابامه ده سلام سويله ! » خطابنه دوجار اولور . تسميم ايدلديکني در حال آکلایان ظريف « جهنمه اوغرامق نيتنده دکم » جمله سيله مقابله ايدر . بوسوزده کی اثر ظرافت آشکاردر .

شونی ده سويله لم که ظرافت حس ضحك ايله مترادف دکلدر . یعنی موجب ضحك اولان هر شی ظريف اولمادینی کبی ظرافت ده دائماً ضحکی استلزام ایتمز . کرچه هم ظريف ، هم خنده بخش سوزلر بولنه بیلیر ؛ مثلاً نصرالدین خواجه لطائفك بر چوغی کبی . فقط بعض آثار ظرافت ده واردر که انسانی خنده ناك ایتمز ؛ شدید و ماهرانه بر تعریض ايله ، دوشونمکه مجبور ايدر . مثلاً کندیسنه قرق سکز ساعته قدر حدود خارجه چیقمنی امر ایدن پروسیا قرالی ایکنجی فره دریقه وولترک یوقاریده نقل ایتدی کمز فقره جوابیه سی کبی .

شو قدر که اساساً باعث حظ اولان ظرافتک ، بوتون خوش شیلر کبی ، مخاطب لری میال تبسم ایتمی بك طبیعیدر . آنجق تبسم ايله ضحك آراسنده او قدر اساسلی بر فرق فی واردر که بری دیگريله اصلاً قاریشدیر یله ماز .

تعلمدن زیاده استعدادده محتاج اولان ظرافت طبیعی اوله رق

منتج موفقیت اولش بر مشغولیت لطیفه درکه ، دائماً موجب
حظ اولور . ایکنجیسی برشیشی کافه تفصیلاتیه آچیقدن آجیغه
تشریح ایتک یرینه مخاطبیری کندی کندیلرینه دوشونمکه سوق
ایده جک صورتده سویلکدرکه بوده مولد محظوظیتدر .

چونکه هرکسک کندینه مخصوص بر استعداد تفکر و تخیلی
واردر . اکر بر تصویر و تعریف بوتون تفرعات و تفصیلاتی
شامل اولورسه مخاطبک ذهنی فعالیت طبعیه سنی اوکا توفیق
ایتمک ایچون بر زحمت زائده قاتلانمق مجبوریتنده قالیر ؛ بوزحمت
ایسه حظ ادبی بی تنقیص ایدر . فقط القای اولونمق ایستیلن
فکر و خیالک آتام تلقیسی ذهن مخاطبه تودیع ایدیلرسه کندیسک
طبیعت مخصوصه سنه اک ملایم بر فعالیتله مستعد اولدینی شکل
تلقیه بلا زحمت واصل اولورکه بونک محصولی مطلقاً حظ ادبی
حسیدر . معلومدرکه کوزل برشیشک بوتون اقسامندن زیاده یالکزر
اک کوزل جهتنک تماشاسی ده مؤثردر ؛ چونکه بوصورتله
هرکس غیر مرئی اولان اقسامی کندی غایه خیالیه سنه کوره
ذهناً اکمال ایدر ؛ حاصل اولان خیال ایسه او ذهن ایچون
همه حال حقیقتک فوقده بولونور .

بونظریه یالکزر حس و خیاله تعلق ایدن آثار ادبیه ده دکل ،
اقتناعیاتده جاریدر . مخاطبی اک زیاده اقتناع ایده جک نتیجه
بر سلسله قیاساتک محصول مجبوریسندن زیاده تهیسه اولونان
مقدماته کوره ذهن مخاطبک کویا کندی کندینه اتخاذ ایتدیکی
قراردر .

کیمدر بزى منع ايله جك باغ چناندن ؟
موروث پدردر کیره رز خانه بزمدور .

نابی

ای زلف خم بخم دوکولوب سینهم اوستنه
زنخیر پای عمر شتابانم اول بزم .

ندیم

یتلری ظرافته مثال اوله رق ایراد ایدیله بیلیر .

ظرافتک ایکنجی شکلی ده ، سوزک معنای ظاهر یسندن زیاده
معانی بی مشتمل بولونماسیدر . بومعنالر مستعد تلقی اولان قارئین
وسامعین طرفندن درحال کشف ایدیله بیله جک قدر شفاف بر
ستره آلتنده بولونمالیدر . مثلاً ماکنه لی بیکلر اعمالنده حائر
مهارت اولان ، فقط اطوار و اوضاعی خشک و مقسّی بولونان
بر فابریقه تور ایچون بر ظریف : « بحث ایدرم که بوافندی بالذات
کندی معمولاتندندر » دیمش . ایشته بوسوز ظریفانه در ؛
چونکه بوندن شو معنا قولایلقله منفه مدر : « فابریقه تورک
اعمال ایتدیکی بیکلر نصل بیروح اوله رق حرکات معینه مطرده
اجرا ایدیورسه ، کنیدیسه بالذات طبقی اودورلو حرکات
اظهار ایدیور ؛ بناء علیه ماکنه لی بیک کبی بر متحرک غیر
ذیروحدر . بوجانسز مخلوقاتک حرکات قسریه سی طبعه نصل
ملال کتیریرسه ، بوافندی ده قارشیننده کیره اوقدر قسوت
ویرور . »

ظرافتک بوشکلنده کی تأثیر ، بستیقولوژی به طائد ایکی سیددن
متولددر . برنجیسی معانی خفیه نک ادراک سهیلی ذهن ایچون ،

عوامل ظرافتک ایکی نوعی آراسنده کی شوقرق آکلا-
دقدن صوکره تعریفک ماهیت ظرافته عائد اولان جهته عطف
نظر ایدم : یوقاریکی تعریفدن استنباط ایدیلیور که ظرافتک ،
ماهیه ، ایکی شکلی واردر :

برنجی شکلی بربریه علاقه دار کورومین ایکی شی آراسنده
اکثریا غیر حقیقی ، دائما بعید و عارضی بر مناسبت بولمقدر که
ذهن ایچون غیر مترقب اولان بوکشف دفعه مستلزم حظ
اولور ؛ حتی مناسبت نه قدر بعید ومع مافیه قابل تلقی ایسه
محظوظیت ده اولمستبد قوتلیدر . اک بویوک قیمتی ، بولونان
مناسبتک فروق رقیقه عائد اولماسیدر که بوکا « اینجهک »
دیرلر . برفکر ظریفانه نه قدر اینجه اولورسه او قدر خوشه
کیدر .

فقط اظهار ظرافت مقصدیه مصروف اولان بر سوزی
تلقی ایتمکده سامع مستعدک ذهنی صعوبته دوچار اولورسه آرتق
نه ظرافت قالیر ؛ نه اینجهک . بوراده تلقیدن مقصد سوزک
علی الاطلاق ادراک معناسی دکل کوسترملک ایستیلن مناسبت
بعیده نک احاطه سیدر . مثلا بربریه برلشه میه جک قدر بعید اولان
اشیا آراسنده بر طاقم زورا کی مناسبتلر ایجاد اولونورسه آنجق
ظرافتک معکوسی اظهار ایدلمش اولور . سنبلزاده وهینک

دامن کوه قناعتده می بیتمش بیلم
برپیاز ایله کچندی یجه ییلمر سنبل .

بیتی کبی . حالبوکه

دقت ایدیلنجه کورولیورکه وولتر ظرافتی - برطرفدن
 عواملی، برطرفدن ماهیته عاند اوصافی برلشدیرمک صورتیه -
 تعریف ایتشدیر. اولاً عوامل ظرافتی تدقیق ایدرسه کاکلارزکه
 بونلر ایکی نوعه قابل تفریقدر: استعاره، تشبیه، تلمیح، تضاد،
 کنایه و حسن تملیل کی محاسن بلاغته برابر؛ برآزاشاغیده بحث
 ایده جکمز مجازات تبلیغیه عوامل ظرافتک برنوعی؛ تعریفده
 « برمعنای مغنیده یازلمش کی کورینن برکله ایله ذهنی دیگر بر
 معنایه سوق ایتک، ایکی فکر آراسنده برمناسبت رقیقه بولمق »
 عباره سیله کوستریلن صنایع ادبیه ده دیگر نوعی تشکیل ایدر .
 بویکی نوع آراسنده کی فرقه کلنجه؛ محاسن بلاغته مجازات
 تبلیغیه مطلقاً ظرافت ایچون مصروف دکادر؛ مخاطبلرده حسیات
 سائره پیدا ایتک مقصدینه ده خادم اوله بیلیر . غایه سی اذهانده
 عارضی برحظ، خفیف برنشئه حاصل ایتمکدن عبارت اولان
 ظرافتی قولای قولای خاطره کلیه جک برتشیه ایله، بر تضاد
 ایله، بر تلمیح ایله، برکنایه ایله اظهار ایتک واقعا پک ممکندر؛
 فقط بو محاسن بلاغته مثلاً انسانی عجز و حیرته دوشیرن حسیات
 علویت ده تبلیغ اولونه بیلیر .

دفعه معین برمعناده استعمال ایدلمش کی کورینن برکله ایله
 اذهان غیرده معنای دیگر تولید ایتک، ایکی فکر بعید آراسنده
 شویله جه خفیف، کچیجی برمناسبت بولیورمک ایسه یالکز
 ظرافته خادمدر . بونلرله حسیات سائره یی تبلیغیه امکان
 بولونه ماز .

من اول وزیر کرمکستر و سخندانسک
که عقل کل آجه من سخن مجلسکده دهن .
عارف

معلومدر که سوز سویلک ایچون اولا آغز آچق لازمدر .
بولزومی ذکر ایله ملزومی قصده کی شدت شونکله ثابتدر که
یتک معنای محصلی « سوز سویلک شویله طورسون ، اونک
لازم اولی اولان آغز آچغه بیله جسارت ایده من » دیمکدر .

ظرافت

ظرافت دینلن خاصه ادبیه نك اك مكمل تعریفی اك بیولك
متخصصی اولان وولتره براقلم . او حکیم ظریف دییورکه :
« ظرافت بعضاً یکی بر تشبیهده ، بعضاً اینجه بر تلمیحده ، بعضاً
غریب بر استعارهده مندجدر ؛ کاهی بر معنای معینده یازلمش کبی
کورینن بر کله ایله ذهنی دیگر بر معنایه سوق ایتک ، کاهی اساساً
عادی اولیان ایکی فکر آراسنده بر مناسبت رقیقه بولمقده
ظرافتدر ؛ برشیده دفة ظاهر اولیان ، فقط حقیقه موجود
بولونان بر حالک تحریری ظرافته توقف ایدر . ظرافت ایکی شی
متباعدی برلشدیرمک ؛ یاخود بالعکس متصل کورینن ایکی
شیئی یا تفریق ایتک ، ویا آرازانده بر تضاد بولوب کوسترمک ؛
بوندن باشقه دوشوندیکنک انجق یاریسنی سویلک صورتیله
هپسنی کشف ایتدیرمک صنعتیدر ،

« قادینلق » کله سندن ، بوتون قادینلرده بالطبع موجود و غیر منفک اولان اوصافک محصله مجموعی دنيله بيله جک بر معنا منفهمدر که بودرجه شامل برخاصه تمیزه باشقه بر کله ايله تفهیم ایديله مز .

(۳) سببیت ، مسببیت علاقه سیدر که سببی ذکر ایدرک مسببی ، یا خود مسببی بیان ايله سببی اراده ایلکدر . بونکده شق اولی عینيله ذکر محل اراده حال افاده مجازیه سنده کی علت تأثیری حائر در .

بوتون مهاجه احتیاجه قارشی سپر
یکانه ماحصل عمری ، بش غرو شلق یوک .

بیتمده کی « بش غرو شلق یوک » تعبیری کی که بوندن مقصد بش غرو شلق سرمایه نک نمای تجاریسی دیمکدر . شق نایسی ده ، تأثیر اعتباريله ، ذکر حال اراده محله بکزر .

باش آجوب دیدی که رحمت کلپور
سلیمان پاشا

مصر اعنده کی « رحمت » کله سی کی ، که کلن شی حقیقتده رحمت دکل ، سبب رحمت اولان یا غموردر .

(۴) یالکزر لازمی ذکر ايله ملزومی قصد ایتمکدر . بونده ده قوت تأثیر اکثر یا معنای مبالغه ايله تأید ایدر . مثال :

عائد شقینک اولکیسی ، یعنی « ذکر محل اراده حال » صورتی
حقیقی بر تأثیر مجازی حاویدر ؛ شو شرط ایله که اکثریا بر فکر
مجرد اولان حال ، تعیین محل ایله غیر مجرد صورتنه افراغ ایدلش
اوله .

هانی بنده اول ال ، هانی او یورک ؟
عبدالحق حامد

مصر اعنده کی « ال » و « یورک » کلمه لریله مهارت و شجاعت
حالی رینه تعیین محل ایدلمسی کبی که « هانی بنده او مهارت » هانی
او شجاعت » افاده عادی سه نسبتله مصر اعک تفوق تأثیری قولای
اکلا شیلیر .

ایکنجی شق ایسه بوتون بر نوعی و یا جنسی ؛ فقط خاصه
میزه سی اولان بر حال ، بر فکر مجردله تعیین ایتمکدر که
بوننده مخاطب لریک ذهنی طوغریدن طوغری یه او خاصه میزه یه
ارجاع صورتیله تأثیر تزئید ایدلش اولور .

ای طفل خیالی ! یدله و کده قادینلق
بیك شکله کیرر ، خیر پالانیر ، عاجز و مغلوب
کویا براویونجاق

توفیق فکرت

قطعه سنده کی « قادینلق » کلمه سنک افاده ایتدیکی معنا
کبی که جنس نسانک خاصه میزه سی اولان بر حال مجرد دیمکدر .
بونک یرینه « قادینلر » دیسه ک قوت تأثیر ناقص اولور ؛ زیرا

اك دهشتلى عضو افتراسى اولان چكەسى على الاطلاق آرسلان
خیالندن دها قطعی ، دها صریح ، دها قورقونج اوله رق
تخیلمزى اشغال ایدیور .

« یوللر بربری اردنجه آقوب کلکده اولان یاشمق غلبه لکندن
کپوکلر ایچنده قالش برسیل خروشانی آندیرمغه باشلادی »
کال

مثالنده « یاشمق غلبه لکی » تعبیر مجازیسی یرینه « قالدین
غلبه لکی » افاده حقیقیه سنی وضع ایدنجه وضوح دلالت نه قدر
تناقص ایدر !

فقط « ذکر کل اراده جزء » ده بوقدرت بلاغت یوقدر ؛
یا لکنز فکره ضمنی بر معنای مبالغه علاوه ایدر .
بونوع مجاز مرسلک مصادف نظر من اولان اک کوزل
مثالی کاظم باشانک :

یچاره لهک شیمدی علیهنده . لهنده
خلقک نیجه سوزلر اولونور کوش ، فندن ؛
اک طوغروسی اما بوکه قن طاملبور الحق
روسک قلیجی ، اوروپالینک قلمندن .

قطعه سیدر که خلقدن مقصد سیاسیاته مشغول اولانلر ،
روسدن منظم اولان معنا روسیه عسکری ، اوروپالی کلمه سنک
مفهومی ده اوروپا سیاسیونیدر .

(۲) حالت و محلیت علاقه سیدر که بر محل تعیینیه برحالی
قصد ایلک ، یاخود « ذکر مال ایله محل اراده ، ایتمکدر . بواصله

مجاز مرسل

علاقه تماثلدن باشقه برمناسبتله برفکر ویاخیالی دیگر برفکر وخیالکیرینه اقامه ایتمکله «مجاز مرسل» یاپیش اولور. مادام که مجاز مرسلده علاقۀ تماثل یوقدر فقط علائق سائرہ بولونمق لازم کلیر؛ بونلرک تعیین و تحدیدی ضروریدر. مدونات عتیقۀ ادبیہده مجاز مرسل علاقہلری پک زیاده تکثیر وتوسیع ایدلمشسده قوت معنایه تأثیر ایده بیلن علاقہلری درت اصلده طویلامق قابلدیر:

(۱) جزئیّت و کلیت علاقہسیدر که برشیک یالکز برجزئی ذکر ایله کلّی، یاخود برکلدن بحث ایله یالکز برجزئی قصد ایتمکدر. برنجی اصلک بوایکی شقندن «ذکر جزء ارادۀ کل» صورتی برمجاز مؤثردر؛ شو شرط ایله که اظهار اولونان جزء، موضوع بحث اولان کلک وصف اساسیسنه تعلق ایدن قسمی اوله. چونکه اوحالده مخاطبک ذهن ونظری طوغرودن طوغرویه وصف اساسی به انعطاف ایدرک سوزده بویوک بر وضوح دلالت حصوله کلیر. مثلاً آرسلانک هجومی اوکنده حیوانات سائرہ عارض اولان بهت خائفانه یی اکلاتمق ایچون «اومدهش چکه قارشیسندن حیوانات سائرہ مفلوج اولور» دیسه ک فکر مزی «آرسلانک قارشیسندن حیوانات سائرہ مفلوج اولور» طرزنده کی افادۀ حقیقیه دن دها مؤثر بروضوح دلالتله تبلیغ ایتمش اولورز. چونکه مجاز مرسل صورتنده آرسلانک

بیتی ادات تشبیهی حاوی اولما مقله برابر استعاره مکنیه نك
تفصیاتی ، بر تشخیصی محتوی بولون دینی جهتله بلا شبهه نوع اوله
داخلدر . حالبوکه ؛

« مکر بز او قارا کلغک ایچنده ایکن اوستمزی غایت نورانی
برمهتاب احاطه ایدرمش . کویا کینک دیره کی دوقوندی ده بولو طک
بر طرفنی بارالادی ؛ مهتاب اولانجه رونقیله ، سلطنتیله کورونمکه
باشلادی »

کمال

عباره سنده « کویا » اداتنک وجودینه رغماً حسن تعلیل
نوع ثانیدندر . وقیله قهوه شربی شدتله ممنوع ایکن قهوه
قاوورمقله مشغول برتیا کی کن دیسنی جرم مشهود حائنده یاقه لایان
ضابطه مأمورینک « نه یاقورسک ؟ » سؤالنه ، بر از زیاده قاوورولمش
اولان قهوه یی کوسترە رک ، « وجودینی دنیادن قالدیرمق ایچون
یاقیورم » جوابی ویرمش . ایشته بوجوابی ده نوع ثانی یه عائد
ظریفانه یر حسن تعلیلدر .



ایدوب استفاده برشب فلکک لطافتندن
 او مپی قولده طوتم قره رقابتندن ؛
 کوزومک اوکنده طوردی ایکی ماه قارشی قارشی
 بری آتدی بجره کنندین اوتانوب کثافتندن .
 کمال

برزباندر شرح غم تقریرینه هربرک کل ؛
 ایلز یهوده ، کل کوردکده ، افغان هندلیب .
 فضولی

کورولیورکه استعاره مکینه ایله تعادل ایدن نوع اولده
 تشبیه مفصل کی « مکر ، کویا ، صانکه » ادات تشبیهلریزک
 استعمالنه دهازیاده محل واردر . مدونات عتیقه ادبیهده حسن
 تعلیل ایله استعاره مکینه آراسنده کی قرابت خیالیه تعیین
 اولنمامشدهده ادات تشبیه بولونان حسن تعلیللر تفریق اولونه رق
 « شبه حسن تعلیل » توسیم ایدلمشدر . حالبوکه بز حسن تعلیلک
 ایکی نوعی آراسنده کی فرقی ادات تشبیهک وجود ویاعدمیه تعیین
 ایتیمورز . بو طرز تخیلی اظهار ایدن افاده مجازی بر استعاره
 مکینهک تفصیلی متضمن ایسه اونی نوع اوله ادخال ایدرز ؛
 بویله اولیوبده یالکز غیر حقیقی بر تعلیل موجود ایسه
 بونیده عوامل ظرافت جمله سنه الحاق ایلرز . یوایکی نوع آراسنده
 اوقدر اساسلی بر فرق تصور موجوددرکه نوع اوله دیکر براسم
 ویرمک ، ظنمزجه ،دها مناسب اولور . مثلاً :

دیده مک کوردکده زور جوشش طغیانی
 طوتدی کوهاک جوایلر فریاد ایدوب دامانی
 ندیم

بيك اوج يوز التى ... اوت بوندن آلتى بيل اول
شوقعه كچدى ؛ بوكون خاطرمدە در ، او كوزل ،
اوماوى كوزلرك اشك حزين ومعضومى .

كونش پناه ايدرك برسحاب مغمومى
كسيك كسيك دو كولوب هر طرفده بر رفت
كولومسه مكده ايدى ... صانكه آسمانده اوكون
قيزك اوحالى ايچون كائناته هپ كوسكون ،
فقط اوييكسه ممنون كورونمك ايسته يهرك
هم آغلامق يوزى اظهار ايدردى ، هم كولك .
توفيق فسكرت

« شيمدى صوباده اودونلرك آلاولرى ياواش ياواش سونيور ،
كوييا بوكوشه يى ظلمتلك تمامآ آغوش محرميتنده ياب . يالكز براقق
هوسيله محترزانه چكيديور ايدى »

خاله ضيا - عشق ممنوع

مكر آلفيش صداسن آكديردمش چاغليان صولر ؛
ايدرلرشم دعاسن پادشاه معدلتكارك .

ندیم

حسن تعليلك نوع ديكرى بر شينه ويا حادثه يه ، هر حالده
لطيف و ظريف اولمق اوزره ، بر علت غير حقيقه يى - طبق
بر سبب صحيح تعيين ايدر كې - اسناد ايتمكدركه بو اعتبار ايله
براز اشاعيده بحث ايدم جكمز ظرافتك بر نوع تظاهريدر . مثال :

« نظر ماضيه معطوف اولمق لازم كلسه يدى ؛ صانع حكيم آت
باصره يى آرقه ده ياراديردى »

كمال

عالی دلائلنددر ، فقره سی استهزای مزیفانه بی حاوی ظریفانه
بر کنایه مثالیدر .

اوزونجه بر مدت سزی ترك ایدن صمیمی بردوستکزه
سرزنش ایچون « نه قدر وفا کار ایمشسك » دیدیککز زمان
انکسار قابکزی کنایه ایله تبلیغ ایمش اولورسکزر [۱] .

حسن تعلیل

برشی ویا حادثه بی حقیقی اولیان برعلته - آرالرنده مناسبت
تمائلیه بوله رق - اسناد ایتمه « حسن تعلیل » دیرلر . بواعتبار ایله
حسن تعلیل علاقه تمائله مستند اولان مجازات ادبیه دن معدوددر .
حسن تعلیل عنوانی آلتیه طویلانان لطائف خیالیه نك بربرندن
يك فرقلی ایکی نوعی وارددر : برنجی نوعی استعاره مکینه نك
بر شکل مفصلی صورتنده بولونور که بوحالده ، استعاره مصرحیه
نسبه تشبیه مفصل نه ایسه ، استعاره مکینه یه نسبتله حسن تعلیل ده
اودر . مثال :

[۱] کتب عتیقه ادبیه ده کنایه « لفظك معنای حقیقیسنك لوازمندن
برخی مراد ایدوب فقط معنای حقیقینك اراده سی دخی جائز اولغه دیرلر »
صورتنده تعریف ایدلمش ؛ « فلان ادمك قابوسی آچقدردر . » سوزیله
سخاوتنك قصد ایدلمسی ده مثال اوله رق کوسترلشدردر . « کوزی آچیق »
« قولاغی دلیك » « دارالشفای کبی افادات مجازیه بی کنایه عد ایدنلرده
وارددر . فقط تورکجه ده کنایه دیدیکمز طرز تفکرله او تعریفك مناسبتی
اولمادینی کبی ایراد ایدیلن مثاللرده مجاز مهسل انواعنددر .

نسبتله استعاره نه ایسه ، تضاده نسبتله کنایه ده اودر ؛ آنی
ونا کهانی بر تاثیر شدید اجرا ایدن بویوک بر قوت متکاثفه بی
حائر در مثال :

بو نیم تخته چیق دینم سنه بی
آندیرر بر صدا ! صدای ظفر !
تزر - عبدالحق حامد

اسکندر
سومرو ! نه جهنمی نظارت
اشبر
معذور اوله ایتدیکی جسارت ،
معشوق ایچون سلامه طورمش !
اشبر - عبدالحق حامد

کنایه دائما تعریضه خادم - معنای اصطلاحیسیله - تعریض
ایسه سرزنش ، استهزا ، تزییف ، تحقیر صورتلرنده ظاهر در .
سرزنشله استهزا و تزییف خفیف حالنده بولنان تعریض انواع
ظرافتدندر . استهزای غلیظ ایله تزییف و تحقیر ایسه حرص
ویأسک اک شدتلی بحرانلرینه واسطه تبلیغ اوله بیلیر . ایراد
ایتدیکمز مثاللردن اولکیسنده تزییف نفس ، ایکنجیسنده
استهزای غلیظ واردر .

وولترک ، کندیسنه قرق سکز ساعتده پروسیا حدودندن
خارجه چیقمسنی امرایدن ایکنجی فره در یقه یازدینی جوابده کی
« قلمرو حکمرانیلرینک هر هانکی بر نقطه سندن خارجه چیقه
بیلیمک ایچون سکز اون ساعت کافی ایکن بنده لرینه قرق سکز ساعت
مهلت تعیین بویورلمش اولماسی سماحت طبع حشمتانه لرینک اک

لكن نه به محو ابتدی اول کنجی فلك بيلم ؟
 اول کنجی که ایتشدی هر یولده خدا مکرم !
 احبابی طوتار صاندم بر قاچ کیجه جک ماتم ؛
 با قدم که کیدن کیتمش ، دنیاده کیلر خرم !
 « عالم ینه اول عالم ، دوران ینه اول دوران »

اول ذاته تحسرله صاندم که : زمان آغلار ؛
 اومدم که یوزی صبحک بررنک حزین باغلار .
 کوردم که کونش طوغمش ، پر خنده بوتون طاغلر ؛
 بلبلار اوتر شادان ، پر نشئه صولر چاغلار !
 « عالم ینه اول عالم ، دوران ینه اول دوران »
 اکرم

کنایه

بر فکری طوغریدن طوغری به سویلک یرینه ، خلافتی
 افاده ایدم جک یولده تبلیغ ایتمه کنایه در لر . بوضورتله اصل
 مقصود به اولان فکر ، معنای مخالفله بر لکده تلقی ایدیلرک
 ذهنده بر نوع تضاد حصوله کلیر . معلومدر که تضادک شدت
 معنایه معاوتی هر شیئک ضدیله یان یانه کلدیکی زمان دها مؤثر
 اولماسندن انبعاث ایدیور . کنایه ده ایسه ، طرفین متضادیندن
 یالکز بری ذکر ایدیلرک دیکری ضمناً ا کلاشیلدیغندن تضاد
 قاره وسامعک ذهنده کنیدیلکندن پیدا اولیورر ؛ یعنی کنایه
 اولیله بر تضاددر که متکلم اونی سویلر ، یالکز دوشوندیرر ؛
 بناء علیه طوغرودن طوغروی به ذهن مخاطبده طوغار . تشبیه

اصلیدن تحصیل ایدن تأثرک ، سیاه بر زمین اوستنه موضوع
بیاض درّی قدر ، کسب انجلا ایده جگنی تسلیمده - تجاریب
شخصیه سی دلالیه - کیمسه تردد ایتمز . فرانسه شاعرلرندن
ویقتور هوگونک بوتون اشعار مصوره سی تصور وتبلیغک شکل
تضادینه مثال اولدینی کبی بزم شاعرلر مزدنده شیخ غالبک
« حسن وعشق » ی بوبدیعه ادبیه مظهردر .

بو نوع تضاد ایله ، موضوع ادبی یی تشکیل ایدن افکار
وخیالاتدن بعضیسنی فکر وخیال متضادیه برلش دیره رک ابراز
ایتمک آراسنده - تضاد اولق اعتباریه - فرق بولماسه بیله هرایکی
طرز تصورک استلزام ایتدیکی مساعی ذهنیه نک کمیتی وبلکه
کیفیتی ابداع جهتیه مهم بر فرق تولید ایدر . مثلاً عبدالحق
حامد بک افکار وخیالات تالیه سنده تضاده متمایل اولدینی حالده
تصویر موضوعده بو میلانی اظهار ایتماشدر .

بویله بویوک موضوعلر ایچنده تصویرات متضاده شکلنده
اولمایه رق بر شعر بسیطک بوتون موضوعنی خیالی ویا تأثری
بر تضاد حالده تلقی وتبلیغ ایتمکده شعر آتیده اولدینی کبی ،
عینی سببله ، حساسیت ادبیه یی تزئید ایدر :

فردای تدفین

- ۱. اعمار بشر هرکون ، هرلظه بولور نقصان .
- ۲. آثاری ده فانیدر . آنلرده ده وار پایان .
- ۳. بریاندن اولور پیدا ، بریاندن اولور پنهان .
- ۴. کندی کبی دورانی بیتمکده صائیر انسان .
- ۵. « عالم ینه اول عالم ، دوران ینه اول دوران »

بونك بالايه در آنك خضيض خاكه در ميلي
مشاهده را كچه رسته سيمين بارانه .

يبتنده كي تضاده بو قيلدندر .

تشبيه بالتضادك اساسي تبليغ تامل اولديغنه كوره ، شايد
آرالزنده علاقه تضاد ذكر اولونان شيلر اساساً بروجه شېله
مربوط دكلسه ، سوز كولونچ اولور .

ناييك :

نقش جيني بيريسنك راست ، بيري كج
مهرك بودر تفاوق سنك مزاردن .

يقتي كبي .

برده تلقى موضوعده تضادواردركه حكايه ، تماشا وسايره
كبي تصويره عائد اشعارمر كېده برشيئي كنديسييله تمامأضداولان
ديكر بر ويا متعدد شيلرله قارشيلاشديره رق ، آرالزنده طبيعي
بر رابطه مناسبه بوله رق حسن تضادي موضوعك ابتداسندن
نهایتنه قدر ادامه ايتمكله وجوده كتيريلير . مرا كنز عصيه نك
براحتساي متعاقب نقيضني ده بويوك شدتله حسن ايتمسي معلومه
پسيقولوژيه سنه مستند اولان بو طرز تصور ، تبليغ موفقه
اقتران ايلرسه ، تأثير ادبي يه پك عالي بر قوت بخش ايدر .
بر اثر ادبيده مادي ويا مغنوي محاسندن بريني تصوير ايدر كن
مساويدن ضدی اولان شیده بالمناسبه تصوير اولونه رق بو
ايكيسندن آلّه جق تاثرات متضاده بر آرايه جمع ايديلنجه تصوير

اورمغہ کیت ، فقط اورول یارہ لان .
 خسروی یکمکہ کیت ، فقط یکیل ؛
 او حالہ طورمہ کیت ، ہم کیتہ طور ؛
 صرحۃ اورمہ ، اطاعۃ اور .

عبدالحق حامد

تشبیہ ایلہ تضادک صورت مخصوصہ دہ مزجندن حاصل
 اولمش برطرز تصور وارد کہ اونی دہ سویلہ دن کچمیہ لم : ایکی
 شی آراسندہ برمناسبت متضادہ تصویر ایدیلیرکن اونلرک جہات
 ساثرہ دہ متائل اولدقلری ضمناً کلاتیلمش اولور . ظاہراً تضاد
 کبی کورینن اوتصور حقیقتدہ برتشبیہدر . او سبیلہ بوکا « تشبیہ
 بالتضاد » دیمک مناسب اولور .

سکا ای نور مجسم نیجہ تشبیہ ایدیم
 یوق ایکن وجہ شبہ تازہ نہال چنی ؟
 او بولور جامۂ سبزین ورقلہ رونق ،

سن ایسہ احسن اولورسون چیقاروب پیرہنی
 ابن کمال

قطعہ سسندہ اولدینی کبی کہ بیت ثانیہ کی تضادہ ، آنجق
 ممدوحنک تازہ نہالہ مشابہتی تأیید ایچون ، کامل اولمش بولوندینی
 آشکاردر . مثلاً « فلانلہ فلان آراسندہ کی فرق برینک دنیاہ
 دہا اول کلش اولماسندن عبارتدر » دیسہک او ایکی کیشی
 آراسندہ برچوق جہات تمائل بولوندیغنی « اونلر بربرینہ یک
 زیادہ ، یاخود فلان فلان جہتلرلہ بکزرہ » سوزندن دہاقوتلی
 برصورتدہ آکلاتمش اولورز . بر فسقیہ تصویرینہ عائد اولان

بیتندہ « مصیبتدن سوکرہ راحت کلیر ؛ نتہ کیم اقشامی
فیض صباح تعقیب ایدر . « دینلیور . بورادہ افکار متضادہ نک
یان یانہ کتیرلدیکنہ شبہہ یوقسہدہ آرادہ تعین اولونان نسبت ،
موجودیت متعاقبہدن عبارتدر ؛ اونک ایچون لطف تضاد حس
ایدیلہ میور ؛ چونکہ دنیاہ نہ قدر اضداد وارسہ یکدیگری
تعقیب ایدہ بیلیر . بو حال ہیچ برزمان جالب نظر دقت دکلدر .

اہل سوزش کولسہدہ وارستہ اولماز کریدن
باقسکا شمع ضیا کستر ہم آغلار ، ہم کولر .
پرتو پاشا

بیتنک برنجی مصر اعندہ ایسہ « آغلار کن کولمک » فکر
تضادسی یکی و جالب نظر برشی اولمادیفی ایچون ذہندہ تنبہ
وتأثری مستلزم دکلدر . مصر ابع ثانیٹ حکمی ایسہ مومک بر
طرفدن یانوب برطرفدن اریمنی کولمککہ اغلامغہ بکڑہ تمسکدن
عبارتدر کہ بونک تضادی دہ تشبہی قدر کلفت وزحمت کوستریورہ
متکلمنہ بیہودہ کلفتی ، مخاطبنہ ماحی ، تأثر اولہ جق درجہ دہ
زحمتی مؤدی اولان غیر طبیعی تضاد ایچون اک جلی مثال تعلم
ادیاتدہدہ ایراد اولونان شو سوزلردر .

یاشامہ موید اول ، ثولہ کبر
بابام ایچون ثول ، بنم ایچون یاشا ،
یارمسک کیت ، دشمنسک یاقین کل .
اوریرسہک مسئولسک ، ہلاکک یاقین ؛
اورمازسہک مہمسک ، فقط صاقین .

محلله اثبات وجودیله آرالرنده موجودیت مشترکه علاقہ سی
اظہار ایدلمشدرکه تضاد انجق بونکله حاصل اولویور .

بو تعریف وایضاحه کوره بینلرنده برمناسبت تمائلیه اولیان
الفاظ متضاده یی یان یانه یازمقله تضاد یاییلمش اولماز . مثلاً :

اولماز قرین شوق ، غموم اعتیاد اولان ؛
بیلمز صفای بال نهدر نامراد اولان .

سالم

بیتمده تضاد یوقدر ؛ چونکه برنجی مصراعده « شوق » ایله
« غم » ، ایکنجی مصراعده « صفای بال » ایله « نامرادی »
افکارمتضاده دن اوله رق یان یانه کتیرلمش بولونمقله برابر آرالرنده
بررابطه مناسبت اثبات اولونماشدر ؛ « بیاض اولان شی سیاه
دکلدر » دیمکله برتضاد وجوده کتیرلمش اولهمیه جنی کبی .

بررابطه تمائلیه یی حائز اولمق شرطیله تضادک قیمت ادبیه سی
تعیین ایتدیکی مناسبتک : اولاً : موجودیت مشترکه نوعندن
اولماسیله ؛ ثانیاً ، مخاطبلرجه بر حیرت آنیه یی و بناء علیه تنبه
فکری یی و بوسیله برتأثر مخصوصی موجب اوله جق قدر ، یکی
و جالب نظر بولونماسیله ؛ ثالثاً متکلمه کلفت ، مخاطبه زحمت
ویرمامسیله قائمدر . بونلری برر مثال ایله ایضاح ایدلم :

روشنی پیرویدر تیرکی ایامک ؛

عقبندن ایریشور فیض صباح اقشامک .

واغب پاشا

تضاد

بربرینه مخالف اولان ایکی فکر ویاخیالی برجهت
مناسبتله - که بوده برنوع علاقه تمائل دیمکدر - برلکده
ایراد ایتمهکه تضاد دیرلر . مثلاً :

نه افسونکار ایتمشک آه ای دیدار حریت ؛
اسیر عشق اولدق ، کرچه قورتلدق اسارتدن !
کمال

ییتنده تضاد واردر . معلومدرکه اسارتله حریت ایکی فکر
مخالفدر ؛ حریتی استحصال ایدنجه اسارتدن قورتولونمش اولور .
برکره بو مقصده واصل اولانلر حریتی اوقدر سوه بیلیرلرکه
بر بویوک قسمی ، مجرد اوپرستیده لرینی محافظه مقصدیله ، فدا
ایتمکدن چکنمزلر ؛ حب حریتده کی بوشدت ابتلا ایشه وجدان
ایچون برنوع اسارتدر ؛ اوحالده حریتله اسارت آراسنده بر
نقطه تماس ، برجهت اتلاف پیدا اولویور . ایشه روح تضاد
بورادهدر .

ینه مثلاً :

بوطاش جبینمه بکزرکه عینی مقبردر ؛
طیشی سکون ايله ظاهر درونی محسدر .
عبدالحق حامد

ییتنده « سکون » و « حشر » کی ایکی فکر مخالفک عینی

جمله سنده « مالکۀ دریا » خیال اساطیری سنه تلمیح ایدلمشدره
توفیق فکرت بک « تمثال جهالت » عنوانی شعر مشهورنده کی :

یا لکز قوجه برفم
بر طاغ کبی آدم

دیکمش نظر غیظنی بی خوف و مبالات
ایلردی او بوش عالمه ایراد مقالات ...
کو کرر ، باغیرر ، طاغله چارپارده صداسی
بی فائده ، ایلردی بوتون کندینه عودت ؛
آبلاق یوزینک لحيۀ جاروب نماسی
انظار تماشایه و پرو ثقلت و وحشت ،
ترهردی جوارنده کی ، پیشنده کی اشیا
نطقندن اوچان زهر برودتله ؛ او حالا
پر جرأت و نفخت
ایلردی خطابت .

اشعار و فنون هپ اودوداقلرده مهیا
چرکاب تعرضدن ایدرلردی تحاشا ...

پارچه سنده کچن بطنک یک معلوم اولان بر محررینه تلمیح
واردر .

توریه دینیلن صنعت ادبیّه ده نوعما تلمیح دیمک ایسه ده
بونده کی علاقه تمائل طرفینک بروصف مشترکته دکل ، مثلاً
عینی زمانده ایکی مختلف مدلولی بردن تبلیغ ایده بیلن الفاظ
کبی ، عوارض خارجیّه عائددر ؛ اوسبیلله توریه بی انواع
ظرافتدن عد ایله اوبخشه ادخال ایلدک .

تلمیح

تبلیغی مقصود اولان فکر و یا خیالی دیگر بر فکر و خیال
ایله ، سامع و قارئه ، اخطار ایتمه تلمیح دیرلر. ایکی فکر و یا
ایکی خیالدن بری دیگرینی اخطار ایدمه بیلیمک ایچون آرا لرندمه
برمناسبت بولونمق ضروریدر . تلمیحک مستند اولدینی مناسبت
ایسه ، دوشونولورسه کورولورکه ، برنوع علاقه تمائلدر . بناء علیه
تلمیحده استعاره وتشبیه کبی انواع تمائلدن عد ایدیورز . حتی
تلمیحده طرفیندن بری محذوف اولدینی جهتله بو طرز تبلیغ
دها زیاده استعاریه بکزر . معلومدرکه استعارات مصرحهده .
علاقه تمائل آ کلاشیله مازسه وضوح فکر و خیال منطقی
اولور . تلمیحده فضله اوله رق حذف ایدیلن طرف ،
حقیقی و یا اساطیری ، هر حالده خصوصی بر حال و یا حادثه در .
مخاطب احوال و حادثیه واقف دکلسه طرف محذوفک ذهنندمه
حصولی - انسان بیلمدیکی شیء خاطر لیه میه جفته بناء - عدیم -
الامکاندر . بناء علیه تلمیحده یالکز علاقه تمائلک دکل طرف .
محذوفکده اذهان مخاطبده مهیا بولونماسی لازم کلیر ؛ و شرط
مقبولیتیده دیگر مجازات تمائلییه عائد اوله رق ذکر ایتدیکمز
شرائطه ، تلمیح اولونان حال و حادثه نك مخاطب لرجه ذاتاً
معلوماتی قیدینک ، علاوه سیله تحقق ایدر . مثلاً :

یالکز قره لرك سلطانی دکل - اسلامی - دکلر لركده مالککسی
کورمک ایسترم . عبدالحق حامد

فی حد ذاته ضروب امثال مشبه بهی محذوف ، فقط دلالت حال
وقال ایله متعین برارسال مثل دیمکدر .

حتى نابی

سوزده ضرب المثل ایرادینه سوز یوق ، اما
سوز اودر عالمه سندن قاله برضرب مثل .

بیئیه بونی سویلک ایسته مشدر . منظومات آراسنده ایراد
اولونان ضرب مثلدرده مطلقا ارسال مثل صورتنده بولونور ؛
شیخ غالبک نابیده کوردیکی برقصوره قارشی

عفو ایله لم که بلکه بیلمز
بر سورچه آتک باشی کیلمز .

بیئنده ایراد ایتدیکی ضرب مثل کبی . بوکا مقابل ارسال
مثل صورتنده سویلنمش اولان بر سوز عامه نک قبوله مظهر
اوله رق ضرب مثل حاله کله بیلیر . راغب پاشانک یوقاریده
ایراد ایتدیکمز بیئنده کی

شجاعت عرض ایدرکن مراد قبطی سرفتن سویلر

مصراعی کبی .

ارسال مثل طریزه سوز سویلک ، حتی ساده جه ضرب
مثل ایراد ایتک ، انجق تبلیغی ملتزم اولان بر فکرک مخاطبلرجه
تلقیسنی تسهیل وسوزی تزین مقصدینه مبتنی اولمالیدر ؛ بومقصدک
لزومی و حصولی تحقق ایدمزه ارسال ویا ضرب اولونان مثلدر
سوز آراسنده بیهوده غلبه لق دیمک اولور که بلاغه شایان توقیدره

شاعر لرمزك قدرت حسيه و خياليه لريله متميز اولانلر مياننده
بولونمادقلىنى كورورز : اك زياته ارسال مثل يولنده تنظيم
سخن ايتمش اولان شاعر لرمز ناي ايله سامى وراغبدر .
غريبدر كه قدام ارسال مثل طرز تصويرى ده سؤاستعمال
ايدرك مناسبتمز شيلر سويلمكدن چكنماملردر .

ذات اربابى اولور نزد الهيده قبول ،
خلق جامده ال اوزره كوتورور باپوشن ،
ناي

كبرضا اب شيرينه يارك سخن تلخ
حلواجى دكانده پيازك ىرى يوقدر .
ناي

درمانده سز نه لدق وار شان وشوكتك ؛
روينى بقلوانك آغاردير نشسته لر .
ناي

روشن اولماز دل خيال چشم خون آشامسز
شعله ريز اولماز چراغم روغن بادامسز .
سامى

ارسال مثله موفقيت تشبيه ايچون تعداد ايتديكمز شرائطك
تحقيقه حصول بولور . بو طرز تفكر بعض شعراى قدامانك
كوستردكلرى ابتلا درجه سنده شايان رغبت اولماقيله برابر ،
موفق بر تشبيه فكرى حالنده بولوندجه محاسن بلاغتن
معدوددر . حتى بعضاً ضروب امثاله مشيمه ولود اولور .

بی موج شورش اولماز آسایشی جهانک ؛
دریا تعفن ایلر اولدجه آرمیده .

نابی

مجموعی تمائل اولان ایکی فکر وخیالک اجزاسی آراسندهده
متقابلاً مناسبت تمائلیه موجود اولورسه اوکا ارسال مثلدن
زیاده « تشبیه مرکب » دیمک طوغرو اولور .

معنی ظالمک دنیا ده ارباب دناشدر ؛
کوپکدر ذوق آلان صیاد بی انصافه خدمندن ،
کمال

بیتی کبی که هر ایکی مصراعک تضمن ایتدیکی فکرک
مجموعی آراسنده تمائل بولوندقدن بشقه ظالمک صیاد بی انصافه ،
ارباب دناشک کوپکه تشبیهی ده صحیح بر علاقه تمائله مستددر .
حالبوکه اولکی مثاللرده « بدمنش » ایله « مرد قبطی » آراسنده
مطلقاً تمائل اوله میه جنی کبی « سرقتی سويلک » ایهام قبجک
صریحی دیمک اوله رق بونلرک آراسندهده ، مستقل ایکی فکر
وخیالی بر برینه ربط ایدن ، وجه شبه آرامغه محل یونسدر ؛
هله نابینک بیتنده ایکی فکر تمائل آراسنده کی اجزانک
مقایسه سی بیله قابل اوله میور .

ارسال مثل خیال وحسندن زیاده فیکره عائد اوله رق
اکثریا فلسفه اخلاقیه واسطه تبلیغ اولمشدر . قدمای شعرانک
آثاری تتبع اولونورسه بو طرز تصویره اک چوق رغبت ایدن

بیتندہ کی مشبہ بہر ، وضوح دلالت اعتباریہ کویدر . فقط
ینہ مشارالیهک :

مست نازم کیم بیوتدی بویلہ بی پروا سنی ؛
کیم یتشدیردی بوکون سرودن بالا سنی ؟

بیتندہ دھا زیادہ وضوح عادی بی حائر کورینن مشبہ بہ
بالعکس وضوح دلالتہ قاصر در .

ندیمک براز اول ایراد ایتدیکمز بیتندہ کی ادات تشبہہ
دقت ایدرسہک بورادہ تعادل دکل « تفضیل » قصد اولوندیغنی
اکلارز ؛ یعنی « نازک تنک خوش اولمق اعتباریہ کوزل قوقولرہ
بکزرہ ، حتی دھا خوشدر ؛ پاکیزہک جہتیلہدہ لطیف رنکری
آکدیرر ؛ حتی دھا پاکیزہدر » دینیلور . کوریورزکہ تفضیلہدہ
ایکی فکر وخیال ، علاقہ تماثلہ ، وضوح دلالتی تزیید
ایچون قارشیلشدرلمشدر . دیمک کہ بودہ قیمت و ماہیتجہ
تشبہدن باشقہ برشی اولہماز .

ارسال مثل — لسانمزدہ ارسال مثل دینیلن بر طرز
تصور واردرکہ برنوع تشبہہ مرکب دیمکدر . ارسال مثل ،
اکثریا ، اجزاسی آراسندہ مناسب متقابلہ بولونمیان ایکی فکر
مرکبی — من حیث المجموع بریلہ دیکرینی تأیید ایچون — یان یانہ
ایراد ایتمکہ دیرلر . مثال :

میان گفتکودہ بدمنش ایہام ایدر قبحن ؛
شجاعت عرض ایدرکن مراد قطعی سرقتن سویلر .
رافب پاشا

عباره سی کبی که ، بونده اوزمان ملکیه ناظری اولان
پرتو پاشایه بر کره « نوازل » اسمنی ویردکن صوکره
آرتق کلمات متعاقبه یی نزله ایله متناسب دوشورمک ایچون
مجازات غریبه تجویز اولونمشدر . اصطلاحات مخصوصه ایله
بازی یازمق مراقی ده بوقیلدندر .

تشبیه موجزه تخصیص ایتدی کمز بو بحثدن توجیه نظرله
بوتون انواع تشبیهده جاری اولان شرائط موفقیته نقل مقال
ایدرك ديه جکز که : استعاره بحثنده « عموم مجازات تمانلیه یه
عائد اوله رق ذکر استدی کمز شرائطه برابر اولا وجهه شهبك
اعتیاد تخلیمزه موافقی تشبیه ایچون الزمدر ؛ یعنی مخیله بشرک
قبول ایده میه جکی بوجه شبهه مستند تشبیهلر مردود اولور .
مثال :

طرفه مجنونم که پیدر پی خیال زاف یار
طولا شور اطرافنی سرکشته آهولر کبی
نائلی

نائیا ، تشبیه یوقاریکی تعریفدن ده اکلاشیله جننی کبی ، اصل
وضوح دلالتی تزئید ایله مقید اولدیغندن ذهنه القای تأثرده
مشبهه به مشبهدن زیاده واضح اولمالیدر . وضوح عادی ایله
وضوح دلالت آراسنده کی فرقی دوشونورسهك اکلارزکه مثلاً
ندیمك :

بودن خوش ، رنکدن پاکیزه در نازك تنك
بسلمش قویونده کویا کیم کل رهنا سنی .

(مثلاً منشی مشهور ویسینک :)

« شویله که وجود خبیث ناپاکی شیاطین اعینه خال چهره افتخار ایدی . نه بر کره واعظ کرسی نشین روح روانی صوفیان صوامع کزین حواسه ابلاغ اوامر ذوالجلال قیلمش ونهده بر دم خطیب کج و جج ادای زبانی منبر سی و دو پایة اسنان دهانده نشر لائی خطبه تسبیح ایدوب حل بند بنا کوش اعمال اولمش »

تور کجه یه ترجمه ایداسه « شویله که مردار وجود خبیثی شیطانلرک یوزنده موجب افتخار بر بن ایدی . نه بر کره کرسی نشین واعظ اولان روحی صومعه لرده مقیم صوفیلره بکزه یین اعضای حسنه اللهک امرینی ابلاغ ایتمش ، نهده چارپوق چورپوق ادالی خطیب اولان لسانی دیشلریله اوتوز ایکی قدمه لی منبره بکزه یین آغزنده حمد و ثنا خطبه سی اینجولرینی طاعیده رق ایشلدیکی شیلرک قولاغنه کویه طاقش « غریبه سی حاصل اولور که مؤلفک بو ترجمه یی بکنوب یازمیه جفنده شبهه یوقدر . فقط اضافات فارسیه ، کلمات غیر ترکیه بوغرا بتی ظاهر آستر ایدیور . مغلق افادات ده بوسؤ استعماله ایکنجه بر علتدر . قدما نك کلمه لر آراسنده تناسب پیدا سنه فرط انهما کلری ده بومنا سبت سزلکه اوچنجه بر سبب اولمشدر . مثلاً :

« ایشته ملکیه نوازلنک عطاسه وعد کمون ايله سعال مذا کره مصلحتی تعلیق ایتمش اولدینی ضیافت کونی قبل الطعام صدر محبته منصب اولیوب »
عاکف پاشا

حتی بو بحثك تطویلنه ده اونك ایچون لزوم کورولدی .

بوسوء استعمالك برنجی سبی: تشبیه موجزده، استعاره کبی
 طرفیندن برینك محذوفیتی لازم کلمدیکی جهتله ، ای کوتو بر معنا
 استخراجنه امکان بولونماسی و تشبیهات سائرده اولدیغی کبی وجه
 شبهك تعییننه ده لزوم کورولماسیدر. مثلاً «رشته کلامی کوشگذار
 سوزن اختتام ایلدی ، دین ذاتك عینی فکری «رشته بی
 کوشگذار سوزن ایلدی ، صورتنده براستعاره ایله افاده ایتمی،
 بوندن هیچ برشی آ کلاشیله میه جفی ایچون ، قابل دکلدر .
 حالبوکه تشبیه موجز صورتنده «کلام ، و «اختتام ، لغتری
 موجود اولدقجه سوزك بیتلمش اولدیغی آ کلامق پك قولایدیر.
 دیگر طرفدن سوزنله اختتام آراسنده نه وجه شبه بولوندیغی
 بالذات سوزك قائلده تعریف ایده میه جکندن وجه شبه تعیینیه
 بر تشبیه مفصل ترتیب ایده بیللمسینه ده امکان یوقدی . بناءً علیه
 رشته کلام مجازنده کی ایپلك فکریله مناسببتدار اولق اوزره
 «سوزن اختتام ، شکلنده بر تشبیه موجزه قائل اولیور مشدر.
 شایان دقتدر که معنای مجازی دفعة آ کلاشیله میهرق ، حقیقته
 مصروف کلملر دلاتیله رهین ادراك اولان ، تخمین بر معنای
 حقیقتدن ایلری کیدللماسی ایچون بو نوع تشبیهات موجزه
 دائماً کلمات و تراکیب عربیه و فارسیه ایله افاده ایدیه کلمشدر .
 اکر بونلر آچیق تورکجه اوله رق یازلسه یدی ذهن معنای
 مجازی وهلة احاطه ایدرك آراده کی مناسببتسزلک درحال
 مظاهر و بناءً علیه بوسوء استعمال غیر قابل اولوردی .

حصوله کلیر. هله علاقه تمانلده ده وضوح اولمازسه سوز بوتون
بوتون مردوددر. دمین ایراد ایتدیکمز

اولور سمند اناملده جلوه دن محروم
قلم نه دم که ایدر قطع اشک چشم ترین

بیتی کی .

فقط اساساً مکمل بر مجاز مرکب له مؤتلف اولان بر تشبیه
موجز، بنفسه وضوح مجازده قاصر اولسه بیه، مجاز مرکب
نقیصه دار اولمادجه شایان مسامحه در؛ نابینک ایراد ایتدیکمز
دیگر بیتی کی . بو مسامحه نک علت اصلیه سی مجاز مرکبک فی
حد ذاته مکمل و مقبول اولماسیدر . یوقسه مجاز مرکب یالکمز
تشبیه موجزلردن متشکل اولور و اونلرده علاقه تمانلده وضوح دن
محروم بولونورسه، تشبیه موجزلر کندی آرالرنده صورتاً
مؤتلف کورونسلر بیه، مجاز مرکب شایان قبول و مسامحه اوله ماز.
مثلاً :

« رشته کلامی کوشکدار سوزن اختتام ایلدی »

جمله سنده کی تشبیه موجزلر کی که « رشته » ایله « سوزن » متوافق،
حتی « رشته کلام » تشبیه مند. علاقه تمانل قابل ادراک ایه ده
« بیتکم » فعلک ایکنه یه تشبیه آ کلاشیلیر شیلردن دکلدر؛
حالبو که مجاز مرکب ده ذاتاً بو ایکی تشبیه دن عبارتدر .

تشبیه موجزک شایان قبول اولمیان بو شکلی مع التأسف
قدمای ادبانک اک زیاده رغبت کوستردکلری بر نقیصه ادبیه در؛

عدم مقابلیدر - هر شیئه کوره مبدأ حصولنده ، پرورشگاه اطفال اولان ، مهد مثابه سنده در ؛ فکر تشبیهیسی ده صعب - التلقی دکلدر . بو بیت نثره تحویل ایدیلیرسه ، « هنوز مشیمه گوشه سنده بولنان امیدمه کنیدیسی مهد وجوده کلمدن اول اختیارلق کلیر » صورتی اکتساب ایدر که « طفل » و « مهد » مشبه بهلرینی طی ایتدیکمز حالده « هنوز مشیمه گوشه سنده بولونان امید » افاده سی کوزل بر استعاره مکینه ایله « طفل » خیالی متضمن اوله رق قوتی همان عینی درجه ده محافظه ایتدیکی کبی « مهد وجوده کلمدن » تعیری ده ، خصوصیه بو مقامده ، « نوزاد » فکرینک ورودیله ماهیت اصلیه سی دیکشدر میور . یالکز « مهد » لفظنک علاوه سی فضله بر موافقت خیال ایله مجازی اکیال ایتمشدر .

ثانیاً ، تشبیه موجز بر مجاز مرکبه داخل ایسه - که اکثریاً بویله در - مجاز مرکبله برانکده تام بر تشبیه مفصل تشکیل ایده جک درجه ده موافقتده بولونمالیدر . مثلاً یوقاریکی برینک ایکنجی مصراعنی تحویل ایله « هنوز مشیمه نشین اولان طفل امیدم . مهد وجوده کلمدن انطفا ایتدی » دیسه ک تشبیهات موجزه ینه عینی اولمقله برابر مجاز مرکب مختلدر . کورولیور که بوشرط تشبیه موجزک ذاته دکل بولوندینی جمله ایله اشتلافه عائددر ؛ یعنی بر تشبیه موجز بنفسه واضح بر علاقه تمایله مالک ده اولسه دامل اولدینی مجاز مرکبله توافق ایتمزسه استعاره ایچون بیان ایدیکمز « عدم تعقیب وعدم ترجیع » شوائی بوراده ده

بوتحلیل ایله تشبیهات موجزه نك شرائط حقیقه سنی
اکلامش اولیورز : اولاً بر مجاز بسیط حالنده بولونان هر تشبیه
موجز واضح بر علاقه تماثله مالک اولمالیدر . بونی تعیین ایتمک
ایسه پک قولایدر . مضاف ومضاف الیه شکلنده اولان - چونکه
سوء استعمال همان دائماً اضافت تشبیهه صورتنده در - تشبیه
موجزی بر جمله حالته افراغ ایدرز ؛ صریح بر معنا کلاشیلر سه
علاقه تماثل واضح دیمکدر . مثال اتخاذ ایتدیکمز بیتده کی
« جیش غم » اضافت تشبیهه سنی تحویل ایدنجه « غم عسکر کیدر »
شکلی حصوله کلیر که بوراده علاقه تماثلک ذهنه صعب الورود
اوله جغنی تقدیر ایتمک کوچ بر شی دکلدر . کذلک « قلعه همت »
اضافت تشبیهه سی « همت قلعه کیدر » جمله سنه منتقل اولمق لازم
کلیر ؛ بونده مندرج اولان « مدافعه » علاقہ سی بالنسبه دها
قولای اکلاشیلور سه ده ینه واضح صایله ماز .

پیغوله مشیمه ده طفل امیدمه
مهد وجوده کلدن اول هرم کلیر .
عزت علی پاشا

بیتده کی « طفل امید » ، « مهد وجود » تشبیه موجز -
لرینک هر ایکسی ده واضح بر علاقه تماثله مالکدر ؛ چونکه
« امید چوجق کیدر » جمله تشبیهه سنی « طوغوب بویومکده ،
یاخود طوغمدن ویا طوغدقن صوکره اولمکده امید چوجغه
بکزر » تشبیه مفصلنه تحویله ذهن دوچار تردا اولماز . وجود - که

مرکبه قائمدر . حقیقهٔ بیتک مجموعی بر تشبیه مفصلله حسن
 ادا ممکن اوله بیلور : « تخریب وتالان ایتمکده جیش عدودن
 آشاغی قالمیان غمومه قارشى ملجأ ضعفا اولان همت ارباب قدرت ،
 نواقص عارضه ايله ، برج وباروسى قالماش بر قلعهٔ منهدمه یه
 بکزه دی ؛ آرتق ارباب نیاز نرهمه التجا ایلسون . » . کور بیلور که
 بوتشیه مرکب تبلیغ تأثرده افادهٔ حقیقیه یه وجوه ايله فائق ،
 بناءً علیه موفقدر . بوموفقیئتک تماميله تشبیه مرکبه عائد اولدیغنی
 مثال آتی ده ائی ایضاح ایدر .

اولور سمند اناملده جلوه دن محروم
 قلم نه دم که ایدر قطع اشک چشم ترین
 نابی

پارمق اوجلرینک آته بکزه دلسمنده علاقهٔ تماثل بولمق ،
 یازمق وضعیتنده پارماقلره اتکا ایدن قلمک سواری یه مشابهتی
 ا کلامق قدر کوچدر ؛ یعنی « سمند انامل » تشبیه موجزی لغودر .
 « اشک ترینی قطع » استعارهٔ مکنیه سیله « سمند انامل » افادهٔ
 مجازیه سی آراسنده بر جهت موافقت ده بولونه میهرق مجاز مرکب
 تشکیلنه امکان قالمیور ؛ بناءً علیه تشبیه موجز عدم موفقیتدن
 قور تیله مامغه محکوم اولیور . « جیش غم » ايله « سمند انامل »
 تشبیه لرنده کی علاقهٔ تماثل همان عینی درجه ده وضوح دن محروم
 ایکن برینک مؤثر ومعنیدار بر تشبیه خادم ، دیکرینک لغو
 محض اولیشی - که اهمیتی بر مانعهٔ بلاغتمدور - اولکیسنک مجاز مرکبه
 داخل ، ایکنجیسنک متجرد بولونماسدن ایلری کلشدر .

بوسبيله ، تشبيه موجز بالخاصه مجازات مرکبه به ادخال ايدلمکده
ابتداله اوغرا ديلش ، اک مناسبتمز شيلر تشبيه موجز صورتيله
بربرينه ربط ايدلمک ايستلنمشددر . مثلاً ناينک :

جيش غمدن قنده ايتسون التجا اهل نياز
قلعه همتده نابی برج و بارو قالامش .

بيتمده کی « جيش غم » و « قلعه همت » تشبيه موجز لری
بو قبيلنددر . کرچه يت او قوندينی زمان مالی دفعه آ کلا -
شيلیور ؛ فقط بو تفهم ، اولاً آرالرنده علاقه تماثل فرض
ايدیلن ایکی فکر و خیالدن ایکيسنکده صریحاً کوسترلش
اولماسندن ، ثانیاً مجاز مرکبک حقیقی بر تشبیهی تضمن ایتسندن
منبعشدر . چونکه ، مجاز مرکب شکلی بر طرف ایتک ایچون ،
برنجی مصراعی یالکیز او قونجه « اهل نياز غم عسکرندن
زویه التجا ایتسون » معناسی ظاهر اولویور . بونک حکم
وقوتی ایسه « اهل نياز غمدن زویه التجا ایتسون » جمله سیله
تماماً معادلدر ؛ یعنی مشبه به حذف اولونورسه ضرر ترتب
ایتمدکن باشقه بالعکس عبارده دها واضح اولویور . دیمک مجازک
تأثیر معنایه هیچ بر لطفی یوقدر . فقط مشبهی حذف ایدرک
« اهل نياز عسکرندن زویه التجا ایتسون » دیرسهک « عسکر » له
غم آراسنده واضح بر علاقه تماثل بولونه مامق مانعه سیله معنای
اوله وصول پک کوچلشیر . بو حالده مصراع اولده مجازی
تشکیل ایدن « جيش » کله سنک قیمتی مصراع ثانی یعنی مجاز

حالنده برخيالک يرينه ديکري اقامه ايدلمش، ذکر و بيان شکنده ايسه ايکي خيال تمائل قارشيلاشديرلمش اولور که استعاره ايله تشبيهی بری برندن آيران فرق اساسی ده بودر .

تشبيهات موجزده وجه شبه محذوف اولديغنه کوره بونی صریحاً بيان و ادات تشبيهی ده ذکر ایتک صورتيله هر تشبيه موجز هر زمان بر تشبيه مفصله قلب ايديله بيلير ؛ بونی کوره رک تشبيه موجزله استعاره مصرحیه بر برينه قارشيدير ماملیدر . برده اضافت تشبيهی استعاره مکنيه دن قولايغله آيرمق ایچون ترکیب اضافینک طرفیندن برینک مشبه ، دیگرینک مشبه به اولوب اولمادیغنه دقت ایتلیدر ؛ اگر اویله ايسه بر تشبيه موجز ، دکلسه استعاره مکنيه در .

تشبيه موجز ، استعاره مصرحیه بکزه بر مجاز اوله رق بویوک بر قوت بلاغتی حائز بونونمقله برابر مشبهله مشبههک بر لکده ذکر حسیله تفهیمی اوندن چاق قولایدر . بوقولایلق بین القدماء سوء استعمالنه سبب اولمشدر . معلومدر که استعاره مصرحیه مستعارله محذوف اوله رق مخاطبک ، یا لکنز ایراد ایدیلن مستعاردن مستعارله انتقال ایده بيلمسی ایچون علاقه تمائل ذهنده کندی کندینه حاصل اوله جق قدر واضح اولمالیدر ؛ اولمازسه استعاره معقد اولور . حالبوکه تشبيه موجزده مشبه و مشبه به عیناً مذکور اولدیغندن آرالرنده علاقه تمائل واضحده اولماسه ذهن نهایت - مجازدن صرف نظرله - ای کوتو بر معنا تلقیسنه واصل اوله بيلير . ايشته

علاقه تمانلك ذ كردن استغنا ايديله چك درجه ده بارز بولونماسنه ،
 بوده تشبيهك اساساً حائز وضوح اولماسنه متوقف بولونديني ؛
 آرزوزله چوق معنا افاده ايتك ايسه دساتير بلاغتك اعظمي
 اولديني جهته بودورلو تشبيهات ، مفصل تشبيهلره مرجح
 و تشبيه بليغ ، ناميله معنودر . بوندن بشقه ادات تشبيهه
 حذف ايديله رك يالكز مشبهله مشبه به بعضاً فاعل ، مفعول ؛
 واكثر يا مضاف ، مضاف اليه صورتنده ، ايراد ايديلير كه بوكاده
 « تشبيه موجز » ديرلر .

ييلديرم عكسيدر نقاره لك ،
 سني القيشليور بروج سما ،

بيتك مصراع اولي كجي كه - معلوم اولديني اوزره - مصراع
 ثاني براستعاره مكنيه در .

بارقه حقيقت مصادمه افكاردن چيقار

جمله سنده كي « بارقه حقيقت » تركيب اضافيسي ده بر تشبيه
 موجز در .

تشبيه موجز استعاره يه اك ياقين برشكل تشبيه ايسه ده
 آرازلنده بر فرق اساسي وارد كه اوده ، استعاره نك دلالت
 تعريف وجهله ، استعاره مصرحه ده مستعارله مطلقاً محذوف
 اولديني حالده تشبيه موجز ده طرفينك يعنى مستعار و مستعارله
 تقابل ايدن مشبه به و مشبهك ، مذكور بولونماسيدر . حذف

قطعه سنده کی تشبیهلردن برنجیسنده « بر دختر » مشبه ،
 « شاهین » مشبه به ، « باقیش » وجه شبه ، « لی » ادات تشبیه ؛
 ایکنجیسنده ینه « بر دختر » مشبه ، « آهو » مشبه به ، « کی »
 ادات تشبیه ، « توحش » وجه شهدر . اوچنجیسنده ینه
 « بر دختر » مشبه ، « اوجبالک پریمی » مشبه به ، « بکزه »
 ادات تشبیه ، « ذهنی تخدشله اشغال ایتک » وجه شهدر .
 تشبیهده بودرت رکن ، ایراد ایتدیکمز مثالده اولدینی کی ،
 تماماً موجود بولونورسه اوکا « تشبیه مفصل » دیرلر . فقط
 هر زمان بو تفصیل اختیار اولونمیه رق بعضاً وجه شبه ، بعضاً
 ادات تشبیه حذف ایدیلر . یوقاریده سویلدیکمز قطعه نك
 مابعدنده بولونان

صانکه بر کلبن ریجیدر

مصراعنده اولدینی کی که ، بوراده وجه شبه مذکور
 دکلدر . ابن کلاک سلطان سلیم اول حقنده کی قطعه مشهوره سنک

شمس عصر ایدی ، عصرده شمشک

ظلی ممدود اولور زمانی قصیر

ییتنده مشبه « سلطان سلیم » ، مشبه به « ایکندی کونشی » ،
 وجه شبه « کولکه سی اوزون زمانی قیصه اولاق » در ؛ ادات
 تشبیه محذوفدر .

وجه شبهک حذف ایدیله بیلمسی ، مشبهله مشبه به آراسنده کی

دیمکدر ؛ و اکثریا تشخیص صورتندہ وارد اولہرق اوحالہ
 مستعارمنہ دائماً انسان ، مستعاردہ اوصاف انسانہ دن برشیدر .
 بناءً علیہ استعارات مکنیہ نك اکثری تشبیہ قلب ایدیانجہ
 مشبہ بہ دائماً انسان اولمق لازم کلیرکہ بوندہ کی خوایدہ لك
 آرتق اوتشبیہدہ روح وقوت براقازسہ پك طبیعی کورولملیدر .
 تشبیہ ایلہ استعارہ آراسندہ کی شوفرک مهمی آ کلادقدن
 صوکرہ منحصرآ تشبیہہ ارجاع نظرلہ دیہہ جکرکہ ہر تشبیہدہ
 درت رکن واردر : بری ذہندہ حاصل اولان خیال اول، کہ
 بوکا « مشبہہ » دیرلر ؛ ایکنجیسی اوخیال ایلہ قارشیلشدیریلان
 خیال ثانی ، کہ بوکا « مشبہہ بہ » دینیلیر ؛ اوچنجیسی بوایکی
 خیال آراسندہ بولونماسی لازم کلن علاقہ تمانلدر ، کہ بودہ
 « وجہ شبہہ » تسمیہ ایدلمشدر ؛ دردنجیسی طرفینی بربرینہ ربط
 ایدن ادات تشبیہدر .

تشبیہ اصطلاحاتی استعارہ اصطلاحاتنہ قیاس ایدرسہك
 استعارہ مصرحدہ کی مستعار ، بورادہ مشبہ بہ ومستعارلہ
 مشہدر ؛ علاقہ تمانلده وجہ شبہہ نامنی آلیر . ادات تشبیہ
 ایسہ یا « کبی ، کویا ، صانکہ ، قدر » ومائلی ادواتدن ،
 یاخود « بکزر ، آکدیرر » وسارہ کبی افعالدن بریدر .

طاغده شاهین باقیدلی بر دختر
 کزر آهو کبی توحش ایلہ ؛
 او جبالک پریسنہ بکزرہ
 ذہنی اشغال ایدن تخدش ایلہ .
 عبدالحق حامد

تشبیهی استعاره‌یه قلب ایدیه من .

ایدردم غزاله سیر وسفر

مصر اعنده کی استعاره‌ی « اظهار توحش ایدن نگاهی ،
چالا کی حرکتی ، ناز کی اعضاسی جهتیه غزاله بکزه‌ین
سویلمله برلکده سیر وسفر ایدردم » صورتنده بر تشبیه
افراغ ایتک قابل ایهده ؛ مثلاً

شویله فیضا فیضدر جوش وخروش نو بهار
کیم ایرشمشدر تلاطم آسمان ایوانه ؛
طرفه رنگه رنگ آهنگ یلمش صحرائی پر
کوه سس وردکجه شیدا بلبلك افغانه .

قطعه سنک ، محافظه روح وقوتی شرطیه ، تشبیه قلبی
مشکل ؛ هله :

بردر ، دیدی ، آشنای وحدت
موج احدیت ، احمدیت .
شیخ غالب

مشحون - کون هپ مشاجر ،
وادیده بر آه وزار مغیر .
عبدالحق حامد

بیتلرنده کی استعارات مکینه‌نک تشبیه صورتنده اداسی
مادتا غیر قابلدر . بونک بویله اولماسی دیگر بر صورتلهده ایضاح
اولونه بیلیر : معلومدرکه استعاره مکینه بر خیال معینه ، اصلاً
کندینه طائد اولمیان اوصافدن بر ویا بر قاچنی اعاره ایتک

ایدیلیر . حالبوکه تشبیه ایکی فکر و خیال معینی ، علاقه تمانلله ،
ذهنده برلش دیر مک دیمکدر .

تشبیه دیدیکمز طرز تفکرله استعاره دینیلن صورت تخیل
آراسنده ماهیه موجود اولان فرقی اکلامق ایچون شوکا
دقت ایتلیدر که تشبیه صورتیله تصویر فکرده اک موفق اولان
برادیک استعاراتی ده عینی قوتی حائر اولمق لازم کلز . از جمله
کمال بکک آناری غایت رنکین ؛ یک کوزل تشبیهات ایله مالامال
اولدینی حالده استعاراتی قلیل وفقیردر . تشبیه باشقه ، استعاره
باشقه بر عملیه ذهنیه در . برده اوילה ظن اولونور که تشبیه ده
زیاده نثره ، استعاره دها چوق نظمه یارار ؛ بر موضوع شعری
نثرأ تشکیل و تصویر ایله نظماً ایلا و تبلیغ آراسنده کی فرق ،
تشبیه و استعاره یی - علی طریق التماثل - یکدیگرندن آیره بیلیر .
استعاره مصرحه اله تبلیغ اولونان بر خیالی - عینیه بر
نظمی نثره تحویل ایدر کی - تشبیه طرزینه اوراغ ممکن اوله-
بیلیر سده هر تشبیهی بر استعاره شکله قویه بیلیمک ، بر موضوع
منشوری نظم ایتمکدن چوق مشکل ، بلکه بعضاً غیر قابلدر .
هله استعارات مکینه تشبیه قلب اولونجه - علی الاکثر -
بوتون روحنی ، بوتون قوتی غیب ایدر . مثلاً کمال بکک سلطان
سلیم اول حقنده یازدینی براندره کی :

« قلمندن هر نه صادر اولدیه مصادمه سحاب ایچنده ظهور ایدن
برق جهان کی هیجان افکار و وجدان آره سندن جوال اولمش بر
لامعه معرفتدر . »

زمزمه ، نه دالغه لرده خفیف بر هوای فشافش ؛ هیچ ؛ هیچ برشی
یوق . باقکز بو اولمش کیجه نك اوستنه تا اوزاقلردن ، کیم بیلیر
نره لردن بلکه ماورای جهان خلقتدن حیات کائناته مرثیه اوقویان
برسمس ، نهایت کفنلرینک آلتنده دیکلنن بوعشر اضطرابک اوستنه
برکوثر رحمت حکمنده دوکولن صوک دوشونجه ... وبو صوک ایله
کائناتک یکانه تماشا کاری اوله رق ، بوتون اوقارلرینک آلتنده انجماد
ایتمش مناظرک کنار خشیتنده ، کندیسنی ، اوزون بیاض اتکری
بیاض دکزک بیاض دالغه لرینه آقهرق ، کندیسنی کوریوردی ؛
برکشی بو اولمش کائناتده یاب یالکیز ! »

خالد ضیا

تشبیه

برفکر وخیالی ، آرالرنده علاقه تمائل بولونان ، دیگر
برفکر وخیال ایله - وضوح دلالتی تزئید ایچون - قارشیلان-
شدیرمغه « تشبیه » دیرلر . بوتعریفدن اکلاشیلورکه تشبیه ده
استعاره کبی انواع تمائلدن بریدر ؛ بونده ده ایکی خیال ، ایکی
فکر ؛ آرالرنده لاقول برعلاقه تمائل بولونمق لازم کلیر . فقط
استعاره ایله تشبیه یکدیگرندن پک فرقلیدر : استعاره مصرحه ده
خیال اولک یرینی بوتون بوتون خیال ثانی اشغال ایدر ؛ ذهنده
خیال اول متروک و محذوفدر . استعاره مکینه شکلنده ایسه
برخیال معین یرینه دیگر برخیال اقامه اولونمادیکی کبی ایکی خیال
معین آراسنده مقایسه فکری ده یوقدر . یالکیز ، بر خیاله -
کندیسنه عائد اولمادینی حالد ملایم و تمائل بولونان - برجزه علاوه

سینه‌لر بوتون آتشی کله‌له ، جله‌له ویریوردی ... ادبیات بتون
قوتیه عطالت عمومیه اوستنه حایقیردی ..

جمله‌لرینه تصادف ایدیلورکه بویکی طاقم خیالک تاثیرات
معکوسه‌سی پک قولای اکلایلیر .

نهایت شونی‌ده سویلیه‌لم که استبدالدن بحث ایدرکن ، عمومیتله
تماتله عاند اوله‌رق ذکر ایتدی کمز مشوش ومفرط اوهامه اک
مساعد واسطه‌ بروز ، استعاره اولدیغندن خیالات عجیبیه رواج
ویریلیرسه استعاره اضغاث واحلامک لسان بیانی اولور و آرتق
اوسوزده وضوح دلالت دکل ، وضوح عادى بیله بولونه‌ماز .
مثال :

بالخاصه وه برك صوك دوشونجه‌سی چالاردی ، وبونی اذردن ،
كوزلرینی قیابه‌رق چالارکن تاروحنك ایچنده . باض برکیجه ، صوك
برلیله حیاتك آفاق مكفه‌سی کوروردی . بونشیده‌نك ، بیله‌من
نه‌دن ، اونده بویله برقوة الهامه‌سی واردی ، نه وقت اونی چالسه
كوزلرینك ایچنه بوتون کائناتی کفنله صاران بریاض کیجه ، قراکفله
آیدینلقدن ، بلوطلرله کونشلردن مرکب برکیجه ، فقط اولمش برجهانك
اوشش برکیجه‌سی سانخ اولوردی . بیض ! بیاض ! بیاض !
بوکیجه‌نك عظیم . یوکسك آغاحلری واردی که بیاض باشلرینی ، بیاض
قوللرینی قالدیره‌رق سیدکینورلردی ؛ بیاض بلوط کومه‌لرندن بیغیله ،
بیغیله کوكسلرینی کرمش داغلرک آده‌سنده بیاض صاچلرینك بیاض
کوپوکلرینی صاووره‌رق یوکسه‌ن دالعه‌لرله بر دکز قباریوردی .
یوقاریده بر رفقه قوط ایچنده قالیورمش کی قارطوفانلرینك آرقه‌سنده
بیاض مرقر ... صوکره بوتون بویاضقلرک اوزرندن قوشان آلاى
آلاى کولکهلر . بو بیاض جهانی سیاه برنفس ممات ایچنده صاران
بلوطلر ؛ وه طرفده عظیم بر سیکوت ؛ نه بلوطلرده کوچک بر

دکدر ؛ بناءً عليه خيال ثانى يى تلقى ايجون خيال اولى اونو تمق
لازم کليز که ايشته وضوح دلالتى اخلاص ايدن شى بودر .
بر مستعارى متخالف الطبعه مستعار لهره اضافه ايتمک ده
بوکا بکزره .

« عدل آتک (قوله) فيض صباحى عالمدن ظلم آتک
(ياغز) سياه توزينى احما ايتدى » ديمک اولان

سمند عدلک فيض صباح الحيرى عالمدن
غبار تيره شبديز ظلمى ايلدى احما

بيتنده ظلم وعدله ، آرا رنده کى مغايرت مطلقه رغماً آت
لفظک اعاره سى کي .

خامساً ؛ استعارات متوالیه هر برى مکمل ده اولسه ذهنى
متخالف خيال دن خياله سوق ايتما ليدر ؛ تا که هر برى
ديکرينک تأثيرينى تنقيص ايله وضوح دلالته مانع اولايه .
مثلاً جناب شهاب الدين بکک بر مقاله سنده :

« اوزان والفاظ آره سنده ترنم ايدرك قلم ادبى اى اکلديررکن
صانيرلرکه روح ده کولور ... ايشته بنم قلم بوکا بکزر هر کسى
ترقيص ايدن موسيقى بيانى ايجنده قانايان بر جريحه سى کيزلير . »

دنيلا کدن براز صوکره ؛

ملت اسيردک زنجير ماتنى قلم لرمنه طاقش ، اسلوب لرمنه
ايکاو ردق . اووز سه لک خوف خونين ايجنده يزد قلم رن انين . مکت
طنينکاه صميميسى ايدى ... کيزلى بر حماى اشياق ايجنده قاورولان

رابعاً ؛ بر جمله ادبیه ده بر مستعار الهی متخالف الطبیعه متعدد مستعار لره ، یا خود بالعکس بر مستعاری متخالف الطبیعه بر چوق مستعار لهره اضافه ایتمایدر . چونکه عینی بر خیالک مختلف خیالات ایله عینی زمانده اقترانی حالده ، اگر هر بر یله آیری آیری بر علاقه تمانل تعیین ایده میورسه وضوح فکر و خیال ضایع اولور ؛ ای دیورسه ، مادام که اتخاذ اولنان مستعار ویا مستعار لهر متخالف الطبیعه در ، ذهن مخاطی هر بری بر طرفه سوق ایده رک وضوح دلالتک اسباب حصولندن اولان وحدت مساعی یرینه ذهنده تأثیر معکوس حاصل ایدن انفراق وانشقاق وقوعه کلیر . مثلاً :

..... سما ، پاک وجوهرین

مشعللریله لایتناهی و پر اید

بر معبد احتشامی آلمش اولایعد

کوزلرله ارض خاشی سیر ایلیور ؛ زمین ...

توفیق فکرت

قطعه سنده « یلدیزلر » مستعار الهی ایچون اولای « مشعللر » ، صوکره « کوزلر » مستعار لرینک اتخاذی تخیلی تشویش ای دیور ؛ بوسیدله قطعه نك قسم اولنده کی تشبیه ایله قسم ثانیه سنده کی استعاره متعارضدر : برنجی خیالده سما ، مشعللریله لایتناهی بر معبد محتشم ایکن ؛ ایکنجی خیالده عینی سما ، لایعد کوزلرله ارض خاشی سیر ایدن « بر ذی روح » اولویور . بر شیئی عینی زمانده هم « معبد » ، هم « ذی روح » اوله رق تصور ایسه ممکن

ایشته بوراده «مه» استعاره سنی متعاقب بر خصیصه بشریه
اولان «شکيب» ایراد ایدلمشدر .

(۳) بر جمله مجازیته نك قسم اولی بشقه ، قسم ثانسی بشقه
برر خیاله عائد اولورسه مجاز ، ینه ناقصدر . مثلاً :

« موسیقینك شفا ویریركن اولدیرن بوتسلیترلندن سیلكنهرك
چیقمق ایستردی »

خالد ضیا

جمله سنك قسم نانیسنده کی « سیلكنهرك چیقمق » خیال
مجازیسنك « شفا ویریركن اولدیرن تسلیت » فکریله تألیفی قابل
دکلدرد .

« هر برمن خیالی برمسجد اخوت ایچنده معتكف ، شكارلرله
سیادلر آره سنده آلام عمومیه ایله سربسر یاشادق »

جمله یی یالکیز وضوح دلالتده دکل ، وضوح فکر خیالدهده
ناقصدر . چونکه « بر فرد معتكفی » عینی زمانده بر سوری
غلبه لك آراسنده تخیله امکان اولمادیفی کبی حتی اشتراك حیاته
مربوط اولان « اخوت » فکریله تجرد معناسنی کوسترین
« اعتكاف » آراسندهده ائتلاف بولنه ماز .

کورولیور که مجاز ناقص قالیرسه ذهنك استنباط معنایه
مصروف اولان سعی انجق معانی حقیقیهده مستعمل کلماته انصراف
ایدرك تأثیر مجاز - که وضوح دلالتك عاملیدر - ضایع اولویور ؛
حتی بونقصانك برارزدها ایلروسی تلقی معنایهده ممانعتله وضوح
فکر وخیالی ناقض اولان تعقید معنوی تولید ایدیور .

اختیار ، زمام دولت ، کبی ترکیبات مجازیہ ہو قیلندند ؛ ہلہ
 « تقدیم کلدستہ تھیات ، ساحۂ وقوعدہ جلوہ کر ، مرات
 تیسردہ رونما ، کبی سوزلر عادتاً ایکنرنج اولمشدر .

ہو ایکی شرط اساسی نی توحید ایلہ دیہ بیلیرزکہ : استعارات
 و مجازات... شخصی ، صمیمی ویکی اولقلہ برابر علاقہ تامل
 مخاطبک دهنندہ دفعۂ پیدا اولہ جق درجہ دہ واضح بولونمالی ؛
 مستعار طبیعت موضوعہ وجوہ ایلہ موافق و مؤثر اولمالیدر .

ثالثاً ؛ استعارہ دہ وبالخاصہ استعارات مرکبہ دہ خیال مجازی
 اتمام ایدملیدر . اتمام مجازک قیمتی آکلیہ بیلیمک ایچون مجازات
 ناقصہ نک صور وانواعی کوزدن کچیرمک کفایت ایدر :

(۱) بر جملہ مجازیہ نک قسم اولی ، قسم ثانیسنده کی مجازہ
 رغماً ، معنای حقیقی بہ مصروف ایسہ مجاز ناقص قالیرکہ بوکا
 « عدم ترجیع استعارہ » دیرلر .

« اوغندوللری سیف مسلول ایلہ صحایف روز کاردن تراش ایدوب »
 سلیماننامہ

جملہ سنده کی « مخدول » افادۂ حقیقیہ سنک قسم ثانیده کی مجازہ
 رغماً معنای حقیقی نی محافظہ ایتسی کبی .

(۲) بونک عکسی اولہ رق قسم اول مجاز ایلہ باشلادیغی ،
 حالده ، قسم ثانی معنای حقیقیده مستعمل اولورسہ مجاز ، ینہ
 ناقص قالیرکہ بوکاده « عدم تعقیب استعارہ » دیرلر .

مثال :

عاقبت قالدی اول مہدہ بو اوضاعہ شکیب
 بلیغ

اوتن كه خاك اوله عشقك كداز و سوزندن

يئن كياهي دم حشره دك كباب قوقار

ندیم

ييتنك تضمن ايتديكي خيال مستكره ، تأثر اصلي يي نقيض

و بناء عليه وضوح دلالتہ منافيدر . بوتقصان ايسه خيالك ماهيت

اساسيه سندن دكل محل استعمالدن انبعث ايدر . چونكه مثلاً :

اشعار وفنون هپ او دوداقلرده مهيا

چركاب تعرضدن ايدرلردی تحاشا

توفيق فکرت

ييتنده « چركاب تعرض » استعاره سندن مستفاد اولان

خيال مستكره ، بولونديني يرده ، شدت موضوعه خادم و بو

سبيله بليغدر .

ثانياً ؛ استعاره و سائر مجازلر چوقدن برني باشقملري

طرفندن بولونمش ، سويلنمش ؛ كثر استعمال ايله ييپراشمش

خواييده شيلر اولماملي . شو سبيله كه مجازه مراجعتي تجويز

وترويج ايتديرن سبب - يوقاريده سويلديكمز كي - وضوح

دلالتدر . مجازات كثر استعمال ايله قوتني غيب ايدهرك افاده

عاديه درجه سنده كلنجه مجاز ايله حقيقت ، وضوح دلالت

اعتباريله ، فرقسز اولور ؛ اوحائده ايسه مجازك علت جواز

و رواجي قالماش ؛ اوقويانلرك ، ديكلينلرك ذهنلري بهوده

اتعاب ايدلمش ديمكدر .

ايشته « اماتة وقت ، اماله دقت ، تدوير امور ، عنان

(۳) مستعار یا خود مشبه بهك عنديات و مجهولاتدن برشی
اولماسیدر :

او كبك بوالعجیز كریه ناك و خنده اثر
كه زغفران ایدرز خار آشیانمزی
فهم

یبتنده اولدینی کی .

خلاصه استعاره نك شرط اولی وضوح فكر و خیالدر .
شرط ثانسی اولان وضوح دلالته كلنجه : بو، نه قدر عالی
اولورسه اسلوبك قیمت واهیتی اودرجه بالاتر در ؛ اوصورتله كه
وضوح دلالتده كماله تقرب ایدن مجازات شواهد دهادن
معدوددر . تحصیلی قابل اولمیان دهای ادبی ایچون قواعد
نظریه وضعنده امکان بولونه میه جغندن علی الاطلاق اسلوبده
اولدینی کی مجازاتدهده وضوح دلالتك درجات عالیه سی حقنده
قواعد مثبتة تعیین اولونه ماز . بناء علیه استعاره و دیگر مجازات
تمائلیه ایچون اتخاذ ایتدیكمز شرط ثانی ، وضوح دلالتك اوحده
اصغریه سیدر كه مادونی پك مهم بر نقیصه ادبیه در . بو حالده
مسرووات آتیة وضوح دلالتی ضیاعدن محافظه خادم بعض
نظریات منفیه دن عبارت قاله جقدر .

اولا ؛ استعاره ده مستعار — تشبیهده مشبه به — اولان
شیلر موضوع شعرده مندیج تأثر اصلی بی اخلال ایده جك
ماهیتده بولونما ملیدر . مثلاً تأثر عاشقانه کی كوزدلك ، نراحت
سحرلیله مترافق اولمق لازم كلن بر موضوعده :

بوتون مجازات تمانلیه ده شرط اول اولان وضوح فکر و خیالک
تقیضی تعقید معنوینک بونوعیدر که اسباب حصولی اوچ زمره ده
طویلانه بیلیر :

(۱) کلامک معنای ظاهریسندن انتقالی مشکل
برمعنای بعید قصد ایدلمسیدر . تعلیم ادبیسانده ایراد ایدیلن

بلبل اوباغبان بجه دن درسه باشلاسه
ساقز کلپله قوقلاشه جق برلسان او قور

بیتله بونک تفسیری اولان « باغچی زاده ساقزلی اولمق وبالطبع
روم لساننه آشنا بولونمق ملابسہ سیله بلبل اوندن درس آلمق
لازم کلیرسه ساقز کلپله کسب مناسبتہ مدار اولمق ایچون کلک
مملکتی لسانی اولان روجهنی تحصیل ایدر » عبارہ سنک
مقایسه سی سبب اولک ماهیتی ا کلامق ایچون کافیدر .

(۲) مجازاتده علاقه ومناسبتک محتاج شرح وتأویل اولماسیدر.
مثلا عبدالحق حامد بکک :

لاله لر بسلیور یوزمده عرب

مصر اعنדה « لاله لر بسلمک » مجازینک « حمرت » علاقه سیله
تخجیل دیمک اولدینغی تأویله ؛ نفعینک :

عقدہ سر رشته راز نهانیدر سوزم
سلك تسبیح در سبع المثنانیدر سوزم

بیتک تضمن ایتدیکی خیال - که تشبیهدر - تفسیره محتاج
وبناءً علیه ایکسی ده معقددر .

اساسيه سندن برنجیسی ده خیالده وضوح بولونمقدرد . چونکه
علاقه دار ایکی خیالک مبادلہ سندن عبارت اولان استعاره مخاطبک
ذهنده بوعلاقه یی احضار آیده مزسه اوراده یالکیز وضوح
عادی دکل وضوح دلالت ده منطقی اولور ؛ واوزمان استعاره
معنایی اغلاق ایله تعقیده سببیت ویره رک ساده معاونت مجازی
دکل ، بعضاً شعرك بوتون تأثیرینی بیله احما ایدر .

بونقیصه استعارات مکینده ده ، بوتون مجازات تمثالیله ده قابل
حصول اولمقله برابر استعاره مصرحه ده ده ازیاده سهل الوقوعدر ؛
مستعار ایله مستعارله آراسنده کی علاقه تامل دفعه قابل ادراک
اولمازسه مظلیمیت مجاز محققدر .

اوچیور برملک قانادلری آل

مصراعی کبی که بوراده جریحه نك قاناده بکزه دلمسی « آل
رنك » علاقه سنه مبتیدر . بورنك ایسه قاناده مخصوص اوصافدن
اولمق شویله طورسون ، حتی کوردیکمز ، بیلدیکمز قوشلرده
آل قانادلیمی یوقدر ؛ وقانادك آل ایله توصیفی جریحه ایله
آرالرنده زوراکی برعلاقه تامل حاصل ایتک ایچون تصنیع
اولونمشدر . ایشته بوتون بوتکلفات مصراعی اظلام ایدرک
« تعقید معنوی » حصوله کتیرییور .

یوقاریده تعقید معنویدن بحث ایدرکن بونك برنوعی ده
« اطوار مجازی نك فکر وخیالی اظلام ایتسی نقیصه ادبیه سیدر »
دیمش ؛ تفصیلی مجاز بحثنه براقشدر . استعاره ده وبالتشمیل

دلالت ایسه انجق افکار و خیالاتک تأثر اصلی به توافقله تعین ایدر؛ بوراده کی وضوح کله سی افکار و خیالاته دکل، تأثر اصلی به معطوفدر . مقصد اساسی تأثر اصلینک مخاطبلره واضحاً القاسندن عبارت اولدیفه کوره، بومقصد و وصول ایچون ایجاب ایتدجکه حتی افکار و خیالاتک ابهامیله بیله وضوح دلالت تأمین ایدیلیر .

مثلاً :

فوقده لقای سرمدیت ،
زیرمده فنای آدمیت

بیتنمده کی خیاللره علی الاطلاق واضحدر دینله من . فقط بویتک داخل اولدیفی منظومه ده تأثر اصلی بر علویت مجهوله اوکنده حاصل اولان بهت و حیرتدرکه اثرک وضوح دلالتی بو حسی قارئلره اک واضح صورتده القا ایله تحقق ایدر؛ بیتک مبهمیت خیالی ایسه بومقصدی تفهیمده واضحدر . اگر خیالات بنفسها دها زیاده واضح اولسه یدی معنائک تابش وضوحی اساس شعر اولان تأثر بهتی احما ایدردی . کوریلورکه بوراده وضوح عادی ایله وضوح دلالت عادتاً متناقضدر .

فقط بوسوزله استعاره ده وضوح فکر و خیالک نقصانی مقبول وهیچ اولمازسه قابل مسامحه کوسترمک ایستیمورز . یالکز وضوح دلالتک استلزام ایتدیکی یرلرده ابهام مکر و خیالک توضیحدن دهابلیغ اوله جفتی سویلورز . یوقسه اساساً سوزده وضوح فکر و خیال اصلدر ؛ بناءً علیه استعاره نك شرائط

کیجه نك صیحه و داعیدی
 او صدالركه ، طاغلرك برفین
 تپه سندن اینوب درین ، مخفی
 گوشه لر، کولکه لرده کیزلنمش
 هر تسلی بی اور کوتور قاچیرر ،
 توفیق فکرت

برکون البته عشقمزده ثولور
 بی حس اللره جسم رفته
 بویله برما می کفن اورولور
 جلال ساهر

۱ کر استعارات متوالیه بر شعرك تمامی مفید اولورسه
 مجاز مرکب « استعاره تمثیلیه » نامنی آلیر . توفیق فکرت
 بکک تشخیص بخشنده مثال اوله رق ایراد ایتدیکمز « حیاته قارشی
 بشر » عنوانی منظومه سی کی .

استعاره نك شرائط اساسیه سی — بوتون مجازات
 تمثیلیه قابل تطبیق اولان شرطلرك کافه سی ، تمثیلدن بحث
 ایدرکن تعیین ایلش اولدیغمز کی ، وضوح فکر و خیال ایله
 وضوح دلالت منجر در .

بونلرك نه دیمك اولدینی ده یوقاریده بیان ایدلمشدی؛ شیمدی
 ده ا زیاده توضیح ایده لم : علی الاطلاق وضوح ، بر اثر ادینك
 بوتون قطعاتنده سیاناً جاری بر شفافیت یکنسقدر که غایه کمالی معنای
 مقصودك الفاظ آراسندن بلا حائل بروز تامیدر . وضوح

مشحون سکوت هب مشاجر
وادیده بر آه وزار مغیر
عبدالحق حامد

کوجوکلره بر تحفه شادمانی توزیع ایدن قبضه انقلاب ، بویوکلری
یقارلندن طوتمش محبسه ، سفالته ، موته سوروکلروردی .
جناب شهاب الدین

ایشته قوجه برملتک عالم استقبالی ایاغکک آلتنده یووارلانوب
طوریور .
عبدالحق حامد

بوطور مجازی اک زیاده غرب ادبیاتنده متعالیدر . اوسبیله
عثمانلی ادبای متأخره سنک آتارنده دهها زیاده کثرت ،
دهها بویوک موفقیتله تجلی ایدیورکه ایراد ایتدیکمز مشالرده
بوکا شاهددر .

استعاره مرکبه — شیمدییه قدر استعاره نك بسیطندن
بحث ایتدک . برده « استعاره مرکبه » ، یاخود « مجاز مرکب »
وارددر : بر افاده مجازییه نك اکمال خیالی ایچون بر استعاره یی ،
یاخود دیکر بر مجاز تمانلی یی ایکنجی اوچنچی بر استعاره ویا
بر تشبیه تعقیب ایدرسه ، ایتک لازم کلیرسه او افاده مجازییه نك
مجموعنه « مجاز مرکب » دیرلر . مثال :

نیجه دمدرکه کلن ایلدی بلبلدن دور
داد الدن بوشکست اوله سی کنج قفسک

ندیم

تیره یور بر هراس بارده
او طونوق پرده نك ظالندن
توفیق فیکرت

صرعۂ احتضار ایچنده غصون
چیرپینر ، چارپینر ، قیرار ، قیریلیر ؛
باد نالانه حایقیریر ، طاریلیر - ..
ه او دالرده کی فتور درون ،
اونلرک طور سرزنشکاری
اونلرک مادرانه اکداری ...
جناب شهاب الدین

سیر ایدر بربولوط کنارندن
بر هلاک نگاه طنازی
قلب ظلمتده تیره یین رازی .
جناب شهاب الدین

اوبتك خانه می تشریفی کوش ایندی مکر
شوق شوریده بی کوردم ، کلیراما نه کلیر !
ندیم

شویله فیضا فیضدر جوش و خروش نوبهار
کیم ایریشم شددر تلاطم آسمان ایوانه .
طرفه رنگا رنگ آهنگ ایلش صحرائی پر
کوه سس ویردکجه شیدا بلبلك افغانه .
ندیم

فوقده لغای سر مدیت ،
زیرمده فناهی آدمیت .
عبدالحق حامد

اطوار مجازیه‌نك اك چالاكى ، اك مؤثرى ، خصوصيله اشعار
منظومه‌نك روحيدر .

مثال :

شمیم لطفنه آماده در مشام امید
نه‌کونه جنبشی وار . روزکاردن نه‌خبر ؟
نابی

ناز ایدرسه غمزه‌سی عشاق زاره ناز ایدر
زانی بر آشفته در کیم روزکاره ناز ایدر
نفی

اویاندی کرچه بختی روزکارک خواب غفلتدن
ولی آرایش دنیانك اولدی دنك وحیرانی
نفی

برچشمی وارکه برنیجه یوز بیک لسان بیلیر
بیک همزبانی . همدی . بیک آشناسی وار
ندیم

بردر ، دیدی ، آشنای وحدت
موج احدیت ، احدیت
شیخ غالب

ینه قار ... برسکوت جامدله
ینه هریر ملول وموت آلود ؛
برطونوق پرده ، برنقاب عنود
صاقلا یور چهره سماواتی
بشرك چشم ابتهالندن ؛
بشرك نظره مناجاتی

ایتدیکی برحالی اشیایه توجیه ایتسی دیمکدر. یوقسه بو استعاره یه قائل اولان ذات هیچ بر زمان « رعدوباران آلتنده ذی سکون اولان جهان حیرت جهتیه انسانه بکزره. » صورتنده بر تشبیهی دوشونما مشدر .

ایکنجی بیتده کی « کره آواز رعد ایلرلرزان » مصراعنده ده « کره ارضه » خوف و خشیت اسناد اولونیور . بر قلردن ، آواز رعددن قورقمق بر حس انسانیدر که بوراده « کره ارضه » اعاره ایدلمش ؛ یوقسه کره ایلر انسان آراسنده بر علاقه مشابته دوشونولما مشدر . اکر حسیات واحتراسات بشریه نک مخلوقات سائریه اسنادی ، اشیای جامده یه روح و حالات روح اثباتی اساسنه مبتنی اولان بوتون او استعاره مکنیه بدیهه لرینی مطلقاً بر استعاره مصرحیه ارجاع نظریه سی قبول ایدلسه استعارات مکنیه نک همان کافه سنی « مستعار ی انسان ، مستعار لهی فلان ویا فلاندن ؛ علاقه مشابتهی بر مناسبت بعیده دن عبارت » عینی استعاره مصرحیه نک تکراری عد ایتک صحیح اولور .

بویضاحات ایلر آ کلاشیلور که استعاره مکنیه مستقل و ذی حیات بر بدیهه ، ماهیت عتبار یلده نا تمام بر تشخیص صدر . نظر تخلیمزه معین و مکمل بر خیال مشخص کتیر من ؛ فقط بروصف ایلر بر جسم جامدی احیا ایدر ، کچر . ذاتاً آرانیلان مقصد ذهنه ، اولمه حیات ی ، برشعله برقیه کی آنی ونا کھانی ، کو ستر مکدن عبارت در . ایشته بوندن طولاییدر که استعاره مکنیه

تفکر دینسه پکده ، کلیدی اولماز . حتی السنه اديان علی الاکثر
استعاره مکینه ایله محمولدر . خلاصه بشریتک بوتون فعالیت
تخیلیه سنک اک قوتلی عامل تظاهراتی استعاره مکینه در .
بونوع استعاره بی اثنای تحلیلده — اکثریا یاپیلدینی کی —
استعاره مصرحه یه ارجاع ایله دوشومک طوعرو اوله ماز .
استعاره مکینه باشلی باشنه بر طرز تفکر در .

مثلا :

ناکهان سیم سیاه اولور افلاک ،
حیرتدن دوشر سکونه جهان ؛
برقلرله سجابه لر صد چاک ،
کره آواز رعد ایله لرزان .
اکرم

قطعه سنده کی مصراع ثانی بر استعاره مکینه بی متضمندر :
حیرتله سکون — که بر ذی روح متفکر اوصافنددر — جهان
دنیلن مکونات مرثیه یه — که دهها زیاده غیر ذی روحدن
مرکبدر — اعاره ایدلمش اولیور . بو استعاره مکینه بی استعاره
مصرحه یه ارجاع ایتمک ایچون جهان ایله ذی روح متفکر
آره سنده واضح برعلاقه مشابته بولمق لازم کلیر ؛ حالبوکه
یوقدر . بو استعاره نك اساسی فورطنه ابتدالرنده ، رعد و باران
انسانسنده کثیرالوقوع اولان سکونت اشیانک حیرته عطف
ایدلمسندن عبارتدر که شاعرك کندنده و دیگر انسانلرده حس

خلاصه استعاره مصرحه بوصفوتی سببیه بین الادبا دها
زیاده تشبیه موجز شکنه قونوله رق قولانیلمش ، اوندن
صوکرده بالوجوه سوء استعمال ایدلمشدر که تفصیلی تشبیه
بجسته بر اقیورز .

استعاره مکنیه کلنجه : خیال اوله وضوح دلالتی آرتیران
اوصاف ملایمه علاوه ایتدیکی جهته فائده ادبیه سی سهل -
الاستحصال اولدینی قدر کندیسیده کثیر الاستعمالدر . استعاره
مکنیه — که تخیل مبدعک ایکی جناح اعتلامی اولان تشخیص
واستبدالک واسطه موجزه سیدر — بعضاً نظر تخیله بر کله ایله
بر جهان نو پیدا ایده بیلیم قدرتی اظهار ایدر . تشخیص
واستبدال بختلرنده بیان ایتدی کمز حرکات ذهنیه اکثریتله بر
استعاره مکنیه صورتنده ظاهر در . او قدر که انسانیتک لسان
اولینی استعاره مکنیه در دیمک طوغرو اولور . بوکون السنه
مختلفهده بر طاقم کلمه لرك بر چوق معانییه شمولی ، خیالات
متخالفه نك برر جهت تماثلله یکدیگرندن مستعار اولدینی کویستر .
یاقین و قتلره قدر تعریفات فنییهده بیله مثلاً « طبیعت خلودن
تنفر ایدر » کی سوزلره تصادف ایدیلردی که بوندهده بر استعاره
مکنیه واردر . متافیزیک دینیلن فلسفهیه استعاره مکنیه صورتیله
قیغلجم « ایکن تورکجه سنده » ایکی بلوطک تماشندن حاصل اولان
شمشک « مستعار اتخاذ اولومشدر . روح مجازک بوتحولنه قارشی
« مصادمه افکار » استعاره مکنیه سنک عیناً محافظه سی بویکی استعاره
آراسنده کی موافقتی آز جوق اخلاص ایدور .

قورتولور ؛ فقط آرتق بوکا استعاره دکل - اشاغیده ایضاح
ایده جکمز وجهله - بر تشبیه موجز دیمک اولادر .

بارقة حقیقت مصادمة افکاردن چیقار

قول مشهوری کبی که تعریفه موافق استعاره اوله بیلیمک
ایچون « بارقه مصادمة افکاردن چیقار » صورتنده بولونمق لازم
کلردی . حالبوکه بوشکل اولکنه نسبتله چوق معقددر ؛
کمال بکک « حقیقت » مستعار اینی علاوه ایتمش اولماسنک
سببی ده بودر . جمله نک فرانسزجه سنده کی اصلی :

Du choc des idées jaillit la lumière.

صورتنده در . فرانسز لسانده Lumière کلمه سی « معرفت
وحقیقت » معنای مجازی سنده متداول اولدیغندن استعاره
مصرحه واضحدر . تداول ، کثرت استعمالی متضمن اوله رق
بوده خوا ییسه دک دیمک ایسه ده Du choc des idées
استعاره مکینه سیله بر لکده مجازک مجموعی هم یکی ، هم کوزه لدر .
بونی سویله مکدن مقصد فرانسزجه سنده بر استعاره مکینه
ایله بر استعاره مصرحه دن مرکب اولان جمله ، تورکجه یه نقل
ایدیلیرکن استعاره مصرحه نک محافظه سی قابل اوله میهرق
بر تشبیه موجز شکله تحویل اولونماسی استعاره مصرحه ده کی
صعوبتدن نبعث بولوندیغنی اکلاتمقدر . [۱]

[۱] بو ترجمه ده دقت ایدرسه ک کوریرز که Lumière بارقة

حقیقت ترکیب مجازی سنه قلب ایدیلهرک جمله ده کی روح مجازد کیشدیرلش .
فرانسزجه سنده مستعار « علی الاطلاق ایکی جسمک تصادمندن چیقان

ناشنیده و موفق بر استعاره مصرحه ده کوریلان بوصوبته
 میندرکه اکثریا اودرلو استعاره لرده مستعار و مستعار لهی بر
 ایکی جمله اول برر مناسبتله ذکر ایدرهك آرالرنده کی علاقه
 تشابهی مخاطبره اولدن القا ایدرلر .
 مثلاً کمال بکک جزمیننده کی :

« ییلاندن قیلان طوغه بیله جکئی کیم مأمول ایدر ؟ فقط قدرت
 فاطره هر محالک ایجادینه قادردر . »

استعاره سی یالکیز باشنه وضوح فکر و خیالی تأمین ایده-
 مدیکی حالده اوست طرفنده کی عباره ایله برابر ،

« حمزه میرزایه کلنجه : بو ذات فطره والدنه هیچ بکزه -
 مزدی ؛ شهریار ییلان مزاجنده ایسه کندیمی قیلان طبیعتنده ایدی .
 ییلاندن قیلان طوغه بیله جکئی کیم مأمول ایدر ؟ فقط قدرت فاطره
 هر محالک ایجادینه قادردر . »

صورتنده اوقونجه استعاره مصرحه قوتلی بر وضوح ایله
 تمایز ایدیور .

استعاره مصرحه نك شو صعوبت طبیعتی، استعاره مکنیه
 قیاساً، بر صورت دیگرله استعمالنه سبب اوله رق دیگر بر طرز
 استعاره تحدث ایتمشدرکه بوده مستعار لهی ذکر و تصریح ایله
 برابر مستعاری اوکا اضافه ایتمکدر . کرچه بوصورتله مستعار
 لهله مستعار هر ایکسی ده مذکور اولونجه استعاره تعقیددن

- تعریف مزه کوره - وضوح دلالتی تزیید ایچون ، بر خیالک
یرینه علاقه تمانلی حائز دیگر بر خیال اقامه ایتمکدر . بویکی فکر بردن
دوشونولنجه در حال اکلاشیلیر که استعاره مصرحه ده وضوح
فکر و خیالک حصولی ایچون علاقه تمانلک ، اظهار اولونان
خیال دن خیال مضمره بلا تردد انتقالده امین بر رهبر اوله حق
قدر ، واضح بولونماسی لازم کلیر . بونده کی کوچلک ایسه محتاج
ایضاح دکلدر . بوسبیله استعاره مصرحه مثالاری بالنسبه آزدر .
حتی بومثالرک بویوک بر قسمی کثرت تکرار ایله علاقه تشابهی
معلومات عمومیه میاننه داخل اولمش شیلردر که بونلرک ده وضوح
دلالته خدمتدن عبارت اولان فائده ادبیه سی یوق کیلدر . مثلاً :

التفات ایتمز کذار ایلر خرامان شیرنر
نر کسی

میوه قلبکی کیم خاکه قودی دست اجل
شناسی

ایدر دم غزالله سیر وسفر
عبدالحق حامد

بیتلرنده کی « شیرنر » ، « میوه قلب » ، « غزال » کبی که
شخص جسوره شیرنر ؛ اولاده میوه قلب ، ثمره فواد ؛ دلبر
متوحشه غزال ، آهو استعاره لری اوتهدن بری ابذل ایدیله -
کلشدر .

میوه قلبی کیم خاکه قودی دست اجل

شناسی

مصر اعنده مستعار اولان « دست » بر خیال تام دکل ؛
آنحوق علاقه تماثل اولان « شدت قهر » فکرینه ملایم بر جزء
خیال اولدیغندن بوراده استعاره مکینه واردر .

استعاره مصر حدهده مستعارله محذوف ایکن استعاره مکینهده
— علاقه تشابه ملایم — جزء خیالی مفید اولان کلمه ایله
برابر مستعارالیهده ، اکثریا ، مضاف الیه صورتنده مذکور
بولونور . دیمک که استعاره مصر حه ، بر خیالی دیگر بر خیال
متماثلله تصویر ؛ استعاره مکینه ، بر خیاله اساساً کنذینه عائد
اولمیان بر جزء خیالی — علاقه تماثلله استناداً — علاوه ایلمکدر .
یعنی استعاره مصر حدهده اصل مقصوده اولان خیال ظاهراً
مسکوت عنه اولدینی حالد متماثل اولان دیگر بر خیال ایله
تبلیغ اولونور ؛ استعاره مکینهده ایسه خیال اصلی تصریح
ایلمکله برابر اوکا دیگر بر جزء خیال اضافه اولونور که استعاره
تعریف عمومیسنک شق ثانیسی ایشته بونی مفیددر .

بوفرقی اولادقدن صو کره اول امرده بحثی استعاره مصر حهیه
حصر ایدم : مادام که کافه مجازاتده وضوح دلالتله برابر ، بلکه
اوندن اول ، وضوح فکر و خیال مشروطدر ؛ استعاره مصر -
حدهده اول باول مستعارایله مستعارله آراسنده کی علاقه مشابهتک
دفعه قابل ادراک اولماسی الزمدر . دیمک که استعاره مصر حه نک
برنجی شرطی وضوح فکر و خیالدر . حالبوکه استعاره مصر حه

تمثیل بر خیال دیگر اقامه سی دیمکدر ؛ بر مستعار لاله بر مستعار دن
یعنی یکی رکندن ، برده علاقه تمثیل دینیلن بر شرطدن ترکیب
ایدر و بوحالده « عرایس کلزار » مستعار ، « نهالان تازه »
مستعار له دیمکدر . استعاره لوده علاقه تمثیل دائما محذوف
اولور [۱]

علم بیان متعلق کتابلرده استعارات بر چوق انواعه تقسیم
ایدلشسهده بو تقسیمات هم بی اساس ، هم فائده سزدر ؛ یالکز
ایکی نوعه تقسیمنی قبول ایدیورز : استعاره مصرحه ،
استعاره مکنیه .

استعاره مصرحهده مستعار بر خیال تام ؛ استعاره مکنیهده
یالکز علاقه تمثیله ملایم بر جزء خیالدر .

مثلا :

النفات ایتمز کذار ایلر خرامان شیر نو

ترکی

مصراعنده مستعار اولان « شیر نو » خیالی تام اولدینی
جهتله بو بر استعاره مصرحهدر . فقط

[۱] مدونات ادبیهده استعاره بر تشبیه مختصر « عد ایدلشدر .
تشبیهده ایسه مستعار منه و مستعاره تقابل ایدن آیری آیری ایکی رکن
یوقدر . بناء علیه بوسجبلده ارکان استعاره بی اوچه قصرایتمک لازم کلیر .
فکر منجه - مستعار ایله مستعار منه باشقه باشقه شیلر عد ایدلدیکی حالده
بیله - استعاره مصرحهده مستعار ، استعاره مکنیهده مستعار منه
بولوب کوسترمک غیر قابلدر .

واضحله اولکینسندۀ علاقۀ مشابہت داخلی [۱] ، ایکنجیسندۀ
دها زیادۀ خارجیدر . [۲]

بالمناسبه سويليه نم که خارجی اولان علاقۀ داخلردن زیادۀ
حواس ظاهره ايله منکشف و بناءً عليه دها بارز ، دها سهل-
التفهم اوليور . نته کیم او قود یغمز بیتک مصراع ثانیسنده کی
« حله خضرا » تعییرندن یاراقلر معناسنی آ کلامق مصراع
اولده کی عرایس کله سندن فدان معناسنه انتقال ایتمکدن دها
قولایدر .

مدونات ادبیهده استعاریه اوچ رکن اثبات ایدیلیر: بری
معناسی استعاره ایدیلن لفظدر که « مستعار منه » دیگر کی معناسی
ترك اولونان لفظدر که « مستعار له » ؛ اوچنجیسی مستعار منهک
معناسنی و یاملا یمنی مفید اولان دیگر بر معنادر که بوکاده « مستعار »
دیرلر . مثلاً یوقاریکی بیتده « عرایس کلزار » مستعار منه « تازه
فدانلر » مستعار لهدر ؛ مستعار ایسه مستعار منهک معناسیدر .
بعضاً ، مستعار منهک معناسی تامی دکل ، مستعار لهله آرالرنده
ملا یمنی مفید اولان برجزئی مستعار عد ایدیلیر که ماهیتی برار
آشاغیده بیان ایده جکزر .

فقط بر کله نك معناسنه باشقه ، لفظنه باشقه اسملر ویره رك
آری آری حکملر ترتب ایتدیرمك - فکر محه - مغایر منطق
اولدینی قدر بی لزومدرده . مادام که استعاره بر خیالک یرینه

subjectif [۱]

objectif [۲]

بیتده کی حله خضرا - که یشیل اثواب دیمکدر - « کلشنه »
 قرینه مانعه سیه حقیقه معطوف اوله میه رق « ستر » علاقه
 مشابهتیه یاپراق معناسنه دلالت ایدر . بو تحلیل استعاره نك
 « لفظه دیگر بر معنای متشابه اعزیه سی » صورتنده کی تعریفه
 کوره در .

شیمدی بو استعاره یی اتحاد ایتدیکمز تعریف دیگره نظراً
 تحلیل ایتک ایسترسه کوریرزته : شاعرک ذهننده نوازش نسیم
 ایله اهتزاز ایدن تازه وسهی فدائیرک انطباعات خیالییه سی یاننده ،
 زیننده اندام کنج قیزلر خیالی حاصل ایش ؛ اصل مقصوده
 اولان خیال اولی ترک ایله یرینه متشابه بولونان خیال دیگر
 اقامه ایشدر .

استبدالدن بحث ایدر کن بو عملیه ذهنیه بعضاً احتساساته ،
 بعضاً تأثرات وحسیاته عائد ایکی شی آراسنده کی مشابهت جزئییه
 مستنددر ؛ دیمشک . موضوع بچمنز اولان استعاره ده مستند
 الیه - یعنی ایکی خیالک یان یانه حدوتی ایجاب ایدن جهت
 تشابه - بر طرفدن تازه فدائیرک ، دیگر طرفدن مزین قیز-
 لرك تماشااسندن ذهن بشرده حصوله کلن حس لطافت آراسنده کی
 تمائدر که حسیات و تأثرات مزه عائد دیمکدر . ایکنجی مصراعده کی
 « حله خضرا » استعاره سنده بولونان علاقه مشابهت ایسه
 ایسه ایله اوراقک بری وجودی ، دیگریشجاری ستر ایتک
 خصوصنده متماثل اولمالیدر که احتساساته تعلق ایدر . تعییر

داخل بر مهمه شعرا و لدیغنی ا کلاتمق ایچون کافیدر. استعاره یی اودرجه تحدید جائز بیله اولسه، بوتعریفک ضیق شمولنه استعاره نك ا ک ثروتلی، ا ک رنگین نوعی اولان استعاره مکینه یی ادخالده جدی صعوبت واردر. بناءً علیه او تعریفی ترك ايله «استعاره - وضوح دلالتی تزئید ایچون - ذهنده علاقه تماثلله برلشه بیلن ایکی خیالدن بریخی دیکریله استبدال، ویاخود برخیاله کندنده اولمیان بر وصف ملایم اضافه ایتمکدر.» دیه جکیز. تعریفک شق اولنه کوره هر استعاره آرالرنده تماثل بولونان ایکی خیالی تضمن ایتمک لازم کلیر.

مثلا فضولینک

هوا عرایس کلزاره اولدی چهره کشا
بهار کلشنه کیدردی حله خضرا

بیتمده «عرایس» کلمه سی معنای حقیقی سنه مصروف اوله ماز؛ چونکه حقیقته کلزارک کلینلری ترکیبی معنا سزدر. ایشته بوا مکان سز لغه ادبیات کتابلرنده «قرینه مانعه» دیرلر. بویله بر مانعه ايله حقیقته انصرافی قابل اولمیان عرایس کلمه سنه بر معنای دیگر اعاره ایدلمش اولمق لازم کلیر؛ او معنا ایسه، «کلزار» نسبتله، قولایجه ا کلاسیلیور که تازه فدانلردر. چونکه نهالان ترله عرایس تازه آراسنده حس اولنان لطافت مشابیه علاقه سیله عرایس کلمه سنه تازه فدان معناسی اعاره ایتمک ممکندر. ایکنجی

« وضوح دلالت » تعبیریه تعیین اینمشدك . واقعا اطوار مجازیه ایچون تزین اسلوب غایه سی ده بعضاً و قسماً علت اوله بیلیر . فقط اولاً تزین اسلوب غایه سی باشلی باشنه مجازی استلزام ایده جك قدر بر سبب قوی دکلدر ؛ ثانیاً یالکیز تزین ایچون اختیار اولونان مجازاتدن ده بکلنن فائده ، مخاطبلك تنشيط اذهانی طولایسیله ، تلقی موضوعك تسریع وتقویه سی و بناه علیه وضوح دلالتدر .

بو حالحده دیمك اولویوركه مجازاتدهده ایکی شرط اساسی آرانمق ایجاب ایدیور : بری وضوح فکیر و خیال ؛ دیگرى وضوح دلالت .

بو ایکی نوع وضوحك یکدیگرینه اولان ارتباطی و اشکال مجازاته تطبیقندن استنتاج اولونان نظریات — تسهیل تفهم ایچون — استعاره فصلنده اتیان و اشکال سائرۀ مجازیه دن بحث ایدیلیرکن ، تکرردن اجتناباً ، یالکیز او مجازه عائد اولان شرط خصوصی بیان ایدیله جکدر .

استعاره

استعاره تعریف مستعملنه کوره بر لفظك معنای حقیقیسنی ترك ایله اوکا مشابهتی اولان دیگر بر معنا اعاره سی دیمکدر . فقط مسرودات آنفه استعاره نك بر لفظه عائد قالمق درجه سنده محدود بر صنعت ادبیه دکل ، ابداعك حرکات حیاتیه سنه

تخیله ایکی حدمنها تصور ایدینه بیلیر که حداسفلی ذهن
مایلیمك قبول ایده میه جکی مشوش ومفرط اوهام ؛ حداعلاسی
مشابهت صحیحهدر . به ایکی حد آراسنده بولونان تمائل شعرك
منبع تناهی ناپذیریدر .

مادام که تمائل ، تشخیص واستبدال صورتلرندن بریله برعلاقه
تشابه تعیین ایتمك دیمکدر ومادام که بو علاقه اساسی وحقیقی
دکل ، جزئی ، عندی وبعضاً بوتون بوتون تأثیریدر ؛ شعرده
بر طور مجازینك استناد ایتدیکی علاقه تشابه اذهان غیردیده
حاصل اوله بیلیمك لیاقتی ، یعنی وضوح فکر و خیالی حائز
بولونمالیدر .

دیگر طرفدن طور مجازییه مراجعت برعلت حقیقییه
مبتنی اولق لازم کلیر . چونکه برهدفه طوغرودن طوغرویه
وصول شهراهی طورورکن بوندن انحراف ایله صاپه یوللره
کیتمك ، اونلرك — قیصه لق کبی ، سهولت کبی — سبب
رجحان اوله جق بر فائده سی بولونمغه توقف ایدر . نته کیم
ادبیاتده تبلیغی ملتزم اولان خیالک یرینه دیگر بر خیال اقامه ،
یاخود برخیاله خیال دیگرک تماماً ویاقسماً علاوه ایدیه بیلیمسی
جوازی ، ایکنجیسنك — که مجاز اونکله تحصیل ایدر —
اولیکندن فضله بر فائده ادبیه یی حائز اولماسیله مقیددر .

بو فائده ادبیه ایسه تبلیغ مرامده ، یعنی مخاطبلرك ذهنی
موضوع شعر اولان تأثر اصلییه سرعت ومکملیتله ایصالده ،
خیال ناینك خیال اولدن اقوی اولماسندن عبارتدر که بونی

ایدیور . استبدال ایسه برشیء ، مشابہت جزئیہ علاقہ سنہ ابتداء ، شی دیگرله مبادلہ ایتک دیمکدر . بو عملیه ذهنیه ایکی اساسه اتکا ایدر : بعضاً احتساستمزدہ پیدا اولان مشابہت مبهمیه مستند درکه ذہندہ اوزمان ؛ مثلاً بر بلوط برطاغہ ، بر طاغ و همی بر حیوان عجیبہ ، روز کارک سسی بر فریاد اضطرابه تحویل ایلر . بعضاً دیکی شیئک آنجق بزده حاصل ایتدیکی تأثرات وحسیات آراسنده کی مشابہتہ مبتنیدر که بر تحسس ، بزده بر تأثری ویا بر حسی ایقاظ ایدرک اونک علامت فارقه سی ، شکل ظاهریسی حالته کلیر . مثلاً عمومیتله ارسالان شجاعتهک ، تیلکی حیلہ کاراغک ، سرو حزنک تمثالیدر . بو مناسباتده بالطبع بر حقیقت ، بر اهمیت ثابتہ یوقدر . بر بلوطی بر طاغہ بکزه تمک ، بلوطک منظره سندن حاصل اولان تحسس ایله طاغ منظره سنک ذہندہ کی شکل منطبعی - یعنی اسکی بر احتساس - آراسنده من جهة بر مشابہت بولمق دیمک اولدینی کبی ؛ سروہ حزن اسنادی ده ، علی الاطلاق حزن شیلردن حاصل اولان تأثراتی سروک منظره سندن پیدا اولان تأثره بر جهته بکزه تمک دیمکدر .

تجربیات عقلیه دیدیکمز طرز تفکر - که مبنای علم و معرفتدر - عینیلہ تمائل کبی اشیا و حادثات آراسنده اوصاف متشابه آرامق اساسنه استناد ایدر . تمائل ایله تعقل بپننده کی فرق اولکیسندہ مشابہتک جزئی ، عندی و ذهن متفکرک یا احتساسنه ، یا خود تأثرینه مستند ؛ دیگرندہ اساسی ، حقیقی و اشیانک اوصاف مخصوصه سنہ عائد اولماسیدر .

بری ترتیب مناصب ، بری تدبیر امور ،
 بری تشخیص مقادیر ، بری وضع حکم ،
 بریسی عرض صدارت ، بری عقل و بری دین ،
 بریسی غیرت دولت ، بری ترفیه اعم ،
 بری تدبیر خزائن ، بری تعمیر بلاد ،
 بریسی حفظ ممالك ، بری ترتیب حشم ،
 بری ارواح و وزیران سلف کاولمشدر
 شمدی مسندلری آرایش دیوان عدم ،
 بری القاب هایون صدور وزرا
 که اوالقاب خلالنده در اسم اعظم ؛
 دیدیلر بردن ایا پادشه دین پرور !
 ای شهنشاه ملوک عرب و روم و عجم !
 بزم احوال پریشانمزه صراحت ایت ؛
 کندو کک سلطت و ملککه بزدن اقدام .

نابی

صرعه احتضار ایچنده غصون
 چیرپینیر ، چارپینیر ، قیراز ، قیریلیر ؛
 بادنالانه حایقیربر ، طاریلیر ...
 جناب شهاب الدین

ساکن بر اقشامک تتق ارغوانی
 بیرتارکن احتراز ایله دست سیاه شب ؛
 دوشنده بر کونک یوکی ، برطل برتعب ،
 سوق ایلدور افقلره پای کرانی
 توفیق فکرت

استبدال

تشخیصده وجود متفکر کندی خواصنی اشیایه اسناد

— تا رېمزه کو کده کي هنکامه دن بری
 بز دائما کونشده سیاہ برکوز ، اک تمیز
 وجدانده کیزی بر اکه فرق ایتک ایستهرز ؛
 عاصی بز ، بز یینه شاکی مغتری . —

أی حسن ملتفت ، بزہ الداما ، بز دفی
 بر عشق بی تبت ایله اغفال ایدر سنی ،
 اغفال ایدر ، ملوث ایدر . صوکره نشه سز

برآن صحوک اولدیمی ، لوم ایله رز ... صاقین
 اینجمنه کندی کندیکه ، اینجمنه ، آی قادین ،
 ملعون ایدر ده بز ، سنی ، تلغین ایدر ده بز !
 توفیق فکرت

عرضحال ایندی شه عالمه ارکان حشم
 کای شهنشاه هایون قدم مسند جم !
 شکوه من وار فلکک وضع غلط کارندن ؛
 استماع ایت که بودر ضابطه ملکه اهم :
 جمله آزرده بز اوضاع فلکدن اما
 بز دن افزون سکا درغدر ایا شاه کرم !
 شمدی بیورلر ایه فکرینه توجیه ضمیر
 خلل سلطنت ودولت اولور مستحکم .
 کله مندک بریسی مسند دیوان جلال ،
 بریسی مهر هایون طرازنده رقم ،
 بریسی پنجه فرمان ، بریسی صح صحیح ،
 بریسی صفحه تلخیص ، بری نوک قلم ،
 بری طغرای دلارا ، بری فرمان منیف ،
 بری شرع وبری قانون نظام عالم ،

آندم اوبیوفانی غریبانه آغلادم ،
 کلدی خیالی دیدۀ کریانه آغلادم
 ا کرم

کیت وطن کعبه ده سیاهه بورون ؛
 بر قولک روضه بییه اوزات ؛
 برینی کربلاده مشهده ات ؛
 کاشانه او هیئتکله کورون .

 آج ، وطن ، سینه کی الهکه آج ؛
 شهدا کی چیقارده اورتهیه صاج .

دی که : یاربی بو ، حسینکدر ؛
 شو مبارک حبيب ذیشانک ؛
 بو کفنسز یاتان شهیدانک
 کیمی بدرك ، کیمی حنینکدر .
 نازه لنسوغمی قانلی یاره لری !

کمال

حیانه قارشی بشر

- لعنت بزه ، ای حیات ؛ سن معصوم و بیجلسک ! -

کور صاحبزاده هپ شو مهارک کونشلی ،
 شفققلی کوزلرنده بوتون کوك ، بوتون دکیز ،
 برابر غنجه خیزه بورونمش و محترز ،
 لاکن هراشتیاقه کولن نازی بر پری ...

موفقیت تعیین ایدیور . تشخیص ، غیرذیروحہ حیات انسانہ
ویرمک دیمک اولدیغنه کوره بونده بالطبع داخل اولان
« انطاق » ک تخصیصاً ذکر ی زاندرر ظننہیم .

تشخیص تصور شاعرانهک اک بلند اساسلرندن معدود ،
آثارعالیه بونک مثاللریله مالامالدر . معافیہ لسانمزده ، اشاغیده
کورولهجک اولان استعاره مکسبه حکمنه داخل خیالات
مختصره دن صرف نظر اولوتجه ، امثالی کثیردر دنیله من .

ایشته بر قاج مثال :

سمتک سکون وظلمتی آرتاردی دمبدم ؛
کویا چکردی قهرینه طوغری بز ی عدم .
دهشتله طولدی خانه قلب ، فقطینه
اصلا خیال وخاطرمه کلیدی ندم .
ناکه تجسم ایلدی قارشیمده بر وجود ،
بر قهرمان عشوه ... مهابتلی برصم :
امواج نور واری وجود لطیفی
اورتردی نیم ستره بیضاسی خم بخم
مدہشدی کوزلری ، دهنی لرزه دار خشم ،
کیسوسی تارومار ایدی ارولری بهم ،
نورنکاهی برق بلادن نشان ایدی ،
سیال بر آلودی لبندن چیقان ستم ،
رفع ایلوب هوایه تهورله برالن
تقریب ایدردی نزدمه کندین قدم قدم ،
ایتم قیام دوشمک ایچون پای قهرینه ،
ایواه اوچدی کیتدی اونور سماحرم ،

هر نوعه واسح بر ساحة بروز اولان دبیاتده اولکی حکم وقوتی
تماماً محافظه ایلشدر ؛ شوفر ق ایله که بو کون تماثلالت خیالیه ،
اولجه اولدینی کبی ، معتقدات جدیه دکل ، ساده جه توهمات
شعریه در .

تشخیص بر طرفدن ، بوسبيله مولدات شعریه نك اك قوتلی
بر شکلی اولدینی کبی ؛ دیگر طرفدن ده بوتون بشریتده جاری
بر استعداد ، اك ابتدائی بناء علیه اك اساسلی بر طرز تخیل اولمق
حسیله اذهان عامه ده بویوک بر سهولت نفوذی حائزدر . هیچ
بر خیال تشخیصدن بشقه بر صبر تله او قدر سهل و واضح اوله رق
تمثل ، اودر جه ده عمیق بر تاثیر حاصل ایده من .

طبیعی در که تشخیصک بو قوتی ، بو سهولت تأثیری حائز
اولماسی ، اول باول ذهن مبدعه صمیمیتله حصولنه وابسته در .
یوقسه « مادام که تشخیص بو قدر تی حائزدر ؛ تشخیصه مراجعت
ایده لم » قرار یله التزام اولونان صنعی تشخیصلرک حاصل ایده جکی
نتیجه او قویانلری تبرید ، یازانی کولونج ایتمکدن عبارت قالیر .
اکرم بك افندی ده تعایم ادبیاتنده « تشخیص وانطاق
دهاتک قلمندن صادر اولدینی زمان غایت علوی ، غایت مؤثر
اولور سه ده بی قدرت اولان ارباب قلمک استعمال ایتسی حالنده
کولونج اولمغه پک مستعددر . حسن تأثیر حاصل ایده میه جک
اولور سه نطق و حرکت ویرمهک چالیشدینی جامدن جامد ، موقع
تماشایه کتیره جکی جنازه لردن بارد کورونور » افاده سیله تشخیصه
« صمیمیت تلقی » تعبیر یله تشخیص اولونه بیله جک بر شریطه

انسانلرده اولدینی کبی ، برطاقم حسیات و آمال واحترافات ایله متحرک فرض ایلک دیمکدر .

بو طرز تخیله « ابتدائی » دیدک . چونکه الیوم موجود اولان اقوام وحشیه حقدیه کی اطلاعاتمز ، اقوام قدیمه ابتدائیه عائد اولان تحریاتمز واضحاً اثبات ایدیورکه تشخیص ، بشریت اولانک اک قوتلی اصول تفکریدر . انسانلر حالت ابتدائیهده تشخیص دیدیکمز تمائلات خیالیله لرینی حقیقت ظن ایله اوکا اعتقاد ایدرلردی . اقوام ابتدائیه نک کافه معتقداتی تمائلات تخیلیه در . حتی اسکی یونانیلرک ، بوکون بزلره اشعار رقیقه صورتنده کورینن ، اساطیری اوزمانلر کندیلری ایچون شعر دکل ، بر حقیقت اعتقادیه عد ایدیلردی . آز جوق وسعت خیاله مالک اولان چوجوقلر مزک اطوار تفکرینه دقت ایدیلرسه کورولورکه هپسنده بویوک بر میلار تشخیص واردر .

عموماً بشریت ایچون کمال مدنیته طوغری یوکسلدیکجه ، افراد بشردن هر برینه کوره صباوتدن اوزاقلاشدیکجه بو طرز تخیل ، قطعی وفقی تفکرات اوکنده درجه درجه قوتنی غیب ایدر . فقط کرک مبدیه بشریتده بلا استثنا حاکمیت ذهنیه نی حائز اولماسندن ، کرک ادوار صباوتده دائماً اظهار حکم ایللسندن آکلاشیلیرکه تشخیص تخیل بشرک اک درین طبقه اساسیه سیدر . تربیه فکریه و ممارسات ذهنیه ایله اشیا وحادثات آراسنده دها قاطعی ، دها حقیقی روایط و مناسبات بولمق ملکه سی ، بویالک طبقه اوزرینه یاییله رق اونی ستر ایدیورسه ده تمائلك

ایکی شی آره سنده «ث» خاصه مشترکسی ؛ صوکره بری
«ع و ث ل ه» ، دیگرى «ط م ف ل ك» خواصيله تعین ایدن
دیگر ایکی شی آراسنده ده «ل» خاصه مشترکسی موجود
اولسه اوچنچی ایله برنجی آراسنده هیچ برتمائل اولمادیغی
حاله ، هرایکیسنک آری آری خاصه لردن طولایى ایکنجی
ایله تمائلرینه آلدانه رق ، آرالرنده تمائل اثبات ایدیلیر .

تمائل تخیل مبدعك نامقرر ، متموج وكثیر الاشكال
برعاملیدر كه اك یكى ، اك محیر ترکیات خیالیه تولید ایدر .
ذهن بشرك كائنات و حادثات آراسنده بولدیغی و بوله بیله جکی
تمائلات اوقدر چوق ، اوقدر مختلف ، اودرجه کیفیدر كه
طبیعت ابداعده آز چوق برانتظام كشف ایده بيلمك وهله
امكانسز كورونور . فقط بی حدود وقرار اولان تمائلاتك
كافه سنی نهایت ایکی زمره اساسیه ده طویلماق ممكندر كه بونلرك
بريسنه «تشخیص» [۱] دیگرینه «استبدال» [۲] دیرلر .

تشخیص

تشخیص — كه بشریت ایچون اك ابتدائی ، مع مافیسه
غایت اساسلی ولایتغیر بر طرز تخیلدر — کندیمزه قیاس ایله
اشیایه حیات اسناد ایتك ، ذوی الحیات وحتى غیر ذیروحي ،

personnification [۱]

transformation [۲]

قوت واهمیتی اول باول طرفینده کی خواص مشترکه نک عددیه متاسبدر .

ثانیاً ، تمائل طرفینده کی خواص مشترکه نک کیفیاته تابعدر ؛ یعنی بربرینه قیاس اولونان ایکی شیده کی خواص مشترکه نه قدر اساسلی ، یاخود حقیقی ایسه طرفین آراسنده کی تمائل اونسبتده قوتلی ، بالعکس خواص مشترکه نه درجه عارضی یاخود ظاهری اولورسه تمائلده او قدر ضعیف بولونور . مثلاً ، بالینه بی بالقرله مقایسه ایدر سهك آرالرنده کثیر المقدار خواص مشترکه کورولور . فقط بونلر قسماً عارضی ، قسماً ظاهری در . بالعکس بالینه نک دیگر حیوانات ذاتالهدایا ایله مقایسه سنده کوروله جک خواص مشترکه کیمه اولکیلردن آز اولمله برابر کیفیت عالی یعنی هم اساسلی ، هم حقیقیدر . ایسته بوسیدله درکه بالینه برجاهله کوره بالق ، فقط تعمیقه مقتدر اولانلر نظرنده مهلی حیواندر .

تمائلک بورایه قدر سوبله دیکمز ایکی اساسی یالکز ادبیاته یاخود بداعات سائریه خاص دکل ، بشرک بوتون فعالیت ذهنیه سنده عاملدر .

فقط اوچنچی برطرز تمائل وارددرکه بداعت خارجنده کی فعالیت ذهنیه ده ضعف تفکره دلالت ایتدیکی حالده تأثرات وحسیاته تعلق ایدن احوالده . و فقیته استعمالی نادر دکلدر . بوطرزی ده دیکر لری کبی اکلاتمق ایچون دیه لم که : بری « اب ت ث ج » ، دیکری « ع و ث ل ه » خواصنی اظهار ایدن

حصولی اوله رق « تخیل مبدع » دینیلن خصیصه ذهنیه دن متکون و داتما یکی یکی زمره لر ، یکی یکی هیئت لر تشکیلنه مستعد اولان خیالات در . تخیل مبدع حقنده لازم کلن معلومات اجمالیه ایلروده « بدیع » بحثده ویریه جکسه ده مجازاتک اساسنی آکلایه بیلیمک ایچون بوراده تخیل مبدعه عائد برعامل ذهنیدن بحث ایده جکز .

تمائل [۱]

تخیل مبدعک ، تفکر اعتباریه ، عنصر اساسیسی علی طریق التماثل ، یعنی جزئی واکثریا عارضی برمشابهته استناد ایله دوشونه بیلیمک قابلیتیدر . بوراده کی تماثل کلمه سی مشابهتک بر شکل ناتمامی معناسنده مستعملدر .

تماثل اولا ، یکدیگریله مقایسه اولونان ایکی شی آراسنده کی خواص مشترکه نك کیمته استناد ایدر : مثلاًبری « ا ب ت ث ج د » ، دیگرکی « ن ع و ث ل ه » خواصندن ترکیب ایدن ایکی شیئی مقایسه ایدنجه آرالرنده کی خاصه مشترکه نك یالکمز « ث » دن عبارت بولوندیغنی کورور و تماثلک پک ضعیف اولدیغنی اکلارز . طرفیندن بری « ا ب ت ث ج د » دیگرکی « ا ب و ث ج ی » خواصندن مترکب بولونسه آرالرنده کی خواص مشترکه « ا ب ت ج » اولورکه بوراده تماثل قویدر . خلاصه تماثلک

مجازات

یوقاریده حقیقت و مجازی « الفاضلك دلالت وضعیه سنه حقیقت ، دلالت عارضیه سنه مجاز دیرلر » صورتنده تعریف ایتمشدك . بو تعریف ، معنائك ظاهر محسوسی اولان ، لفظه كوره مرتبدر . روح مجازه انتقال ایچون الفاضلدن معانییه تعمیق نظرایدرسهك كورورزكه مجاز ، « بر خیالك یرینه اونكله بر نوع مناسبت و ارتباطی بولونان دیگر بر خیال اقامه ایتمك و هیچ اولمازسه یكدیكریله علاقه دار ایکی خیالی ذهنده برلشدیرمك » دیمكدر .

ادبیاتده معروف ومدون اولان مجازاتك انواعی اوخیاللر آراسنده کی روابط و مناسباتك تخالفندن نشأت ایدر . بو رابطه دیکشنجه مجازك شكل وماهیتی ده تبدل ایدرك بشقه بر نوع حصوله کلیر .

شو بیاناته كوره مجازاتك اساسی ایکی خیال آراسنده لا اقل بر مناسبت بولمق دیمك اولیور ، وبوندن آكلاشیلیوركه مجازاتده بری خیالات ، دیکری خیالات آراسنده کی مناسبات اولمق اوزره ، ایکی عنصر واردر .

بوراده کی خیالاتدن مقصد احتیاساتمزدن حاصل اولان انطباعات ذهنیه یی ، اولدینی کبی ، تکرار ایدرك ذهن بشری تکریر منطبعاتده بر سینه ماطوغرافدن ایلری کوتوره مین عادی تخطرك آناری اولان خیاللر دكلدر ؛ انواع بداعاتك واسطه

ایکنجیسندہ « صائمق، اومق » فعلریلہ تصویر اولونان جوشش
حسیاتک نہ قدر مؤثر اولدیغنی کورور ؛ مبالغہ نک شکل انحطاط۔
طیسی تعبیرندہ کی مقصدی درحال اکلارسکز . ینہ مثلاً
فضولینک

بیك جان اولیدی کاشکه بن دلشکستہ ده
تا هر بریلہ برکز اولیدم فدا سکا .

بیئتہ کی مبالغہ ایلہ استانبول محیطندہ یاشامش اولان مقلد لرینک
عینی درجہ ده کی مبالغات عاشقانه سی آراسندہ حس ایدیلن فرق
تأثیر ، نقصان صمیمیتدن منبعثدر .

حسیاتہ متعلق مبالغہ لر بویله اولدیغنی کبی تخلیلہ عائد اولانلری ده
برطاقم مستعار توهملردر کہ میدان مسابقہ ده زیادہ قوشمق املندن
بشقه برشی کوسترمز . مثال :

بارکاه زهی رخس هایون سیا
کہ قومش نامی سلطان جهان باد صبا ؛
نه صبا صاعقه دیرسم یراشور سرعتده
کہ سکیردرکن اکا سایه سی اولماز هم پا .
براغور آنی دخی سایه سی کبی یولده
اولسه کر شاطر اندیشه ایله پادریا ؛
دوشمدن سایه سی خاک اوزره ایدر عالی طی
سہو ایله را کبی کوسترسه عنانه ارخا
نفی

مبالغه ده برلكده كلش ، فقط مملكتتمزله ايران قدر ائتلاف
ايدمه يهرك انحطاطی بر شكل كوسترمكدن قورتيله مامشدر .
آثار اسلافده کی مبالغه - بوسبيله - عینی زمانده صمیمی ده
دكلدر .

مثلا هندك ، وقتيله شایان تألیه كوردیكي ، جباره سندن
برينك وفاتی اوزرينه او زمانکی حسیات ايله یازلمش برمرثیه نك
غلوینی استانبولده وفات ایدن برذات ایچون استعاره ایتمش کی
كورینن شوقطعه یه باقیکنز :

بیقیل ای طادم سپهر برین !
سویوك ای شمع قبه زرین !
بوزول ای امتزاج عنصر چار !
اوزول ای عقد عقده پروین !
طاغیل ای جند بی شمار نجوم !
طویوك ای ماه سرعتیله همین !

فاضل

صوكره اکرم بلك برمرثیه سنده کی

اول ذاته تحسرله صاندم که زمان اغلار ؛
اومدم که یوزی صبحك برنك حزین باغلار ؛
کورددم که کونش طوغمش ، پرخنده بوتون طاغلر ؛
بلبلر اوتر شادان ، پرنشئه صولر چاغلار .
عالم ینه اول عالم ، دوران ینه اول دوران .

قطعه سینه دقت ایدیکنز : اولکنده مبالغه نك نه قدر جامد ؛

معتبر اولمانسه دلالت ایدرکه احوالده بالذات فکر مسابقه علت
دہل ، بلکہ نتیجہ در .

عرب ادبیات عتیقه سی اغراق و غلودن سالم ایدی . ظهور
اسلامدن ایکی عصر صوکره دولت عباسیه نك بغدادده تمرکزی
عربك عجمله اختلاط صمیمیسنی ایجاب ایدرک ادبیاتنده مبالغه یه
دها واسع بر رواج و یردیکی کی تورک ادبیاتنده کی میلان غلوده
بزه تمامیله عجمدن انتقال ایتشدرد . هر قومك حسیات و خیالاتنده کی
مبالغه کارلانی درجه سی ، بر طاقم عوامل و شرائط میاننده ،
تأثیرات اقلیمییه ده تابعدر . مثلاً عمومیتله اوروپاده قطععات
جنوبیه اهالیسی شمالیره نسبتله چوق مبالغه کاردر .

بر قوم نه قدر مجبول مبالغه اولسه مشهورات و محسوساتنك
مجموعی دیمك اولان طبیعیاتدن اوزاقلاشه من . حتی اقوامك
تصورات مافوق الطبیعیه سی ینه احساساتندن نبعان ایدر .
قوای طبیعیه نك قوت بشری قاهرانه بر غلبه ایله زبون
ایتدیکی یرلرده ذهن ، شدت خوف و انجذاب ایله افراط
تخیله ، غلوه کیدر . طبیعتك ، مناظر و حادثاتی اعتباریله ،
اك قوی اولدینی یرلردن بری هندستاندر ؛ هنده اك یاقین
مدنیت ایسه ایران مدنیتی ایدی . او یله ظن ایدرم که بیکلرجه
سنه اول معتقدات مذهبییه و مسالك فلسفییه شکلنده هنددن ایرانه
کلن تصورات وهمیه ، ایرانك قلبیتی درجه سنده اعتیاد مبالغه
شکلنی اکتساب ایله ، ادبیاتنده تجلی ایتشدرد .

تورک ادبیاتی تماماً عجمدن استعاره ایدیلیرکن میلان

صارصلد غنجه زلزله حمله دن زمین
 آشوب رستخیز قیامت عیان اولور.
 کرد سیهده شعله شمیر تابدار
 کویا سحاب تیرهده برق جهان اولور.
 نفی

اوچنجیسی عقلاً وعاده محال اولان مبالغه در که مردود در.
 بوکا « غلو » دنیلیر . مثال :

طره طاق رواقی همسر ذات البروج
 سایه سقف بلندی خوابگاه اختران
 نفی

عربك بو قاعده بدیعه سنه رغماً ، قدماى ادبا آراسنده
 مبالغهده افراط « وسعت تخیل مسابقه سنده » احراز غالبیت
 صورتنده تلقی ایدیلرک مظهر ترویج اولمشدر . حتی شیخ
 غالب ، نابی بی مواخذ ایدرکن

هم بردخی بوکیم اول سخنساز
 اغراقده مرغ یت پرواز

بیتله نابینک — موضوع تنقید اتخاذ ایتدیکی « خیر آباد »
 عنوانلی اثرنده — فرط مبالغه دن آزاده قالمش اولماسنی بویوک
 برقصور اوله رق کوستریور . بویله برتلقینک سببی نه در ؟
 واقعا شیمدی سویلدی کمز کی مبالغهده احراز مسابقه املی
 آشکاردر ؛ آنجق غلوك معیار مسابقه اتخاذ ایدیله بیلمسی اساساً

اویله وقف ایدهم که ممر ناس اولان برلرده نماز قیله قیله ، بوکلوم
بوکلوم یورویهیم؛ نروده برغلبه لك کورور ایسه کیدوب همان قرائت
اذان ایله خلقي نافله نمازینده دعوت ایدهم؛ وواپورده ، واغونده ، بلند
آواز ایله موعظه لر ویرهیم .

رفیق خاله

کتب عتیقه ادبیه ده مبالغه حقنده کی احکام شو صورتله تلخیص
ایدیلیور؛ مبالغه اوج نوعدر :
برنجیسی عقلاً وعاده و قوعی ممکن اولان مبالغه در که « تبلیغ »
دینیلیر ؛ الک مقبولی بودر . مثال :

نظرم ایسه اطرافه مستولی اولان محیط ظلمتک اعماق خفا سنده
غائب اولمش کیتیمشدی . کیتدکجه ظلمت برحاله کلدی که قرانلی ال ایله
طوتمق قابل کی کورینوردی . سایه سنده اکندیکم هر آغاچ نظرمد
برغول یبانی شکلی باغلا دی . کویا که یریزی زیرزمینه کچمش ویا خود
ظلمات مقابر روی آرضه چیقمش ایدی .

کمال

نرویه باقسه ایدم هپ رونق ؛
کیجه مهتاب ایدی کوندوزده شفق .
هیچ کلزدی بهاره فیصل ؛
اون ایکی آی ده ربیع الاول .

عبدالحق حامد

ایکنجیسی عاده محال ایسه ده عقلاً ممکن اوله بیلن مبالغه در که
« اغراق » دیرلر ؛ مقبولیتته مطلقا حکم اولونا ماز . مثال :

صفلر دوزوب هجوم ایدیچک خیل دشمنه
دهشتله آسمان وزمین پرفغان اولور .

بوسرمادن اکر محشرده نبذه عاصیان اوزره .
 دوشرسه ناکهان برقطره برفی بـ سرمناک
 کر آتشناه صد ساله کبر ومغان اوزره ،
 ویرر اول رتبه طبع آتسه حکم برودت کیم
 سمندر پاره لر پرواز ایدر باد وزان اوزره .

ضیا پاشا

بوتون آثار ادبیهده وجودی ضروری اولان اقسام آرا-
 سنده کی مبالغه ک حد مقبولیتی ایسه بونلرک یکدیگریله وروح
 موضوع ایله اولان روابط ومناسبات طبیعی سنی محافظه ایتمکدر .
 بومناسبات طبیعی اخلاص ایدیلنجه اثر ، مبالغه مردوده ایله معلول
 اولور .

مبالغه مدخوله تیاترو ، حکایه کبی مرکبات ادبیهده اک
 فاحش نقائصدن معدوددر ؛ هله اشعار بسیطهده عادتاً کولونجدر .
 اک بارز اشکالی ، یکرمی سانتیمترواق برکوکده اوزرینه اون
 سانتیمتره قطرنده برباش رسم ایتمکه بکزه رکه ذهنک تخیلات
 معتاده سیله متعارض اوله رق - حسیات سائر مداخله ایتمزسه -
 موجب خنده اولور . بوسیله یالکیز مزاحه موافقدر . مثال :
 فی الحقیقه بن نه المده دوقسان دوقوز دانه لی تسبیح ، نه دوداقلرمده
 یانمده کیلرک نظر دقت وحیرتی جلب ایده جک قدر یوکسک سسله
 سوبلن کلمات توحید . تره نلرده ، واپورلرده پرنیاز وعبادت دول-
 شه جق ، علی الخصوص سوقاقلرده برثانیه بیله وظیفه عبودیتی ایفادن
 کری قالمیه جق قدر علنا مشغول تهلیل وتقذیس اولامام ؛ بن نیاز
 وعبادتمی حجره وحدتمه حصر ایدن عبد کناهکارم ؛ فقط ، ای کار
 آموزده منتخبلم ، آرزوکز او یله ایسه بیلدیرک ! کندی نیاز ومناجاته

کورولیور که تبلیغه وضوح دلالت مبالغه نك غایه سی ،
 بناءً علیه حد مقبولیدر . اونی تجاوزله حاصل ایدیلن ترکیب
 جدید ذهنیت مجبوله مزه توافق ایده مدیکی ، دهآ آچیق تعبیر
 ایله ، مبالغه نك ایجاد ایتدیکی حس وخیال ذهنمزه حوصله
 تلقیسنه صیغامدیغی حاله مردود اولور که بونده ده ایکی حال
 واردر : تبلیغ اولنان خیال یا ذهن مخاطبده مانعه غلوايله هیچ
 تحصیل ایده مز ؛ یاخود ذهنك تخیلات معاده سیله ، یعنی طبیعتله
 ائتلاف ایلیه مز . برنجیسنه مثال :

ایردی برغایته تأثیر هواکیم برمور
 یردم کرم ایله ایلر ، بدی دریایی سراب
 نفی

ایکنجیسنه مثال :

زمستان کلدی حکم زمهریر ایردی جهان اوزره ،
 فلك آق جامه لرکسیدی سودا بوستان اوزره .
 دماغنده طوکار شکلیله هر بر حرفی سرمادن
 حرارت لفظن آلتی ایسته سه مالک زبان اوزره ؛
 دوتر هر بر شرر بر اختر افسرده اندامه
 وزان اولدجه صرصرکوره آتش فشان اوزره ؛
 اثر ایتزینه افسردکی بال وپرندن
 اکر صد مهره طوب آتسه لر برماکیان اوزره ؛
 تصور خانه فکرتده کسب انجماد ایلر
 هیولای معانی بولدن صورت بیان اوزره .
 اولوب افسرده خاطر کیسه اکاز دوزخی دوشسه

سزی خندان ایکن ایتش موجود ،
 اولشز ، کون وفسادك ، زنده ؛
 بز فسادنده وسز کوننده .
 اوله آقش ازلی بر منبع ؛
 سحر خلقتك اولش مطلع
 بزه کاذب ، سزه صادق جهتی :
 بو ایش چاره نه ، لایق جهتی .
 آغلام ، اغلام اول خائن ایچون
 هم ایناماز ایسه کلسون کورسون .
 کلده سیرایله ده آتش پوسکور
 کولهیم بن سکا هر نکور هونکور
 « قهقهه لر ایدر »

فاحشه نامی آلان هر بر زن
 ناله طرزنده اولور قهقهه زن .
 کوله می کورده تخیل قیل سن
 نصل آغلار عجبای بویله کولن ؟
 اولمکه میل ایدیوردم یا دمن ،
 توبه اولسون ، ایده رم همده یمین
 که اگر شیمدی کلوب عزرائیل
 پنجه سنده بنی ازسه تکمیل
 شو وجودم توکنوب قالسه اگر
 آنده بر ذره حیاطدن اثر ،
 قسم اولسون ینه یوز بیک کره ،
 قسمت اولماز سکا اول بر ذره :
 بکا سندن ایدر فحشیات
 ایلدم شیمدی اوکا وقف حیات .

— اوت خانجمن ، ایسترسه کز صحیح اورایه
 کیدنجه عایشه می بن یولایم همان بورایه .
 سزک ایچون کیجه کوندوز دعا ایدر ، طورورم ؛
 بنم یانمده قالیرسه سفیل اولور یاوروم .
 زواللینک دها دنیایه کلدن ، پدری
 شهید دوشوب بزى یاقشدی آیرلیق خبری .
 بنم قیزم حامراتدر ، کوزلجه خدمت ایدر ؛
 کلین ایدرسکز الله یتشدیررسه اکر ؛
 بیوب ایچر ، کچینر سایه کزده بر اوکمز ؛
 اکر قباحت ایدرسه آزارلایک ، دوککز .
 حیاتی ایدرم بن فدا اونک یولنه ،
 صاقین طوقونماییکز یاورومک سقط قولنه :

حسین سیرت

یاخود اثر بداعت اولان او ترکیب جدید ، تأثر اصلی بی
 تبلیغده وضوح دلالتی حائز اولمق شرطیه ، من حیث المجموع ،
 موجود طبیعی به نسبتاً بو بودلمش یاخود کوچودلمش اولورکه
 اوزمان مبالغه یالکمز اقسامده دکل ، اترک هیئت عمومیه سندهده
 کورولور . عبدالحق حامد بکک همان بوتون آثاری ، بومیانده
 « بر سفیلنه نک حسبجالی » عنوانلی اثری بو یولده مبالغاته مثال
 اوله بیلیر . بوراده یالکمز بر پارچه سنی ذکر ایده جکم .

کولکمز ، سز کولکمز زنکینلر ؛
 بز ایسه آغلایهلم مسکینلر .
 بز فنا ، سزسه کوزل بر مخلوق ،
 یعنی بز عاشقه یز ، سز معشوق .
 بزه اغلارکن ایدن بخش وجود

چو چوقلری آلوب اطرافنه بویوک آسنه ،
دیوردی اسنه یرک :

— نرده ماویشم سودننه ؟

ماصالمی سویلیه جکسک بویوک خام بویکجه ؟
بزمده ایشلرمن بیتدی ایشته ایرکنجه ،
چو چوق ، او طائر پرنشته پرکشای شباب ،
کشاده بولدی اوکنده برآشیان خراب ،
ویرردی نشئه جنت بویاورو غائله یه ،
چکرده خاتمه هر شب اوکونکی غائله یه ،
بونشئه لی ، صاریشین ، ماوی کوزلی یاورو ملک ؛
زوالمی سودننه ! سندن یارین جدا دوشه جک .
نه مشکلات ایله سوددن کیلیدی اون کوندر ،
اونک کوکلجکی البت بو حاله اوز کوندر .
قادیندن اوده کیلر پک زیاده ممنوندی ،
فقط بآیریشندن قادینده محزوندی .
دوشونجه سی آرانیسه ، کوینده عایشه جکی ،
اونک بهار حیاتنده تک آچان چیچکی .
نه حالده در عجباً شمیدی آجی ، عربانمی
سزای سینه اولان غنچه سی پریشانمی ؟
اولودی بویله تفکرله مضطرب ، کریان
زمان زمان یورکندن قویاردی برخلجان .
قادینجفز بویکجه هم کدرلی ، هم ممنون :
کوزنده کریه شادی ، نظرلری محزون ؛
زوالمی اوده کیلرله حلاللشوب کیجه دن
وداع ایدوب کیده جکدر یارین صباح ایرکن .
— نه اغلابورسک آسودننه چو جقمیسک سنده ؟
کلیر میزکله برابر قالیرسکز بنده ..

افسانه‌لر ، نه مضحکه‌لر کولدورر ، نه لر
ایقاظ‌ایدر ، نه لریشتیر!.. فکر ایچون مطاف ،
امید ایچون ملاذ اولان آغوش مشفق
ای پیر محشم ، مدیت پرینه
بر کھف بی ریا ؛ اوکا اک محرم ، اک یاقین
سنسک ؛ بر آز دوشونمه وقورتوله حسنه
صاحب وطن چوجوقلری هپ سنده بسله نن ،
سندن حیات آلانلر ؛ اک آتشی حق سسی
سندن قوپار ، قوپارسه بو بوشلقده بفته :
سنسک جهان فکرتک اک طاتلی معکسی .

۷

غرب اشتیاق فکره آجیق بر افق ، و سن
شرقک بو افقه ایلك آچیلان بر دریچه سی !
توفیق فکرت

عایشه جک

چولوق چوجوق بوتون اوخلقی بر کنیش اوطه‌نک
هوای سردینی تسخین یدن کوچوک صوبانک
باشنده سوبلشیورلردی پر نشاط و سرور ؛
زمینه قطره فشاندی سحائب مفتور .
ظلام ایچنده صوقاق ، تازیانه باران
ایدردی ضربه سردیله جاملری لرزان .
سديرده والد مشفق ، یاننده مخدومی ،
چیتیر ، پیتیر قونوشوردی لسان معصومی ،
کوزونده کوزلیکی ، قیرپینتی بوخچه سی برده ؛
دیکیش دیکوب اوطورورکن دکیرمی مندرده ،

جدید ، یا - مجموعت درجه اعظام و تصغیری اعتباریله - موجود
طبیعی به توافق ایدرکه اوزمان مبالغه اثرک هیئت مجموعه سنده
دکل ، یالکز اقسامی آراسنده در . مثال :

سلطانی به

فرك بوتون سمانی بردن قوجاقلایان
بر پنجره كده ، صحنه خاورله رو برو ،
ییللرجه بوندن اوله راجع ، بو کون یاوان
بر سرگذشت ، اوکونلر ایچون ماجرا طولو
بر عمره نصب فکرایله طالدم... بوکونکی بن
کیم دیر، او یکریمی بش سنه اولسکی کونلیم ؛
برچه یرک عصره او یله اوزاقدن باقوب کولن
سیمايه شیمدی بن بیله بیکانهیم... او کیم ؟
کیمدر حقیقه شو بیاض بر کلین قادار
حساس وشوخ آقا سیالرك کولک سنده گاه
باغران ، کولن ، قوشان ، تدین ، بعضی پروقار
بر طور اکتناه ایله ، بریانده بر سیاه
جلدك ظلال لال سطورنده غیب اولان
جوال ومحترز چوجوق؟... ای مأمن شباب ،
ای مأمن شباب وذکا ، بن ده بر زمان
ایتدم کنیش قاناتلرك آلتنده احتجاب ،
سن صاقلادك بوروحی محیطك ضیا شكن ،
مخفی صولوقلرندن ؛ اوت سن قوجاقلادك ،
طوتدك ، اوکوم بوتون اوچوروم ، هپ سقوط ایکن .
جهلك ، تعصبك دوداغندن قاچان آدك
کل دیکله ، روحزده نه خرم ترانه لر
جانلاندیرر ، نه خاطره لر تیره تیر ، نه صاف

هر ذهنك حساسيت تلقیه سی مساوی دكلدر؛ خصوصاً شا-
عريتله ممتاز اولانلر عوام ناسدن زیاده حساسدرلر. بونلرك
محسوساتی باشقه لرینه انتقال ایچون حال طبعینك فوقه چیقماق
لازمدر. قوت بصر صاحبی اولان بر آدمك اوزاقدن فرق
ایتدیکی شیلری کوره بيلمك ایچون دیکرلری دورینه محتاج
اولدینی کبی، روح اشیا دن بالطبع وبالسهوله متحسس اولان
برشاعرك تأثراتی ادراکده اذهان خلقه معاون اولان واسطه ده
مبالغه در؛ اکر شاعرك تأثری صمیمی اولورسه مبالغه سی ده
طبیعی و مقبولدر. بوحالده ده مبالغه نك معیاری، مخاطبلرك ذهنده
مولد تأثر اولان حس و خیالک حصولدن عبارت قالیر.

کائنات و حادثات دن برشیئی تصغیر صورتنده کورونن مبالغه لر
ظاهراً کوچولتمك ديمك ایسه ده اساس مقصد تأثیر و تأثری
تزیید اولدینی دوشونولونجه بوتصغیرك حقیقتده اعظامدن فرقی
یوقدر.

خلاصه؛ مبالغه بویوك، كوچوك كافه آثار ادبیه نك یا
هیئت مجموعه سنده، یا خود اقسامی آراسنده جاریدر. هر اثر
ادبینك غایه سی، روح موضوع اولان تلقی اصلی یی مخاطبلره
اك سهل و اك تام اوله رق القا ایتمك دن عبارت بولوندینی دوشو-
نولنجه مبالغه نك حدی تعین ایدر: بر شیئی طبیعتده اولدینی
کبی تصویر ایتك - ایلروده ایضاح ایده جکزکه - ابداع ديمك
دكلدر. بداعت، موجودك اقسامی و بو قسملر آراسنده کی
روابطی تعدیل ایله یکی بر ترکیب ایجادیله قائمدر. بو ترکیب

اوقوییکز . بونده تصویر ایدیلن اشخاصه عائد اوصافک هپ
تأثر اصلی یی الچوق اظهاره خادم اولدیغنی کورورسکز . بواشخاص
ایله اونلره اسناد اولونان حرکاتک مجموعی تأثر اصلینک مابه الحوصو .
لیدرکه دائماً بو خدمتی نسبتنده مبالغه ایله تصویر اولونمشدر .
بویله بر شعر مرکبه بوتون اوصاف مصوره ، بوتون تحولات
اسلوب یکدیگرینه التحاق ایله ذهن مخاطبی متمادیاًغیه شعر اولان
تأثره ایصال ایتمیدر . بر اثر ادبیده افکار حسیات و خیالاتدن بر
ویا بر قاحی لزومندن زیاده مبالغه ایدلمش و یا لزومی قدر مبالغه ایله
ابراز اولونه مامش ایسه اوراده کی نقصان ، تأثر اصلی یی اخلال ایدر .
بوندن اکلاشیلیرکه مبالغه ذهن مبدعک تأثر اصلینسه موافق
وبالن نتیجه او تأثرک مخاطبلرده تمام حصوله خادم اولمالیدر . بو
حالده نظر تنقیده کوره اقسامده کی مبالغه نک معیار مقبولیتی
تبلیغ ایدیلن تأثر اصلی یی اذهان غیره انقاده کی درجه موفقیتیدر .
مثلاً بر قایقچی یی تصویر ایدرکن وجودینه نسبتله اللریخی کوچوک
کوسترمک فصل غیر مقبول بر مبالغه ایسه ، اللرک بیوکلکنی
اعضای بشر آراسنده کی مناسبات طبعیه یی اخلال درجه سینه
چیقارمقده مردود بر مبالغه در . دیمک که بر کلک اقسامنده
مبالغه ، علی الخصوص بر شعر مرکبه ، اقسام واجزای شعر دن
بعضیلرینک حال طبعی به نسبتله اعظامی ، بعضیلرینک بالعکس
تصغیریدر ؛ شو شرط ایله که مجموع اقسام آراسنده وجودی
لابد اولان روابط و مناسبات طبعیه اخلال ایدلمامش اوله .
موضوعک هیئت مجموعه سنده کی مبالغه به کلنجه : معلومدرکه

شعرک شکل حاصلی ، اسلوب ادبیک روح فعالیدر . مبالغه یا موضوع ادبی اولان برکک اقسامی آراسنده کی مناسباتده ؛ یاخود موضوعک هیئت مجموعہ سنده بولونور . بو ایکی حالی آیری آیری تدقیق ایدہ جکز .

ایلریده موضوع ادبیدن بحث ایدلدیکی زمان ایضاح اولونه جقدر که ذهن مبدعده کائنات و حادثات طبیعتدن حصوله کلان انطباع و تأثر ، موضوع شعرک اساسیدر . شاعرک منتهای مقصدی اونی مخاطبیرینه ممکن اولدینی قدر تام اوله رق القا ایتمکدر . بوکا وصول ایچون کائنات و حادثاتدن او تأثری پیدا ایدن شیئک اقسام و اجزاسی آراسنده کی روابط و مناسباتی تعدیل ایدر ؛ کندیسنه مولد شعر اولان ماده و یا حادثہ ده کی بر چوق اوصافدن تأثرینه تعلقی اولمیانلری طی ایتدیکی کبی دیگرلرینده او تأثرک حصوله اولان خدمتیرله متناسب درجه لرده تلقی ایلر . بناءً علیه تأثر اصلی یه الک مناسبتدار اولانلر بویوک ، واضح ، بارز ؛ سائرلری بالنسبه و درجه درجه کوچوک ، صولوق ، طونوق کورونور . ایشته کائنات و حادثاتده کی اوصاف طبیعیه دن بعضیلرینک بو صورتله اعظام و یا تصغیر ایدلمسی مبالغه در که موضوع ادبی ذهن مبدعده بوتغیر ترتیب ایله تشکل ، اسلوبه ده او صورتله انتقال ایدر . دیمک که ذهن شاعرک حرکت ابداعیه سی مبالغه ، موضوع شعرک تجسمی محصول مبالغه در ؛ صوکره او موضوع ، تلقیسی کبی تبلیغ ایدیلنجه مبالغه اسلوبک روح فعالی اولور .

بر شعر مرکب دیمک اولان بویوکجه بر حکایه یی ، بر تماشایی

انسانی هیجاننده یا اعظام ، یاخود تصغیر ایدرك اظهار ایلمسی
دیمکدر .

مبالغه فطرت بشرده مندیج بر خصلتدر ؛ محاورات عادیده
بیله کثرته استعمال اولونور . فقط دقت ایدیلنجه کورولورکه
موقع استعمالی دائما محل تأردر . مثلاً بلا تهییج صوئوق حس
ایتدیککیزی سویلک ایچون « اوشیورم » دیمکله اکتفایتدیککیز
حاله او حس هیجان درجه سنه کلمشه « طوکیورم » ، حتی
« طوگدم » دیرسکیز . وجاهگزده حدت ایدن بر آمدن ،
سزده حصوله کلن تحسسی افاده ایچون « قیزدی » کلمه سنی
استعمال ایدرسکیز ؛ فقط اوحدت ، سزده القای نفرت
صورتنده بر تأثر حاصل ایتمشه قوللانه جغکیز کله بلا شبهه
« قودوردی » فعل مبالغه کاریدر . بریسنک فرط خجالتندن
متأثر اولدیغیز زمان تصویرگزده « بیچاره آدم پک زیاده
محبوب اولدی » دیمکله ده قناعت ایدمه یهرك ، ده زیاده مبالغه
ایله « بیچاره آدم حجابندن یره کچدی » دیرسکیز . بوراده
مبالغه یی استلزام ایدن فعالیت ذهنه ، خجالت غیرک سزده
حصوله کتیردیکی تأثر مرحمتدن منبعثدر . بوتأثر ملاً حدتده
اوله بیلیر ؛ بریسنه قارشى « اوتان » دیه جک یرده فرط حدت
اظهار ایله « یره کچ » دیمک کبی .

بشر ایچون طبیعی بولدیغمز مبالغه بك قیمت ادبییه سنیده
آکلامغه چالیشم : مبالغه نه برطور مجازی ، نه ده بر صنعت
ادبیهدر . مبالغه ذهن شاعرك حرکت ابداعیه سی ، موضوع

کوره بعضاً بویو کجه تخالفار ، بعضاً فروق رقیقه درجه سنده تفاوتلر کوستردیکی ، هر حال و حرکتده نظر دقت بر انطباع شخصی کوره بیلدیکی حالده بشریته خاص اولان بوتون حرکات مادیه یی بر طاقم اصللره ارجاع ، بر طاقم زمره لره الحاق ایتک فصل قابل اولمشسه ذهن بشرک حرکات مغنویه سیله هم آهنگ اولان بوتظاهرات اسلوبیه یی ده - مشاهده واستقرایه ابتنایدن فکر تحری - متنوع زمره لرده طویلامش ؛ اصول استنتاج ایله اقایم کلیه یه استناد ایدن فکر تدقیق - اصول معینه یه ایصال ایشدر .

دیمک اولویورکه بحث ایده جگمز اصول بلاغت ذهن مبدعک بوتون حرکات تأثریه سنی احتوا ایده مامکله برابر - رقیقه لردن قطع نظرله - اوصاف اساسیه ده کی اشتراک لرینه کوره بونلری انواع مختلفه ده جمع ایده رک تدقیق وتدوین ایلر . ایشته بونوعلری مطالعه ایده جگمز . فقط بوندن اول اسلوبک ، حتی بعضاً موضوعک اساسنه تعلق ایدن برطرز تصور واردرکه اونی اکلامق لازم کلیر .

مبالغه

عمومیتله ذهن بشرک زمان تأثرنده کی هیجانی کنیدیسنده بر فعالیت مفرطه پیدا ایدر . بونک تظاهرات اسلوبیسنه « مبالغه » دینیلیرکه بر ذهنک آزاده تأثر اولدینی زمانکی تلقیات عادیه سنی

بلاغتک اصول خصوصیه سی

اصول خصوصیه عنوان عمومیه سیله تعیین ایتمک ایستدیکمز محاسن بلاغت مکمل اسلوب اولار بدایع مغویه در که اسلوبک هر جهتنده مطلقاً بولونماسی مشروط اولمادیغی کی هپسنگ عینی یرده مجتمهاً وجودی ده قابل دکلدر ؛ لزوم کورولدکجه آیری آیری تظاهر ایدر . انجق وضوح دلالتده کمال ایچون لافلرندن استغنا ایدیلهمز .

بومحاسن بلاغت - که حقیقتده تهیجات روحیه نک تظاهرات اسلوبیه سی دیمکدر - کائنات و حادثات مؤثره نک ، یالکز آیری آیری دماغلرده دکل ، حتی بر دماغ متأثرک حالات مختلفه سنده بیله متفاوت اوله رق تولید ایتدیکی تأثراتی بر ادای هم آهنگ ایله اسلوبده اظهار ایدن حرکات ذهنیه دن منبعدر . « اسلوب عینیه انساندر » قول مشهورینک حقیقه توافقی بونکله تمام اولور .

مادام ده بونلر تأثرات ذهنیه دن متولد ومادام که بوتأثرلر یالکز شخصه کوره دکل ، بر شخصک حالات مختلفه روحیه سیله بیله متبدلدر ؛ بونلری قواعد معینه صورتنده تدوین ایتمک ممکن اوله ماز ظن اولونور . فقط انسانلرک تنوعانه پایان اولیان حرکات مادیه سی شخصه ، شخصک حالات روحیه سینه

ایشته بر اثر تحریرك بلاغتسز لکدن قور تومسی ایچون نظر
اعتباره آله جق شرائط عمومیه نك الك مهملری بواجمالده داخلدر .
صحت افاده و مطابقت الفاضلی حائر اولمقله برابر بوشرائطی ده
جامع بولومان بر اثر قلمینك محرری دوزکون سویلش، دوزکون
یازمش اولدیغنی ادعا ایدم بیلیر. تحریرده بودرجه قدرتی اکتساب
ایچون دها و هنروری یه دکل بویو کجه بر استعداده بیله احتیاج
یوقدر ؛ و کنديسنه « اوقور ، یازار » صفتی لایق کورهن
هر کسه لسانی بودرجه ده فصیح و بلیغ ازلهرق سویلیوب
یازه بیلیمك ، اهاملی غیر جائز ، بروظیفه در .

حشو مغوینک دیکر طرزیخی ایسه منظومه آتیده
کورییورز :

ینه قار برسکون جامدله ،
ینه هریر ملول وموت آلود
برطونوق پرده ، برنقاب عنود
صاقلایور چهره سماواتی
بشرك چشم ابتهالندن ؛
بشرك نظره مناجاتی
تتره یور برهراس باردله
اوطنونوق پرده نك ظلالندن .
ایشته عریان وزارو مستغرق
ایکی تمثالی فقر مشغومك ...
- هریاننده شولوح مغومك
آقیور طالغه طالغه رنك ممت ! -
ایکی عاجز قدید ولرزنده ،
ایکی مطعون شکوه کار حیات ،
چانلامش اللریله یوقلایه رق
آرایورلر حیاتی مزبله ده .
توفیق فکرت

چونکه بوراده

هریاننده شولوح مغومك
آقیور طالغه طالغه رنك ممت

بیتی - که بر جمله معترضه کی سویلنمشدر - تصویر موضوعه
خادم اولماقدن بشقه افکار و خیالات سائره نك جریان طبعیسنه ده
مانع اولویور .

یکی آچش کله مثال اولمش .

انعطافيله باق نه آل اولمش

سرو سیمین صفالی کردنه !

یو لطافتله اول نهال روان

کیریور کوز یومونجه رۆیامه ،

بکزیور عنی کندی خولیامه ؛

بوتصور طوقوندی سودامه .

آه بویله کزرمی هیچ جانان ؟

کل دکل آرقه سنده قانلی کفن

سنمیسک سنمیسک غریب وطن ؟

بندنده برنجی بیت سویلند کدن صوکره ایکنجیسی فکرآ
برتکرر تخصصیدن عبارت قالدینی کی تاصوک بیته قدر اونی
تعقیب ایدن مصراعلرده تشکیل موضوعده قطعياً فائده سز
وبناء علیه حشودر . بونی صریحاً ا کلامق ایچون حشویاتی
طی ایله او قومق کفایت ایدر ؛ چونکه اوزمان کورولورکه
یه تنقیح ایله تصویره هیچ بر نقصان عارض اولیور .

فمنك رنكى عكس ايدوب تنه

يكي آچش کله مثال اولمش .

کل دکل آرقه سنده قانلی کفن ؛

سنمیسک سنمیسک غریب وطن ؟

متجانس اولان شيلرك آراسنده كى كميت فرقى ايسه ماهيتلرينى دكيشديره مز .

تعقيد مغنوينك ايكنجى شىكلى اطوار مجازيه نك افكار و خيالاتنى تنوير ايدى جك يردى ، وضوح دلالتده منافى اوله رق ، بالعكس اضلام ايتمىدركه بونى مجاز بختنه ترك ايدى جكز .

بلاغتك بوتون آثار تحريريه شامل اولان اصول عموميه سى ترتيب كلام ايجون صوك درجه ده مهم اولمقله برابر بوراده دها زياده تفصيل ايتيورز . چونكه بونلره عائد اولان قواعدك قسم اعظمى صرف اصول تحريريه تعلق ايتديكى جهته بلاغه نسبتى قواعد صرفيه ونحويه نك فصاحتله اولان مناسبتى كيدر . يالكز ، على الاطلاق ، ترتيب كلامده بر شرط مهم دها واردركه صورت مخصوصه ده جالب دقت اولمايدرك ؛ اوده ، سوزى حشولفظى كى حشو مغنويدن ده برى بولوندير مقدر .

« حشو مغنوى » ايكى طرزده ظاهر اولور : برى تبليغ ايديله جك فكرى - اوزاقدن ، ياقيندن اوكا مناسبتى اولان - بر طاقم افكار ايله ، بلازوم ادبى ، تخايط ايتمكدركه بو غلبه لك آراسنده فكر اصلى بالعكس بوتون بوتون ابهامه دوشر ؛ ديكرى افكار مبالغه آره سنه ياباجى بر فكر قاريشدير مقدر كه اوفكر ك كنديسى وضوح دلالتدن محروم اولدقدن باشقه افكار و خيالات سائر نك جريان طبيعيسى ده احلال ايدر . مثلا كمال بكك « واويلا » عنوانى منظومه سنك شو :

فنك رنكى عكس ايدوب تنه

ایتمز ؛ چونکه خلائی ذهنه بداهه متبادردر . سلامتسنزلکه
مثال اولان نفیعینک :

بردوش کیدر حق بوکه معنیده بو عالم
کیم کوز بوموب آچنجه زمانی کذر ایلر ؛
بربرده که آرامه بومقدار اوله مهلت
اربایی نیجه کسب کمال وهنر ایلر ؟

قطعه سنک مؤداسی ایسه ذهن مخاطبی وهله ترده دوشیره رک
مخالفت تفکره سوق ایله حسن تلقی به امکان برافراز. ینه نفیعینک :

کر اولسه فیض حکم عدل ودادی عالمه شامل
ایدردی بجه کبک دری شهباز ایله بازی

بیتی ده مقصددن زیاده خلاف مقصدی افهام ایده جک
ایدرجک قدر منطقسز و بناء علیه معقدردر .

کرچه « تعقید » لفظندن ا کلاشیلیمسی معتاد اولان معنایه
کوره فکرده حقیقت وسلامت نقصانی ویا منطقسزلق شوائبنک
انواع تعقیددن عدنده وهله ترده اولونه بیلور. فقط دوشونمیلیدر که
فکرده حقیقت وسلامتک فقدانی ، حتی نقصانی ذهن سامعینی
بهمه حال آز چوق تشویش ایدر ؛ تشوش ذهنی ایسه بالتهایه
مستلزم تعقیدر . او حالدیه مسئله بوتشوشک کمیته انحصار
ایدیور ؛ یعنی حقیقت وسلامت نقصانک بردرجه می واردر که
اوراده تعقید معنوی بی تسلیم ایتمک ضروری اولور . کیفیه

ایدردی چاغلانلر اودم قوشلرله محبت ؛
 دلیل مسکن اولدی ، اوکا سرب محبت ؛
 ملنکارله بولوشدی بری پیکر بودختر .
 - مؤثر شیلر اکثر نظرلردن بریدر -
 چیقوب کهمساره باقدم - که مطلق اول بریدر -
 چنزارك ایچنده یوزر برموج احمر

عبدالحق حامد

بندی ده نقصان ارتباط حسیله معقددر .
 بوشکل تعقیدک دیکر بر سببی ده منطقسزلقدر که شعر کله سنک
 مدلول شاملنه ادخال ایتدیکمز آثار ادبیه ایچون سوزک ، بر
 فائده ادبیهیه مقابل اولماق اوزره ، حقیقت وسلامتدن انحرافی
 دیمکدر [۱] . آثار سارء تحریرده ذهنی آچیقدن آچیفه یا کلیش
 نتیجه لره سوق ایدن استنتاجات سخیفه ده تعقید مغنوییه علت
 اولور . [۲] .

تعلیم ادبیاتده « فیکرک مزیات عمومیه سی » عنوانی آلتنده
 مذکور ، « حقیقت » دن محرومیته مثال اوله رق ایراد ایدیلن
 نایینک :

اولور فیض تواضعله درخت پست بارآور
 قومشدر میوه دن محروم سروی سرفراز اولاق .

بیئتک معناسنی هر کس اکلا رسده هیچ کیمسه حسن تلقی

[۱] بوراده کی فائده ادبیه قیدیه از جمله حسن تعلیل کی محاسن
 بلاغه تلمیح ایدلشددر .

[۲] آچیقدن آچیه قیدی مغالطات ماهرانه یی استثنای ایچوندر .

کورورسه دیده کنای تو اب شکلنده ؟
 ا کر غبار ایسه انجام حسرت یارب
 نه در بوشی که دوش کوزدن آب شکلنده ؟
 ا کر دینیرسه ، هیچ اولمازسه برتسلیدر .
 بو مجرده یشارم بن حباب شکلنده ؛
 که اول حباب ینه بحر ایچنده در موجود
 معین اولسه ده چوق انقلاب شکلنده .
 بو منہلی نه به مدخل شمار ایدز انسان ؟
 زمینه طوغرو آچیلماش او باب شکلنده .
 حیات نامی ویرلمش نه در بوطل ثبوت ؟
 اولوم دیرز او حقیقت نه خواب شکلنده ؟
 سکو تدر چیقہ جق سجده لر ، صلالردن
 کوکل طنین ایدہ طورسون رباب شکلنده .
 عبد الحق حامد

بندی اغتشاش ترتیب سببیه و

صاچی پڑمرده برقیز برهنه بای وی خواب
 کیدردی چشمه ساره النده کوزہ آب ؛
 صباح ایرکندی ساندیم کلیر چیقماش شفقدن .
 کوزونده شعله کوردم نشان میل سودا ؛
 فقط الوان عصمت دکلدی نا هویدا .
 نه در آتییی مشکوک امینم ماسبقدن .
 کوزلاکدن چکنمز نک وئها و سربست ؛
 کورن اول حسن و آئی کرک سارق کرک مست
 تسلط شوپله طورسون فقط اورکوب قاچاردی .
 بن ایندم چشمه ساره ، او چیقدی کوهساره ؛
 تصادف مقصدیه بن ایندم رهگذاره ؛
 اوبغدا ی تولا سنده خفی بریول آچاردی .

بونلرك مبادى واجزاسندن باحث بر علم مخصوص صدر كه ادبياته خدمتى فكر ك حقيقت وسلامتى تأميندن عبارتدر .

وضوح مغايه رغماً وضوح فكر و خيالك فقدان ويانقصانى « تعقيد مغنوى » حاصل ايدر، ديمشك . بنوع تعقيدك منشائى اعتباريله ايكي شكلى واردر : برنجيسى بودر كه ؛ سوز لفظاً معقد اولماديني . يعنى مجموعى اعتباريله وياخود جمله جمله مغناسى تماماً اكلاشيديني حالده سامع ويا قارك ذهنده تلقى پذير اوله ماز . تعقيد مغنوينك بوشكلى يامتكمك موضوعى عدم احاطه سندن نشأت ايدر كه، بر مثال ايله تأييدينه لزوم كوروليه جك درجه ده بديهى و يوقا ريده سويلديكمز برنجى اصله راجعدر ؛ ياخود افكار و خيالات مبلغه آراسنده نقصان ارتباط و ترتيبات فكر يده اغتشاش بولونمسندن ، ينى سوء ترتيب وادادن انبعاث ابلر . مثلاً :

اوت ، حقيقت اشيا تراب شكلنده ؛
 بونك ادله سى وار بي حساب شكلنده .
 قالان بوكون بزه انجق اميد غفراندر
 انى چكر طورور آدم عذاب شكلنده .
 عجب ترابه نه دن نفرت ايلسون كه بشر
 كوزوكيان بر او وار اضطراب شكلنده .
 نه شبهه اول و آخر وجود مطلقدر
 او قورسه عالمى انسان كتاب شكلنده .
 فقط نيچون قالم ناله لرله بويله غريب
 بو باغزارده بن بر غراب شكلنده ؟
 بنم هله نه دن اولسون شاتم مشهود

دیمک یرینه

اطراف قارا کلق، یول مخوف ایدی؛ رهبر مرده بزی تأمین ایده جک قدر اعتماد نفس ده یوندی؛ احتیاطی الدن بر اقامش اولاق ایچون کیجه یی بولوندیغمز یرده کچیرمه قرار ویردک.

شکلنده یازمق دها زیاده موافق بلاغتدر.

فقط جمل تالیه کثیر اولورسه تاجمله اصلیه نک ورودینه قدر کافه سنی خاطر ده معلق طو توب بعده جمله اصلیه یه ربط ایده بیلیمک مخاطب لرحه مشکل اولور. بو حالده جمل تالیه دن بر قسمنی جمله اصلیه دن اول، بر قسمنی صو کره سوئیک مرجعدر.

ینه بو اساسدن متفرع بر قاعده در که عباره ایچنده یکدیگر یرینه مناسبت قویه سی بولونان اقسامی ذهنی اتعاب ایده جک درجه ده متباعد بولوندور ماملیدر. مثلاً:

انسان، بو محنتگاه وجودده چکیلن بونجه مزاجه رغماً حیاتک لذتیه شیرین کام اولاق ایتدیرک، « محنتی کندینه ذوق ایتلیدر » سوزنی قاعده حکمت اتخاذ ایدن فلاسفه نک افکاری معتبرده اولسه، نهایت محن حیاته قارشی فریاددن منع نفس ایده مز.

عباره سننده « انسان » فاعلیله « محن حیاته قارشی فریاددن منع نفس ایده مز » بقیه جمله سی بیننده کی فاصله مدیده محل بلاغتدر.

وضوح فکر و خیاله عاذا اوله رق بحث ایتدیکمز ایکنجی اصلک وسائط تأمینیه سندن ایکنجی سی سوزک ترتیب منطقی به موافقتدر. منطق استنتاج واستقراً دنیلن ایکی اصول تفکر له

برطرفی غایت آچق بنفشه ، برطرفی غایت قویو آلا ورنکنه غرق
اولمش ویا برجهتی آتشین آلدن ماشلایه رق و طبقه طبقه پنبه ، ترنجی
وقاوون ایچی رنگارینک قرق الی درجه قویولغندن آچیققلغنه و آچیققلغندن
قویولغنه انتقال ایدر ، نهایت قناریا صاریسندده قرار ویرمش ویاخود
دنیا دهنه قدر پارلاق رنگ وارسه - آچیققلغنه ، قویولغنه قابل اولدقلری
درجالتک هیچ بری خارجه قالماق اوزره - عمومی جمع ایتیم بیک دورلو
ملون بولوطلر دقیقه دقیقه رنگارینی برلطفاندن بریدیهیه تحویل ایدرک
آهسته آهسته آفاق سیر ایتیمکه باشلارلر .
کمال

عباره سنده بونظریهیه توفیق ترتیب ایدلمشدر . عینی
اساسه ارجاع ایله دینیه بیلیر که : شدت مقصود اولان
برجهده فاعلی اول ذکر ایدوب مسندی بعده سویلمکدن زیاده
مسندی فاعله تقدیم ایتیمک دها مؤثر اولور . مثلاً « مستحق
عقوبتدر اوکیسه که قوانین مدنییهی اخلاص ایدر » جمله سیله
« قوانین مدنییهی اخلاص ایدن کیسه مستحق عقوبتدر » ، یاخود
« اوکیسه که قوانین مدنییهی اخلاص ایدر ؛ مستحق عقوبتدر »
جمله لری آره سنده تأثیرجه موجود اولان فرق آشکاردر .

ینه بوسیلهدر که برجهله اصلیه ایله بر ، نهایت ایکی جمله
تالیهدن مرکب اولان برعبارهده جمله اصلیهیهی تقید ویاخنو یرایتمک
خدمتی ایفا ایدن جمله تالیه اول ذکر ایدیلیرسه عبارة دها بلیغ
اولور . مثلاً :

احتیاطی الدن بر اقامش اولق ایچون کیجهی بولوندیغمز یرده کچیرمکه
قرار ویردک ؛ اطراف قارا کلک ، یول مخوف ایدی ؛ رهبر مزده
یز ی تأمین ایدمک قدر اعتماد نفس ده یوقدی .

بر شکل ايله پيدا اولور ؛ و بوصولته اختيارك بى حرکت قالمش
اولماسى فكرى اك آز سعى ذهنى ايله تلقى ايديله بيلير .
ينه بواساسه اتباعاًديه بيليرزكه : لسالك شيوه بيانى مساعد
اولدينى قدر صفتلى اسمله تقديم ايتك موافق بلاعتر .
مثلاً « برياض آت » يرينه بعض لسانلرده اولدينى كې « برآت
بياض » ديمك دها بليغ اوله ماز . چونكه آت اسم جنسى
سويلننجه در حال خاطره برخيال وارد اولور . مخاطبك تصور
ايتديكى بوخيال بياض ريكده دكلسه متعاقباً كلن صفت ، خيال
اولى تعديل ايله يكيمن تشكيل مجبوريتنى حاصل ايدر . حالبوكه
« بياض آت » تركينده اول امرده « بياض » كلسندن مستفاد
اولان رنگ هيچ برشيئه تعلق ايتمكسزىن ذهنده ساده جه تهيه
ايديلهرك ايكنجى كلسه وروديله ها . آت خيالى تشكيل ايلر .
كوروليور كه عيى نتيجه يه بونده بر ، اولكيسنده ايكي جمله ذهنيه ايله
واصل اولونيور . [۱]

بونظريه يى براردها عمومى مياشديرهرك ديه جكزكه : افاده ده
اوصاف و متممات مجردة [۲] افكار غير مجردة يه [۳] ممكن اولدينى
قدر تقدم ايتلير .

[۱] استدراك معنا نك بر جزء لايحزاي زمان ظرفنده وقوعى
يسيقولويده معروف بر حقيقتدر . اويله اولوب ده متكلمك تلفظيله
مخاطبك احقساسى آراسنده ارفاق بر فاصله زمان تصور اولونسه
هر كلسه نك تاخر استدراكى مدتى يكيديكرينه منضم اوله رق مثلاً ياريم ساعت
صوكره متكلمه مخاطب آراسنده تفهيم و تفهيم ايچون بر قاچ دقيقه لق
فاصله پيدا اولق لازم كلير كه تجربه عامه ايله مجروحى ثابتدر .

Concret [۲] abstrait [۳]

ترتیب عبارده جمل معترضه وتالیه نك مواقع نسیه سنی احاطه
فكره اك مساعد اوله جق صورتده تعیین ایتمكه برابر هر جمله ده
فاعل ومسنلك مواقع متقابله سنی ده معنای مقصود بهه توفیق
ایلمكدر . مثلاً :

بچاره اختیار ، وادینك اظلال حزینده نسیم سحره . كونه
بیكانه اوله رق ساعتلرجه طاش كبی بی حرکت قالدی .

عباره سیله تبلیغ اولونمق ایستیلن فكری دهه بلیغ سونلك
ایچون بوسوزی :

وادینك اظلال حزینده نسیم سحره . كونه بیكانه اوله رق
بچاره اختیار ساعتلرجه طاش كبی بی حرکت قالدی .

شكانه كتیرمك فائده لیدر ؛ شو سیله كه : اولكیسنندن
مخاطبلرك اذهانی معنای مقصودبه اولان اختیار خیالی دفعه
تشکیل ایدر ؛ فقط بوخیال ، متكلمك تصویرینه توافق ایده .
بینمك ایچون اونی تعقیب ایدن خیالات وافكار ایله پی در پی
تصحیح ایدملیدر ؛ بویله برتصحیح ایسه ، تك بر خیال
حصولی ایچون ، تلقیات خیالیه نك یكدیكرینی محو واثبات
صورتیله توالیسی دیمكدر كه ذهنه آغیر وتاثر ادبییه مضر
برمشغله در . حالو كه ایكنجی شكلده اولا وادینك اظلال
حزینی خیالی تحصیل ایدرك نسیمه وكونه بیكانه اولمق فكر
متممی ده تلقی ایدیانجه اومحیط معین ایچنده « بچاره اختیار ،
خیالی آرتق تصحیح وتعذیله احتیاج قالمایه جق قدر تام وثابت

بلاغتک اصول عمومیه سی

بلاغتک اصول عمومیه سیله آرانیلان ایلك هدف ، تبلیغه مصروف اولان افکار وخیالاتدن هر برینک اذهان غیرده تام وقولای اوله رق حصولی یعنی وضوح فکر وخیالدر . اوندن صوکره وضوح دلالت کلیر . فکر وخیالده وضوحه وصول ایچون اولا ، محرر ویا متکلمک اکلاتمق ایستدیکی فکر وخیاله کندیسینک تمامیه صاحب اولماسی لازمدر . انسان مالک حقیقیسی اولمادیی برشیئی باشقه سنه ویره میه جکی کبی بحق صاحبی اوله مدینی بر فکر وخیالی دیکرینه القایده امکان بوله ماز . ایشه « ای یازمق ایچون ای دوشونمیلدر ، سوزی بوسیبله لایتغیر بر دستور تحریردر .

بو شریطه بلاغتک حصولندن صوکره تبلیغده وضوح فکر وخیاله عائد اولان ایکنجی اصل : کلامک مخاطبرجه اک آز مساعی ذهنیه صرفیه تاقی واحاطه ایدیله بیله جک صورته ترتیب واداسیدر . فصاحت بحثنده سویلدی کمز کبی ذهنک بر آن معینده کی قدرت احاطه سی محدود اولدیغندن ادراک و ترکیب معنایه نه قدر زیاده مساعی صرف ایدر سه موضوع ادبیدن منتظر اولان تأثیر او درجه تقلیل ایدلمش اولور . نته کیم عادی بر ما کنه نك اجرای مرکبه سننده کی دلاک و تماس نه قدر زیاده اولور سه قوه نافع و اونسبتده ضیاعه اوغرا مش دیمکدر .

بواساس ایکی واسطه ایله استحصال اولونور : برنجیسی ،

معناده کی خدمتیدر . معنای واسعی اعتباریله دلاتده وضوح نه دیمک اولدینی اکلایشلیدی . شیمدی « دلات » لفظنده کی معانی شامله دن صرف نظرله دلاتک یالکز بسیط ، فقط عمومیتله متخذ اولان معناسنی نظر دقته آلیرسه ق کورورز که هر کله بدایه بر خیاله ، نهایت بر فکره دلات ایتمک اوزره موضوعدر ؛ و اوکله نک تصوتندن حاصل اولان تحسسمز [۱] احتساس [۲] حاله کلنجه دائما افکر و خیالی اخطار ایدر . ایشته بوکا « دلات وضعیه » دیر لر . بر کله ویا متعدد کله لردن مرکب اولان بر جمله معنای موضوع لهدن باشقه بر شی اخطار ایدر سه بو حاله ده « دلات عقلیه » دینیلیر که التباسی دفع ایچون بز اوکا « دلات عارضیه » دیه جکرز .

بر کره شوایکی نوع دلات تبین ایدنجه « ادبیاتده افاظک دلات وضعیه سی حقیقت ، دلات عارضیه سی مجازدر » دیر سه ک حقیقتله مجاز آراسنده کی فرقی کوسترمش اولورز .

بونی آکلادقدن صوکره حصول بلاغه خادم اولان نظریات تبلیغیه یی ایکی یه آیره رق — حقیقی اولسون ، مجازی اولسون — علی الاطلاق تشکیل کلامه تعلق ایدن نظریاته « بلاغتک اصول عمومیه سی » ، یالکز افاده مجازییه عائد اولانلرده « بلاغتک اصول خصوصیه سی » دیه جکرز ؛ و اوصورتله تتبع ایده جکر [۳]

sensation [۱]

perception [۲]

[۳] بونقیسمه کوره اصول عمومیه قدیم علم معانی یی ، اصول

خصوصیه اسکی بیان و بدیی احتوا اتمش اولورور .

مقصوديله بعض اقسامنده وضوح فکړ وخیال تنقیص ایدیلیر .
فقط بوابهام، وضوح موضوعك تأمینی ایچون اختیار اولونمش،
بrazلادرکه ، اهمال درجه سنه دوشامك لازم کلیر .
وضوح دلالتله وضوح فکړ وخیال آراسنده کی نسبت،
اسلوب ۱- بینك نظریات اساسیه سندن اوله رق بلاغت قواعدینك
اك اهمیتی مستند علیهدرکه ماهیتی نظر مزده کیتدکجه دها زیاده
تظاهر ایلیه جکدر .

شیمدی عمومیتله شونی سویلیه لم که : اثر ادبیده وضوح
معنا شرط اولین موفقیت اوله رق ، نه قدر مکمل بولونورسه
اترك - هیچ اولمازسه فصاحت - قیمتی او درجه ده آرتار ؛
وبونوع وضوحك هیچ برحد و قیدی یوقدر . فقط وضوح
فکړ وخیال اساساً وضوح معنا قدر مهم و معتابه اولقله برابر
بعضاً وضوح دلالتك تأمینی ایچون فدا ایدیلیر . دیمك بونك
برحدی ، یاخود بر قیدی واردرکه اوده ، سویلیدی کمز کبی ،
منحصراً وضوح دلالتدر . وضوح دلالت ایسه ابداع ادبینك
مدار حیاتی ، اسلوبك اقصى الغایه سیدرکه کمالی ، ادبیاتك ظایه
خیالیه سیدر .

بونی سویلیدکن صو کره « وضوح دلالت » ترکیبنده کی
« دلالت » کلمه سنك شمول معناسنه نقل فکړ ایدم : بر اثر ادبینك
اقسامی آراسنده کی مناسبات ، ذهنه زری دائماً برکلك تلقیسنه ایصال
ایله مکلفدرکه دلالتك اك یوکسك و بلاغت تعریفنه داخل اولان
معناسی بودر ؛ معنای بسیطی ایسه الفاظك ذهن سامعه نقل

بارز بولونماسیله تحقیق ایدر . وضوح فکر وخیالک نقصان
وفقداننده « تعقید مغوی » دینلمشدر .

اوپنچجیسی وضوح دلالتدرکه بر موضوع ادینک تبلیغه
خادم اولان معانی بی مناسبات تبلیغیه سنه کوره ترتیب واونسبتده
ابراز ویا ابهام ایتمک صورتیله اصل موضوعده تأمین وضوح
دیمکدر . فکر مزئی تنویر ایچون دیه بیلیرزکه : مثلاً بر لوحده
منقوش اولان . تصویر خطوطی وکولکه لری اعتباریله ، اشیا دن
هیچ رینه بکزه مزسه اورسم افاده دن کلیاً محروم قالیر . ایشته
رسمده خط وظل مشابهی ادبیاتده وضوح معنا ووضوح فکر
وخیاله تقابل ایده بیلیر . فقط رسم لوحه سنده اشباح واشیای
خارجه نك کافه سی رسامک موضوع متخذینی اک مؤثر صورنده
آ کلامق غایه سنه کوره انتخاب و تصویر ایدمک ؛ موضوعه
نسبتله اک زیاده حائز اهمیت اولان جهتلك اشکال والوانی
غایت بارز اولدینی حالده اهمیتی ایکنجی ، اوپنچجی ... بشنجی
درجه ده بولونانلر قلت اهمیتلریله متناسباً ده اآ ابراز ، حتی
بوتون بوتون اظلال اولونمق ایجاب ایدر . چونکه بویله یاپیلمازسه
رسمک موضوعا ایسی حائز وضوح اوله ماز . ایشته تصویرده کی
بودرجات اشکال والوان ادبیاتده — علی طریق التماثل — وضوح
دلالتی آ کدیرر .

شو مسرودادن قولایجه استنتاج ایده بیلورزکه بر اثرده
وضوح دلالت ووصول ایچون دیگر ایکی نوع وضوح استحصال
ایدلمش اولمالیدر . واقعا بر تصویر ادینک وضوح دلالتی تأمین

بلاغت ، وضوح دلالتده یکدیگر نندن متفاوت اولان صور
تخیلیه و تفکریه نك وقوت حس و خیالی تزئید و تعدیل ایدن
اطوار مختلفه تبلیغیه نك الك مناسبلرینی انتخاب و استعمال و وضوح
فکر و خیالی وضوح دلالتله تألیف ایدرک سوزی مقتضای
موضوعه توفیق ایلدکدر .

بو حالده بلاغت ، فکر و خیالده وضوح کافی ؛ و - نواتی
تأثر اصلی اولان - موضوع ادبی ايله - الفاظدن و افکار و حسیات
و خیالات تالیه دن ترکیب ایدن - اسلوب آرسنده آهنگ توافقی
تأمین ایتمک دیمکدر که فصاحتسر بلاغته امکان اوله میه جفی
بونکله ده آکلاشیلیر .

اتخاذ ایتدی کمز شو تعریفی لایقيله تلقی ایده بیلمک ایچون
« وضوح » کلمه سنک درجات مدلولنی تبیین ایتمک الزمدر . یوقاریدن
بری بسط ایتدی کمز نظریه یه کوره اوج نوع وضوح واردر :
نحیسی ، وضوح معنادر که کافه محرراتده وجودی شرط
اقدم عد اولونور . محاسن فصاحت بحثده ذکر ایتدی کمز
نظریات ادبیه نك غایه سی بو وضوحی صوک درجه امکانه قدر
اعلا ایتمکدر . معلومدر که وضوح معنائک فقدان و نقصاننه
« تعقید لفظی » دیر لر .

ایکنجیسی ، وضوح فکر و خیالدر که اولاجمل و عبارات
متعاقبه دن استنباط اولونان معانینک اوقویان و یادیکلینلرده برفکر
تام حاصل ایده جک قدر یکدیگرینه ارتباطيله ؛ ثانیاً خیالات
مبلغه نك اذهان غیرده تماماً صورت پذیر اوله جق درجه ده

فقط بوترعريف بلاغتک اصوله دکل غايه سنه عائددر . قدما ،
 بلاغتی بويله غايه سبيله تعريف ايتدکن صوکره صور تخليه
 وتفکرية ووسائط تبليغيه دن برقسمنی « معانی » ناميله برعلمه ،
 ديکبر برقسمنی ده « بيان » دينيلن آیری بر علمه موضوع اتخاذ
 ايدهرک ، بيان دیدکری علمی « معانی واحدی وضوح دلالتده
 یکدیگر نندن متفاوت طرق مختلفه ايله ایراد ایتک معرفتدر » ؛ معانی -
 بی ده « الفاظی ایجاب ظاهره توفیق ايله کلامی مقتضای حاله تطبیق
 ایتک علمیدر » صورتنده تعريف ایلشاردر . مادام که دوشونولن
 ویا حس ایدیلن شیئی مختلف صورتلره آکلاتمق ممکندر
 ومادام که بلاغت سوزی مقتضای حاله ، وتعبیر صحیحيله ،
 موضوعه تطبیقدر ؛ بو صور مختلفه تبليغدن او مقتضایه تطابق
 ایتینلر بلیغ اولماق ایجاب ایدر . دیمک که بلاغتک معناسندن
 بیانک مؤداسنی تفریقه امکان یوقدر . حتی بو سبيله درکه معانی
 دیدکری علمک تعریفه « الفاظی ایجاب ظاهره توفیق ایدرک »
 قیدینی علاوه ، یعنی الفاظک مدلولنی موضوع لهترینه حصر
 ايله ، معانی بلاغته بالطبع داخل اولمق لازم کلن ، بر طاقم
 قواعد ادبییه بی علم معانی خارجنده برامق ایسته مشلدر .
 اوحالده تعدیل ایتدیکمز تعریفی بر آزدها تخصیص وایضاح
 ايله برابر مدلولنه - معنای قدیميله - علم بیان موضوعنی ده
 ادخال ایدهرک صورتده توسیع ایلرسهک بلاغتک ، ماهیتنی
 - علی طریق الاصول - تعیین ایدن ، تعريف صحیحنه واصل
 اولوروز که اوده شودر :

ایدن - وبلکه ایتمه‌ین - نوع بشرک افراد حاضره و مستقبله‌سی
ایچون یازیلیر و بناءً علیه « حال و مقام » تعین اولونه‌ماز که حتی
سوز اوکا توفیق ایدیله‌بیلسین .

کرچه ناحی افندی « اصطلاحات ادبیه » عنوانی اثرنده
« حال » کلمه‌سَنک معناسیله تعریفک شمولی توسیع ایتک
ایسته‌یه‌رک برطرفدن « حال یالکیز مخاطبه خاص دکلدر .
متکلمک حالی ده بونده داخلدر » سوزینه قائل اولمقله برابر
دیگر طرف‌ندن ده « انفس و آفاقدہ مشاهده ایدلمکده اولان
بونجه کیفیات رنکا رنکک هربری برحالددر ، هر حالک مقتضای
اولور ، هر مقتضایه کوره سوز بولونور » دیمش ؛ بلاغته‌دهاواسع
بر معناویرمکه چالیشم‌شدر . انجق سوزلرینی عمومیت و مبهمیتدن
قورتاره‌رق بر نتیجه معینه‌یه ایصال ایده‌مام‌شدر . ذاتاً پک
طبیعی‌درکه « حال متکلم » و « انفس و آفاقدہ کی کیفیات » کی
مهمات اوزرینه تعریف علمی تأسیس ایدیله‌مز .


حقیقت حال دوشونولونجه بداهةً ا کلاشیلیرکه بلاغتک
غایه‌سی : متکلمک ویا محررک ، ذهنده تحصیل ایدن بر فکری
ویا بر حسی سامع ویا قارئلرینه بالذات حائر اولدینی قوت وشدتله
تبلیغ والقا ایده‌بیلمسیدر . دیمک که سوز ، دائماً بوغایه‌یی تأمین
خادم اولق لازم کلیر . متکلم ویا محررک بو حس و فکری
ایسه موضوع اصلی دیمکدر ؛ و او حالده سوزک مقتضای موضوعه
موافقتی ایجاب ایدر که غایه بلاغت تأمین ایدیله بیلسین . بناءً علیه
« بلاغت ، سوزک مقتضای موضوعه مطابقتیدر . »

بلاغتک تعریفی

بلاغتک بین القدماء مستعمل اولاً . معنای محدودینه کوره
تعریفی: « کلامک مقتضای حاله مطابقتیدر . یعنی مقامه مناسب
اولان وجهله تصویر و ترتیب اولونما سیدر » [۱]

بوتعریفه باقیلنجه بلاغت سوزی مخاطبیرک قابلیت تلقیه سی
درجه سنه کوره سوزیلک دیمک اولویور . حالبوکه ، واقعا
مشاهاتده ، یاخود برصنف خلقه تخصیص ایدیلن محررتده
سوزی مخاطبیرک سویه عرفانه ، میلان وجدانه موافق
بولوندورمق وجوبی تسلیم اولونور و بولزومه رعایتکار اولان
سوزلره بلیغ دینیله بیلیرسه ده: اولاً ، مخاطبیرک نی نهایت اختلافات
ودرجات کوستره چکی شبهه سز اولار حال و شانیله صور بیان
آره سنده برطاقم ثابت نسبتلر تعیین ایدهرک قواعد کلیه کبی
تدوین ایلک ممکن اوله میه جغندن تحریری و یا شفاهی برخطابه
ایراد ایدرکن سوزی مخاطبیرک اذعان و وجدانی درجه سنه
توفیق ایتک فن بلاغته موضوع اوله بیله جک برنظریه دکل ،
آنحقی استعداد و ملکه ایله انتساب ایدیله بیلیر بر صنعت
ومهارتدر ؛ ثانیاً ، اصل آثار ادبیه دیدیکمز مبدعات حسیه
وخیالیه معلوم ومعین مخاطبیره قارشی دکل ، اولسان ایله تکلم

معانی
اصول بلاغت



رابعاً ، شعری تقطیع ایدر کی اوقومقدن احتراز ایله برابر
آهنك وزنی لایقيله ادا ایتك ومصراعلر معناه یكدیكرینه
حلول ایتسه بيله قافیهلری ، مطلقا اوزرلرنده توقف ایتمهرك ،
فقط سامعینه همان آنجق حس ایتدیرمك لازمدر .

خامساً ، انسان انشادایده جکی اثر ادبی بی اول باول کندیزی
کوزه لجه حس ایتمش اولمالیدر که سامعین اوزرنده تأثیر حاصل
ایده بیلسین . بوصورتله اوقویانك تأثراتی مطلقا علام وجهیه -
سنده تظاهر ایدر .

سادساً ، انشاده اوضاع واطوارك ترفیق غایت طبیعی برشی
ایسه ده اوضاع اوقونان شیئك طبیعتیه ، دیکلیانلرك قابلیت
تلقیه سی درجه سنه وهله حضارك کثرت وقلته کوره دیکشمیلدر .
تربیه ادبیه سی یوکسك وعددلری قلیل اولان برجمعیتده بویوك
وضاع ایله انشاد شعر ساده بهوده دکل ، مضردر بيله . بوکا
علاوه اولونه بيله جك برتوصیه ده انشادك غایت طبیعی اوله رق ،
یعنی هیچ زحمت وکلفت اختیار ایتمور کی کورینهرك اجرا
اولونماسیدر .

برده برائری ، ای انشاد ایده بیلمك ایچون ازبردن ایراد
ایتمك عادیا اوقومهیه مرجحدر .

آثار ادبیه بوصورتله انشاد اولونورسه سامعینك قدرت
تلقیسی تزايد ایدرک ، اثرك درجه فصاحتیه او نسبته اعلا
ایدلمش اولور که بوسبيله انشاد ، یعنی فصاحت شخصییه ، فصاحت
بیانك تتمیدر .



انشاد

فصاحتہ الحاق اولہ بیلہ جک محاسندن بری ده انشاد در .
 بومحسنه ، اثر ادینک یازلمسنه دکل ، او قونمسنه عائد برصنعت
 مخصوصه ؛ هم ده باشلی باشنه برصنعت مخصوصه در . آریجه عملی
 اوله رق تعلیمی لازم کلیرسه ده قواعد اساسیه سنی اجمال ایدم بیلیرزه .
 ای او قومق ایچون : اوله ، کله لرك طرز تلفظی صحیح و سالم
 اولمالیدر . تورک لساننک الک ایی تلفظی استانبول شهرینک محلات
 مرکزیه سننده سویلنن شکلیدر . بعض نقایص شخصیه ایله
 بوشکل ده بوزیلہ بیلیر . اصل آ رانیلان نقطه مخارج حروفی
 استانبول شیوه تلفظنه کوره حسن ادا ایتمکدر .

ثانیاً ، عبارہ نک طرز تنقیطنه دقت ایدرک ، تنقیطاتی سامعینه
 عادتا کوستیرر کبی ، او قومالیدر و نفس آلق ایچون جمله نک
 نہایتی ، یا خود هیچ اولمازسه ، سکتہ « ویرکول » ، منقوطہ
 « بووان ویرکول » بولونان یرلری انتخاب ایتلیدر .

ثالثاً ، برائری یوقاریدن اشاغی عینی سرعتله ، عینی سسله
 او قومایه رق کله لرك و جمله لرك ایرادنده عبارہ نک آهنگ موافقتنه
 اتباع ایلملی ؛ وبالخاصه روح معنایی حامل اولان کله لری واهمیتلی
 هجاری دهآ آشکار بر صوت ایله او قومالیدر . اثرده تنافر
 کبی فصاحتسز لکلری ، او قورکن ، اضمار ایتمک ممکن اوله بیلیر ؛
 بونلر ده دقت ایدلملیدر .

یرینه عینی معنایی افاده ایدن کلمات سائرہ استعمال اولوندینی
حالده «تکریر» حاصل اوله ماز ؛ بناءً علیه تکریرک تأثیری کلمه
مکرره نك صوتنه عائد و بوده محاسن فصاحتہ داخلدر .

بویوکسك ، الهی ! بویوکسك . بویوك .

مصراعتك یرینه « بویوکسك ، الهی ! اعظمسك ، اكبرسك »
دیسهك بلاشبہ عینی فکری سویلش اولورز . فقط کورولورکه
بوراده تکریرک تأثیری زائلدر .

تکریر ، افاده قوت و شدت ویرمك ایچون اك زیاده
واك مؤثر اوله رق استعمال اولونان بر محسنه ادبیہ در . مثال :

نہدر او حسن آتہی جهان بالاده ؟

نہدر اونقش میاهی سپهر میناده ؟

نہدر او نامتناهی لطافت اشیاده ؟

اکرم

یوزمه باقده حجابکدن اری ؛

طاپنوردك بکاسن اوکجه لری ؛

طاپنوردك ، طاپنوردك ، طاپنور .

عبدالحق حامد

تکریرک یکانه شرط موفقیتی تکرر ایدن کلمه نك روح معنایی
حامل اولمسی ، معنائکده تقویه به قابلیت و احتیاجی بولونماسیدر .
عبارده لاعلی التعین بر کلمه نك برچوق کره ایرادی « کثرت
تکرار » نقیصه سنی حصوله کتیریر ؛ معنائک قوتله عدم امتزاجی
ایسه سوزی عادتاً کولونج ایدیوریر .

ندانك استعمال نویننه مثال :

ای رأس فروبرده که آق باق ، فقط ایکنج !
 ای نازه قادین ، ای اونی تعقیبه قوشان کنج !
 ای مادر هجرانزده ، ای همسر مغبر !
 ای کیمسه سزآورده چوجوقلر ، هله سزلر ، هله سزلر...!
 اورتون ، اوت ، ای هائله ، اورتون اوت ای شهر !
 اورتون ومؤبد اویو ، ای فاجره دهر !

توفیق فکرت

فقط حسن استعمال ایدیله مزسه تعلیم ادبیاتده ایراد ایدیلن
 « شارل ورنه » اسمنده برفرانسز شاعرک

ای وفا بندن سکا ، حیف جفا سندن بکا
 ای صفای دل سنکدر ای بنم قربان سکا
 عاشقک خاک کلستانک اوپرای رحم اکا
 دلبرمسک بن یوزک دلداده دیوانه سی

قطعه سنده کی غرابت تظاهر ایدر .

تکریر

اثرده مقصود اولان معنایی تبلیغ ایچون اک قوتلی ، اک
 اهمیتلی کلمه یی بر قاج دفعه تکرار ایتمکدرکه بونده کی فائده ،
 عینی تصوتک حس سمع اوزرینه توالی ووردیله اوکله نک ذهن
 مخاطبده تقرری وبوصورتله آرانیلان تأثرک تأیدیدر . عینی کلمه

ای وعد محال ای ابدی کذب محقق !
 ای محکمه لردن متمادی سورولن حق !
 ای ، صولت او هام ایله بی تاب تجسس
 وجدانلره ، تمدید ایدیلن کوش تجسس !
 ای بیم تجسسله کلید لشمس آغزلر !
 ای شهرت ملیه که مبغوض و محقر !
 ای سیف و قلم ، ای ایکی محکوم سیاسی !
 ای بهره فضل و ادب ، ای چهره منسی !
 ای بار حذرله ایکی قات کز مکه مألوف
 اشراف و توابع ، قوجه بر عنصر معروف !

برده ، بزم لسانمزده اوتهدن بری اصوات ندایی تعقیب
 ایدن خطا بدن صوکره سوز بر جمله جوابیه ایله اکمال ایدیله -
 کلدیکی حالدله بویاقینلرده ، فرانسیزجه ده کی طرز بیان ندایی
 تقلیداً ، سوزی جل ندائیسه ایچنده بیترمک طرزی اختیار
 اولونمشدر ؛ یوقاریکی مثال ده بویله در . اعتیادمزده مخالفتی
 سببیه بو طرز ، دفعهٔ موجب استغراب ایسه ده ، حسن استعمال
 ایدیله بیلیرسه شیوهٔ بیانمزده پک ییانهجی قالمیور .

ندانك استعمال اصلینسه مثال :

ای حسن ، ای آفتاب انور !
 ای عشقی ایدن اسیر اخگر !
 بومیدی امیدسندن ، ای ماه ،
 جادو اوله وصلمه هواخواه .

شیخ غالب

وجلادت برسلسله در که براوجی لم یزده و براوجی لایزالده در .
 الہی عاصیلرک معصیتہ قدرت ویا کناہہ آت نرہدہ بولوردی ،
 سن ابدال ایتہ سہک ؛ ویا عابدلرک عبادتہ قوت وطاعتہ استطاعت
 نرہدہ بولوردی ، سن ارشاد ایتہ سہک ! ...

سنان پاشا

ای رب کہ - کا ایلر اہم حصر عبادت !
 نامک اولونور سجده کہ شکرده تذکارہ
 اکرم

لغت سکا ای سابقہ غیرت ،
 برکوندہ محو اولان بیک ییلق شہرت !
 ای وقتیلہ اژدر کورونان شمشیر !
 ای بازوان زور ، ای پنچہ شیر !
 عبدالحق حامد

نایاً ، اصوات ندا زیادہ توالی ایتمالیدر . چونکہ بو حالہ
 ایلک صوت ندا ایلہ ذہندہ حاصل اولان تیقظ کثرت امتداد
 سبیلہ زائل اولویور . مثلاً :

ای کریۃ بی فائدہ ، ای خندۃ زہرین ،
 ای ناطقۃ عجز و الم ، نظیرۃ نفرین !
 ای جوف اساطیرہ دوشن خاطرہ : ناموس !
 ای قبلۃ اقبالہ چیقان یول : رہ پابوس !
 ای خوف مسلح کہ خسار اتکہ راجع
 اوکسوز ، طول آغزلردہ کی ہر شکوۃ طالع .
 ای شخصہ ، مصونیت و حریتہ مقرون ،
 برحق تنفس ویرن افسانۃ قانون !

بونك شرائط موفقیتی ایکیدر :

اولا ، ندانك موقعی اثرادینك دقت مخصوصه یی جلبه شایان اولان نقاط مهمه سنده بولونمالیدر . بوسبيله ندا ، آنارادبیه نك درین تهیجات ، یاخود لطیف وشاطر حسیات اظهار اولونان محللرنده ؛ اقناعیاته عائد اولان سوزلرك ایسه جنب دقته لزوم کورونان مبدئنده ، یاخود برعقدۀ مهمه سنده ایراد ایدیلیر . بویله اولمزه ویره جکی تأثیر ، معکوس دوشر ؛ حتی ، خلقی شایان مراق برشی استماعنه دعوت ایدوبده اورته یه بر معلومه مبتذله آتیویرمك درجه سنده ، موجب ضحك اولور . مثلاً : « ای ناس ! بیلکز که ایکی کره ایکی درت ایدر . » دیمك کی . امثله آتیهدہ کی ندالر محللرینه مصروفدر .

ولبه شوقکله کلیر نشئه لی بر حس فلاح ،
سکا باقدجّه فخورانه پارلدار کوزلر ،
سکا ای سیف مجلا . سکا ای برق ظفر ،
سکا ای شانلی سلاح !
توفیق فکرت

ای اولان باده اقبال ایله سرمست غرور !
قورقارم برکون اولور سنده اولورسك مخمور .

الهمی بن یوق ایکن نه اوله جفمی ونی یاراتمه دن نه ایده جکمی
بیلوردك ... اکر ازلده قوللغه قبول ایتدکسه فضل سنکدر ؛
نعمت بکا . اکر رد ایتدکسه عدل سنکدر ؛ حسرت بکا .

الهمی بوترتیب عوالم غیب وشهادت وبو نظام حضرت عزت

ترصیع ایسه ، كرك نظم كرك نژده بلا تكلف حاصل
اوله میه جفی ایچون ، فائده یرینه دایما ضرر تولید ایدر .
ترصیعاتده اك موفق اولان كمال بكك بوكلفته معلول اثرلری
آثار سائر سیله مقایسه ایتمك بونی اكلامق ایچون كافیدر .
مثلا :

اعداد ابتدیكى ادوات ایله سباح كبی موج دریاده سائر اولوبور ؛
فطرقی ایسه اوماهییدن مبرادر . ایجاد ابتدیكى آلات ایله ذی جناح كبی
اوج هواده طائر اولوبور ؛ خصلتی ایسه اوخاصییدن معرادر . جسمی
حقیر اما ؛ افکارینه ابعاد كبی حد وانها بولماز . عمری قصیر اما ؛
آثارینه اعداد كبی عد واحصا تصور اولتماز

كمال

بناء علیه ترصیع ، هوس ایدیهلك برهنر اولمقدن بوتون
بوتون بعیددر .

ندا

فی الاصل مخاطباتده ، سامعینك جلب نظر دقتی ایچون
اظهار اولونان اصواتدر كه محرراتده ده دقتی تزئیده خادمدر .
بوندن اول بر فكرك تبلیغی ایكى عاملك تلاحقیه حاصل اولور :
بری اكلایه جق عضوكه - ذهندر - ، دیکری اكلاشیله جق
شیكه - اثر ادبیدر - دیمشك . اثرك وضوحی نه دورلو برفائده
ادبیه حاصل ایدر سه ، ذهنك قابلیت تلقیه سنك ترایدی ده عینی
نتیجه یی مستلزمدر . ایشته ندا اوقابلیتی تزئید ایدن دقتك
استجلایی مقصدیه استعمال اولونان بر صوتدر .

کدر ، قلبی طاهر اولور . وفایه خیانتله مقابله ایدنه فی الله عفوایتمز
مکرکه خیانته اوغرایان وفا صاحبک رضاسی اوله .



برده که الله عفو ایتمش ؛ دیکری عفو ایدرمی ؟ ولوکه نیران
عذابی اولمامش ؛ وجدان عذابی کیدرمی ؟



وفا ، اومعصوم ملک قلب ایچنده کیزلنیر . وفای خیانت خنچریله
زخمدار ایتک مکین اولدینی قلبی بیقملله حاصل اولور . یا بویله قلب
بیقانک حالی هم دنیاده ، هم عقباده نه مشکل اولور .
اکرم

دقت ایدیلیرسه بومثالرده بیله صاحب اثرک سیجعلری
نه قدر احتیاط ایله قوللانمش ، تکشیردن نه قدر اجتناب ایتمش
اولدینی کورولور .

قدما سیجی بویوک برمزیت ادبیه ، سیج یایمخی کرچکدن
بر معرفت ظن ایتمش اولمالیدرلرکه سیجعسنز ایکی سطر یازمامش
وسیج اوغورینه بوتون محاسن فصاحت و بلاغتی فدا ایتمشلردر .
آثار قدماده سیجک برنجی قصوری کثرتیله بنفسه موجب
ثقلت اولمسی ایسه ، تولید ایتدیکی الکیوک مضرت ادبیه ده آثار
ادباده کی حشویات بی نهایتدر . مثلاً :

برف مضمحل و شدت شتا متحمل اولغله آفتاب عالمتاب و نیر
اعظم زرین نقاب برج حملدن رو و بلکه کوشه ابرو کوسترنجه ...

لطائف انشا

کجش اولان سجعلر بيله متوالی اولورسه سلاستی اخلال ايدر .
مثال :

اول مظهر غضب ومنتظر قهررب شرف حسب و نسبدن محروم
ايکن غلبه کوب مساعده سنه استناد ايله ترك ادب واديسي مذهب
ايدينوب ...
خواجه تاريخی

سجعتك مقيد نوعی سجع مطلقدن زیاده قابل استعمالدر؛
چونکه جملهلك نهایتلرنده ولونان سجعلر، ذهنی مسجع کله لرده
زیاده جه توقیف ايدر ك جملهلك مبده ومنتهاستی تلقیده موجب
سهولت اولور . مثال :

جهاد ، اطاعتسزله عبرت ایچونسه توجیب اولونور ! چونکه
عصیان حاضرلنان قوملر دیگر طرفده ینه اطاعتسز بر قومك جهاد
سایه سنده انقیادی کوره لك، قان دو کله کسزین عرض تابعیت ايدر .
جهاد ، تعمیم دیانت ایچونسه تنسیب اولونور ؛ چونکه بر دین تعمیم
ایدنجه حرب وخصومت . غرض و نفسانیت ، اختلاف مذاهب وادیان
مخاطره لری کلیاً بر طرف اوله رق عالمده صلح دائمی حکومت ايدر .
عبدالحق حامد

« نثر مخیل » دینلین طرز تحرییر — که نثر ك نظمه اك یاقین اولان
شکیلدر — سجع ایچون دهها مساعد بروادیدر . بوراده سجع
عادتا برنوع قافیه خدمتی کورو یور . مثال :

انسان خالقنه عصیان ايدر ... مرتکب کبائر اولور . لکن
کوزلرندن آقان یا شلر ایچنده حس ندامتی کوکه آغدغجه بلکه کناهی ده

۵ ... سوق روزگار اجزای وجودنی تارومار ابتدیکندن ..
کمال

سجع - برنجی، ایکنجی و اوچنجی مثاللرده اولدینی کبی -
جمله لرك، یاخود یکدیگرینه معطوف اقسام جمله نك نهایتلرنده
بولونورسه « سجع مقید »؛ دردنجی و بشنجی مثاللرده کی کبی،
جمله داخلنده اولورسه « سجع مطلق » نامنی آلیر .

ترصیع - نظم ونثره شامل اولان ترصیع، ایکی مصراع
ویا ایکی جمله ده بردن زیاده کله لرك متقابلاً مسجع اولماسی
دیمکدر . مثال :

بشرده دائم اولان کالدر ؛ جمال متحول اولور. اثرده قائم اولان
مألدر ؛ مقال منتقل اولور .

کمال

منبع انهار آب مکرمت،
مطلع انوار تاب مرحمت،
پردہ انداز خفایای بطون .
روشناساز خبایای فنون .
عارف علامه قدرت نصاب ،
واقف فهامه حکمت مأب ،
ضیا پاشا

سجع، عباردنك آهنگ سلاستنه معاونت ایده بیلیر ؛ فقط
اوشرط ایله که اک اوفاق برقاعده ادبیه نك بیلہ ضیاعنه تقابل
ایتمسون . بوسیله التزام و تحریسی هان دائماً موجب ضرردر .
فرط اشتغال ایله حاصل اولان ملکه سایه سنده کندیلکندن

بر سیف آمرانه بارلدار : سلام طور !

مصراعنده کی مدك تأمین ایتدیکی آهنگ مکملی بیله وزن
ملیمزله حاصل ایده بیلیرز .

سجیع و ترصیع

سجیع — نظم‌دن زیاده کلام منشوره خاص اولان « سجیع » ،
جمله لرك نهایتلرنده و یا خود بر جمله نك داخلنده بولنان ایکی و یا
دها زیاده کلمه نك حروف و حرکاتجه اتحادی دیمکدر . مثال :

۱ ... تا که امام المسلمین و قبله ارباب یقین کمال انکسار
و مسکنت و نهایت عجز و ضراعتله سجدهات نیاز نصرته وضع جبین
ایتدیکی برهنکامده هاتف غیب - که ترجان لاریبدر - دیوان بخشایش
قدرتدن ... الخ
کمال

۲ ... دهرک ایقاد مشاعل های وهوی اتحاد و برکونده قطعه
نمای دستگاه آغام اولان سفینه نك رمادینی برآنده بر باد ایلدکلرینی ..
یوسف کامل پاشا

۳ ... مصرده اولان خاندان عباسی شعبه سنی اورته دن قالدیروب
ملوک عثمانیه یی خلیفه انام ایدن - سلطان سلیمدر . حرمینی زیراداره یه
آلهرق ممالک عثمانیه یی قبله گاه اسلام ایدن سلطان سلیمدر ...
کمال

۴ ... حضرت سیدالابرار ایکی چشم بر نورینی لؤلؤ بار ایدوب ..
نرکسی

درجه سنه کمد کجه بونده ضرر تصوری زائد اولور . خصوصیه ردیفک بو ایکی لسانه انحصاری ایکسینده ده افعالك جمله لرده دائما صوك کله اولماسندن ، ادواتک کله نهایترینه کلسندن متولد و بناءً علیه لسانلرک طبیعت اصلیه لرینه مستنددر .

خلاصه وزن وقافیه شعرک اک یوکسک بیان موسیقی سیدر . فقط ، اعتقاد مزجه ، لسانمزک طبیعت اساسیه سیله مؤتلف اولیان وزن عروضک شدت آهنگی ، عادتاً محذور عدا اولونه جق قدر ، مفرطدر . بعضاً بر نظم موفقک آهنگ وزنی ذهنمزی اودرجه شدتله مشغول و مسحور ایدر که بوندن حاصل اولان محظوظیت موسیقییه او نظمک قیمت شعریه سنه اسناد ایده بیلیرز . بر چوق خلقک ، بالخاصه آثار قدمائی ، مجرد محاسن موسیقیه سندن طولانی او قویوب بکنند کبری کثرت تصادفه مظهر حقیقتلردندر . بناءً علیه وزن ملیمزی دهآ آهنگدار ایده جک بر شکل مستحسنه افراغ ایده بیلسهک ، ظن ایدرم که ، هم فوائد نظمی استحصال ، هم ده شعر مزی - شیمدیک حالیه نسبت قبول ایتز - بر درجه عالییه ایصال ایتش اولورز . حتی وزن عروضک لطف مخصوصندن اوله رق مرحوم حکمت بکک :

ایشته جان ویردی وطن دینه ، حریتنه ؛
 بویورک ، قانلی مصلا ده ، خدا حرمتنه
 حقّه قارشی طورلم ارکشی نیتنه

قطعه سنده کی اماله یله توفیق فکرت بکک :

اولانلرك، افكار و خيالاتى نظماً توليد و تبليغده دها زياده مظهر
سهولت اولدقلرى ده ادما ايديله بيلير .

قافيه يه كلنجه : برنجى خدمتى عيى آهنگى اظهار ايدن
اقسام كلامك بيليرنى ، عيى تصوتك تكراريله ، تفريق ايدرك
تمادى آهنگده ذهنه رهبر اولمقدر . خواييده اولميان قافيله لر ،
ايكى كلمه آراسنده يكي بر مناسبت تصوت كوسترملك سبيله ده ،
موجب حظ اولور . بو بر حال خصوصى ايسه ده هر زمان
قابل اجرا و ملتزم اولدينى جهته شايان ذ كر در . بوندن باشقه
بعضاً بر قافيه پارلاق بر خيالك ، يكي بر فكرك وسيله ايلادى
اوله بيلير . شرق و غربده كي شعرانك ، حتى اك بويوك شاعرلرك
بيله آنارى تدقيق اولونورسه كوريلير كه تبليغ موضوع ايچون
استعمال ايتدكارى محاسن بلاغتن بر قسمى قافيه نك مناسبت
تصوتيه سيله ماهم اولمشدر . فقط عيى زمانده قافيه بر چوق
حشوياته ده علت اولور . اولجه مثال اوله رق ايراد ايتديكمز :

هنكام هر مده سويلشدر

پير اولدينى دمه سويلشدر

بتي وپك كثير اولان سائر امثالى كي .

رديف ديديكمز شكل يالكمز عجمجه ايله تور كجه يه خاص
بر طرز در . عيى كلمه ويا اداتك تكرار متواليسى كثر تكرار
دينيلن مانعه فصاحتى پيدا ايدر ؛ اوجهته قصيده كي يك قافيه
شعرلرده رديف حقيقه مغل فصاحتدر . فقط تكرار ، كثر

کبی کورونور؛ وبوسیدله ترکی اولی اوله جغی ظن ایدیلیر. فقط حقیقت حال بویله دکلدر :

وزن اولاً ، متکاثف یعنی آز کلمه ایله چوق معنا افاده ایدن طرز بیان ایچون اک موافق شکلدر . هرکس بیلیرکه بر شعری نثره تحویل برنوع شرح وتفسیر دیمکدر . ثانیاً ، لسانک ترتیب صرفی و نحویسی شرائط بلاغته آز چوق منافی اوله بیلیر ؛ بو حال لسانلرک کافه سنده متفاوت درجه ده مشهوردر . بر عبارت منثورده افعال وصفاتک وسائر اقسام کلامک ترتیب معروفی ، بر فائده بلاغت مقابلنده بیله ، دیکشدر مک اکثریا جائز اوله ماز . چونکه او حالده افاده عارض اولان خلل ، فکر و خیالک تقدیسی تصعیب ایله تأثیرینی محواید بیلیر . نظمده ایسه طرز افاده بودر لو تغیراته نثر دن چوق زیاده مساعددر . ثالثاً ، فطره محصول هیجان اولان شعر ؛ سکونت و محاکمه استناد ایدن لسان نثر دن زیاده ، متهیج و متموج بر شکل کویسترن نظم ایله ائتلاف ایدر . موافقت بیان دن بحث ایتدیکمز صروده الفاظ و عباراتک آهنگ معنایله اتحادی وجوبی ایضاح ایتمشدک . بو اتحاد ، نظمده دهها سهوات و مکملیتله حاصل اولور . رابعاً ، وزن ، بر طرفدن تبلیغ اولونان فکر حس ایله توافق ایتدیکمه . آهنگ مخصوصیله تلقی معنایی تسهیلده اک یوکسک ذرجه فصاحتی تأمین ایدر ؛ دیگر طرفدن ده لطافت سلاستی اک بلند طبقاتنه ایصال ایلر . بوفوائد مقابل وزندن حدوث ایدن صعوبت اساساً شایان نظر اولما مقوله برابر ؛ شاعر یارادلمش ، نظم ایله الفت ایتمش

یا لکڑ قوجہ برفم ،
بر طاع کبی آدم

توفیق فکرت

یونلردن بشقہ فرانسزلرک ، « سوننه » دینیلن ، شکل نظمی
— بعضاً قافیہ لرنده کی قید تخفیف اولنق صورتیلہ — استعارہ
ایدلشدر .

هرکون یکی بردرد ایله مقهور سفالت ؛
هرکون یکی برموت ایله بر پارچه ثلورکن ؛
آفاق امیدنده ملون و مزین
بر رؤیت آتی ایله تیره برشریت ،

ماضی ، ابدی صحنه بر خون مظلوم ؛
حال ، ایشته براز سوسلو ؛ فقط او طبق صحنه .
آتی ، بیلهلم که اوده ماضی کبی مظلوم ؛
آتی ، بیلهلم که اوده ماضی کبی گهنه .

آرتق یتیش ای دست کرم ، دست رهاور !
اکلات بزه ، ای نور حقیقت ! بزی قاندر ؛
اکلات که یالان ، هپسی یالان ، هپسی یالاندر .

اکلات که : عدالت ، مدنیت کبی سوزلر
دیرکی ینه قان ، قان ؛ ینه حق نامنه قوت .
آرتق یتره ، انسانلره انسانلنی اوکرمه .
سلیمان پاشا زاده سامی

وزن وقافیہ نك فوآندی

کرک وزن ، کرک قافیہ — دفعه — افادیه صعوبت ایقاع ایدر

چونکه روحم کیدوسه رحلت ایدوب
بنده زندان ده سلطنت سوره مم .
نه آتی ایسترم ؛ نه شان دیلرم ؛
واردسون اولسون جنان مکان تازم
بن قلوب ماتم ایلم هر آن [*]

عبدالحق حامد

« بوجوق کوزل ، باقکیز ؛ چوق کوزل بو ، چوق زنکین ... »
و، بر بیک کبی ، صیرتنده سوسلی بر پهله رین
آغیر آغیر دونیور قارشیکزده ؛ سز باقیور ،
بکندیکزسه کوزل ، یوقسه هیچ صیقلیمه رق
« خایر، فنا » ده رد ایلورسکیز ... برحق .
بوحق سزک کیسه کزدن پارل پارل آقیور !
توفیق فکرت

مستزاد قدیم، منظومات جدیدده یالکیز روزنه انحصاردن
قور تولمش ؛ ده جانلی ، ده مطبوع اشکال ده اکتساب ایتمشدر .

مثال :

مرکوز ایدی لیلک نظر خدشه نثاری
آفاق شهوده ؛
اولمشدی بوتون لعل لک معکس تاری
امواج غنوده .
بر صمت سیهرنک ایله مشبوع خیالات ،
طاغیر ، دره لر صانکه برر محفل اموات ؛

[*] صوک بیتک مصراعلری اولکی بندلرک صوک ایکی مصراعلریله

مقفاور .

نظم پیدا ایتشلردر . الٰہ مستعمل شکلردن برایکی مثال ایراد
ایدلم :

انفسلر ایچنده ، ای بدیعہ !
موزون ولطیف و بی بدلین ؛
عندمدہ موافق الطبیعہ
هر شعر بلیغدن کوزلسین .
فانی صفتندہ سین مؤید
درداھلنہ روحسین مجرد .
اکرم

مه تہارو سماپیا
نصف شبده کمی تیقظ ایدر ؛
کورہ رک اول برودتی اما
سترۂ ابرایله تحفظ ایدر .
هیچ کورونمز زمان بارشده
بشقہ اقلیمہ ایلوب عجرت ؛
طولاشیرہ ہم ینہ ایدر عودت
کہ کذرکاهنی کشایشده
بولہ جق اولسه اول کذارشده ،
شب تارانه عرض ایدر طلعت ؛
نتہ کیم براسیر زندانہ
کلیر انواع فکر جاتانہ .
عبدالحق حامد

تزوم کیتسه بن دخی کیدرم .
کندیمی اورمنی روا کورہمم ؛
اغتراب ایلرم فراغت ایدوب .

بیتیلہ نہایتلنن ، ترجیع بند مشہوری کی ۔
اگر بندك نہایتندہ کی مستقل القافیہ بیتلر ہر بند ایچون
آیری ایسہ ، اوزمان « ترکیب بند » دینلر . ینہ مشارالیهك
بونام ایله مشہور اولان اثری کی ۔

مثنوی — ہر بتی برقافیہ مستقلہ نی حائر اولان منظوماتہ
مثنوی دیرلر . مثال :

مہد ایچرہ او آفت سمیر
ماہ نو ایچندہ مہرانور
جنیبیدہ اولونجہ مہدی ہر آن
سیماب کی اولوردی لرزان ... الخ
شیخ غالب

مستزاد — بر مصراعی «مفعول، مفاعیل، مفاعیل، فعولن»
وزندہ اولان بیتك دیگر مصراعی یا لکز «مفعول، فعولن»
وزندہ ایراد اتمکہ «مستزاد» دیرلر . مثال :

ہیچ سن کلہسك مجلسہدہ یرمی بولماز ؟
باش اوڑرہ یرك وار .
کل غنجه سیسك ، گوشہ دیتار سنکدر ؛
کل ای کل رعنا !

ندیم

متأخرین شعرا مثنویلر دہ کی مقفا مصراعرلر لرلر نی تبدیل ،
بعضاً همقافیہ مصراعرلر عددینی تکثیر ایله دیگر برچوقاشکال

تار اولور دنیام سدنیز ، نور چشمم میسک ؟
میل کفر البرکوک کل هجر کده ، ایمم میسک ؟
آه سن آتشنزن سامان ووجدانم میسک ؟

لذتم ، شوقم ، نشاطم لعل خندانکده در ؛
صورت یأس وامیدم چشم فتانکده در ؛
انتظام سایه زلف پریشانکده در ؛
وارلغم محض صفای وجه تابانکده در ؛
ذره یم ده ، سن بنم مهر درخشانم میسک ؟
اکرم

بندلرده مصر اعلرک عددی آتی اولورسه منظومه یه «مسدس»
دنیلیر .

مسمط — هر بیتنده ایکیدن زیاده قافیه بولتان منظوماته
«مسمط» دیرلر . مثال :

باد سحر دن خوش نسیم ، خلق خداوند کریم .
سلطان عادل خان سلیم ، شاهنشاه صاحب کرم
باقی

ترجیع بند ، ترکیب بند — هر بندی غزل شکلنده
بشدن زیاده ابیاتی حاوی اولان وهر بندک نهایتنده مستقل
القافیه اوله رق عینی بیت مصرع بولونان منظومه لره «ترجیع بند»
دیرلر . ضیا پاشانک ، هر بندی .

سبحان من تحیر فی صنعه العزول
سبحان من بقدرته یعجز الفعول

غزلك ايلك بيت مصرعنه « مطلع » ، صوك بيتنه « مقطع »
ديرلر .

قصيده — ابياتي اوز بيشدن زياده و مقبولى اوتوزله طقسان
طقوز آراسنده اولمق اوزره غزل شكلنده يازلمش منظومه لره
« قصيده » دينير . قصائد اكرثيا تصوير ، مدح ، نعت ، توحيد
كبي موضوعلره خاسدر . قصيده نك نهايتلرينه طوغرى عيني
وزن وقافيه ده بر غزل ايرادى معتاددر . قدما عندنده پك معتبر
اولان بو وادى ده اليوم متروكدر .

مربع — برنجيسنك درت مصراعى ده بر بريله ؛ ديكر لر ينك
اوچ مصراعى يكدى كبريله ، فقط دردنجى مصراعى قطعه اولى
ايله مقفا اولمق اوزره برقاج قطعه دن مركب منظومه لره « مربع »
وقطعه لرك هر برينه « بند » ديرلر .

تغنى اولونان شريقلر اكرثيته مربعدر . بعضاً ايكنجى ،
اوچنجى بندلرك دردنجى مصراعلرى بند اول ايله ساده جه مقفا
اولمق يرينه ؛ بند اولده كى دردنجى مصراع هر بندك صوكنده
تكرار ايديلير . اوزمان بومصراعه « نقرات » ديرلر .

خمس — بندلرده كى مصراعلرك عدى بش اولور سه
مربع « خمس » نامنى آلير . مثال :

سن كيدنجه جان قاليري نشئه ، جانانم ميسك ؟
افتراقك مرده ايلر جسمى ، جانم ميسك ؟

غزل — ايلك بيتى مصرع اولق اوزره بشدن اون بشه
قدر عینی قافیه ده کی بیتلرک مجموعنه «غزل» دیرلر. غزل اکثر یا
غرامیاته مخصوصدر. مثال :

معنایه شامل اولدی صوری نزا کتک؛
اول تکلمکده عیان اولدی غلظتک .
سوزدر محک جوهر ماهیت بشر ؛
برسوزله آکلاشیلدی سنکده هنریتک .
سوز سویلدک ، نه اولدیغنی شیم ی آکلادم
آغز آچه دن مجانبه تنکده اصابتک :
پرورده جهالت ایمش سین ، یازق سکا ،
بیلام بو حالی قالمدی نزد مده قیمتک .
حسک اولهیدی باری براز نه یسه نه ؛ فقط
محو ایلمش ارفیضی ده فرط جهالتک
اکرم

غزللر هر زمان بویله مضبوط و مسلسل یازماز . هر بیتک
معناسی آیری ، بوتون بوتون بر برینه غیر مربوط اوله بیلیر .
غزل وادیسى، خصوصیه غیر مربوط اولانلری شیمدی متروکدر.
مثال :

نه قانونه ، نه جبر وزیره ، نه خنکاره تابعدر ؛
بو بندر کهده هر کس درهم و دیناره تابعدر .
فلک بر ماهرو عشقیله دور ایتدیردی دنیای ؛
بنم بختم عجب بر کوکب سیاره تابعدر

..... الخ
ضیا پاشا

بیت — مقفا اولسون اولماسون، ایکی مصراعدن متشکل
نظمه « بیت » ؛ ایکی مقفا مصراعه « بیت مصرع » دیرلر .
مثال :

مجازاننده خوب وزشتك ایتز ذرهجه تقصیر
عجب صورتنای عدلدر آینه عالم

نابی

مرغ لاهوتم که ناسوت آشیان اولماز بکا
طاثر قدسم زمین و آسمان اولماز بکا
ضیا پاشا

قطعه — ایلک بیتی مصرع اولماق اوزره عینی قافیه لی
ایکی بیت « قطعه » دیرلر که ایکنجی و دردنجی مصراعلری
بهمه حال قافیه دار اولور . اگر ایلک بیتی مصرع و وزن
مخصوصنه ده موافق ایسه، قطعه « رباعی » نامی آلیر . مثال :

بر حرفنی منظومه بی غایه صنعك
فهم ایلدن بن دخی شاعریم ؟ الله !
عبدیتی واسطه در عرضه بو ؛ یوقسه
توحید که لایق سوزه قادریم ؟ الله !
اکرم

عالمده حضور ایتمه بر دم یوق ایش
آزاده غم عجب بر آدم یوق ایش .
یاپ وار ایش ، آکلادق بز ؛ یاخود
آدم یوق ایش ، دم یوق ایش ؛ غم یوق ایش
ضیا پاشا

اخطار — قافیه برحرف متصوتله ایکی حرف سا کندن
مرکب هجاءلرده بولونورسه، حرف رویدن مقدمکی حرف سا کنک
دیگر مصراعده متناظری اولان حرف سا کنله متحد الصوت
بولونماسی، قافیه نك سلامتی ایچون لازمدر .

مثال :

دیدی که نه راهه ایلوب عزم
دوشدک بن چاهه بویله بی حزم
غالب دده

کوکب بختی ایتشدی بلند
فلکی اندن ایدن فائده مند
خاقانی

رحم ایت که غریب و دردمند
بی مونس و یار و مستمند
فضولی

نه قدر عالمی دور ایتسه سپهر
بولماز استانبوله بکزر برشهر
نایی

اشکال نظم

تورکجهده اوته دنبری منظوماتک اشکالنه کوره یاپیلمش
تقسیمات واردرکه شیمدی بر چوغی متروک اولمقله برابر تتبعات
ادبیه ایچون بیلنمسی لازمدر .

مصر اعلرك ، بعضاً ، يالكز صوك هجالرندن بشقه دها اولكى
هجالرينك حرکه ، حتى حروف متصوتهسى ده متحد اولور. بو
دورلو قافيهلر قوافى مقیده نك درجه اعلا سیدر .

حرکه اتحادینه مثال :

ایتمکه حق صریحی عاقل
کورونور صورت حقدن باطل
نابی

بویله ایکن ایدوب ینه نکاسل
قیلمش نیجه معنیدن تغافل
شیخ غالب

کیجه آنده جنییه وحشت کلیر
دکل جن شیطاینه دهشت کلیر
عزت ملا

حرف اتحادینه مثال :

کلهک ایله کیتدی هپ مظالم
انصاف اوله ماز دینورسه ظالم
عبدالحق حامد

آلتون صاچهرق دودست حودک
اژدر کورونور بکا وجودک
عبدالحق حامد

بیله مم حالمز نهیه وارده جق
یوزمن یوق خدایه یالواره جق
عزت ملا

يارين سن آغلري كون طوغمه دن حاضر لارسك

آچنجه يلگني هيچ باقه اويناسين وارسين

مصر اعلريني قافيه دار ايدن صوك هجالتك حرف رويلري ،
مختلف الشكل ايكن ، تصوتده متحد اوللري ساييله قاعده
متخذ مزه كوره سالمدر .
اكرم بك افنديك :

طبعمدى هم آب و ناب كلشن
فكرمدى شفق كي ملون

ييتنده كي قافيه شكلا وصوتاً متحد ومقبولدر . بوبخى
اتمام ايچون شونلري ده سويليلم :
مصر اعلرك قافيه هجالتنده ، حرف رويدن ماعدا ديكر حرف
متصوتلرده عيني صدايي اظهار ايدر لر ايسه ، بويله قافيه لره « مقيد »
نامي ويريلير . مثلاً

مولد ومنشأ اصحاب هم
تربيت خانه اصناف ام
نابي

ليكن اوله امام كرملة شادان
رخصت اكا ويرميور بووجدان

عبدالحق حامد

ييتلرينك صوك هجالتنده يالكر حرف رويلر وحركه دكل ،
اوندن اولكلن حرف متصوتده متحدر .

اکرم بک :

الهی پادشهر پادشاهی
نه حیرت بخشد صنعاک الہی

بیتلرندہ کی قافیہ نک حرف رویسی اولان « ی » لردن
برنجیسی تورجکہ مفعول بہ ومضاف علامتی اولہرق مقصور
اوقونمق طیبی بولوندینی حالہ ایکنجیسی ، فارسی وعربییدہ
نسبت وخطاب اداتی اولق حیثیہ ، مد ایدمک لازم
کلہ جکندن حرف رویلہ شکلاً متحد ، فقط صوتاً مختلف
اولہرق ؛ قافیہ قصوردن سالم اولہماز . ینہ شیخ غالبک :

اسباب ہلاک ہپ مقرر
آوازہ رعد وبرق وصرصر

بیتندہ کی صوک ہجاردن برینک ثقیل ، دیکرینک خفیف
اولمسی دہ قافیہ ایچون قصوردن . توفیق فکرت بکک :

طیشارده کورلیہ رک کوکرہ مش براردو کی
دوکردی ساحلی بیکلرجه طالعہ لر عصبی

بیتندہ کی « کی » کلمہ سنک قافیہ یی تشکیل ایدن صوک ہجاسی
تورجکہ وبناء علیہ غیرممدود اولدینی حالہ مصراع ثانیدہ کی
« عصبی » لفظنک قافیہ اولان « بی » ہجاسی ، عربجہ یای نسبت
سبیہ ، مدایدملک لازم کلہ جکندن قافیہ قصورلیدر . فقط ینہ
مشارالہک :

قافیه سی بوز و قدر. چونکه او ندن اولکی قافیه یه کوره نهایتلرنده کی
 «ین» ادات جمع اوله رق، ردیف منزله سنده قالدیغندن اصل قافیه
 عالمده کی «لم» ایله مؤمنده کی «من» اولمق ایجاب ایدر.
 بوهجالدده ایسه قافیه یوقدر. استطراداً بیان ایتدیکمز مساححه یه
 کوره بویتلرک آراسنده هیچ اولماز ایسه یدی سکنز بیتلک
 بر فاصله بولونمش اولسه یدی، بین الفصحاحا رهین جواز اوله.
 بیلیردی. ینه عینی شعرک اوتوز آلتنجی بیتنده بولونان.

سنده در خلقک امید ی ای امام المسلمین.

مصراعنده کی «مسلمین» قافیه سی کی.
 اسماعیل پاشا زاده حق بکک برشعرنده:

پاسبان درکمی بالجمله فوج قدسیان

دیدکدن اوچ بیت صکره ایراد ایتدیکی

دور ایدن پیرامنن شام وسحر کرو بیان

مصراعنده کی قافیه ده عینی سببله سقطدر.

«قافیه سمع ایچوندر» قاعده سی اتخاذا ایدیلنجه، شیخ
 فالبک:

ناگاه کورندی بارکاهی

بر قصر غریب پادشاهی

بيتك نهايتنده كي «سى» هجالي متجانس اولديغي جهتله
 قافيه مصراع اول و ثانیده كي «جا» هجالرنده آراقمق و بونلرده
 قافیه تحقق ایدنجه «سى» لر ردیف عد اولونمق لازم کلیر .
 ینه مشار الیهك :

نومید ایدی وصل دلربادن
 اومردی نجات دل بلادن

بيتك نهايتنده بولتان «دن» ادا تلی متجانسدر ؛ بوندن
 اولکی «یا» و «لا» هجالي مقفا اولدیغندن نهايتنده كي «دن» لر
 ر یف دیمك اولور .

كذلك مشار الیهك :

کیمی دیدی تختکنز مبارک
 شاهم اوله بختکنز مبارک

بيتنده قافیه هجاسی «تخت» ایله «بخت» در .
 مصراعلرده كي «کنز مبارک» تکراری ردیف اولور .

کیردی بر شکل نظامه هئت روی زمین
 اولدی شامل عالمه الطاف رب العالمین
 ایلدی کسب حیات تازه خلق کائنات
 طولدی انوار مسرتله قلوب مؤمنین
 ضیاپاشا

بيتلرنده مصراع اول ایله ثانی مقفا ایسهده بیت ثانینك

مجانست ده تحقق ایلشدر . حرف رویلر - که ایکسیندهده
« ش » حرفیدر - تصویجه متحددر . بوحالده بوایکی مصراع
مقفادر . عزت ملانک :

نه فکر جهنم ، نه ذکر بهشت
فراموش اولومشدی هر خوب وزشت

بیتمده ، قافیه ینه مصراعلرک آخرنده کی صوک هجالددهدر .
بو هجالدده بر حرف مکسور ایله ایکی ساکندر مرکب اولان
« هشت » ایله « زشت » درکه مجانست حرکه و حرف روینک
اتحاد تصویجه قافیه سالمدر . ینه عزت ملانک :

کوزومدن دوکردم شراب نیاز
بوکونه ایدردم خطاب نیاز

مصراعلرینک آخرنده کی « نیاز » لر لفظ و معناسی متحد
عینی کلمه در ؛ بونلری قافیه عد ایدمیز . اوحالده قافیه « نیاز » دن
اولکی کلمه نک صوک هجاسنده آرتمق لازم کلیر . اوکمه لرک صوک
هجالری ایسه « راب » ایله « طاب » درکه حرف رویلری مطابق
وهجالرک ایکسی ده بر مفتوح ممدود ایله برساکندن متشکلدر .
دیغک که قافیه بوراده تحققی ایدیور و « نیا » کلمه سی ده ردیف
اولویور . غالب دده نک :

نابود جهاندن التجاسی
یوق موتدن اوزکه بر رجاسی

تعریفمزه نظراً قافیه حاصل اولمق ایچون : اولاً ، صوک
 هجاءلر متجانس الحركه یعنی برنجی مصراعده کی صوک هجاءلر
 حرکه سی نه ایسه ایکنجیسنده کی حرکه ده او اولمق ؛ ثانیاً ،
 بو هجاءلرک نهایتده بولونان و « حرف روی » دینیلن حرفلر عینی
 صدایی اظهار ایتمک لازمدر . حرف روینک شیمدی یه قدر
 فن قافیه کتابلرنده عینی حرف اولماسی مشروط بولوندینی حالده
 بوراده « عینی صدایی اظهار ایدن حرف » دینلمش اولماسنک
 سببی « قافیه نظردن زیاده سمعه عائددر » نظریه سنک اصابتنه
 قناعتمزددر . یعنی عینی صدایی اظهار ایده مین عینی حرفدن
 زیاده ، بزم تلفظ مزه کوره عینی صوتی اظهار ایدن مختلف الشکل
 حرفلرک حرف روی اولمسی مناسبدر . اگر حرفلرک
 هم شکلی ، هم صوتی متحد اولورسه بودرلو حرف رویلر دیکر
 ایکی نوعه ده حائز رجحان اولور . سویل دیکمز شو قاعده لری
 مثاللرله برر برر ایضاح ایده لم . شیخ غالبک :

اول ضف ایله خسته حال ومد هوش

عذر ایل ایله تنی هم اغوش

مصراعرلرنده کی صوک کله هم جنس اولمادینی جهتله قافیه موضع
 طبعیسنده ، یعنی مصراعرلرک نهایتده در . دیمک که قافیه یی هر
 ایکی مصراعک منتهاسنده بولونان هجاءلرده آرایه جنز . بو هجاءلرک
 بری « هوش » دیکری « غوش » در . ایکیسی ده بر حرف
 مضموم ایله برسا کندن ترکیب ایتمش ؛ بناءً علیه حرکه لرده

اولورسه قافیه تحقیق ایدر. ینه مثلاً «تاب»، «رخش»، «خند» کلمه لرینک نهایتلرنده کی «ان» لر صفت مشبهه اداتی اوله رق تقفیه یه مساعد دیکلمه ده، «شاعران» کلمه سنده «شاعر» لفظنه التحاق ایدن «ان» بر بشقه معنا، یعنی معنای جمع علاوه ایتدیکی جهتله «تابان» ایله «شاعران» نك تقفیه سی صحیحدر.

[استطراد — عربی ویا فارسی عینی اداتك یالکز بر دفعه تکرریله حاصل اولان قافیه لر بین الفصحامظهر مسامحه اولمشدره. مثلاً تابان ایله رخشان يك قافیه شعرلرده، یالکز بر دفعه، یا خود ینه يك قافیه اوزونجه شعرلرده بیوک فاصله لرله نهایت ایکی اوج کره قافیه اوله بیلیر. فقط قافیه نك خندان، کریان، نالان کبی کلمه لرله توالیسی تجویز ایدیه مز. قافیه نك تعریفده، براستثنای مقید دیمک اولان، بوجوازمسامحه کارانه دن قطع نظر ایدلدی.] شیمدی، تعریفه نظر آقافیه نك مصراع نهایتنده آرانیه جنی، شاید مصراعلرک نهایتلری هم جنس کلمه ویا ادات ایسه بوندن اولکی هجاده تحقیق لازم کلمه جکی ایضاحات آنفهدن آکلاشیلدقدن، یعنی قافیه نك موضعی بیلندکدن صکره ینه تعریفه نظر آقافیه نك ماهیتی ایضاح ایدلم. اولاشونی سویلیه لم که، قدما عننده قافیه واقسامی ده «فن قافیه» نامیله بر فن مخصوص عد اولونه رق دورلو دورلو تقسیماته تابع طوتولش وبرچوق اسملرده ویرلش ایسه ده بوراده اتخاذ اولوندینی کبی قافیه نك ماهیتی برحرف یرینه بر هجایه ارجاع ایدنجه نه او تقسیماته محل قالیر، نه ده برچوق اشتغالاته.

(۲۰) متفاعان فعولان متفاعان فعولان
کوزومک اوکنده طوردی ایکی ماه قارشى قارشى
کال

قافیه

ایکی ویا ده زیاذه مصراعلرک ، لفظ و معناسی متحد عینی
کله ویا ادوات اولمایان ، صوک هجالیزینک حرکه اعتباریله متجانس
واک نهایتده کی حرفلرک تصویتجه متحد اولمسنه « قافیه » ،
متحدالتصوت اولان صوک حرفه « حرف روی » و بو شرائطی
حاضر مصراعلره « مقفا » دیرلر .

ا کر مصراعلرک صوک کله ویا هجالیز عینی جنسدن ایسه
قافیه اوندن اول کلن هجالرده آرانیر . و بو هجالرده قافیه تحقق
ایتدیکی حالده اونلری تعقیب ایدن جنس کله ویا هجالره
« ردیف » دینیلر . شو تعریفدن ا کلاشیلیر که عینی کله نیک
هر مصراع نهایتده تکرری قافیه اوله میه جنی کی مثلاً تابان ،
رخشان ، خندان کله لرینک نهایتلر ننده کی « ان » لر کی عینی
ادانک تکرار ایدلمسی ده تقفیه نی سالدیر .

انجق ایکی کله ویا ایکی ادات بر برینک عینی عد اولنه بیلیمک
ایخون لفظاً و معناً متحد بولونمایدیر . مثلاً « بها » کله سی ایکی
مصراعده ده متحد المعنا ایسه قافیه حاصل اوله ماز ؛ فقط بر
مصراعده « حسن » دیکر ننده « قیمت » معناسنه استعمال ایدلمش

(۱۴) فاعلاتن فاعلاتن فاعلاتن فاعلان [۱]

بسلامش قوینده کویا کیم کل رعنا سنی
ندیم

(۱۵) فاعلاتن فاعلاتن

صوکه مہارک ذوقی خوشدر
اکرم

(۱۶) مفععلن فاعلن مفععلن فاعلن

نوبت عرض هنر سنده می شاهینکرای
شاهینکرای

(۱۷) مفعول فاعلات مفاعیل فاعلات (فاعلن)

وحدت تنفس ایلر ایدی صانکه گاه گاه
اکرم

(۱۸) مفاعلن فاعلاتن مفاعلن فعلن

ندیم روحی اودر محرم خیالی اودر
توفیق فکرت

(۱۹) فعولن فعولن فعولن فعولن

قیامت دخی قوپسه ایتمز قرار
حامد

[۱] بووزنده « فاعلاتن » یرینه « فاعلاتن » ، « فاعلن » یرینه
« فعلن » قونیلهرق تشکیل اولونان اوزان دخی تورکجهده مستعملدر :
« سنبیل زلفنی یارک نه کوزهل دسته لک » فاعلاتن فاعلاتن فاعلاتن

(۷) مفعول مفاعیلن (مفاعیل) مفعول مفاعیلن (مفاعیل)
اول ذاته تحسرله صاندم که زمان آغلار
اکرم

(۸) مفعول مفاعیلن فعولن
آرام بولوردی آفرینش
فضولی

(۹) مفاعیلن مفاعیلن مفاعیلن مفاعیلن
سردرخته مشت زن، حیاض باغه برکریز
اکرم بك

(۱۰) مستفعیلن مستفعیلن مستفعیلن مستفعیلن
اسدی نسیم نوبهار آچلدی کلر صبحدم
نفعی

(۱۱) مفتعلن مفتعلن فاعلن
اهل معارفله کوروش دائما
رفعت

(۱۲) مستفعلاتن مستفعلات
الله بردریو قدر نظیری
رفعت

(۱۳) فاعلاتن فاعلاتن فاعلاتن فاعلات
منحرفدر ساقیا اندوه دنیا دن مزاج
فضولی

(۲) مفاعیلن مفاعیلن فعولن

حقیقت فرقی یوق عمرک مثلدن

عبدالحق حامد

(۳) مفاعیلن فعولن مفاعیلن فعولن

صباح ایر کندی صاندم کلیر چیمش شفقدن

عبدالحق حامد

(۴) مفعول مفاعیل مفاعیل فعولن

ناداندر ایدن سایه ییجانه تشبیه

نابی

(۵) مفعول مفاعیل فعولن

سنمزیکا جنت دخی زندان

عبدالحق حامد

(۶) مفعول مفاعیلن مفاعیلن فع (فعول) : رباعی وزنی

قربانك اولم نه در بودز دیده نگاه (مفعول مفاعیلن مفاعیل فعول)
 دنیایی هلاك ایلدی اول چشم سیاه (مفعول مفاعیل مفاعیل فعول)
 اول خوف ایله ارواح مجرد دیرلر (مفعول مفاعیل مفاعیلن فع)
 لا حول ولا قوة الا بالله (مفعول مفاعیل مفاعیلن فع)

رباعی وزنك اشكال متعدده سی وارد؛ وبر رباعینك مصراعلری
 آره سنده اختلاف شکل تجویز اولونمشدر . بوراده یالکز وزن
 اساسی بی ایراد وتخلقات وزنی قسمأ بر مثالده اراثه ایتدك . رباعی
 وقتیلده تورکجه بك آز مستعمل ، هله شیمدی کاملاً متروکدر .

مطبخلرینه آچ وارن آدم دکنک یر

روحی

دمیدر خمه کرطی ایاسه وادی هذیانی

نفی

هر شخصی حریم حقه محرمی صانورسک

ضیا پاشا

مدیکک قانه سنی دیت ایدر

شناسی

هیکل بازوی اقبال حسین پاشا کیم

نای

شیمدی ینه صده رجوع ایده لم :

عربلر اوزان عروضی برطاقم زمردلره آیره رق هر برینه
« بحر » کله سنه مضاف براسم ویر مشلر ؛ عجملرده بو طرزی
قبول ایتمشلر در . بوسیله اوزانه « البحار عروض » ده دیر لر . بونلرک
تشکیلی حقنده بزجه بی فائده اولان تفصیلات زائده دن صرف
نظاره یالکیز تور کجه ده الک زیاده مستعمل بولونان اوزانی تعداد
و برر مثاله تطبیق ایده جکیز :

(۱) مفاعیلن مفاعیلن مفاعیلن مفاعیلن

برایکی غنچه سز قوپماز یرندن ورد خندانم

عالی

قیاساً « ستغنا » صورتندہ یازمق؛ « صاللامق » مصدرندن صیغہ
مضارع اولان « صالار » یرینه « صالمق » فعلندن مشتق اولسی
لازم کلن « صالار » قوللانمق؛ « یر » لفظی « یر » ، « بر »
کلمه سنی « یر » صورتنه تحویل ایتمک کبی . مثلاً :

یر دوشونجه آکا مکان ، لامکان اولور
نفی

سنبل وکل یری بیرندن سؤال ایلر سنی
ندیم

حاصلی سر تابیا نازوستغنادر او شوخ
پرتو

باغبان صولر سپر هرکیجه ریجان اوسقنه
شهزاده جم

باشن سالارسهده ماننده بز اخفش
نابی

ثالثاً ، ینه ضرورت وزن ایله کلمه نك حروف وحرکاتندن
برینی تبدیل ویا حذف ایتمک ؛ مشددی مخفف ، مخففی مشدد
او قومق نقیصه لری بعضاً آثار ادباده جای قبول بولمشهده
اصلاً رهین جواز اوله ماز . مثال :

یوزوک کلدز ، صاچک سنبل ، دیشکدر
ولیکن عاشق اولدیرمک ایشکدر
فغانی

بوصر ده ایراد اولونه بیله جنک برده « وصل عین » یاخود
« عین اماله سی » دیدک لری قصور وارد رکه - تورکک قابلیت تلفظیه سنه
نسبتله - « الف » دن فرقلی اولمیان « عین » حرفی ، برکله نک
باشنده بولون دینی زمان ، کویا الف ایمش کی کندندن اولکی
کله نک صوک حرفه وصل ایدرک اوقوم قدر . مثال :

بن شهید اولمه دن عشقکله مزارم قازدم
شناسی

اوللری وصل عین ، ضیا پاشانک :

لایقی که شاعرم دیهن ذات
فرق اتمه یه مخرج حروفات

تویخنه اوغرایه جق قدر ، آغیر بر قصور عد ایدیلیر کن شوصوک
زمانلرده ، تورک کرک شیوه تلفظنه کوره عین و الف مخرج لری نک
همان متحد اولماسی سببیه ، تجویز اولونیور . مثلاً توفیق فکرت
بکک :

بوتون انسانلر عقلسز ، بوتون عالم مسکین

مصراعنده متعاقب ایکی وصل عین اختیار ایدلمشدر .

ثانیاً ؛ ینه اکمال وزن ایچون کله یه بی وجه بر حرف
علاوه ، یاخود کله دن اوصورتله بر حرف طی ایدلایکی واقعدرکه
مدخولدر . « استغنا » کله عربیه سنی بعض کلمات فارس-یه یه

صفحه شعرمه ابدال نكاه ايلر ايكن
توفيق فكريت

ييللرجه بر امله دلي بي قرار ايدر
ضياپاشا

مع مافيه امله ، كلمه نك اورتە سنده اولورسه سمعه دها
ناخوش كليور . مثال :

انعطافيله باق نه آل اولمش
كالم

تورجه لشمش دينه جك قدر كثير الاستعمال اولان عربي
وفارسي كلمه لرده كي بويوك هجاليك متوسط هجا درجه سنه قصر
ايدلسي ؛ ايكي حرف ساكني جمع ايدن هجاليك — تورجه
شيوه سيله استعمالی حائده — ساكن حرفلرندن اوليكيسنك
تحيريك اولونمسي شيمدي جائز كورولمكده در . مثال :

متروك بر مزارلق ايدى مسكنم بنم
اكرم

بوكون براز دها راحتدي ، جوق شكر .
البت .

توفيق فكريت

زوالينك دها دنيايه كلدن پدري
شهيد دوشوب بزي ياقشدي آيريلق خبري
حسين سيرت

« آن » « ون » « ين » هجاليڻي بويوك هجا ڪبي اوقومقده
اماله دن معدوددر . مثال :

سن برشه ذيشانك ، شاهنشاه دورانك
يعني ڪه سن خاقانك ، دورڪده بن خاقاني م
نفي

تورڪجهده بويوك هجا يوقدر . بناء عليه تورڪجه ڪلهلرڪ مدي
فصاحتى پڪ زياده اخلاص ايدر . مثال :

بن سا كا باده ايچمه ، كوزل سومه مي ديدم
نديم

جنت فوقوسى ڪله ڪه باشلادي مشامه
اسحق قديم

عافل ايسهك ديمه فرهاد ايله مجنونه دلي
ڪامل پاشا

يالڪز افعال ماضيه ايله مفعول به واليهلرڪ ، تورڪجه
مضافلرڪ صوك هجاليڻي ؛ عربي وفارسي مضافلرڪ ڪسره سني
اماله ايتمڪ مظهر مسامحه اولويور . مثال :

يڪي آچش ڪله مثال اولمش
ڪال

ڪيم يتشديردى بوكونه سرودن بالاسني
نديم

یا خود اوزان عروضدن برینه توفیقاً نظم ایتمک اصولی
 بواساسه مبتدیر . انجق هر وزنک بر آهنگ مخصوصی واردر که
 آلیشقان قولاقلا ایلچون قولایلقله فرق و تمیز اولونه بیلیر .
 و آرتق تردد و تقطیعه لزوم قالماس ؛ آلیشقانلق ایسه توغله
 محتاجدر . دیمک که قولایلقله نظم ایتمک ، بر مصراعک وزنی
 همان بولوویرمک ملکه یه توقف ایدر .

استطراد — بوراده لوازم فصاحتی مغل ، فقط مجرد
 تضییق نظمندن منبعت بعض شائبه لردن بحث ایده جکز که لوازم
 فصاحت صره سنده بونلرک نظم بختنه تذیل اولونه جغفی سویلشدک :
 اولاً ، وزنده کوچک و یا متوسط برهجا مقابله نظمده
 متوسط و یا بویوک برهجا بولوندور مق قصوری واردر که بوکا
 « زخاف » ، عکسنه « اماله » دیرلر . مثال :

نه دن هر کیمه یوزطو تدم بن آندن یوز بلا کوردم
 فضولی

آیاغک صاقنه رق باصمه امان ای ساق
 ندیم

صبح تابان کبی اصول اصول
 عبدالحق حامد

هیکل بازوی اقبال حسین پاشا کیم
 نای

عربی و فارسی کلمه لرده ، متوسط هجاندن معدود اولان ،

موقوفدر . شیمدی بونی بر ایکی مثال ایله ایضاح ایدلم :

بن کیم بر بیکس وبی چاره وبی خانمان

مصراعنك مطابق اولدینی وزن « فاعلاتن ، فاعلاتن ، فاعلاتن ، فاعلن » در .

برنجی جها بن ، ترکیه متوسط ؛ بوکامقابل : وزنك برنجی جها سی فا ، متوسطدر .
ایکنجی جها کی ، « کوچوک » : « : » ایکنجی « ع ، کوچوکدر
اوچنجی جها مم ، « متوسط » : « : » اوچنجی « لا ، متوسطدر .
دردنجی جها بر ، « : » : « : » دردنجی « تن ، «
بشنجی جها بی ، فارسی « : » : « : » بشنجی « فا ، «
التنجی جها ک ، « کوچوک » : « : » التنجی « ع ، کوچوکدر
یدنجی « سو ، « متوسط » : « : » یدنجی « لا ، متوسطدر
سکزنجی جها بی ، « : » : « : » سکزنجی « تن ، «
طفوزنجی « چا ، « : » : « : » طفوزنجی « فا ، «
وتنجی « ر ، « کوچوک » : « : » اوتنجی « ع ، کوچوکدر
اون برنجی « و ، « متوسط » : « : » اون برنجی « لا ، متوسطدر
« ایکنجی « بی ، « : » : « : » « ایکنجی « تن ، «
« اوچنجی « خا ، « : » : « : » « اوچنجی « فا ، «
« دردنجی « ن ، « کوچوک » : « : » « دردنجی « ع ، کوچوکدر
« بشنجی « مان ، « متوسط » : « : » « بشنجی « لن ، متوسطدر

اولدیردی بزی آه بیلنمزی بو حکمت

مفعول ، مفاعیل ، مفاعیل ، فاعولن

برنجی جها اول ، ترکیه متوسط ؛ بوکامقابل : وزنك برنجی جها سی مف ، متوسطدر
ایکنجی « دیر ، « : » : « : » « ایکنجی « عو ، متوسط »

متصوتدن عبارتدر . علی ، پدر کلهلرینک ایلك هجالی کی .

(۲) متوسط هجادرکه حرفله متحرک بر حرف متصوتدن ،

یاخود حرکه ایله متحرک بر حرف متصوتله دیگر بر حرف

ساکندن ترکیب ایدر . پدر ، علی کلهلرینک ایکنجی هجالی کی .

(۳) بویوک هجادرکه حروف حرکه ایله متحرک بر حرف

متصوتله دیگر بر حرف ساکندن ، یاخود بر حرف متحرکله ایکی

حرف ساکندن متشکلدرد . ماه ، سال ، تپه ، نیل ، طول کی .

بوصنفدن اولان هجالی وزنده بری کوچوک ، دیکری متوسط ایکی

هجا کی عد اولونور . یالکیز بوصنفک شق اولنه موافق اولان

هجانک نهایتی « ن » حرفی اولورسه او هجا متوسط زمهرسنه

ادخال ایدیله .

دیگر طرفدن « افاعیل و تفاعیل » اوزانی کوچوک و متوسط

هجالدن مرکبدرکه بو حالده کلمات عربیه و فارسیه نك

بویوک هجالی وزن اعتباریله بری کوچوک دیکری متوسط

ایکی هجا دیمک اولور . [*]

ایشته بر مصراعک موزون اولماسی ؛ هجالرینک اوزان

عروضدن برینک هجالرینه صره سیله و تمامی تمامنه یعنی

کوچوک هجایه مقابل کوچوک ، متوسط هجایه مقابل

متوسط هجا بولونمق و بویوک هجالی کلهلر وزنک بر متوسط

وبر کوچوک هجاسنه تقابل ایتمک شرطیله ؛ موافق بولونمسنه

[*] یالکیز اوزانک نهایتلرنده (فاعلات کی) بویوک هجا بولونه .

بیایله ؛ و آنجق اوزان مصراع نهایتنده کی بویوک هجایه تقابل ایدر .

اوزمان بزدهده دها طبعی ، دها نفیس اشعار منظومه وجوده
کله سی تسهیل ایدلمش اولوردی؛ ظن ایدهرم .

وزن عروض . — بزجه عجمدن استعاره ایدیلن و عربك
« فعل » ماده سنك تصرفاتندن متحصل اولان ظروف معلومه یه
« عروض » دیرلر . برسوز وزن عروض ایله منظوم اولمق ایچون
بوتون حرکات و سکنتاتی « افاعیل و تفاعیل » دیزیلن او ظروفدن
برینك حرکات و سکنتاته ، هجاءلرك خفت و ثقلتی عینی عینه
مساوی اولمق شرطیله ، موافق بولونمالیدر .

ادبیات قدیمده معرفت اوزان « علم عروض » نامیله باشلی
باشنه بر علم عدایدیلرلك برچوق فصول و مباحثه آیرلمش ایسهده
بو معرفتك اوقدر دور و دراز اشتغاله دگری و احتیاجی یوقدر .
بناءً علیه بوتون اوتفصیلاتدن صرف نظرله اساس بحثی اجمال
ایده جکیز :

اولا ، عموماً تورکجه کله لرده ایکی دورلو هجا واردر .

(۱) کوچك هجاءلركه حرکه ویا حرفله متحرك بر حرف
متصوتدن عبارتدر . ایه ، بابا کبی .

(۲) متوسط هجاءلركه حرکه ویا حرفله متحرك بر حرف
متصوتله ساکن دیگر بر حرف متصوتدن ویا خود بر حرف
متحركله ایکی حرف ساکندن تشکل ایدر . قارپوز ، باردق ،
درت ، قالمق کبی .

ثانیاً ، عربی و فارسی کله لرده اوچ دورلو هجا واردر .

(۱) کوچوك هجاءلركه یا لکیز حرکه ایله متحرك بر حرف

بك كورپه سين اسيركه سين سني يارادن
كبر قويونه قورد قاپمسون كل قوزوجاغم

نديمك بر قوشمه سي اون بر هجايدير .

كرم افندي دكلسمه مده لايق
كسمه التفاتك بو بي نوادن

عبدالحق حامد بكك « نسترن » عنواني فاجعه سي ده اون
بر هجا اوزرينه مرتبدر . حالبوكه سلطان عثمان اوله عطف
اولونان :

عثمان ارطغرل اوغلو سوك
اوغوز قره خان نسلو سوك
حقك بر كتر قولو سوك
استانبولي آج كلزار ياب

منظومه سي سگيز هجايدير .

وزن ملي لسانك طبيعت اصليه سنه موافق اولمقله برار
اليوم اوزان عروض ايله رقابت ايدهميه جك برشكل ابتدائيده ،
وهله رقيبته نسبتله ثروت آهنگدن محروميت كلي حالينده
قالمشدر . ادبای جديده نك اهتمامات فصاحت پرورانه سيله وزن
عروض بو صوك زمانلرده اوقدر قوتلي بر خطوه تكامل
آتمشدر كه ايكي وزن آره سنده كي فرق ، وزن ملي ضررينه
اوله رق ، بر قات دها تزايد ايتدي . حالبوكه وزن ملي ده
بويله بر همته مظهر اولسه يدي ، شيمدي يه قدر مزيت آهنگه
مالك ولسانك طبيعت ذاتيه سنه اوفق برشكل اكتساب ايدردی .

وهر قسمه «مصرع» دیرلر . تورکجهده مستعمل اوزان ایکی نوعدر : برنجیسی وزن ملیدرکه بوکا موافق اولان شعرلرده مصراعلرک یالکیز عدد هجاسی متساویدر ؛ دیکری وزن عروضدرکه مصراعلرک ، اعداد هجا وحرکات و سکناتجه «افاعیل و تفاعیل» دینیلن ظروف معینهدن برینه توافق ایتمک اوزره ، تساویسندن حصوله کلیر.

وزن ملی — تورکجه کلهلرک شیوه تلفظنه کوره نظممزرک وزن طبعیسی اولمق لازم کلن وزن ملی ، دولت عثمانیه نیک بدایت تشکیلدن بری عمومیتله ترک ایدیلرک ، نادراً استعمال اولونمشدر .

اول سوزده باشلامش نوایی
تقلید ایله فارسی ادایی ؛
کلش شعرای روم پیشین
قیلمش او اداده وزنی تعیین .
تقلید ایله چون لسان بوزولمش ؛
اوزان عروضی غائب اولمش ؛
فعلن فعل اولدن نغایان
بارمق ایله ایدی بزده اوزان .

بو جهتله وزن ملی تکمیل ایده مدیکی کبی حتی شرائط وقواعد مضبوطه سی بيله یوقدر . بعضاً بو وزنی استعمال ایدن فصحای شعرا اکثریتله اون بر واون اوچ هجا انتخاب ایتمشله سده بوده بر قاعده مرعیه دکلدر . مثلاً ضیا پاشانک آتیده کی شرقیسی اون اوچ هجا ایله ترتیب اولونمشدر :

آقشام اولور کونش باتار شیمدی بورادن
غریب غریب قوال چالار چوبان اووادن

نظم

نظم ، اقسام كلامك وزن دینیلن بر اولچویه توفیقاً سویلنمش ،
 وهر قسمك نهایتده اصوات معینه یی اظهار ایدن وقافیه دینیلن
 هجا ایله اتمام ایدلمش اولماسی دیمکدر . وزن وقافیه بوتون منظومات
 ایچون عام اولقله برابر هر اثر ادبیک مطلقا منظوم اولماسی لازم
 کلز ؛ بوسبيله نظمى مزیات خصوصیه دن عد ایتدك .

خاصیت شعر دن محروم اثر لر ، منظوم ده اولسه ، ادبیات دائره سنه
 داخل اوله میه جنی کی محاسن و لطائف بدیعیه یی حائز اولان
 منشوراتك ده شعریتده شبهه یوقسه ده ؛ کافه نقاط نظرله مساواتی
 فرض اولونان ایکی اثر ادبیدن بری منظوم ، دیکری منشور اولسه
 منظوم اولان حائز رجحاندر . چونکه لسان نظمك ایجاز و حسن
 ترتیب کلماته ده ا مساعد اولمق کی فوائد بلاغتیدن قطع نظر یالکمز
 وزن وقافیه نك فصاحت سوزده علاوه ایتدیکی محاسن بذاتها
 رجحانی استلزام ایدر .

نظمك تعریفندن ، بونده ایکی رکن اولدینی ، اکلشیلیر :
 بری وزن ، دیکری قافیه در .

وزن

کلامك بر طاقم اقسامه تفریقیه هر قسمك یا عدد هجا
 اعتباریله ، یا خود حرکات و سکنا تچه یکدیگرینه توافقه «وزن»

(۲) الفاظ صوتیه دن اولمان بعض کلمہ لر عبارتہ دہ او حکم وقوتی احراز ایدر . مثلاً : فارسی « کم » کلمہ سی - کہ ضایع معناسنی متضمندر - دلالتی اعتباریلہ الفاظ صوتیه دن اولمادیفی خالدہ نفعینک ، شیخ غالبک ابیات آتیه سنده اوصورتلہ استعمال اولونمشدر کہ اورادہ عادتاً الفاظ صوتیه دن عد ایدیلہ بیلیر :

جو هوادہ صیت چکا چاک تیغدن
آواز رعد وصاعقہ رہ کم کنان اولور
نفی

کوم کوم اوتر آسمان صدادن
کمکشتہ زمین بو ماجرادن
شیخ غالب

بیت اولدہ کی « کم » ضایع ، « کنان » اولان معناسنی مفید ، ہر ایکسی دہ الفاظ صوتیہ اولقدن بعیددر . فقط ہر یرینک ، خصوصیلہ ایکسینک بردن اظهار ایتدیکی صوت ، آواز رعدہ شبیہ اولدینگی جہتلہ « کم کنان » ترکیبی ، عارضی اولہرق ، الفاظ صوتیہ حکم وقوتنی حائردر . بیت ثانینک مصراع اولندہ کی « کوم کوم » تعبیری طوغریدن طوغری بہ الفاظ صوتیہ دن اولہرق ، مصراع ثانیہ کی « کمکشتہ » ایسہ اولکی « کوم کومہ » مشابہت تلفظیہ سی سببیلہ الفاظ صوتیہ زمرہ سنہ داخل اولویور . یوقسہ عینی کلمہ ، مثلاً سعدینک

یکی پر سید ازان کم کردہ فرزند

مصراعندہ ، الفاظ عادیہ دندر .

چن ، فشافش ، خرخره ، ولوله ، زمزمه ، کوم کوم ، باط -
 باط ، شارلدى ، چاغلى ، ميرلدى ، عوعوه كى كملردر كه
 بونلر معنای موضوع له اولان حر كتك تقلید صداسندن عبارتدر .
 علم السنه اربابنك قولنجه ، بوتون كمات اصوات تقلیدیه اوله رق
 باشلامش وانسانیتك كچیردیكى ادوار ترقینك انجق طبقات
 عالیهنده كملر بر معنای عمومییه دلالت ایدن اشارات مجرد
 حکمنه كیره رك اشتقاقات وتصرفات ایله ، من جهة الصوت ، بوتون
 بوتون دكیشمشدر . شیمدی مستعمل اولان الفاظ صوتیه
 كمات ابتدائیهنك بقایاسیدر كه بونلر كده مرور زمان ایله تصرفات
 واشتقاقاته تبعاً دكیشمسی محتملدر . انسانلرك حال ابتدائییه
 استعمال ایتدكلى الفاظ قدرت ذهنیه لریله متناسب ، یعنی اك
 زیاده سهل الادراك اولمق لازم كله جكندن الفاظ صوتیهك الفاظ
 عادیه دن ده ا قولای اكلاشیله جفی شبهه سزدر . الفاظ صوتیه
 الله یاپیلان آهنگ تقلیدی ایچون برقاق مثال ایراد ایده م :

برایتدی کوچینی صیت فشافش دامان ،
 ایریشدی زروۀ ناهیده چن چن خلخال
 ندیم

.....
 ضرب ششیرله چیقان قعقعه مغفرلردن

 بر درین غلغله نظمنده خروش افكار

 صیت ولوال وغا ولوله چنك جیوش
 توفیق فکری

و عبارات ايله تقليداً تصويرايتمه «آهنك تقليدى» ديرلر. بوتعريفه كوره لفظ ويا عبارت نك آهنك تصوتى طوغرودن طوغرويه معنايه دلالت ايدر كه اشتلاف الفاظك حد غايه سى ديمكدر. انجق بر موضوعى بوتون آهنك تقليدى ايله افاده ناقابل اولدنى كې فرضاً ممكن بيله اولسه ، طنطنه متواليه الفاظ ايله سمعه عارض اولان نقلت ، فصاحتى اساساً محما ايدى جك بر درجه يه كله بيلير .

۱۰ كرم بك افندي نك تعليم ادبياتده ديدى كې « بر اثر ادبى آهنك عمومى سى اعتباريله بر مكمل موزيقيه تشبيه اولونسه آهنك تقليدى سى دخی زيل ، طبل ، معهود كان كې كاه و بيگاه چيقار دقلى مدهش صدالرى موزيقيه نك آهنك مطرد عمومى سى خوش اينده بر صورتله فاصله دار ايلان آلات حكمنده عد اولونه بيلير . بو عبارتده كې « مطرد » تعبيردن قطع نظر اولونورسه تشبيه وجوه ايله طوغرودر ؛ مثلاً بر موزيقيه نك تامپوسى بر اثر ادبى نك سلاست مطرده سى ، ريتى آهنك موافقتى فرض ايديلير سه مشبه به اتخاذا اولنان آلات موسيقيه نك صداسى ده آهنك تقليدى يه تقابل ايدر .

آهنك تقليديده ايكي صورت واردر : برنجيسى ، بر حركتك صوتى تقليد ايدن الفاظ استعمال ايتمكدر كه بودورلو كلمه لره « الفاظ صوتيه » ديرلر ؛ ايكنجيسى اساساً الفاظ صوتيه دن اولمايان كلمه لره ، تركيب ايديلن عبارتده ده ، او حكم و قوتى و ير مكددر .

(۱) الفاظ صوتيه — قعقه ، چكچاك ، قهقهه ، چن

مزيات خصوصيه

فصاحتہ عائد مزيات خصوصيه نك هر اثر ادبيده وجودى شرط مطلق اولماديغنى ، حتى بونلرك آنجق على الانفراد ولزوم صحيحه مبنى اوله رق استعمال ايديله بيله جكنى يوقا ريده سويلشذك . فصاحتك مزيات عموميه سنده كى غايه ، سلاستدن قطع نظر ، وضوح اكمل اولديغى كى مزيات خصوصيه ده وضوحى بر در جدها اعلا ايدر . مزيات عموميه ، بو غايه به خدمتله برابر آريجه ، سلاست ولطافتله ، بر حظ ادبى توليد ايتديكى كى مزيات خصوصيه دن بعضارى ده ، فضله اوله رق ، مكمل سلاستدر . مع مافيه ، قيمت ذاتيه لرى نه قدر بويوك اولور سه اولسون ، مزيات خصوصيه دينيلن شيلرك مزيات عموميه يي اخلاص ايتماسى شرط اقدمدر . چونكه بونلر مزيات عموميه فصاحتك فوائد ادبيه سنى تقليل ايدنجه نتيجه حاصله بهمه حال منفي ظهور ايدر . شيمدى مزيات خصوصيه ديديكمز وسائط مخصوصه تبليغى برر برر ايضاح ايدلم :

آهنك تقليدى


خواص اشياىي ، دها آچيق تعبيرايه ، حر كاتى اصوات الفاظ

اشكالده لطافتك يوقاريكي تعريفه توافقي قولاي اكلاشيلير .
 اوطوروركن وجودى تماس ايتديكي يره آغيرلق ويرميور ظن
 ايديله جك بر حالده بولمقله برابر اعضاسندن هيچ برى دوچار
 زحمت اولميان بر انسانك بو وضعيته اضافه ايديله جك صفت ،
 لطافتدر . اشياده كي لطافت ايسه اساساً داخلې [۱] اولان
 بو حسك - الك طبيعى بر عامل تخيل اولان - تماثل [۲] صورتيله
 اشياى غير ذى روحه تشميلي ديمكدر .

معناى لطافتي مجملأً تعين ايدن شو بر قاچ سوزدن آكلده
 شيليركه لطافت اساساً حر كتن منبعثدر ؛ بزده حس لطافت
 حاصل ايدن حر كترلده ايسه ايكي حال واردر : برى صيق صيق
 انقطاع ايتماك ، ديكرى جريان ايديور كي كورونمكدر . بونك
 ايجوندركه روز كارك بر بغداى ترلاسنده ، يا خود سا كن بر
 بحيره اوزريده حاصل ايتديكي موجه جكلرك حر كات متماديه
 ومنحنيه سى لطافت حر كتك انمودجيدر .

ايشته لطافت ادبيهده ، حمل و عباراتك بويله تموجات خفيفه
 متماديه ايله جريانيدر كه فصاحتده بو غايه يه الك زياده تقرب ايدن
 شاعرمن ، اعتقاد مجه ، نابيدر .

فصاحت حقنده بورايه قدر سويلديكمز شرائطى حائر
 اوله بيان بر اثر فصيح عد اولمايه تمايله كسب استحقاق ايدر .



هوا ایدم جک درجه ده قلیل اولدیغی آ کلاتمش ، لطافتک
معنای حقیقیسنی ادای شاعرانه ایله تعریف ایتمیشدر .
بویله حرکات لطیفه یالکز انسانده دکل ، اعضای حرکتی
متکمل اولان حیوانانده ده کورولور . حتی بویک ایچوندرکه
نفی ، رخشیه مشهوره سنده

زهی سمند ملایم که حسن اطواری
اونوتدیرر دل مشاقه شیوه یاری

مطلع برجسته سیله براسب خوش رفتارک اطواری
برکوزه لک شیوه نازنینه بکزه تهرک ، معنای لطافتک تعریفی اکمال
ایتمش اولویور .

حرکتده لطافتک شو تعریفنه کوره اعضای رفتاری متکمل
اولیان حیوانلرک ، یورورکن بویوک برسمی عضلی صرف ایدن
انسانلرک حرکتنه لطیف دنیه من . قامپلومبغه نک روشی ،
بر حمالک یورویشتی هیچ بر زمان بزه لطافت احساس ایتمز .
برذی روحک اشکالنده لطافت ، اعضاسنک حرکات سهیله
اجراسنه اک مساعد بر صورتده بولماسی دیمکدر . وضعیاتده
لطافت ایسه ، محافظه سی اک آز قوای عضلیه صرفه محتاج
اولان وضعیترلر خاصدر . اشیاده لطافتده ، اک زیاده بواسکال
ووضعیاتی آ کدیران یرلرده حس اولونور .

ره فائلک ، زهرمن پیلونک ودها بعض اساتده نک grâce
عنوانیله وجوده کتیردکلری آثار مخلده تدقیق ایدیلیر ایسه

بونلردهده بالغاً مابلغ موجوددر . آنجق او شعرلرده حس
اولونان شیوه فارسی بر امل صنعتی ، بناءً علیه کلفت تنظیمی
اشراب ایدر . اشعارسائرمنده ایسه اویله برطبیعییت و سهولت
وارددرکه اوسوزلرک ، صاحبنه الكاوافق برزحمت بیله ویرمامش
اولدینی ظن ایدیلیر . بوطنی حاصل ایدن حال — که طبیعییت
و سهولتله تعریف ایتک ایستدک — سلاستک مرتبه بلندی
و فصاحت اسلوبه تعلق ایدن قسم بداعتک ضایه اتخاذ ایتدیکی
مزیات مرغوبه دن بریدر .

بومزیت ایسه کائنات و حادثاتده محسوس اولوب لطافت [۱]
دینلین محسنه نك ادبیاتده تجلیسیدر .

لطافت — اشیاده لطافت یا حرکاتده ، یاخود اشکالده
محسوسدر . بر ذی روحی نظر اعتباره آلیرسه ق حرکاتده
لطافت ، او حرکتک قوای عضلیه یی اتعاب ایتیه رک اجرا
اولونمندن حصوله کلیر ؛ اویله ظن ایدیلیرکه شخص متحرک
یک آز برسی عضلی ایله او حرکتی اجرا ایتمکدهدر . مثلاً
ایشته بو روش لطیفدرکه عبدالحق حامد بکه

هبوب ایدر کبی رفتارکز ، نه حالتدر ،
عجب نسیم سحردهی آفریده سکز ؟

بیت بدیعنی سویلتمشدر . دقت ایدر سه ک شاعر ، رفتاری
هبوبه تشبیه ایتمکله ، اوروشده کی مساعی عضلیه نك انجق تهزیز

سراسر چشم عبرتدن کچیردم نسخه دهری
ایچنده معنی آرامه دائر بر عبارت یوق .



ا کرچه کهنه متاعه رواجز یوقدر ؛
رواجهده او قدر احتیاجز یوقدر .
اواجه کیم اوله هم دوش احتمال زوال
توجه ایتسه بيله ابتهاجز یوقدر .



نابیدن ایراد ایتدی کمز بو امثله بی تکثیر او قدر ممکندر که
بوتون دیوانی مثال اوله رق ارئه ایدلسه لایقدر . نفعیدهده
سلاست بیان یوکسک بر درجهدهدر ؛ آنجق اوسلاست ، فکر
وخیالک شدت غلوندن انبعث ایدر . نابی ایه صرف سلاست
ایچون سلیس یازار ؛ او درجهده که آناری اوقوندینی زمان
شاعرك هیچ کلفت تنظیمه دوچار اولمادینی ظن ایدیلیر .

ایشته نابینک مدار تمیزی - بعض مشویاتدن قطع نظر -
اشعارینی اوقویانلرده بو ظنی پیدا ایتمکدر که بین الفصحاحا بو
درلو سوزلره « سهل ممتنع » دیرلر . ضیا پاشانک مولد ایچون
سویلدیکی « باشند باشه سهل ممتنعدر » مدیحهسی دیوان نابییه
سرلوحه اتخاذ اولمالیدر . بعض مشویاتندن قطع نظر دیشمک
سببی آکلامق ایسترم : بو استثنا شیخ غالبک :

منظومه فارسی وش ابیات
بالجمله تتابع اضافات .

بیتیه هدف تنقید ایتدیکی بعض مشویلردر که سلاست

بو غلویات و سفلیات و تدبیرات ربانی ،
 کتاب معرفتدر نقطه ذراتی سرتاپا ،
 بوامواج بحارك قعرینه رهیاب اولان آکلار
 که وار تحتندہ بر در حقیقت ، بر عجب دریا ،
 خروش رحمتندن مستعار آرایش هستی ،
 کلام هنرتندن مستعار اسرار ما اوحی .



عرضحال ابتدی شه عالمه ارکان حشم
 گای شهنشاه هایون قدم ومسند جم !
 شکوه من وار فلکک وضع غلطکارندن ؛
 اجتماع ایت که بودر ضابطه ملکه اهم .
 جلوه آزرده بز اوضاع فلکدن اما
 بزدن افزون سکادر غدر ، ایا شاه کرم .



شعراى عجمك دیوانی
 حسن تعبیر ومعانی کافی :
 طالب و صائب و عرفی و سلیم ،
 فیضی هندی نظیری و کام ؛
 تازه کویان زمانده شوکت
 معنی تازه به ویردی صورت .
 صاحب خمسه نظامی ، خسرو
 هربری جلوه ده پر معنی نو ؛
 جای وانوری و خاقانی
 هربری ملک سخن سلطانی .



حقیق صائم هپ سیر ایتدیك برهیز کارانی
 فسادہ دردمندک نیاسون دستندہ آلت یوق .

جنت کی دلربا بوسنتک
حوری کی حاکمی بومقبر .
معنای بلند کبریا در

قیلمش آتی سنک جامد ازبر .

عبدالحق حامد

سلاست کرک نظمده، کرک نثرده کلمه نك مجالرنده کی قصر
ومدك، جمله نك کلمه لرنده کی رقت و جزالتك حسن امتزاجندن
حصوله کیرسده نظاریات ایله تحصیل غیرقابل ومطلقا آزچوق
حسن طبیعتله برابر ملکه ومهارته محتاجدر . بوسبيله سلاسته
ترتیب الفاظده استادلوق دیمك طوغرو اولور . هر سالیس
یازانك مطلقا شاعر عد ایدلسی لازم گلز ؛ انجق هر شاعرك ،
نادرا ریک اواسه بيله ، اکثر آثاری بهمه حال سالیسدر .
قدمادن فضیلت سلاستی اك زیاده حائز اولان نابیدر ؛ حتی
بواعبار ایله نفی یهده تقدم ایدر . ضیا پاشانك :

دستنده مثال موم ترکیب ،

قصه ایتدیکی شکل ایله بولور زیب .

بیته حقیقه ماصدق اولان نابینك ، « سوزلرینی افواهه
دمساز ، ایدن ، مزیتی سلاستیدر . مثال :

کوروندی عبرت حقندن مقدمات ظهور ،
نه کوسترر کورده لم حضرت خدای غفور ؟
کوردن اولدی مصفا مسالك اقبال ،
کسلدن اولدی معرا عمالك معمور ،
قیامه ایتدی تقاضا دغایم دولت ،
قعوده اولدی کمر بند کارگاه امور .



مدنیت حاضرہ فی انجق لوندرہ قدر کوسترہ بیلیر۔ بناء علیہ بزدہ مثال
اولہرق اونی اختیار ایلدک : بومعلکت ریب وکان بلوطلری ایچندہ
مستور اولان اقبال بشر کی اکثریت اوزرہ برقارہ دومانی ایلہ محاط،
وحتی کویا کہ عادات مدنیت اجار و اشجارینہ وارنجیہ قدر سرایت
ایتمش کی خانہ لری بیله سییاهلرہ مستغرق کورونور ، فقط بردہ
اونقاب ظلمانینک ماوراسنہ تعلیق نظر اولنورسہ نازنین دلربای تمدن
نظر فریب افکار اولہجق برزینت و سلطنت ایلہ عرض دیدار ایتمکہ
باشلارکہ بدایع پسند اولان کولکلر ایچون حسن اندامنہ مفتون اولماق
احتمالک خارجندہ در . «

سمتک سکون و ظلمتی آرتاردی دمبدم ؛
کویا چکر دی قعرینہ طوغری بزی عدم .
دهشله طولدی خانہ قلبم ، فقط ینہ
صلا خیال و خاطر مہ کلیدی ندم .
نا کہ تجسم ایلدی قارشیمده بوجود
برقهرمان عشوہ ... مہابتلی برصنم ؛
امواج نورواری ، وجود لطیفی
اورتردی نیم سترہ بیضاسی خم بخم ؛
مدہشدی کوزلری ، دهنی لرزه دار خشم ؛
کیسوسی تارومار ایدی ، ابرولری بہم .
اکرم

ای راہبر صبا برابر!
کرچک بوی اشیان دلبر؟
برتر بہ کہ نوبہار پامش؛
بکارشب و روزنی صنوبر .
البته واریر بو آشیانہ
پیک سحری کیم ایستہ رہبر .

كسدى صيت صواتم هونىادلرك درماتى
 قهرمانلر باش كسيك شمشير قهرم قانليدر
 صفشكاف صفدران عنوانليدر هرفارسم
 هرپيادهم صفشكاف صفدران عنوانليدر
 ناجى

شومنظومه يه شعر ديمك خطادر ؛ فقط افاده سنده كي سلاست
 انكار اولنه ماز .

شيمدى موافقت بيان ايله مترافق سلاستى كوستيرير برايكى
 مثال ايراد ايده لم :

« سواقلرده آيدينلى اولديغى كيم ايسته من؟ مكر كيجه قرا كلقدن
 استفاده ايليان ارباب فساد اوله . خلقك روشنى اذهانه كيم قائل
 اواز؟ وارسه عقول مظلومه دركه آنجق آخرك جهل قرا تيسنده پرتوياب
 اقبال اولور . نته كيم ييلديز بوجكنك لمعاى ظلمت ليله منحصر در .
 شهر من برپاي تختدر كه يالكز باشنه بر دولت دكر . اكا مالك اولانلر
 ايسه بر صاحب خروجك قولنجه جهانه حكيم ايتمه كه مقتدر اوله بيلير .

لطافت طبيعیه سنی بر طبع شاعرانه وصف ايتمك ايسته سه شويله
 خيال ايتزمي ؟ استانبول بلده سي اوروپا نك كنار ساحلنده آسييايه
 قارشو قورولش بر مالكة دريادر كه ماندى زير افلا كده صرقي
 اولماز ؛ الاكه آينه آبدارى اولان صفحه خلیجنده منعكس صورت
 بيقراريدر . آوازه جهانكيري ، اوزاقدن ايشيدنلره بر مرتبه خوش
 كلوركه منظره دلكشاسنى ياقيندن تماشا ايتمه كه قولاقدن عاشق اولماق
 محال مطلقدر . حسرت الملل عنوانه مظهرى نا بجاميدر ؟

شناسى

« لوندره يه اغودج عالم دينلسه مبالغه دكلدر . روى ارضده
 موجود اولان آثار ترقينك فوطوغراف ايله رسمى آلمش اولسه

« اسباب مبرمه صحیحاً موجود ایسه آئی اثباتده صعوبت اولدینی جهتله سلطنت سنیه نك عادات قدیمه سندن اولدینی اوزره بو مصلحت بر مجلس عمومی به قونلش و حقیقت حال اطرافله اکلادملش اولسه یدی هرکس مجنون اولدیغندن بیوک بیوک مخاطراتی دفع ایچون اک متعصب و وقوفسز بولنانلرک بيله بهمه حال برنوع فداکارلقلری کوزه آلدیره . جقارنده شبهه اولدیغنه نظراً او حالده بو مصلحتک قراری آرای عمومی نك اتحاديله اولور و دولت علیه دخی هر دورلو تعرضاتدن و امر اجراده مشکلاتدن مصون بولنوردی . »

شعردن یعنی تخیل و تأثردن نصیبه دار اولیان منظوماتده موافقت بیان یوق دیمکدر ؛ فقط سلاست بولنه بیلیر . مثال :

غزلسراق ایچون قلبه امل کلدی
 بیش اون دقیقه ده میدانه برغزل کلدی
 بکنمدم بونی کوزدن کچیردیکم آنده
 اوسوزلرک بکا معناسی مبتدل کلدی
 اوت شو اوچ سنه اول یازلمش آثارم
 حقیقه بکا بوندن دها کوزل کلدی
 بنابرین نه قدر وارسه بنده شعره هوس
 توکندی هپسی همان طبعمه کسل کلدی
 صفا

ایشته بر مثال دها :

لسان فاتحدن

ملك موروثم نه در دنیا دکل کافی بکا
 هانکی فکر بی سکون فکرم قدر جولانلیدز
 شان وجاندن ایستسم دنیایی تجرید ایلرم
 فیض تجریدمله ملت جانلی ، دولت شانلیدز

استانبولده ایلک دفعه انجمن دانش تشکیل ایدلایکی زمان
صدر اعظم رشید پاشا طرفندن قرائت ایدیلن نطق آتی موقعک
سکینتی ، سوز صاحبک وقار و جدیتی حسیلله آهنگ متحوله
مساعدا اولمديغندن موافقت بیانی اطرا ددن عبارت وعادتا
غیر محسوس اولدینگی حالده سلاست افاده سی ذوق آوردر :

« عالمده علم و معرفت کبی بر شرف و مزیت اوله ماز و انسانک مطالب
ذاتیله سنک اسباب تحصیلیه سی صنایع و معارفدن بشقه بر شیلله حصول
بوله ماز . و هر نه یه دائر اولور سه اولسون و هر نه ده بولور سه
بولسون هنر و معرفتک قدر و قیمتی انکار اولنه ماز . بو کوردیکمز
سامان و انتظام انام و معاشرت خواص و عوام هپ هنر و معرفتله حصوله
کلش بر اثر دکلیدر ؟ و مشهود من اولان بونجه محاسن امور و آسایش
و حضو رک نظر امان ایله باقیلنجه دانش و معارفدن بشقه برسبی
وارمیدر ؟ بونک ایچون فتح ابواب علم و حکمت و ترتیب اسباب معرفت
ایله تربیه عمومییه قضیه خیریه سنک انتشار و اشتها رینه صرف همت ایلین
دولت لک جریده حالاری شیرازه کیر سلاک انتظام و رعایا سنک مسئله
آسایش بالری صورت پذیر دوام اوله کلدیکی اشتباه قبول ایدر
مواددن دکلدر . »

ینه مشار الیه رشید پاشانک سلطان عبد المجیده تقدیم
ایتدیکی بر لایحه اسلوب رسمی ایله یازلمش اولدینگی و ماهیه
اظهار تأثر و هیجانه غیر مساعد اوله رق یالکنز حسیات
حرمتکارییه بورونمش بولوندینگی جهتله موافقت بیانی یینه
او حسیاته تبعاً و مطرداً جاری ، یالکنز سلاست عبارده سی
جلیدر .

رکا کتله مطلقا سلاست حاصل اولماز. هم بونی هم ده موافقت
بیانله سلاست آره سننده کی فرقی کوسنزه جک بر مثال ایراد
ایده لم :

« نوبتی شاشیروب ترسان ولزن اوافق اوافق کزینبور و
تفنگنی قورمغه چالیشوردی . پنجره دن کوردم - آیول او سلاسله
نه یاپه جقسک ، کندیکیمی اولدیره جقسک ؟ تفنگنی اورایه براقده
شو چوققلرک قپوسنی آج ؛ سنده خلایه کیر ، بزنی قورتاریرز -
دیدم . المدن کلسه صحیحاً قورتارمهی قورمشدم (سبیحان اه اوپله
خائن ایچون اوپله بروقتده مرحمت طمارلریک حرکت کلسنه تعجب
اولتمازی ؟) هر نه ایسه تیره بهرک تفنگنی دیواره طیادی ؛ محبوسلرک
قپوسنی آجدی ؛ یواش یواش اللربی اوغوشدیره رق خلایه کیردی .
پیماره محبوسلر ایسه کرچه غوغا ، کورلدیلر ایشیدیورلر سده نه
اولدینغی بزم قدر بیلهمدکلرندن قپولری آچلمش ایکن دلیکدن باقوب
دیشاری حیمغه جسارت ایده میورلردی . نه طور یورسکز چیقیکز یا -
دیدم ، قپوی آچدیلر ؛ بیه بکا باقیورلردی . قورقیکز جانم چیقیکز !
دیدم . زنجیردن بوشانمش ارسلانلر کی نعره اوراراق اوغرادیلر .
واللرینه کیمی بالطه ، کیمی کوسکو ، کیمی دمیر پارچه سی آلوب آلتیمزده کی
مهمات طولو اوطه نك پارمققلرینی قیرمغه باشلادیلر . »

راجی - وقعه زغره

تعلیم ادبیاتده آهنگ تقلیدییه مثال اوله رق ایراد ایدیلن
شو پارچه نك بالخاصه فقرات اخیره سی تصویر اولونان حرکت
متهاجمانه ایله آرز، چوق بر موافقت بیانی حائر اولدینغی ؛ دیگر
طرفدن اسباب رکا کت اوله رق ذکر ایتدیکمز شیلردن ده بری
بولندیننی حالد سلاستدن نصیبه دار دکلر .

« سلاست » دیرلر. سلاست ، بیانی تشکیل ایدن جل و الفاظک سهل الجریان و بلا انقطاع آهنگدار اولسی ، دیمکدر که کلمات و عباراتک تناسب و توازنيله پیدا اولور ؛ و موافقت بیانک لسان شعره و یردیکی قدرت موسیقیه نی اکمال و اعلا ایلر .

بونلرک ایکسی ده « موسیقی الفاظ » ترکیبيله قابل ادا ايسه ده آرملرنده اساسلی ایکی فرق واردر :

اولا ، آهنگ موافقت حساباتک تموجاتنه کوره مهتر اولدینی حالد ، سلاست اثرادینک هیئت عمومیه سنده بلا تحول دوام ایدر .

ثانیاً ، موافقت بیان مشبوع شخصیت اولدینی حالد ، سلاست یک طور و بناء علیه غیر شخصیدر .

سلاستک فصاحت ایکی جهتله خدمتی واردر : اولا کلامک سهل الجریان اولسندن حصوله کلن آهنگ بنفسه بویوک بر حظ تولید ایدر . مادام که آثار ادبیه نک اک فجع چیرکینلکری تصویر ایدن ، انسانی اک زیاده آغلانان پارچه لری بيله بالنهايه مستلزم حظدر ؛ سلاست یالکیز بوسبيله باشلی باشنه یک مهم برفائده ادبیه دیمک اولور . ثانیاً باعث اولدینی محظوظیت سببيله ذهنی دوام تتبعه ترغیب و بر جودت مخصوصه و یرمک صورتيله تشجیع ایدر ؛ بواعبار ايله ده روح فصاحت اولان وضوحک معینیدر .

لوازم فصاحت بحثده ذکر ایتدی کمز رکاکت هانکی اثرده کور و اورسه اوراده سلاست نولشن دیمکدر . فقط فقدان

مخاطبك ذهننده الفاظدن معنایه، معادن افكار و خیالات و حسیاته
انتقال صورتیه ضروری الوقوع اولان بر عملیهك ايقاع
ایتدیكى مشكلاتی - یعنی یوقاریده سویلیدیكمز کی الفاظك مقصود
بیه قارشى بالطبع اجرا ایتدیكى ممانعت نقلیهی - آزانتهرق
وضوح تام پیدا ایلدکدر بناءً علیه بونك صنعت تحریره تطبیقی
دیمك اولان موافقت بیانك مستندالهی ده آمام وضوح اولدیغده
تردد ایدیله مز .

سلاست

موافقت بیان حقنده و یردیكمز ایضاحات تلخیص ایدیلیرسه
در حال آکلاشیلیر که او محسنه بیان، لسان شعرو ادبی - طوغریدن
طوغری به حساسیت بشره خطاب ایدن - افاده موسیقییه
تقریب ایدیور. بیانك اهتزازات اصواتی تموجات حسیات ایله
هم آهنگ ایدرك موضوع ادبی بی، معانینك وساطت ودالاتدن
اول - طبق موسیقیده اولدیغی کی - یالکیز اصواتك لطف
تأثیریله، سامعینه طوغریدن طوغری به القا ایتك شعره بر حیات
موسیقی بخش ایدرك ادبیاتك قدرت نفوذنی تضعیف دیمکدر که
فصاحتك قیمت و اهمیتنی تقدیر ایچون بوندن بویوک دلیل اوله ماز.
موسیقیده حسیات مبلغهیه کوره متحول نغمه لره بر آهنگ
مطرد توافق ایتدیكى کی بیانده ده موافقت دیدیکمز اهتزازات
اصوات ایله بر لکده باشقه بر جنبش مستمر دها واردر که بوکا

اداسی و حرکاتی عادتاً بی معنا قالیر ؛ بویوک بر آقتورک تمثیل
ماهرانه سی یاننده عادی بر شخصک طور بیانی بیانی جامددر .
تبلیغده بر خطیب ، بر آقتور درجه سینه چیه بیلیمک استعداد
مخصوصدن باشقه سعی مدید ایله حاصل برملیکیه محتاجدر .
انسانلرده احوال طبیعیهدن معدود اولان اصوات و اوضاع
بویله اولونجه بر حال طبیعی اولمقدن بعید بولونان اسلوب افادهده ،
آهنک توافقک او یله قولایجه حاصل ، حتی تحصیلی هر کسجه
قابل اوله میه جغنی آکلامق کوچ بر شی دکلدر . حقیقت ،
موافقت بیان بین البشر مبذول اولمیان بر استعداد مخصوصه
— اصوله تابع — بر سعی مهادینک انضمامیله آنجق استحصال
ایدیله بیلیر .

بو حالده موافقت بیانک طبیعی لکنی سولیکدن مقصد
نه اولدیغنی ایضاح ایدم : دیمک ایستدک که یازیده موافقت
بیان سوزده اصوات و اوضاعک حسیه تطابق کیدر . تحریرده
غایه خیالیه شودر که ، بر اثری اوقویانلر مؤلفک اصوات و اوضاع
مخصوصه سنی اصوات عبارتندن حس ایدم بیلینلر . بوغایه
بلکه واصل اولونه ماز ؛ مع مافیه صنعت تحریرک دائماً هدف
اعتلا سیدر .

شیمدی انسانلرک اصوات و اوضاعی حسیه توفیق
ایتملرنده کی سببی آراسهق در حال بولورز که بونک مقصد
یکانه سی دوشوندکلرینی ، حس ایتدکلرینی مخاطبلرینه دها تام ،
دها قولای و دها سریع اوله رق القا ایتمکدر . تعبیر دیگرله

اصوات و اوضاع مخصوصه سی فصل عمومیت ایچنده بر شخصیت
کوستیر ایسه طرز افاده سی ده عینله بویه در ؛ وایشته بونک
ایچوندر که بوفونک « اسلوب عینله اناسندر » قول مشهوری ،
اسلوبک جبل والفاظنه نسبتله بیه ، بر حقیقت افاده ایدر .

موافقت بیان بودرجه طبیعی برشی اولونجه تخصیصاً محاسن
ادبیه دن عد ایدلمسینه محل قالماز ، کبی دوشونولور . فقط اناسانلرک
احوال طبیعی سی تابدایتندن بری عصر آ بعد عصر توالی
ایدن اعتیاداتک اثریدر . ناطق وحساس اولان انسان کیم بیلیر
نه زماندنبری تأثر و هیجان حس ایش و اصوات و اوضاع غنی ده
اوکا توفیق ایشدر ! حتی پک ابتدائی بر موسیقی ایله قاریشیق
نظمک ، ظهور اعتباریله نثره مقدم اولدینی ؛ بوتون کلماتک
اصوات طبیعی تقلیدی اوله رق باشلا دینی علم السنه اربانجه
متفق علیدر . بواوزون و متوالی اعتیاد ، تکلمده آهنگ
توافق — بدرجهیه قدر — تأمین ایدمک بر حال طبیعی حاصل
ایشمشده تلفظه نسبتله پک یکی و اناسانلر آره سنده انتشاری
اعتباریله ده غایت محدود اولان تحریرده بوموافقتک بر امر طبیعی
درجه سنه کله بیلیمسی البته ممکن اوله مامشدر ؛ واوله ماز .

برده کرچه تکلمده اصوات و اوضاع ، تأثر و هیجان ایله خطوط
اصلیه سنده مترافق و هر کسک شخصیتیه ده آز ، چوق متوافق
ایسه ده هر شخصک طرز تصوتی و اوضاع مخصوصه سی حیساتنه
ترجمان اولمده عینی قوتی احراز ایده مز . مثلاً بر خطیب
مقتدرک تلفظ و اوضاعنده کی موافقه نسبتله بر کویاونک طرز

و مبالغه کوستن پارچه لردن انتخاب ایلدک . بونک سببی هیجان
درجه سنه کلن تأثراتک حرکاتی ده شدید و بنه علیه بارز اولماسی
بوسیله تفهیمی سهل بولونماسیدر . یوقسه موافقت بیان کافه
آثار ادبیه ده مطلق الجریان بر قانون طبیعیدر . برینی تلطیف
ایچون سویلنن سوزله تکدیر ایچون تفوه اولنان خطاب آره سنده
سیمسک درجه ارتفاعی البته مساوی اوله ماز . نظر کا همز خار جنده
بر باغیر مه ایشته سکه بونک قور قودنمی ، حد تدنمی ، شوق و نشئه دنمی
منبعث اولدیغنی - صوتک صاحبنی کورمدن ، اوراده نه جریان
ایتدیکنی بیلمدن - در حال کلارز ؛ چونکه اصواتده بحسیات
و هیجاناتی افاده ایدن اطوار مخصوصه واردر . هنوز سوزا کلامایان
چو چوقلر ، حتی حیوانلر بیله تطیب یا خود تکدیر ایلدکلرینی
سوزک صورت تصوتندن اکلارلر . ایشته بو ، آهنگ توافقت
اک بسیط و اک بارز شکلیدر .

برده هر کسک افاده مرام ایدرکن حتی آغلرکن ، کولرکن
سسنده کندینه خاص بر طور ، اوضاع و حرکاتنده خصوصی
بر طرز ، حس اولونور ؛ بوده بر امر طبیعیدر . دیمک که اصوات
واوضاع هم افاده ایدمک ایستیلنن شیئک ماهیت مخصوصه سنه ،
همده افاده ایدن آدمک توارث ، تقلید ، اعتیاد ایله حصوله کلن
طبیعت ذاتیه سنه موافق اولور . طبق بونک کبی یازی ایله افاده
حسیاتده ده کلمه لریک انتخاب و ترتینندن حاصل اولان الحان و حرکات ،
تأثر و هیجانک ایجاب طبیعیمی اولق لازم کلیر . انسانک

بر دیواری عادی طولردن برقاج بطریه ایله بش اون کونلر برخط
اوزرنده دوکه دوکه کوشندکدن سکره بیوک طولیره آتش ویرلسنی
امرا ایتمکه ... »

کمال بکک « اوراق پریشان » عنوانلی اثرندن آلدیغمز
شو پارچه نك بورایه قدر اولان قسمی بر تحکیه عادیه یه یاقیشان
اعتدال آهنگ ایله یازلمش اولدینی حالده ، بونی متعاقب طولیرک
تأثیرات مخربانه سنی تعریف ایدن عبارۀ آتیه ولوله معنایه موافق
اوله رق آهنگ تصوتنده پک بارز برغلغله شدت پیدا ایتشدر .
« بنار طاغ باطلامش کبی بر طرافۀ قیامت نمون ایله طاغ پارچه سی
بیوک لکنده آتیلان کولله لک بر برینی متعاقب برر مجسم زلزله کبی
ورودی دیواری برله یکسان ایتش ایدی . »

بیوک بر فورطنه نك تصویرنده قیصه ، فقط چالاک جمله لک
سرعت و شدت اعتباریله فکر و معنایه نه قدر موافقت پیدا
ایتدیکنی ، حاصل اولان آهنگ بیانک تبلیغ معنایه نه درجه
خادم اولدیغنی مثال آتیده ده کوریورز :

« شیمدی افقندن برسیاه بلوط قالقار هجوم قوی کبی طولیانور ،
طولیانورده اومولاز بر سرعتله ایلری طوغری یوریر . یزلر ، کوکلر ،
طاغلر ایکیل ایکیل ایتکمه ؛ کمینک هر ماقره سی ، هرایی ؛ یلکنلرک
هر دیکیشی ، هر دلیکی بر بشقه هوادن فریاد ایتکمه باشلار . دکز
فلکله یاریشه قاقیشیر ؛ شیشر شیشر هر طالفه سی برقاره بلوط شکله
کیور ؛ هر طالفه نك آتیلیشندن ، چارپیدیشندن ، چاغلیدیشندن بر بشقه
فورطنه ده پیدا اولور »
کمال

بوراده ایراد ایتدیکمز مثاللری ده ازیاده فکر و خیالده شدت

غوت قاهره فکرم کمال و خسرو
صنعت نادره نظم نظامی و نظام .
نفی تیغ زبانم که زمانمده بن ایم
صف شکاف شعرای سخن آرای بنام .

بیتلرینک قائل اولان نفی غزلیاتنده :

طوطی معجزه کویم نه دیسه لاف دکل .
چرخ ایله سوبشه هم آینه سی صاف دکل .
اهل دلدر دیه هم سینه سی صاف اولمیه ؛
اهل دل بربری بیامامک انصاف دکل .

چکدیکم دردی نه غمخانه ، نه همراه بیلور
عاشقم حال دل زاری الله بیلور

بهار ایرسه ینه سیرکستان اولدیغن کورسه م
لطفندن کورونسه آسمانک عکسی هر برده ؛
چنده بشقه بر عالم نمایان اولدیغن کورسه م

منت ایلرسه فلک برایکی کونلک عمره
اولورم درد محبتله او باری چکه مم .

بیتلری کبی طمطراق الفاظدن عاری سوزلر سویلش،
موافقت بیانه مراعات ایتشددر .

موافقت بیانک افاده معناده کی تاثیر مهمنی ایجه آ کلامق
ایچون مثاللری براز دها تکشیر ایده جکمز :

» نهایت پادشاه طوط قیوایله ادرنه قیوسی بیننده تنسیب ایتدیکی

صنعت صاری ، مور ، پنبه ، یشیل ، قرمزی ، مائی
الوان ضیائییه بر قدرت چولان
بخش ایلهرک ، هیمی پریر کی مخفی ،
مخفی وسکونتلی آدیملرله شتابان ،
اطرافنی بردن صاریبورلر ، او ، سمائی
بر توده ازهار مخیل کی لرزان ،
لرزان و پریشان دونیور ... برشب صافی
تنویر ایدیور صانکه بر آویزه رقصان ،
بعضاً سونه چکمش ، پسته چکمش کی ناچار ،
میال تفکر ، متردد ، سوزولورکن
برضربه شهبال ایلله بر جمله ده بردن
تجدید حیات ایلهرک ، عشق فسونکار
شکلنده بیدار ،

بیک شعر ایلله تهزیز ایدیور قلب و خیالی
هر جلوئه نازنده سی ، هر جنبش بالی .
توفیق فکرت

بوشهرک آهنگ وزندن قطع نظرله یالکز کله و جمله لرینک
انتخاب و ترتیبه ، اختصار و تطویلنه دقت ایدیکز ؛ اوزمان موافقت
بیانک تبلیغ فکر و حسیاتده کی اهمیتی تقدیر ایدرسکز .
غلو فکر و خیالی دائمی اولدینی کی اشعارینک الفاظ و
عباراتی ده او غلو ایلله توافق ایدرک دائماً برطنظنه و طمطراق
اولان نفعی ، نادراً ساده بر فکر افاده ایتک ایستینجه طنظنه
الفاظه التفات ایتمز اولویور .

مثلاً بر قصیده سنده :

زور اندیشه و آثار خیالمدر ایدن
نیدوکن نکته شناسان زمانه اعلام :

شعر پارچہ سندھ کی الفاظ و عباراتک تخالف آہنکی توافق بیان
حاصل ایڈیور .

صرعہ احتضار ایچندہ غصون
چیر پینیر ، چار پینیر ، قیرار ، قیریلیر
باد نالانہ هایقیریر ، طاریلیر . .

آہ او دالردہ کی فتور درون ؛
اونلرک طور سرزنشکاری ،
اونلرک مادرانہ اکداری ! . . .

او نہالاندہ صاللانان یووالر
او پرا کنندہ ، نازنین ، مغبر
اوچوشان، صاورولان، دوشن تویلر . . .
جناب شہاب الدین

صوک بہار صرصرلرینک حرکات سریعہ سندھ کی تاثیرات
مخربہ بی تصویر ایدن شوشعر پارچہ سندھ یالکز الفاظ و عباراتک
آہنک تصوتندہ کی سرعت اویلہ بر موافقت بیان حاصل ایتمش کہ
بوکا بر افادہ موسیقیمہ دنیلسہ خطا اولماز .

نخور و مزہر ، متلون ، متور ،
بر فجر بہاری کبی ظلمتلر ایچندن
ریان تبسم طوغیور ؛ شیمدی معین
بر شکل سحابیدہ ملکار کبی طاثر،
دیرکن متغیر ،

بیك ہیئتہ بردن کیریور ، برق خرامی
خطف ایلیور انظار ہوسدار غرامی .

شیمدی ده عبدالحق حامد بکک آری آری ایکی شعرندن
برر پارچه اوقویه لم :

لیال ایچنده خیالانه بکزه سه مده ، بنی
ازاله ایلیه جک برصباح صادقدر .
وجود وحدته موهوم ذره لر میزان ؛
بویوک ، کوچوک شو عوالم بوتون خوارقدر .
وجود آدمه ده شونده برجھان دینیلیر
اوکایسه بن دیه مم مهر و ماه فائقدر .
ایدر لیالی* هجرانی که بکه تنویر
سرمدده فکرت وحدت که برق صاعقددر .
بوکاشاتده ، هرشیده ، کوکده ، قرآنده ،
کوکلده ، جانده برالله وارکه خالقدر ؛
بزه کورونسده مظلم مثال جای غروب
بوقبرلر هپ آنک نورینه مشارقدر .
اولو — عبدالحق حامد

نه خوش اشجار ایچنده باق شو قر !
آی دکل صانکه برکوچوک اختر ؛
متصل اوילה غائب و حاضر .
بعضی ده اوینادقجه یاپراقلر ؛
کرم اختر قدر اوفاق کورونور
باش اوجکدن اوچار ، اوزاق کورونور ؛
متعدد اولور هلاله دونر ؛
حیزی برروزکار اسنبجه سونر
صکره بدر اولدینی اولور ظاهر .

دیوانه لکلام — عبدالحق حامد

بربرندن پک فرقلی افکار و حسیاتی تبلیغ ایدن بو ایکی

شناسانه اعتراض ایدن بولورسه لزوم کوردیککز حالد سزده جواب ویررسکز ؛ آرده برکوزل بحث ادب آجیایر ؛ او قویانلرده ، مثلاًذ ومستفید اولورلر .

ایدیلجک اعتراض حاسدانه ، جاهلانه ، غرضکارانه و خصوصیه مأل ناشناسانه اولورسه سکوت ایدرسکز . بوراده عادت اولدینی اوزره اثرکزه اعتراض ایتک ایسترنن شخصکزه تجاوز ایدنلر بولورسه مقابله تزل ایتدیککز حالد کندیلرینی لایق اولدیلری درجهده تحقیر ایتش اولورسکز . حقکزه سویله دکلی ، سویله چکاری شیلرده شخصلرینه راجع اولور . اوت سز آنلرک تجاوزات بی ادباسنه مقابله ایده مرسکز : چونکه ادیب عنواننه استحقاق ادبله در ؛ چونکه مجرای چرکاب اولان خامه لره قارش اقلام ادبا عاجزدر ؛ چونکه ادب سزلکک باشلادینی یرده ادبیات نهایت بولور ؛ چونکه ادبیاتی ادب سزلکک دائر دسنه چکک کناهد ؛ چونکه بی ادبلر آره سنده ادبا غریباردر .

تقدیر الحان - اکرم

بو مثالک « بنم خبرم اولمدیغنی اکلا تمقدر » عباره سسنه قدر اولان قسم اولی ساکن بر فکری مفید اولدینی کبی جمل والفاظی ده معتدلدر . اوندن صکره « عریان وسفیل بر اقمشدر » عباره سسنه قدر اولان قسم بر فکر انفعالی مبلغ ؛ بناء علیه الفاظی ، ترکیباتی بالنسبه بطی الحکره بر جمله طویلدن متشکلدر . صوکره ینه اعتدال فکر بر درجهده قدر عودت ایدیور ؛ تا « راجع اولور » فعله قدر جمل والفاظده آز چوق معتدل بر آهنکی حائزدر . فقط بونی متعاقب براحتراض حدت باشلانجه الفاظک آهنگ تصوتنده قوت وشدت ، جمله لر قیصاله رق افاده ده مهالکانه بر سرعت پیدا اولیور . ایشته موافقت بیان بو صورتله تحقق ایدر .

ثالثاً ، بر توده اصوات ديمك اولان هر جمله نك آهنگ
تصوتندمكى شدت و خفت يالكز الفاظك جزالت و رقتيله
يعنى كيفيتيله دكل ، كلماتك و حتى كلمه لرده كى هجالتك اعداديله ،
يعنى كميتيله ده متناسب اولمق طبعيدر . بناء عليه جل و عباراتك
قصير و يا طويل اولماسى ده معنائك خفت و يا شدتى ايجاب ايتمنه
كورده تعيين اولونمق لازم كليز .

بواوچ شرط ايله موافقت بيان حاصل اوله جغنده شبهه
يوقسه ده هراوچنك ده تقدير و تطبيقى مطلقا كثرث توغله
رسوخه اقتران ايتمش برذوق مخصوص ادبى به محتاجدر .

شيمدى برايكى مثال ايله ايضاح ايدم :

بند كزك شعرلر مه شيمدى به قدر جدى براعتراض ايدن بولمى .
(اشعار احقرانم اعتراض اولنه جق مرتبه دن بالاتر در) كې برداعيه ده
بولنه ميه جغى بيانه حاجت كورده مم ؛ مقصدم اواعتراضلرك هنوز
وقوع بولمديغى ، شايد واقع اولمش ايسه بنم خبرم اولمديغى
آ كلاتمقدر . واقعا بعض اصحاب كشف و كرامت زمزمه نك كنديلرى كې
« نكته شناسان زمان » طرفندن ديكله نيليمه جمكنى مذاق متحكم الافاقرينه
قياساً حكم ايله زمزمه به حقيقه " پك بيوك برامتيار و ير مشلر ؛ اما بوقول
مجرد لايق التبجيللرغى كندى زمزمه كورده اثوب دلال و اسباب
ايله كيدىروب قوشاده مدقلىردن عريان وسفيل برافشلر . اعتراضدن
مهرام او نوظهور تنقيدجىلرك يوقايدن برى تعريف ايتديكم يولده
مسخره كارلرغى اوليوب ده بزم اكلا ديفمز كې جدى مؤاخذه ايسه
اندن هيسچ بروقتده احتراز لازم كلز ؛ بالعكس او دورلو مؤاخذات
فى الجملة شايدان تقدير و لايق نظر اولان اثرلر ايچون يازيلير . بناء عليه
سرك « الحان » ايچون دغى ادبيانه ، خالصانه ، عالمانه و خصوصيله مال

آهنك تضروتى بيله سامع وقارئى تلقى حس وفكره سوق ايدر كه
بوصورته جل والفاظك خاصه ناقلتي تزويد و بناء عليه ده از ياده
وضوح پيدا ايدلمش اولور .

بوندن بشقه دائما عيني صورته تكرر ايدن احتساساتك جمله
عصبيه اوزرنده نهايت زوال تاثيرى بر حقيقت بسيقولوزيه در .
بوني لسان عادى يه ترجمه ايدرسهك « يك آهنكى طبعه ايراث
كلال ايدر » ديرز . موافقت بيانه رعائته الفاظ وعباراتك
آهنك تصوتنده تنوع حاصل اولونجه بالطبع حصوله كلاله
امكان قلمايه رق ذهنده تلقى يه اولان قدرت ده تزويد ايدر . ميدانده
بر آكلايه جق ذهن ، برده آكلاشيله جق ماده موجود اولديغنه
كوره ماده نك قابليت تفهمنى تزويد ايتكم فصل پيداي وضوح
ديكم ايسه ، ذهنك قابليت تلقيسنى آرتيرمق ده عينيله وضوحى
تقويه ايتكم ديمكدر ؛ بو حالده موافقت بيانه ايكي صورته ده
وضوحى استلزام ايدر .

موافقت بيان اول باول ائتلاف الفاظه محتاجدر . الفاظنده
ائتلاف اولميان جل وعباراتك معنا ايله موافقت حاصل
ايدم بيلمسى عادتاً امكانسز كيدير .

ثانياً ، كندى كنديلرينه خاصه ائتلافه مظهر اولان الفاظ
او صورته ترتيب ايدلملى ، يا خود او دورلو لفظلر يكديكرينه
اويله بروجهله تقريب وتركيب اولنماليدير كه حاصل ايدم جكلى
مجموع اصوات او جمله ده كى حس و خيال ايله هم آهنك اوله بيلسين .

سو بسو برق چکا چاک شرر ناک سیوف .
 حمله صفشکن جانفکن پیل دمان ،
 صولت کرز کران ، ضربت شمشیر و سنان .
 کوس و نقاره هم آهنگ غریو هجمات ،
 کوپورور هر گوشه دن دمدمه دیو ممت .
 نعره لر مشته زن طبل صماخ کردون ؛
 صدمه لر ، زلزله لر خدشه رس قلب منون .
 آتیاپر هر یانه بیک رخس صواعق پیرو ؛
 کرد خشیتله طولار کنبد وارونه جو .

روح نفعی بی شبهه رعشان فخر و غرور ایدن بو پرطنطه
 فصاحت مدیحه بدیعه ده کی احتشام بلندک بر قسم مهمی ائتلاف
 الفاظ ایله تظاهر ایتمکده در .

ائتلاف الفاظک فصاحت بیانه اولان لطف و معاونتی هر
 زمان بو ایراد ایتدی کمز مثاللر درجه سنده باهر دکلددر . آنجق
 مستشهدات فصاحتدن اولان آثار نفیسه ده هر نظر دقت ایچون
 دائماً ظاهر در .



موافقت بیان

نظم اولسون ، نثر اولسون بر اثر ادبیده جل و عباراتک
 حرکات معنا ایله هم آهنگ اولماسنه موافقت بیان دیر لر . طرز
 افاده اقتضای حس و فکره کوره بعضاً سرعت ، بعضاً بطاأت ؛
 گاه خفت ، گاه شدت ابراز ایدر ایسه الفاظ و عباراتک یالکنز

طولار درون مرغزار طریله جوش ناله‌دن،
سحرده سیرباغه چیق صباح فیض باری کور.

قطعه‌سی لطائف طبیعتی مصور افکار و خیالاتی تبلیغ
ایدیور. اونک ایچون کلماتی هان کاملاً الفاظ رقیقه‌دن انتخاب
اولونمش، استلاف الفاظ حصول بولمشد.

برتو پاشا. مرحومک طفل نائم اسملی اثرنده کی

انهار رشاشه ریز نغمه ،
اصوات طربزای نئی ؛
ابحار که موجخیز نغمه
هر جنبشی بر ادای نئی .

قطعه‌سی، « نئی » کلمه ترکیه سنک اضافت فارسیه سندن قطع
نظر، دیگر صورتلده قصورلی اولمقله برابر استلاف الفاظده کی
موفقیتمدن طولایی ، علی الخصوص برنجی بیت محاسن فصاحت
یک کوزل بر مثالدر .

توفیق فکرت بکک « آونک تصاویر » ندن نفی بی مصور
اولان منظومه‌ده کی ابیات آتیه بی‌ده اوقویه لم :

دویولور قعر بیاننده صدای آهن ،
ضرب ششپره چیقان قعقه مغرلردن .
عکس آوازه هیجا کی ایلر اظهار
بردین غلغله نظمنده خروش افکار .
صانکه بر معرکه، بر معرکه جوشا جوش ؛
صیت ولوال وغا ، ولوله چنک جیوش
سر بسر رعد هیاهای ولهزای صفوف .

او غرار . فصاحت بیان ایله مشار بالبنان نفی ایسه بوضیاعه
 قائل اوله ماز . ینه مثلا « تیغ » یرینه عینی مغنایه دال اولان
 « سیف » کله سنی استعمال ایتماش ؛ ایکنجی مصراعده « آواز » یرینه
 « فریاد » ، « صاعقه » یرینه « بارقه » دیماش اولسی ده ائتلاف الفاظه
 اولان اعتناسی اثریدر . اگر نفی زمانده « فضا » کله سی شیمدی
 قوللان دیغمز کی مستعمل اولهیدی هوا یرینه فضایی انتخاب
 ایدردی امیدنده ایم . ذکر ایتدی کمز کله لری دیکش دیره رک
 نفعینک بیتتی

روی هواده عکس چکا چاک سیفدن
 فریاد رعد و بارقه ره کم کنان اولور

شکلنه افراغ ایتسه ک تأثیر صوت اعتباریله نه بویوک زیانه اوغرا دیقی
 در حال آکلا شیلیر . بوراده کی « چکاچاک » و « کم کنان » کله لری
 آشاغیده بحث ایدم جکمز آهنگ تقلیدی به داخلدر . اونک
 ایچون شیمدی بوایکی کله حقنده برشی دنیلمدی . فقط بیت
 محرفده حس اولونان بقیه تأثیر ، ینه الک زیاده بوایکی کله دن
 نشأت ایدیور . بونلری ده دیکش دیره رک مثلا :

روی هوا به عکس ایدن اصوات سیفدن
 فریادی رعد و بارقه نک بی نشان اولور

دیسه ک بیت خراب ایدلمش اولویور . اکرم بکک

دو زربن فشه ، کل ، سمن مجوهراته ژاله دن ؛
 ویرر چنده لاله لر برر نشان پیاله دن ؛
 شراب نهرین آندیرر صوعکس رنگ لاله دن ؛

ایتمکدر ؛ انتخاب کلمات ده بونک مرتبه بلندیدر ... ائتلاف
الفاظ ایسه یالکز بونکله حاصل اوله ماز ؛ دها یوکسک برمحسنه
ادبیه در :

آثار ادبیه ده استعمال اولونه جق الفاظک معنای مقصوده
دلالت تامه سی و تنافردن تبرسی دوشونکله برابر تصوتندن
معناسنه انتقالده آریجه برسه ولت ده آرامق ؛ مثلاً نفرت و تهدید
کبی شدائده دلالت ایدن کله لری قولاً قلمه قوتلی چارپان الفاظ
جزله دن ، محبت و نوازش کبی لطائفه دال اولان کله لری ایسه
بالعکس سمعی اوقشایان الفاظ رقیقه دن انتخاب ایتمک معنای
مقصودک سریع و سهل اوله رق استدر اکنه ، یعنی وضوحه ،
خدمت سبیله محاسن فصاحتدن معدوددر . بونظریه یی بر قاج
مثال ایله ایضاح ایده لم : نفعینک

جو هواده صیت چکا چاک تیفدن
آواز وعد وصاعقه ره کم کنان اولور

بیتمده کی معنا افکار شدیدهدندر . اونک ایچون الفاظ
رقیقه دن برکله قولاً نمایارق هم جزالتی ، هم ده - تصوتیله
آریجه ایکنجی بیتمده کی « وعد وصاعقه » فکرینه - دلالتی
بولنان « جو » کله سنی انتخاب ایتمشدر . بوراده کی « صیت » صوت
معناسنه دلالت ایدیور . حالبوکه معنای « صوت » « چکا چاک »
تعبیر تقلیدیسنده مند مجدر . او حالده بونک یرینه « عکس »
کله سی وضع اولونسه مطابقت الفاظه دها زیاده تقرب ایدلش
اولور . فقط اوزمان « صیت » کله جزله سنده کی ائتلاف ضیاعه

تیقن ایتدی ککز آثار ایجاد و ترویجی قبول ایتد کزه هیچ مانع یو قدر .

آنجق بیلیملیس ککز که کلمات و ترکیبات جدیده و مجدده نك قبول قطعیسینی اعلان حق زمانکدر . مثلاً : « موأخذہ ، انتقاد ، فاجعه ، حسیات ، احتراصات ، کبی لفظلر کچن عصرک نصف اخیرنده ایجاد ، « اتحار ، عائله ، تشریع ، کبی کلمهلر ینہ او صرملرده ترویج ایدیلرک زمان ایله قبول قطعی یه مظهر اولمشدر . فقط بویله برچوق مقبول کلمهلرک موجد و مروجی اولان کمال بکک « جزمی ، عنوانلی اثرنده ترویج ایتک ایستدیکی « عمرمرم ، کلمه سی بر ربیع عصردن بری ، بر کره اولسون ، مظهر استعمال اوله مدی .

بو بحثده شونی ده سویله لم : ایجاد و ترویج الفاظ — که بر لسانک حرکات حیاتیه سیدر — منسوب اولدینی ملتک تکامل فکریسی نه قدر سریع التموج اولورسه او قدر زیاده لشیر . بوسبیلله لسانمزدده ایجاد و ترویج ، غرب ایله تماسه باشلا دیغمز کچن عصرک اواسطنده تزايد ایدرک ترقیات فکریه منزله متناسباً ثروت لسانیه منزی آرتیر مقدمه در .

اتلاف الفاظ

مطابقت الفاظدن بحث ایدرکن دنیلیمشدی که : الفاظک مطابقتی دیمک بر فکره دلالت ایدن متعدد الفاظ و تعیراتدن او فکریک ای احاطه و تعریف ایدن هانکیسی ایسه اونی استعمال

مستقیم و مطردله ایلری کیتمک صورتنده اوله ماز. ایجاد و ترویج اولونان مثلاً یوز لفظ و ترکییدن آنجق اون ، بلکه بعضاً بردانه سی لسانه داخل اولور . بو حال اسانلر ایچون بالفرض ایلری یه آتیلان یوز خطویه مقابل طقسان ، حتی طقسان طقوز آدیم کیری کلمک دیمکدر که بو حرکت رقصیه « بوتون حادثات و کائناته شامل قانون تکاملک مقتضاسیدر .

ایجاد و ترویج الفاظده ایلری یه طوغری حرکتده کی مسارعتک سببی شودر که : هر یکی کلمه ، هر یکی ترکیب اصلاً بر لزوم صحیح ادبیدن و بالخاصه یکی بر فکر و حسدن تولد ایتمک لازم کلیر ؛ نته کیم لسانه داخل اولمش کلانده بواصل ، موجود و مشهوددر . سببله مسببی قاریشدر مقدن متولد بر غلط نظرله یکی بر کلمه و یا ترکیب سویلکله یکی بر فکر و حس تولید و تبلیغ ایتمش اولمق اعتقاد سخیفنه دوشولور . عمومیتله یکیلکله مجلویت هوسنکده بونده تأثیری واردر . فقط بر لزوم صحیح ادبیدن منبعث اولمایان ایجادات و ترویجات یا « جنین ساقط » حکمنده در ؛ یا خود بر مدت یکیلک دوشکونلرینک بازیچه هوساتی اولدقدن سوکره هر حالده لسانه داخل اولادن سقوط ایدر. ایشه حرکت رجعیه نك سببی ده بودر .

شو حالده لزومی ، لزومسنز الفاظ و ترکیبات ایجاد و ترویج ایدنلره طارلمق عبث ، بونلرک لسانی بوزدقلرینی ادعا ایتمک اثر جهل اولدینی کی هر یکی کلمه و یا ترکیبی - مجرد یکیدر دیهرک - قبوله مسارعت ایتمکده خفتدر. لزوم صحیح ادبسنه کر چکدن

ثالثاً، ایلروده تعریف ایده جکمز ائتلاف و موافقتی و سلاستی
دها زیاده حائز کلمات و ترکیبات جدیدیه بی، مستعمل و فقط
او اعتبار ایله ناقص اولان الفاظ و تراکیبک یرینه اقامه ایلک
— فصاحت — تأمین ایده جکی فائده ادبیه نسبتده معتبر — برلزومه
ایتنا دیمک اولور .

نعره لر مشته زن طبل صباخ کردون ،
صدمه لر ، زلزله لر خدشه رس قلب منون
توفیق فکرت

بیتمده کی « دهر » معناسنه اولان « منون » کلمه سی کی .
بو اوج سببله شایان استحسن اولان ایجاد و ترویج الفاظ
«لسنه نك» تکامل طبعی عیسنده اک مؤثر بر عاملدر که هرلسانک
فصاحت و بلاغه احراز ایتدیکی ترقیاتک اک یاقین سبی ، دها
طوغروسی لسانک حیاتی تأمین ایدن حرکت داخلیه سیدر .
دنیا ده سریع و بطی دائماً تحول ایتمین هیچ برشی اولمادیغی کی
تجدد ایتمین لسان ده یوقدر . حتی برلسانک تحولاتی ، عضویات
کی ، محسوس اوله حق قدر سریع و بوسرعت افکار و حسیاتک
انکشافات و انقلاباتیله متناسبدر . تحولات و تجدداتدن
محروم کوردیکمز لسانلر قدیم آثوری ، کلدانی لهجه لری کی
بوتون بوتون استعمالدن ساقط اولش بولونانلردر که ذاتاً بولرله
« ثولو — دیل » دیرلر .

لسانده الفاظ و تراکیبک ایجادی ، کلماتک ترویجی قانون
تکامله تابعدر . یعنی بو یولده صرف ایدیلن هر حرکت برخط

تعبیر اسکی اولورسه بورقیقه یی اظهار ایدمه یه رک مطلوب اولان
معنا ایله آره سنده عدم مطابقت حصوله کلیر ؛ یعنی انتخاب کلمات
عنوانی آلتنده تعریف ایتدی کمز شریطه فصاحت مختل اولور. ایشته
بویله برحاله بوتون بوتون یکی برکله قوللانمق ؛ یا خود حالاً
متروک ، حتی مستعمل برکله یی یکی بر معنا افاده ایدم جک صورتم
ترکیب ایلک و یا خود ، الکیزاده « وصف ترکیبی » صورتمده اوله رق ،
یکی مرکبات وجوده کتیر مک لزوم صحیحی تحقیق ایدر .

بند یوق قدرت ادایه حرف شوق نابیا
خامه رنگین صریر بی قرارم سویلسون

ییتندمکی « رنگین صریر » وصف ترکیبسی کی .

ثانیاً ، دنیاده مرشی کی کله لرده قوللانیه قوللانیه آشینهرق
اسکی خدمتلیخی تماماً ایفا ایدم بیله جک قوتی غیب ایدر لر .
ونهایت مدلول ابتدائیلرندن بعید ، عمومی ومبهم بر معنا ایما ایتمکدن
باشقه یشه یارامز اولور لر . او زمان مدلول اصلی ایله کله
آره سنده کی مطابقتی تجدید ایچون ایجاد ویا ترویج الفاظک
اشکالندن برینه مراجعته لزوم صحیح کورولور. یعنی اولکیسندم
یکی بر فکره مطابق یکی برکله ، ایکنجیسندم اسکی بر فکر ایچون
یکی بر لفظ و ترکیب آرانیلیور دیمکدر .

تجارتخانه دانا فریب دهرک ای نابی
کر کدر احتراز ایتک زبانی دکلو سودندن

ییتندمکی « تجارتخانه دانا فریب » ترکیب وصفیسی کی .

نقصانی مبهمیته، حتی معناسزلغه منجر اولدینی حالده انتخاب کلماتک نقصانی، بلکه فقدانی عینی محذوری داعی اولمیه رقی نهایت آثار ادبیه نك قیمت فصاحتیه تأثیر ایدر .

نیتیه کیم ایجاد وترویج الفاظ - که لسانک حرکت حیاتییه سی دیمکدر - اهل لسان اولان ادباک انار قلمیه سنده تجلی ایدر ؛ الفاظک ایجاد وترویجی استلزام ایدن اسبابک اک مهملری ایسه انتخاب کلماته عاودر .

ایجاد وترویج الفاظ

یوقاریده غرابتی تعریف ایدر کن « بوتون بوتون غیر مستعمل ویا متروک کلملری قوللانمقدر » صورتنده تلخیص ایتمشدک .

ایشته بویکی نوع الفاظ غریبه دن ، فقط لزوم صحیح ادبی یه مبنی اوله رق ، برنجی نوعنک استعمالته ایجاد ، ایکنجی نوعنی استعماله ترویج الفاظ دیر لر . بوتو تعریفده کی قید صریح ایله آکلاشیلور که مدخول بولونان الفاظ غریبه استعمالنی مجاز اولان ایجاد وترویج الفاظ حالنه کتیره دن شرط ادباً بر لزوم صحیح بولونمسیدر .

بولزوم ادبی ایسه باشلوجه اوچ نوعدر :

اولا ، یکی یر فکر وحس اسکی بر تعبیر ایله بحق افاده ایدلمیه بیلیر . چونکه یکی بر فکر وحسک افکار وحسیات معلومه ایله آره سنده کی فرق اکثریا بر رقیقه دن عبارتدر .

« مقام مشیخت » تعیری یرینه ایکنجیسنده « مسند » ؛
 « عارف » مقابلنده « ظریف » ؛ « پادشاه حضوری » ترکینه
 قارشی ده « سلطنت مجلسی » تعیری قوللانیشدر . امثله آتیه .
 دده اک مهم کله لر کمال اعتنا ایله طاریلمشدر :

اکثر اختلافاته بادی اولان اشخاصک مراملری اصحاب اقبالی
 برکشته ایدوب کندیلری یرینه کچه رک کسب اقبال ایتکدر . امنیت و حریت
 صحیحه موجود اولیان ملکده ارباب درایت عقیم اولور . منتظم اولیان
 دولترده بین الاهالی اتفاق محال اولوب اتحاد مجرد ارباب فساد بیننه
 منحصردر . دولت غیر منتظمه ده خوف باری دخی معدوم اولور .
 وفرائض دیانتک استخفافی جهتیه اجرای عهده رعایت اولونمیه رق
 افکار فاسده لرینه اویار شیرلی اجرا و ماعداسنی ترک والفا ایدرلر .
 و بویله جه دولترده کوتو آدملر مستخدم و ممدوح وایی ذاتلر متروک
 و مذموم اولورلر .
 رفعت پاشا

بوتون صنع بشردن خالی ، هنوز تماس عمرانه قارشی بکر
 و صاف اولان قوم طالفه لری آده سنده شد رحال ایدرکن
 قلب یکی بر احتیاج وظیفه ایله تیره ر . بروظیفه که درد معیشت ،
 درد زندگی ، درد دنیا ایله مناسبتی یوقدر . یروظیفه که اجر مقابلی
 نه پاره ، نه صورغوچ ، نه آقیشدر . چولده انسان حیات خارجه دن
 آیریلیر ، روح بلا اختیار بر خولیای اخروی یه طالار .

جناب شهاب الدین

کورولیور که انتخاب کلمات مطابقت الفاظک درجه عالیه سیدر .
 بونی اوندن آیره رق بر عنوان مخصوص ایله ایراد ایدیشمزک
 سببی شودر که : مطابقت الفاظک بو حدینه قدر یوکسله بیلیمک
 خواص ادبا کاریدر ؛ کافه اسلوب تحریرده مطابقت الفاظک

ایتدیکنی استطراد آسویلد کدنصکره - صده عودت ایدرک دیه لم که :
وضوح معنا : اولاً الفاظک صورت استعمالده ، ثانیاً کلمه
وجله لک ترتینده موفقیتدن حاصل اولور . بونک برنجیسنه
انتخاب کلمات وائتلاف الفاظ ، ایکنجیسنه موافقت بیان دیورز .
انتخاب کلمات مطابقت الفاظک حد اعلاسی ؛ ائتلاف الفاظ
ایله موافقت بیان ایسه معنائک افاده موسیقیه سیدر .

انتخاب کلمات

افاده نک اک جائلی نقطه لرنده موضوع اصلینک ماهیتله
متناسب ، یالکز باشنه بر بیوک جمله نک بوتون قوتنه متحمل
الفاظ و تراکیب بولوب سویلک ؛ آره لرنده فروق رقیقه بولونان
کلمه لری بردقت مخصوصه ایله طارته رق لفظ ایله معنا آره سنده
موازنه کامله تأمین ایلک ، محررات عادی دن زیاده آثار ادبی ده
آرانیلیر ، بر مزیت فصاحت در که اوکا « انتخاب کلمات » دیورز . مثال :

سلطان سلیم زماننده مقام مشیخته شرف و یرن بر عارف پادشاه
حضورنده « انه لایحب الظالمین » نظم کریمنی فاتحه کلام ایدردی . سلطان
سلیمان عصرنده ینه اومسندله شرفیاب اولان بر ظریف سلطنت مجلسنده
« هر کار که خسرو بکند شیرینست » نظم سقیمنی خاتمه مراسم ایدردی .

کمال

بوعبارده سلطان سلیم شیخ الاسلامنک پادشاه اوزرنده کی
نفوذ تقوایی ، سلطان سلیمان شیخ الاسلامنک ایسه پادشاه
مطاوعت خلوصکاریسی تصویر اولونیور . اوسبيله برنجیسنده کی

ادراك معناده وضوح ، یعنی وضوح معنا دیمکدر - لوازم فصاحت قسمنده وسائط استحصالی تعیین ایتدی کمز عدم مهمیتدن وضوح تام ؛ سلاست ایسه ینه او قسمده تأملی چاره سنی کوستردیکمز عدم رکاکتدن عذوبت کامله بیان درجه سنه یوکسلمکدر .

وضوح معنا

قواعد صرفیه ونحوییه ، شیویه واستعمال اهل لسانه مغایرت ، ضعف تألیف تعقید وسائر کبی یوقاریده تعداد ایتدی کمز شوائب فصاحتدن بری اولان هراثر مهمیتدن قور- تیلیرسده ماهیتی تعلیم ادبیاتده : « کونشک ضیائی بشقه نقطه لره متوجه اولان نظر لره ده کیردیکی کبی برسوزکده معناسی دقتسزلکله دیکلیانلرک بیله قرین مدرکاتی اولمیدر » عبارۀ واضحه سیله تعیین اولنان وضوح ادبی اواژده شوائب فصاحتک فقدانیه مطلقا حاصل اولمق لازم کلز .

کرچه علی العاده یازیلان سوزلرک چوغی فصاحت شائبه- لرندن مصون ، بناء علیه مهمیتدن بریدر . فقط مطلقا وضوح ادبی بی ده حائز اوله ماز . شیمدی بوراده - « وضوح افاده ، وضوح فکر دن نشأت ایدر » قولی تصدیق ایله برابر الک واضح بر فکرک بیله وضوح اعتباریله مختلف درجات تبائی بولندیغی ، فکر وخیاله عائد مهمیتله صرف الفاظ وعباراتدن متولد ابهام آره سنده فرق اولدیغی ، بچشمزک منحصرأ وضوح معنایه تعلق

محاسن فصاحت

بوعنوان آلتنده ذکر ایده جکمز قواعد فصاحت ایکی
قسمه آریلیر . برنجی قسمه داخل اولانلرک بوتون آثار ادبیه ده
مجتماً وجودی شرط مطلقدر ؛ دیکرینه داخل اولانلر ایسه
هربری آری آری ویالکنز لزوم صحیح ادبییه منبی استعمال
ایدیلیر. برنجیسنه مزیات عمومیه ، ایکنجیسنه مزیات خصوصیه
دیه جکمز .

مزیات عمومیه

شیمدی به قدر ماهیت فصاحت حقنده سویلنیلن سوزلر
دوشونولورسه محاسن فصاحت دیدیکمز مزیات کلامک قیمت
واهمیتی آ کلاشیلیر: مادام که فصاحتک غایه سی موضوع ادبی یی
تصویر و تنویر ایدن افکار و خیالاتی - مؤلفک تلقیسنه معادل
قوت و شدتده اولمق اوزره - اک سهیل و اک سریع صورتله تبلیغ
ایتمکدر ، مادام که بوده برنجی واسطه تبلیغ اولان کلمات
و عباراتک ممانی یی مخاطبه نقلده اک بویوک قابلیت حائر بولونماسیله
ممکن اوله بیلیر ؛ آثار ادبیه ده مستمر الوجود اولمق لازم کلن
مزیات فصاحتک وضوح ایله سلاستدن عبارت اولماسی طبعیدر.
آنجق بوراده بحث ایتمک ایسته دیکمز وضوح - که لفظدن

ایدوب ایده میه جکی - سوریلور که اکر « فدا ایدرم » دیرسه او حالده محبوبه سنی « غائب ایتش » دکل اختیار یله ترك ایتش اولور . شو مطالعاته کوره فقره ده « عشاق عربدن برینک زهره نامنده بر محبوبه سی وارمش » یرینه « وقتیه بر عربک زهره نامنده ... » دیمک و « زهره یی غائب ایتک شرطیله ... » یرینه دخی « زهره یی ترك وفدا ایتک شرطیله » دیمک متضای حاله موافق و مناسب اولوردی .

مطابقت الفاظ حقنده ایراد ایتدیکمز سوزلردن آکلا - شیلیر که بولازمه فصاحت ، محرر و متکلمک یازدینی ، سویلدیکی کلمه لره دقت و محتاج اولانلری تصحیح و تبدیله اعتنا ایتسیله ؛ کلماتک صور اشتقاقیه سنه ، لغت و اصطلاح معنالرینه و مترادفات آراسنده کی فرقلره واقف اولماسیله حصول بولور .

مطابقت الفاظه رعایت ایدلمزسه سوز مبهم ، بعضاً بوتون بوتون معناسز اوله بیلیر . بناءً علیه محررات و مخاطباتده مطابقت الفاظک اهمیتتی بویوکدر . فقط الفاظی معناسنه مطابق یازی یازه بیلیمک بر مزیت ادبیه دکلدر ؛ صاحبک موفقیت اسلوبی تأمین ایده مز . مع مافیه بونک بر درجه عالیه سی واردر که اونی « انتخاب کلمات » نامیله محاسن فصاحت میاتنده ذکر ایده جکمز .

بورایه قدر و یلن ایضاحات اوزرنه « صحت افاده و مطابقت الفاظ » ایله اجمال اولونان لوازم فصاحت ایچون ایکی شرط اساسی وضع ایده بیلیرز : بری مهمیتدن ، دیگر ی رکا کتدن سالم اولمقدر که شمدی یه قدر سویلدیکمز نظریاتک کافه سی بو ایکی اساسی تأمینه خادمدر .

تعلیم ادبیاتده الفاظ مطابق تئزلیکی ایچون ایراد اولونان
مثال ایله تحلیللاقی بوبخی پک کوزل تشریح ایتمکده اولدینی
جهتله عیناً نقل ایدیورم .

[مثلا « کنجینه لطائف » ده شویله برفقره یازلمش :

« عشاق عربدن برینک زهره نامنده برعجبوبه سی وارمش .
برکون کندیسنه : - سکا زهره یی غائب ایتک شرطیله سنی عملکته
امیر یابه جغز راضی اولورمیسک ؟ - دیسه لرنه یاپارسک ؟ - دیه صورمشله .
عرب - راضی اولمام ، چونکه راضی اوله جق اولسه م زهره یی غائب
ایده جکم کبی بزم یوزمدن امور اداره مغل اوله جفندن اک صوکره
امارتدن ده محروم قالیرم - دیمش . »

ایشته بوققره ده « عشاق عرب » تعبیریله « زهره یی غائب ایتک
شرطی » عبارده سنده کی « غائب ایتک » سوزینک معناً هیچ مناسبت ،
هیچ یاقیشیق المدیغنی سزده وهله حس و تصدیق ایدرسک زطن ایدرم .
بواکی تمیردن اولکنک فنا نی عدم دقتدن متولد بریا کلیشلغه راجع
اوله رق موضوع بحثمز اولان مطابق تئزلیکه « ثداولان تعبیر ایکنجیسی
ایسه ده فرققری بیلمک ایچون ایکیسنی ده تشریح ایده لم :

(۱) عشاق عرب تعبیرنده فی الحقیقه یا کلیشلق کورونور .
چونکه عربده ایشی کوچی دائماً عاشقلق ایتمکدن عبارت برصنف
خلقک وجودی ایشیدلماش اولدینی کبی خسته لق قبیلندن برکیفیت
عارضیه اولان عاشقلق مثلا بهادرلق ، شاعرلک ، فلان کبی اربا
یچون صفات ثابته متمایزه دن صایلماش و صایله مزکه « بهارن
عرب ، شعرای عرب » دینلدیکی مثللو « عشق عرب » دخی دینله
بیلسون ! دیمک که بوتعبیر استعمالی ذاتاً جائز اولیان شیردندر .

(۲) « زهره یی غائب ایتک شرطیله » عبارده سنده کی « غائب ایتک »
تعبیری ایسه فکر و مقصده کوره مطابق تئزدر . چونکه برشیثی غائب
ایتک ایسته میه رک و بیلیمیه رک واقع اوله جق شیردندر . حالبوکه
قره ده - عاشقک محبوبه سنی ، نائل امارت اولق مقصدینه مقابل فدا

افاده مزی] « سکا جواب اوله رق نه دیدی » سویلکله « سکا
جواب اوله رق نه سویلیدی » سویلک [صورتنه تحویل ایله
اوموقده « دیمک » یرینه « سویلک » فعلی استعمال ، فصیح
اوله ماز . « سویلک » له « دیمک » آره سنده دیکر صورتلده فرق
واردر ؛ مثلا « شرقی سویلک » غزل سویلک » یرینه « شرقی
دیمک » غزل دیمک » فعللرینی اقامه یه فصاحت مانعدر . ینه
مثلا « مظهر » و « دوچار » کله لرندن اولکیسی سبب خیر ،
ایکنجیسی موجب شر برشینک حصولنه دلالت ایتدیکی حالده
بر آدم ایچون « مظهر مجازات » یاخود « دوچار مکافاة اولدی »
دینلیرسه مطابقت الفاظه دقت ایدلماش اولور . ایشه مثلا :

یارب نه در بو دهرده هر مراد ذو فنون
اولش بلای عقل ایله آرامدن مصون
ضیا پاشا

یتده کی « مصون » کلمه سی مستلزم الم بر شیدن وارسته
قالانلره خاص بر صفت ایکن نعمتدن مهجور اولانلره تطابق
ایدن « محروم » مقامنده قوللانیلهر رق مطابقت الفاظه رعایت
اولونمامشدر . ینه بونک کبی :

زینت روضه جنت ایده حق عز وجل
میوه قلبیکی کیم خاکه قودی دست اجل
شناسی

یتده کی « قودی » فعلی ماضیسی یرینه معنایه مطابق اولمق
اوزره « آندی » دها اییسی « دوشوردی » دیمک لازم کلیردی .

استثالثه مدار اولی اوزره هر ایکی طرفک برر نام ایله یاد اولنسی
لزومی درپیش اولندقدمه تاریخ پچوی

کثرت تکرارده اکثریا منتیج لکنت اولیور . مثال :

بر کون ... او کون پک نشوه سی واردی . او کون هر وقتدن
زیاده کولیوردی . او کون کوزلری دهـا بلیغ بر معنا ایله « بنی
سومبورسکز ، او یله می ؟ ... » دییوردی و او کون بن هر کوندن
زیاده صیقیلیوردم . خالضیا - عشق ممنوع

تنافرله برابر کثرت تکراردن ، تتابع اضافاتدن ولکنت
دیدیکمز نقیصه دن سالم اولان آثار قلمیه سلاست دینیلن لطافت
ادبییه یی مطلقا حائز اولمق لازم گلز سده ضدی بولونان رکا کتدن
مصون اولور .

مطابقت الفاظ

بر فکری افاه ایده جک بر قاچ لفظ بولنه بیلیر . بونلردن
معنا و موقع اعتباریله اک مناسبتی بولوب سویلک بر لازمه فصا
حتدرکه حصوله « مطابقت الفاظ » دیرلر . مثلا « سویلک »
و « دیمک » فعللری بر چوق یرده مترادف اوله رق قوللانیلیر .
« سکا جواب اوله رق نه دیدی ؟ » دیمکله « سکا جواب اوله رق
نه سویلیدی ؟ » دیمک آرم سنده فرق یوقدر . فقط یوقاریکی

و فتور بولديغمدن انفصالمدن غمناك اولماقلم لازم كلوردی. لكن دوات
عليه به بوش بوشنه عارض اولان ذل و نقيصه دن غايتله داغ بر دل
اولديغمدن ماعدا سرور و كدر و خمار و نشئه نه اولور ايسه اولسون
هر شيكك الكابتدا كورولوب بيلنائى نفوس بشريده واقع و تاثير و تاثيرى
ابلق اولوب خصوصاً و صاف فضائل اتصاف « چه ميكرى »
ديديكى كى عزل و انفصال حقد و حسد و داعية تفرد بلاسيله مصلحتى
بو پرده سهيه كتورنجه به قدر چاليشوب هم خصم و هم حاكم اولان
و سامعه عالم سينات عظيمه سيله طولان تاتار يادكارينك سوزيله وقوع
بوله جفندن تذكرة ساميه نك ورودنده مغموم و مكدر اولدم ديسم
يالان اولور ... تبصره - عاكف پاشا

رابعاً : ادوات و روابطك كثر و سوء استعمالدن تحدث
ايدر . مثال :

جلې سلطان محمد خان حضرتلى آماسيه حكمدارى اولدقلى
زمان كندىلى مرزيفونده آرام و فاتح حضرتلرينك پدرلى اولوب
اولوقت اون درت اون بش سنلرنده بولان سلطان مراد خان ثانی
غازى حضرتلرینى مقر حكومتى اولان آماسيه شهرينه قائم مقام تعيين
بيوردقلى ايكى طرفدن اجراى عدالت و احكام بيورلقدده ايكن دولتك
محتاج اولدينى سواری عسكى تعليمى تيورمه سرکه سنده كوره رك لزومى
تصورله آماسيه و مرزيفون اهالىسنندن دائره لرينه منسوب افراددن
ايكيشر يوز سواری بالتفریق بوايى مملكت آره سنده كى « صولو اووه »
نام فضای و سيم الاتحاده تعليم جابكسواری و فن فروسيت اولمى
اراده بيوردقلى و چونكه بومقوله علوم و فنونده ايلرولك طريقك
برى ده سبقداشنى فنون و معارفده مساقفته اس ترقاب و آ كا تفوقله
كامياب اوابى بولنده اقدام ايتك ادعا و غيرتى اولديغندن پادشاه و شهزاده
حضراتى طرفلرندن تهيه اولان سوارينك ذكر اولنان ساهده تعليم
ايتدكلى ائشاده قنى طرفك تعليمى درجه مطلوبه به واصل اولدينى

اولان و ذوق سمع ايله آ كلاشیلان برقیصه ادییه در که علی العاده
بر کلمه ايله «مهارتسزلک» دیمک جائز اوله بیلیر. فصیحای ادبانک
آثارینی تدقیق و تتبع ایتمک همان یکانه چاره ازاله سی کیدر .
اسباب حصولی بلکه قابل حصر و تعداد دکل ایسه ده باشلوجه لری
شونلردر : اولاً، تک هجالی اولان و یا هجالی او حکمده بولنان
کلماتک یکدیگری آردنجه توالیسندن حصوله کلیر. مثال :

قیلمه رد قیر آتی ویر یا آل باغشله بر قیوله
لا

اوغراش، دیدین، دوشون، آراء بول، قوش، آتیل، باغیر
توفیق فکرت

کوزوم نم ، همدم هم ، محرم غم ، خاطر م درهم
حای

صانع کیم ساعت چالار بیل باشنه طوقاق اورور
ضیا پاشا

ثانیاً ، جمله لرك ، خصوصیه قیصه جمله لرك نهایتنده عینی
صیغ افعالک کثرت تکرار یله تظاهر ایدر :

بونی دوشونورکن کندی کندینه کولمک ایستوردی ... الخ
عشق ممنوع - خالدضیا

ثالثاً ، اوزون عبارت لرك آراسنه بر قیصه جمله قاریش دیر مق ،
یا خود قیصه قیصه جمله لری متعاقب بردن بره عبارت طویله ایراد
ایتمک کبی ترتیب کلامک بوزو قلعندن تولد ایدر . مثال :

بومعلومدر که منصب و مأموریت امانت و عاریت اولماسه الدن کیتمز
و بقاسی اولسه پشین بکا انتقال ایتزدی و برده اولجه حدسیات سابقه
ایله توطین نفس ایتمش اولدیغمدن غیری بعض جهتلرله کندومده یأس

بیتلرده کورونن تتابع ، آهنگ سلاستله ائتلاف ایتمشدر
ظن ایدم . هله نفیعینک :

جو هواده صیت چکا چاک تیغدن
آواز رعد وصاعقه ره کم کنان اولور

ییتنده کی اضافتله موفقیت فصاحتی تأمین ایدن اسبابه منضمدر .
خلاصه بویچنده مدار حکم اولان اساس ، بعضاً زمانلده تحول
ایلین ، ذوق سمع ملیدر . تتابع اضافاتک عربجهده علی الاطلاق
عدم مقبولیتی برجه مطلقاً سند اوله ماز ؛ چونکه هیچ برلسانک
قواعد فصاحتی دیکرنده جاری دکلدرد .

بوفصلده ، فارسی موصوفلرک توالیسی فصاحتی مضافلرک
تتابعنه تماماً مشابه اولدیغنی سویلدکن صوکره ، تتابع
معطوفاتی ده ذکر ایتک ایجاب ایدر . فارسی قاعده سنجه یاییلان
عطفلرده - که واو ماقبانی مضمون اوقوتور - معطوفاتک کرک
ساده جه ، کرک مضافات ایله مخلوطاً توالیسی ده عینیه تتابع
اضافات قدر مخل فصاحتدر . مثال :

ادراک ماهیت وحقیقتی عقول وافهام اولی النهایه ستیر وخفی ...
سامی پاشا - رموزالحکم

جمع حلم و حیا و ادب و علم و وقار
منبع فیض و کمال و هنر و لطف و کرم
نابی

، لکنت ،

عبارده لکنت ، کلمات و عباراتک عدم انسجامندن حاصل

مخذیرینی ده : آز اولسه اکر دکل مانع
ویردك آکا بلکهده صنایع

بیتیه تقید و تخفیف ایدیور .

اسلافك تتابع اضافاته تمایلی تزینات کلامدن عدايتدکری
بعض صنایع لفظیه فرط انهماك ایله برابر یازدقلى آتارک
فارسی اداسنه درجه تقریبی مقبولیتنه دلیل اتخاذا ایتلرندن
نشأت ایتمشدر . شیمدی ایسه بواجتهادك مجروحیتی متفق
علیهدرکه آرتق تتابع اضافاتی آز چوق بر مانعه فصاحت
اولمقدن بشقه صورتله تلقی ایتیمورز .

بوراده « آز چوق » دیدیکمك سببی شودرکه بعضاً اوچ
درت اضافتك توالیسی بیله سلاستی و بو سببیه فصاحتی اخلاص
ایتیمور . مثلاً شو :

چراغ دوده اجداد معدات بنیاد
فروغ دیده سلطان محمد مغفور
نای

کیده ر بوخست طبعی نه حاصل ایتدی سکا
هوا پرستی اقبال فانی مطرود
ثابت

خاك پای شمشع عطارم که اولدی همتی
طبعمه استاد درس مشکلات مثنوی
نفی

اول ظلمت عمیقہ هچی نمودده
پرواز ایدردی دهشت ایله طائر نگاه
اکرم

وابکار انجم ، تاب نظاره مصائب خواتین حرمسرای نبوت ،
کتوره میوب پرده حجابہ کیردی . فضولی - حدیقه السعدا

طبع آینه الهام فیوضات خدا
وہی

عقدہ سررشتہ راز نہانیدر سوزم
سلك تسبیح در سبع المثنانیدر سوزم
نفی

دور آور نہ رواق افلاک
آرامدہ طبیعت خاک
عصار سحاب زمستان
رسم صحایف کلاستان
معمار بنای چارارکان
باروکش شهر بند امکان
شیرازہ کش کتاب امکان
مجموعہ نویس کان وما کان
عقرب نہ ساعت سماوات
میزان دہ چارسوی اوقات
نابی

فصحای عرب عندندہ مردود اولان تتابع اضافات تورک
قدمای ادباسنجہ بالعکس محسنات ادبیہ دن عد ایدلمشدر .
نابینک تتابع اضافاتہ ابتلاسنی تقییح ایدن شیخ غالب بیله بو
نقیصہ فصاحتی :

انشایہ ویرر اگرچہ صورت

حکمیله نژدہ تمامیلہ ترویج ایتدکن بشقہ :

ترکی سوز ایچندہ عینی ثقلت

کثرت تکرار ایله محاسن فصاحت بچشده ذکر ایديله جك
اولان تکریری قاریشدير ماملیدر . برنجیسی بلا فائده ارتکاب
اولونان برتساح ، ایکنجیسی معنایی تقویه ایتک ایچون اختیار
ایدیلن بر محسنه ادبیه در . مثال :

اعتماد ایتمز ایسه ک اور محک تجربه
ایشته لوح .. ایشته قلم .. ایشته کتب .. ایشته فحول!
حای

تتابع اضافات

تتابع اضافات کړک تورکجه ، کړک عربی و فارسی
مضاف الیهلرک توالیسی دیمکدر . تورکجه یاپیلان اضافتلا ایکیدن ،
فارسی قاعده سنجه یاپیلانلر نثرده ایکی ، نظمده اوچدن زیاده
اولورسه متتابع عد ایدیلور . فقط تنافر کبی بونک ده مقیاس
صحیحی سمعه صورت تأثیریدر .

آثار ادباده تورکجه قاعده سیله یاپیلان اضافتلاک تتابعه
پک نادر تصادف اولنور ؛ چونکه بونده کی غلظت ، محرری همان
ایقاظ ایده جك درجه ده در .

مثلا : « استانبول جاده لرینک قالدیرملرینک تعمیراتنک
اوزون سورمسنک الخ » جمله سنده اولدینی کبی که تورکجه
بو قدر متتابع اضافتلا یاپیلما مشدر دینسه طوغری اولور .
فقط فارسی قاعده سنجه یاپیلان اضافتلاک تتابع ، خصوصیه
عندالقدما ، غایت مبذولدر . مثال :

اخلاف بيله الفت سيئته سوقيله بلادقت بويله بي لزوم صفتلري
قلملرندن قاجيريورلر . مثال :

کچن سنه حقیقه هایون و فرخفال برسنه ، برسنه مبارکه ایدی .
جناب شهاب الدین

اویله براسلوب که سریع بر نهر شدیدالجریان کبی کندیسنه مقاومت
ایدن هریشی الخ

ادبیات : سلیمان فهمی

اول وجه با صفاده دردانه سر شکه
بکزردی آسمانده بعضاً نجوم زهرا
اکرم

بورایه قدر تعداد ایتدیکمز عیلردن مصون قالان آثار
قلمیه وضوح دینیلن مهمه ادبیه بی مطلقا احراز ایده مزسده
وضوحک مقابل منفیسی اولان مبهمیتدن سالم قالیر .

« کثرت تکرار »

برجمله ویایعبارده عینی لفظی هیچ بر فائده ادبیه سی اولمدینی
حاله دفعات ایله تکرار ایتک دیمکدر . شیویه بغیرتی کو سترمک
ایچون مثال اوله رق عشق ممنوعدن آلدیغمز « بونی دوشو-
نورکن الخ » عباره سنده اولا « کلک » فعلنک تانیاً افعالک
کافه سننده کی حکایه حال فی الماضی صیغه سنک دوچار اولدینی
مبدولیت تکرار کبی .

خوايیده اولمدينی ، « غریب » صفتی صوته تردیده کی
فکری ده ایشیدیلن سسک اصوات عادیه دن بولونمدينی
آکلا تمقدر که بونلرک ایکیسینی ده زواندن عد ایتمک امکان
یوقدر. فقط بویکی مثالاک برنجیسنده کی :

مثلا آفتاب عالتاب

مصراعنده بولان « عالتاب » ؛ وایکنجیسنده کی :

برطوطی سبز آل منقار

مصراعنی طولدیران « سبز آل منقار » صفتلری حقیقه
زاندد. بودرلو زواند ایلروده بحث ایده جکمز آهنگ سلاستی
تأمینہ خدمت ایدر وبوصورتله استحصال اولونان فائده ادبیه ده
سوزده کلمات زانده بولنق مضرتی اونوتدیره جق قدر حائر
اهمیت اولور ایسه اوصفتلری وصف تحسینی نامی آلتده
مسامحه ایله قبول ایده بیلیرز ؛ اولمدينی حالده حشویات لفظیه دن
عد ایتمکده ترده محل یوقدر مثالا :

عابدی ابرغمدن روی سمای انور
برنوعروس حسنک وجه منیری آسا
اکرم بک

یتنده کی زانده صفتلر وصف تحسینیدر .

اسلاف ، حشویاتی ضایع لفظیه واکمال وزن کی سبیلرله ،
اختیار ایتمشلردر. حشو اودرجه کثرت استعماله اوغرا مشدرکه

ممانعتی ده واردر ؛ عینی شیئی عین قوتله تبلیغ ایدن افادات
 متعدده دن اکیصه سی اکی خیر لیسیدر . حتی فصاحت و بلاغته
 مهارت و اعتنالیله مشهور اولان عربلر عندنده « خیر الکلام
 مائل و دل ، سوزی دساتیر معتبره دندر . بونقطه نظرله دوشونیلیر
 ایسه حشو ک نه بویوک برمانعه فصاحت اولدینی تقدیر ایدیله بیلیر .
 حشو بحثده سویلنه بیله جک برده « وصف تحسینی » واردر .
 تعلیم ادبیاتده « وصف تحسینی دیدیکمز شی موصوفک تعیین
 ماهیتی ایچون دکل آنجق ترین افاده مقصدیله ایراد اولنان
 صفتلر ، وصف ترکیبیلر و یاخود بونلرک مقامنه قائم اوله جق
 تعیرلردر که قاعده زواندن عد اولنه بیلیر سده فائده ادبیجه
 اهمیت مخصوصه یی حائزدرلر . « دنیلمش و بو نظریه برخیلی
 امثال ایله توضیح اولنمش . حالبوکه بو مثاللرده وصف تحسینی
 اوله رق ارائه ایدیلن صفتلردن بعضیمی زواندن دکل فکر و
 خیالی تعیین ایدن لوازم دندر . مثلاً :

برسکون عمیق اولور پیدا

سانکه خوابه واریر بتون اشیا

ییتنده کی « عمیق » صفتی سکون فکرینک تعیین درجه سنه
 خادم و بناء علیه فصاحت و بلاغه وجودی لازمدر . ینه
 بونک کی :

بوشهر تری او قورکن اول ماه

برصوت غریب ایشیتدی ناکاه

ییتنده کی « تر » و « غریب » صفتلری ده اکمال معنایه
 خدمت ایدر . شاعرک « تر » صفتی ایراددن مقصدی شعرك

حالبو که بیتک معناسی. « الله کوستر مسون بریرده آثار
اضمحلال پیدا اولورسه احباشیوه یغماده اعدایی مهوت ایلر،
دیمکدر؛ یعنی شاعر احبانک شیوه یغماده اعدایی مهوت
ایلیه جکی حکمنی آثار اضمحلال کورونمسیله تقید ایتشدرد.
بو حالده ایسه اصل مقصد برنجی مصراع ایله افاده اولنش بیتمش
اوله ماز. بناءً علیه مصراع ثانی ولو که ملیح اولسون حشو دکلدر.
ینه شیخ فالبک :

ارواح که تحفه خدادر
خاک ره شاه انیدادر

بیتنده کی « تحفه خدادر » ترکیب توصیفیسنه حشو ملیحدر
دیمش؛ حالبو که بو ترکیب بیتک معناسه شدت وقوت ویرمکده در:
« ارواح شاه انییانک خاک راهیدر » عباره سیله « تحفه خدا اولق
قیمت وعزتی حائز بولنان ارواح بیله شاه انییانک خاک راهیدر،
افاده سی آرسنده کی فرقی تمیز ایتک کوچ برشی دکلدر .
اصطلاحات ادبیه « حشو متوسطی »، سوزه کوزه المک
ویرمدیکی کی چیرکینلک ده ویرمین حشودر، صورتنده تعریف
ایدیور؛ حالبو که برلفظک ایچنده، بولندیغی عباریه خدمتی یوقسه
وجودی ثقلت و بناءً علیه چیرکینلکه علتدر . بوسبیله حشو
متوسطله حشو قبیحی برلشدیره رک علی الاطلاق « حشو » دیدک؛
واو صورتله تعریف وایضاح ایلدک .

مادام که سوز اول باول معنائک تبلیغنه وساطتله مکلفدر
ومادام که سوزک تلقی معنایه خدمتیه برابر دیکر جهتله

وضع غروری شرم و حیا صورتند در
نابی

دلخسته لره طبیب مشفق
هر یارده به سرهم موافق
بیمارلرک شفاسی سنسین
هر دردلرک دواسی سنسین
ضیا پاشا

هنکام هر مده سویلشدر
پیر اولدینی دمده سویلشدر
شیخ غالب

متقدمین حشوی اولاً «مفسد» و «غیر مفسد» نامیده ایکی به
آییرلر. حشو مفسد دیدکلری بزم حشو معنوی دیدیکمز
شکله آز چوق تماس ایدیور . بوندن ایلروده بحث ایدرز .
حشو غیر مفسد اولرجه اوچ قسمدر : حشو ملیح ، حشو
متوسط ، حشو قبیح .

حشو ملیحی، سوزه کوزه للک ویرن حشودر دیه تعریف
آندیورلر؛ حالبوکه بو تعریف بنفسه حشوی نفی ایدر، یعنی سوزه
کوزه للک ویرن برشیئه حشو دینله مز . نته کیم ناجی افندیکنک
اصطلاحات ادبیه عنوانلی اثرنده حشو ملیح ایچون ایراد
ایتدیکی مثاللرده حشو یوقدر؛ مثلاً عونى بکک :

احبا شیوة یغماده مبهوت ایلر اعدایی
خدا کوستر مسون آثار اضمحلال بریرده

« بیتنک مصراع نانینسی تشکیل ایدن جمله دعاییه ده بویله در
(یعنی حشو ملیحدر) ، اصل مقصد برنجی مصراع ایله افاده اولننش
پتمشدر » دیور .

وفاده علاوه ایتکه ؛ ثانیاً ، عبارده معنائک قوت واهمیتجه هیچ بر تأثیری اولیان بی لزوم الفاظ بولوندورمغه ؛ ثالثاً ، عین معنایی افاده ایدن ایکی جمله بی متصلاً و یا منفصلاً بر لکده ایراد ایلکه ؛ رابعاً ، عینی فکری همان عینی صورتله تکرار تکرار سویلکه ؛ خامساً ، افکار و خیالات آراسنه مقصده یا بانجی برفکر و خیال قاریش دیرمغه « حشو » دیرلر .

بو بش صورتدن صوک ایکیسی « اطناب » و « حشو معنوی » نامیله معنوندرکه بلاغت بحثده تدقیق ایدیله جکدر . اوج اولکیسی دهها زیاده لفظی اوله رق اکثریا نثرده سجع و سائر صنایع لفظیه یایمق ؛ نظمده وزنی ، یا خود مقفا بریتی و یا قطعیه بی تماملامق ایچون اختیار اولونمقده در . مثال :

اوقاریس نام دختر ناهید اخترک اغوشنه امانت و بعد زمان بوکاره
ابتدارینه اظهار پشمانی و ندامت ایلدی .
کامل پاشا - تلماق ترجمه سی

مادامکه طرف آخردن باعث انحلال عهد و پیوند و موجب اختلال
وعدو سوکند اوله حق صلح و صلاحه مغایر بر کار نادر صادر اولیه
بغیر موجب دروازه شر و شوری باز و معامله باز کونده شروع و اغاز
ایلك خلاف مذهب و ضد مشربلر بدر .

فریدون بك منشاتی

حلیه معارف ایله آراسته و زیور عرفان ایله پیراسته
فضولی - شکایتنامه

که انواع مکارمله وجودک فرد و یکتادیر
نظمی

ایدر ، اونی ادبیاتمزه نسبت ایتامکده معذور اولورز . مثال :
کنج قیز متأسفانه مرله انه رق ؛ نه قدر کچ ، دیدی ؛ صوکره
بوسوزده آجینیر کبی علاوه ابتدی ؛ رجا ایدرم بویله شیلره لزوم
کورمیکز . . . اوافاق برشی ایچون بونه قدر اهمیتدر ! پک اعلا ،
مادام که او یله آرزو ایدیورسکن . . .

فردای غرام : محمد رؤف

دلقاتلی شیمدی ریخته اغمش ، صولرک طاش اویوقلرینه فشافش
تهاجی آره سنده دالغین دالغین کزییوردی .

فردای غرام : محمد رؤف

بونی دوشونورکن کنددی کندیسنه کولک ایسته یوردی . شیمدی
اوکله جکدی ، ایکی کله ایله ایضاحات ویرلش اوله جقدی ، هرشی
بیته جکدی . نهایت بوکون اونی بودرجه قورقوته حق نه اولمش ایدی ؟
کندیسنی چوجق بولیوردی ، دها صوک واپور کله مش ایدی ،
صوکره اونک بلسکه کیجه کله جکنی دوشوندی . لکن ناصل کله جکدی ؟
بیکه قدر آرایه ایله کله جکدی ، صوکره ؟ خالاً بهلولی کیجه قرا کلفده
صندال ایچنده کندیسنه کلمک ایچون تهلسکه لر کچیره رک کلبور کوریوردی ،
اوکا نه قدر منتدار اوله جقدی .

عشق ممنوع : خالد ضیا

بوافراطه طاشان سوینجنک ایچنده

عشق ممنوع : خالد ضیا

اونلر ، ایکی قیزله آنسه ساعتلرجه مذا کره لر ، مجادلر یاپارلر .

عشق ممنوع : خالد ضیا

حشو

اولا ، برلفظک یانسه مراد فی اولان دیکر برلفظی بلالزوم

و اول صیفده اردغ ذوالقدریه دن محمد خانکه نیکبولی سنجاغنه
والی و اول سمتده اشقیا دفعدن خالی اولماق فرمان اولمش ایدی...
بچوی تاریخی

قواعد و شیوهٔ لسانه مغایرت

لسانک قواعد نحویه سنه مغایرت اصول نحوه رعایتسزلک
دیمکدرکه بوراده بوندن بحث ایتک بالطبع عبث اولور. آنجق
محررین عثمانیه آره سنده نحو لسانه عائد خطالراتکاب ایدنورده
یوق دکدر . مثال :

ایشته تنظیمات اثناسنده فرانسه نك داخلی اختلافاته مقابل خارجی
موفقیتی شودرجه ده اولوب فقط بوموقیتلری تملی و سورکلی شیلر
اولمدقلری بدیهی ایدی .

احمد مدحت

بوعبارهنک نحواً « قوندوره لرگز ککشلردر » عجیبه سندن
هیچ فرقی یوقدر .

شیویه مغایرت ایسه کلامی ناسک و ادبانک قولالاندقلری
برطرز مخالفده ترتیب ایتک و فعللرک استعمانی ده ینه اوصورتله
قاریشدر مق شائبه سیدر .

شیوهٔ لسان که، ترتیب کلام و استعمال افعالک ادای مخصوصیدر،
هر لسانک هویت حقیقیه سنی تعیین ایدن خاصهٔ ممتازه دیمکدر ؛
بر مؤلف که، شیوهٔ لسانمزه مغایر بر ادایله افادهٔ مرامه قیام

کشف حقایقه اصح طریق که مقایسه در . طریق قیاسه سلوک
ایتمینر شوملاحظه مزه قارشی لسان عثمانی افصح ، هر نه مراد اولسه
اونی استحصال ایچون ابلقدر دیه جکلرینه شبهه اولماز .

سعید پاشا - غزنه جی لسانی

امام الهدی شیخ ابو منصور ماتریدی مذهبی که مذهب اصحاب
وتابعیندر ، بزرگه اکا تابع حق تعالی خالق عبدی کاسب بیلیرزه
سعید پاشا - غزنه جی لسانی

شواله بحران وکلانک دوامی اثنا سنده متواتر اولان تلقینات ،
وبونک آچمش اولدینی مخارات ایشک بدایتنده اولتقینات وتأثیرات اعتیاد
سقیمنه سدچکمک ایچون بردفعیه مخصوص اولقی اوزره صریح وقطعی
افادات ایله محافل عائده سنی ارضا واقناع ایتک ، اواعتیادک پک آجی
برصورتده جسم دولته آچمش اولدینی یاره نک تدایوسی صره سنده
خسته انی تولید ایدن مؤثرانک تأثیرندن آزاده قالمق لزوم طبعیسی
آکلانق نقطه سی اطرافنده دور ایتش اوله بیلیر .

شهره

مع هذا ذکر اولنان مفسد و منافق ترجانلر مکالمه عقبنده
دوات علیه فرانسه لویه میل ایتدیرلمشدر سودای باطلیله بک اوغلنه
واردقلری کبی انکلتزه لو وروسیه لو طرفلرینه عکس ایتدیریله جکفی
تأمل ایلامش . وقالدی که آستانه دن حین حرکتده مرسوم طرفندن
ترقیق اولنان فرانسه ترجانی اثنای راهده آراقی بولدجه پارسه
وصولزده دولت علیه نک مطلوبی اولان ماده لری امپراطوریمز تقییس
ایده جکدر کبی افاده ایله کجه طرفزدن جواب ویریلوب حین حرکتده
مقام ریاستدن برطاقم کاغد ویرلدی لکن کثرت اشغال ایله قرائت
اولنه مادی دیو افاده اولندجه رئیس افتدی مکالمه ده بزه تعداد مواد
ایله دی سز کتم اییدیورسکمز دیدکجه تقلیب ورق دیگر اولنوردی...

عاصم تاریخی

مجادله حیات ایلہ عملو برکونی شیردکن صکره برروزه مساعی بی
دها اکمال ایتمش اولقدن منبعث اطمنان ایچنده فقط تعب کوششک
هوای کرافی آلتنده محمول وبی تاب دوشونمک ایچون فعالیت کافیه
بوله میان بردماغ ایلہ بر فجان قهوه یه قارشى دیکلنمک « حیاتدن برکون
دها کسیلدی برکون دها چالیشه رق غائب ایدلدی یاخود قزانلدی تعبیر-
لرینک تبدلی حقیقتی تغیر ایتمز ؛ اوت برکون دها بوتون کچمش
اوکونلره التحاق ایچون ایشته چکیلوب کیدیور وپوندن صوکره یه
قالانلر هپ بویله برربرر یکدیگرخی سوروکلیه رک کیده جکلر « حقیقتی
بودماغ تپی ایچنده دوکش بر حجر باره ثقلتیله دورورکن بو قهوه
فجانندن انتشار ایدن رایحه بی استشمام ایتدکجه برنشوة تسلیت دویمق
جدال معیشتک نه کوزل مکافاتیدر !

خالد ضیا

ضعف تألیف

تعقید - که موانع فصاحتک الک قویسیدر - ترتیب کلامک
تشوشندن، ادوات ربطیه نک نابمحل استعمالندن، حتی ربطی سز-
لغدن ظهور ایدر، دممشدک . ضعف تألیف دینیلن شائبه بونک
بر شکل خفیفیدر که تفهیمی اشکال ایدمک درجه یه واصل
اولونجه تعقید لفظی حاصل ایدر . او درجه یه کمدکجه ذهنه
ساده جه بر سکتہ تردد ایراث ایدرک معنائک تلقی صحیحنه مانع
اولور . ضعف تألیفک الک بارز صورتی عبارتمک معنای مقصوددن
بشقه بر معنایه ده دلالت ایدمک وجهله مرتب اولیسیدر. مثال:
بیک ایکیوز سنه سی جامدی الاخره سنک یک می آلتنجی کونی مصر
قاهره والیسی اولان کتخدا احمد پاشاک عازم داربقا اولدینی خبری
ورود ایتمکله ...

تاریخ راشد

« بمقدمه دلپسنددن مقصود عبد صداقتمند مجرد تحدیث نعمت
ضمننده دولت علیه ابد مدتک صداقت واستقامت شعاری اولان بنده لری
حقنده علی الدوام کرم و عنایت منعم متعاقب الوقوع اولدیغنی اعلام وافهام
نیتیه امتداد عمر دولت و ازدیاد شان و شکوه و سلطنت شهنشاهی ایچون
استجلاب دعوات اجابت آثاره وسیله امنیه سنده اولدیغنی بی شائبه رب
وریا و بی ملاحظه مأمول و متمنا اولدیغنی جناب دانای سر اثر ضمائر
جل شانہ حضرتقلینہ معلوم و هویدادر . »

تاریخ عزیمی

ایکسجیسی ، جمله لرك دفعه احاطه ایدیه میه جک قدر
اوزون ، ادوات ربطیه نك کثیر و متوالی ، جمل معترضه نك جمله
اساسیه یی اونوتدیره جق درجه ده غالب اولمسیدر . مثال :

چونکه از قدیم ایران دولتی حسب الحقیقه دولت علیه طرفته
همیشه بدسکال و کج اندیشه اولدیغندن هر زمان دیده بغض و حسد
ایله فکران اولوب رهیاب سمت فرصت و امکان اولسه دول سائرهدن
اقدم ممالک محروسه یه اطاله قدم ایده جک لری امر مسلم ایسه ده دولت
علیه جهت جامعه اسلامییه رعایت برله همواره حق لرنده معامله مجمله
ارزان و تجار و زوارلری سائر اهل اسلام کبی اسوده سایه امن و امان
ایتمکده اولوب و دولت علیه نك مشغله کلیه سی اصحاب شمال طرفته داشر
و عظام عزایمی فرقه دشمن عداوت اشتغال ایله جنک و جداله منحصر
اولمقله صوب ایرانیان صدور خواطر سرکاران دولت سنییه خطور
و کذران ایدن خاطره عداندن معدود اولیوب و مدت مدیده دئبری
انجام نافرجام سرسری روش اولان بدوی طائفه سی کبی خود سر
و خود کام اولوب بروجه جه جهت وحدت ضابطه سنه داخل اولم لری
درجه امتناعه بالغ و واصل اولمشدی .

عاصم تاریخی

تنافرک سوء تأثیری مخاطب لربك ذهنی نا خوش برحس ايله
اشغال ایدرك معنائك سرعتله و تماميله تلقیسنه مانع اولمقدور .

تعقید لفظی

تعقید - اصطلاحاً - سوزدن معنای مقصوده انتقالك
مشكل ویا غیر ممکن اولسی دیمكدور . سببی الفاظ و كلام اولان
تعقیده « لفظی » ؛ تفكر و تخیلك تشوشندن حاصل اولان تعقیده
« معنوی » دیرلر . تعقید معنوینك تقدیری بلاغته عائددر ؛
بوراده مغل فصاحت اولان تعقید لفظیدن بحث ایدیوروز .

اولا بر اثر قلمینك صرف ونحو قواعدینه ، ثانیاً شیوه
لسانه عدم توافقی چوق دفعه تفهیمی اشكال ایدرك تعقید لفظی
حصوله کتیریر . ثالثاً غرابت ، رابعاً استعمال اهل لسانه مغایرت
خطالريله معلول اولان الفاظده کلامی تعقیده دوچار ایده بیلیر .
صرف ونحو قواعدی آریجه مدونددر ؛ شیوهیه مغایرت ایلریده
موضوع بحث اوله جقدر ؛ دیگرلری ایسه فصاحت الفاظ
صددنده ذکر اولندی . بناءً علیه بوراده تعقید لفظینك دیگر
ایکی سببی سویلکله ا کفا ایده جکزر .

بونلردن برنجیسی ، ترتیب کلامك قاریشیق اولمسیدر .
مثال :

تلخ ایدر آدمك البته مذاق عیشتن
باده نوش ايله بوکون ايله فکر فردا

وحرکات تغییری ، نقایصی ده وارسه ده تسهیل تفهم ایچون بونی
نظم بخته تذیل ایده جکر .

کلامه عائد شرائط

کلامده صحتی اخلاص ایدن شواثیک باشلوجهلری : « تنافر
کلمات ، تعقید ، ضعف تألیف ، قواعد وشیوه لسانه مغایرت ،
حشو ، کثرت تکرار ، تابع اضافات ، تابع معطوفات ،
لکننت ، دینیلن نقیصه لردر . برائر قلمی بونلردن مصون ایسه
فصاحتسز امدن تبری ایتمش اولور .

تنافر کلمات

تنافر حروفدن سالم اولان بعض کلملر بیلله اوصورتله جمع
اولنه بیلیر که سوینلیرکن تلفظده صعوبت ، استماعده غلظت
تحصل ایدر ؛ بوکا تنافر کلمات دیرلر . مثال :

ایلیه صدر صدارتده تصدر همه آن

شناسی

برکولق ایتمه ناله وزارک کس ایسته من

ای عندلیب اوکل او یومش مش سس ایسته من

حامی

نظر لرمده اک علوی بر اشتیاق او قونور

جلال ساهر

کلشنکه رخسار که بجران
عبدالحق حامد
بونه احکام بد ، نه بخت یمان
عبدالحق حامد

دول ثلثه سفراسیله رسماً قونفرانس لرده قرارلشدیرلش اولدینی
جهتله تمامی اجراسته مجبوریت قویه درکار اولدیغندن
رشیدپاشا
وحدت نکاحک رجانیتنه قائل اولمده در
پرتو پاشا

ایشته بووجهله کون بکون جسد فرسوده وصحت مختل اولور
منیف پاشا
مأثده فائده سی کرسنکان علم وادب ملتة شامله وعائده
عالی پاشا

استعمال اهل لسانه مغایرت ایسه بر کلمه نك تورکجه ده کی
معنای مستعملنی ترک ایله عربجه ویا عجمجه ده کی معنای اشتقاقیسنه
اعتبار ایتک، ترکجه افعال اقتداریه نك نفی شکننده بیلیمک فعلنی
ابقا ایلک کی عرف ادبایه مخالفت کوسترن خطالردر . مثال :

بن فقیری ایتمه نك ممنون ابنای زمان
حاصل ایتمزسه ک دکل غم مطایم یارب بکا
راغب پاشا

کشی اوزاق دوشه بیلیمز یا کردکارندن
عبدالحق حامد

بونلردن بشقه یالکز منظوماته خاص اولان و حروف

مضار کیت بضاعتده راجل وبی کیت اولان محتاج صفح وعطائک
ذمت وخطاسندن اغضا وحسن معامه ولطف مسامحه ایله ارضایوره لر :
اولجی زاده منشاتی

اعدایسه لشکر عرمم

کمال

وزوایای مثلثه واقعه مک نسبت صحیحه ایله اعظم اضلاعی اولان
ضلع ثالث عجیب الاثر هر نقدر ظل افکن شکل انکار اولسه دخی
مرتسم سطح ثبوت اولان مقیاس احوال عمود صبح کبی براهین
هندسیه ایله واصل مرکز یقین اولغله ...

عاکف پاشا

زار کوکلم تنده زندان بلا طوتساغیدر

فضولی

اولی بزم قنی کاندہ کوکل یاری کوروردی

نجاتی

[۳] قواعد صرفیه مغایرت قصوری ایضاحدن مستغیدر؛

مع مافیه آثار ادباده بودورلو غلطلرده تصادف ایدیلیر .

جهان حیرتده در آثار لطف حق تعالی به

نفی

تعریضانه ایدوب خطابی

شیخ غالب

بو دستگاهک اورمه ده کمرکچی قضا

نابی

سورمه له ماملیمی ، تخنج ، قاقوم کله لری کی .

کلمه ده تنافر هر لسانه کوره بشقه صورت له تقدیر اولنور؛
مثلا تورکجه متنافر اولان برکله عربیه اولسان اهلی ایچون حائر
عذوبت اوله بیلیر : تورک لساننده خفیف هجا ایله باشلیان
کلمه لره دیکر هجاری ده خفیفدر . بولسان اهلنه کوره از جمله ،
برشیئی شدتله باصوب چیکنه مک معاسنه اولان ، « ضهت » کلمه
عربیه سنی بلا تنفر تلفظه امکان یوقدر . مع مافیه تورکجه ده
مستعمل اولان کلمات عربیه دن چوغی ائتلاف هجایی حائر
اولدینی حالده تنافردن تبری ایتشدرد : چونکه او دورلو کلمه
لردن هجاری آره سنده کی تفاوت ملایم اولانلرله یواش یواش
استیناس ایتشرد ، « اشتغال » کی ؛ دیکر لرینک ده حین تلفظده
خفیف و یا ثقیل هجالرندن اک قویسنی اختیار ایله توحید هجا
ایدرز ؛ « تصوت » کلمه سنک برنجی و اوچنجی هجالرینی ایکنجی
هجایه توفیق ایدرک ت حرفی ط ، ظالم کلمه سنده برنجی هجایی
ایکنجی یه توفیق ایله ظ حرفی ز تلفظ ایتدیکمز کی .

خلاصه ، اوله عربجه و عجمجه کلمه لردن استیناس و یا تعدیل
صورتلریله شیوه تلفظ مزه توافق ایتینلرده ؛ ثانیاً کرک عربی
و فارسی ، کرک تورکجه کلمه لردن فقط و استماعنده فی الاصل صعوبت
و غلظت بولنانلرده تنافر محقق و بولردن ماعداسی او تقیصه دن سالمدر .
[۲] غرابت ، تورکجه ده بوتون بوتون غیر مستعمل و یا متروک
بولونان ، یا خود علوم و فنونده اصطلاح مخصوص اولان عربجه ،
عجمجه و تورکجه کلماتی قوللا نمقدرد . مثال :

کوستریر؛ بونلره «لوازم فصاحت» دیه جکزر. دیگر قسمی درجات فصاحتک اعلاسنی منتج اوله رق یالکزر آثار ادبیه ده ملتزمدرکه وجودی برمزیت مخصوصه عد اولنور؛ بونلره ده «محاسن فصاحت» دیورز.

لوازم فصاحت

لوازم فصاحت ایکی جمله دن متشکدر : برینه صحت افاده، دیگرینه مطابقت الفاظ دیرلر.

صحت افاده

سوزک الفاظ و ترکیاتی اعتباریله تفهیمی تصعیب، یاخود طبعی تنفیر ایدن سقطاتدن تبریسی دیمکدرکه بونی تأمین ایدن شرائط - تعریفندن ده اکلاشیلدینی کبی - اولا الفاظه، ثانیاً جل و کلامه تعلق ایدر.

الفاظه متعلق شرائط

الفاظده صحت : اولا تنافر حروفدن، ثانیاً غرابتدن، ثالثاً قواعد صرفیه واستعمال اهل لسانه مغایرتدن بری بولنقله تحقق ایدر.

[۱] کله ده تنافر: برکله نک بنفسه کوچلکله سویلنه بیلمسی، یاخود سمعه نا ملایم کلمسی دیمکدر.

ناقل اهتزازات اولان اجسامك قابليت ثقلیه سنی تزید و تنقیص
ایدن اسباب طبیعیه موجود اولدینی کبی تموجات فکر و خیالی
خارجه ایصال ایدن الفاظ و کلامك قابليت ثقلیه سنی ده برطاقم
شرائط معلومه داخلنده تزايد و یا تناقص ایدر . خاصه ناقلیتی
الکویکسک اولان اجسامده بیلر بر قوه مقاومه ثقیضه بولندینی کبی
الفاظ و کلامده ، صحت افاده و مطابقت الفاظ اعتباریله کمک مساعد
شرائطی جامع اولسه بیلر ، معنائك انتقاله آرزوق ممانعتی ده
حائزدر . ایشه بوسیله در که ادبیاتده برسوزك مرتبه فصاحتی
ممانعت الفاظك درجه تناقصیله تعین ایدر . تصوت الفاظك ،
آهنگ عباراتك قاره و سامعی تلقی معنایه احضار ایلسی بوممانعتی
تقلیل ایتدیک ایچون محاسن فصاحتدن معدوددر .

عمومیتله مکالمات و مخاطباتده سوزده اوضاع مخصوصه ترفیق
ایتمکده کلامك ممانعت انتقالیه سنی تقلیل ایچون حس سمعه
حس رؤیتی علاوه ایلمک دیمکدر . برتیا ترو کتانی سادهجه
اوقومق یاخود اوقوتتمقله اثنای تمیلنده تماشا ایتمک آره سنده کی
فرق عظیم نظردقته آلنینجه کلامك ممانعت انتقالیه سنی نه درجه مهم
اولدینغه دائر بر فکر پیدا ایدیلر بیلر .

خلاصه بوتون شرائط فصاحتك معطوف علمی ، معنایی
مساعده امکانك درجه عالیه سنه واصل اولان بر سهولت
و مکملیتله قاره و سامعه ایصال ایده بیلیمکدر . بومقصدی تأمین
خادم اولان قواعد فصاحتك بر قسمی کافه محرراتده جاریدر که
وجودی کلامك سادهجه فصاحتسز لکدن بری اولدینغی

اشكال ايلرايسه اثر ادبيدن منتظر اولان تأثير ناقص ، حتى ضايع اولور . چونكه آن واحده ذهنك قابليت تأثيره سنى محدوددر ؛ لفظ اوزرنده ، فائده سز برسبيله ، توقف مغنايه وصولده تاخري استلزام ايدر . ايشته صحت افاده ايله مطابقت الفاظك شرائط تحريردن معدود اولسى بونك ايچوندر .

كرچه الفاظ و كلامك على العاده خدمتى ساده جه تبليغ مغنايه وساطتدن عبارت ، قيمت عاديه سى ده بوكا مستنددر . فقط ادبياتده كلمات و عباراتك لطف تأثيرى بو خدمت عاديه نك فوقته يوكسليز و موفقيت ادبيه يه معاوتى ده اونسبتده على اولور . ايشته بوسبيله دركه الفاظك تلفظ و استماعنك طبعه ملايم ، تلفظ اولونور كن مغناسنك ذهنه متبادر اولسى مقتضيات فصاحتدن معدوددر . ديمك اولويور كه صحت افاده ايله مطابقت الفاظ فصاحتجه قيمت منفيه يي ، الفاظك طبعه ملايمتى ، آهنگ تصوتك مغنايه دلالتى ايسه فصاحت ادبيه يي اكلامده قيمت مثبتيه يي حائز و بناء عليه بوايكي تعريف يكديكرينك متمميدر . انجق سلاست و عذوبت يالكز الفاظه مقصور دكل ، جل و كلامده شامل ؛ توليد ايتديكي حظ ادبى ايسه بويوك براهيتى حائزدر . بونى ده نظر اعتباره آلنجه فصاحتى : « صحت افاده و مطابقت الفاظ ايله برابر كلمه لك تلفظ و استماعى طبعه ملايم ، حتى ممكن اولدينى قدر مغناسى تصوتيله ذهنه متبادر اولمق و الفاظ و جملك تركيب و تشكيلىنده ده آريجه سلاست و آهنگ مغنايه موافقت بولمقدرد » صورتنده تعريف ايده بيايرز .

فصاحتك تعريفی

تعلیم ادبیاتده، « فصاحت : صحت افاده و مطابقت الفاظ ایله
تحقق ایدر » ، دینلیور.


جودت پاشا بلاغت عثمانیه عنوانلی اثرنده ، « فصاحت :
الفاظك تلفظ و استماعی طاتلی ، معناسی ظاهر یعنی تلفظ اولنوركن
معناسی ذهنه متبادر اولمقدر » ، دیمش .

اثر ادیبیدن مقصد كرك بعضالرينك ادعاسی كبی تهذیب
اخلاقه خادم بر فكر و تأثیر براق اولسون ، كرك ديكرلرينك
قناعتنه كوره قاره و سامعك ذهننده معین بر هیجان تولید
ایتمكدن عبارت بولونسون؛ هرایكی حالدهده موضوع ادبینك
قارئین و سامعینه اك سهل ، اك تام صورتده القاسی لازمدر .
عكس حال مقصدك نقصان حصولی ، درجه سنه كوره بعضاً
بوتون بوتون ضیاعنی انتاج ایده بیلیر . موضوعی تشکیل ایدن افكار
و خیالات و حسیاتك وسائط تبلیغیه سندن برنجیسی ایسه الفاظ
و كلامدر .

الفاظ - كه بوراده حامل معنی كلمات دیمكدر - دلالت
ایدهجکی معنایه مطابق اولماز ؛ یاخود دلالتنده ذهن آز چوق
تردد ایدر ؛ الفاظ و كلامك عسرت تلفظی ، غلظت استماعی ،
ركاكت و غرابت بیانی طبعه تنفر ویرر ؛ جملهك ترتیبی تفهیمی

بیان

قواعد فصاحت



الفاظه خاص اوله رق فصاحت دیدیکمز، لوازم و محاسنی تعریف ایدن قسم که بوکاده « بیان » [۱] نامنی و یردک. بوکتابده بدیع، بیان و معانی تعیرلری کتب مدونه عربیه ده مستعمل اولان مغالردن بوتون بوتون بشقه صورتله استعمال اولونمشدرکه ایلریده هر برندن آری آری بحث ایدلدیکی زمان علت و ماهیتی آکلاشیلیر .

بر اثر ادبی وجوده کلمک ایچون اولان موضوع تلقی ایدیلیر ؛ صوکره اونی تصویر ایدن مغالر، ده صوکره الفاظ دوشونولورسده مخاطبلر بالعکس اولا اصوات الفاظ ایله متحسس اوله رق صوکره اولفظلرک مغالرینه انتقال ایله افکار و خیالات و حسیات تالیه یی، نهایت موضوع ادبی تی تباع ایدرلر . یعنی تألیف ایله مطالعده ذهنک تعقیب ایتدیکی طریقلر بری برینه تماماً معاکسدر .

مادام که نظریات ادبیه نک تدوینی ابداعدن زیاده تقدیر و تنقیده خدمت ایدر، مادام که مطالع و منقذک حرکت ذهنیه سی الفاظدن معانی یه، معانیدن موضوعه یوکسلمکدر؛ بزده نظریات ادبیه نک ایضاخنده بو طریق صاعدی اختیار ایدرک اولا « بیان » دیدیکمز قواعد فصاحتی ، ثانیاً « معانی » دیدیکمز کیفیات بلاغتی، ثالثاً « بدیع » نامنی و یردیکمز نظریات بداعتی - مکتبجه اتخاذ اولونان پروگرام دائره سنده - تعریف ایده جکز .

[۱] بوراده کی بیان تعیری مدونات عربیه ده اصطلاحاً مستعمل اولان معاندن بمیددر . ده زیاده معنای لغویسنه تقرب ایدر .

بولور: تبليغ ایچون ذهن مبدعك، اولاً تصورایتدکی موضوعی افکار و خیالات قالیه ایله پیدرپی اکمال و تنویر؛ ثانیاً بوتون افکار و خیالات و حسیاتی، خلاصه برکله ایله، معانی حاصله یی اشارات ظاهره سی اولان الفاظ ایله اظهار ایلمسی لازم کایر. دیمك که اسلوبده بری - شمول دلالتی افکار و خیالات و حسیات قالیه ده ساری اولان - معنایه، دیکری الفاظه تعلق ایدر ایکی قسم مهم واردر. [۱]

آثار ادبییه حقنده بوتقسیم قبول ایدیلنجه نظریات ادبییه نك اوکا اتباعی ضروریدر. بوسبیله مطالعه ایده جکمز نظریات ادبییه اوج بویوک قسمه آیرلدی: برنجیسی موضوع ادینك کیفیات و شرائطه تعلق ایدن قسم که بوکا «بدیع» [۲]؛ ایکنجیسی اسلوبك معنایه عائد اوله رق بلاغت دیدیکمز، احوال و مزیاتندن باحث اولان قسم که بوکاده «معانی» [۳]؛ اوچنجیسی اسلوبك،

[۱] لفظنر معنا، یاخورد معاسز لفظ تصویرینه وجود و برهرك تقلیط ذهنه محل یوقدر. انخاذایتدیکمز نظریه ده کوره لفظ ایله معنا آره سننده کی نسبت ماده ایله قوت بیننده کی مناسبت کایدر. مباحث آتییه بونظریه یی ایضاح ایدر.

[۲] بوراده کی بدیع عرب کتب ادبییه سننده ذکر اولونان بدیعدن بوتون بوتون آیری برشیدر. فرانسه زجه ده کی «art» کله سنی «بداعت» لفظیله ترجمه ایدرک esthétique مقابلی «بدایع» و بونك یالکز ادبیانه خاص اولان قسمی «بدیع» تعبیرله ادا ایدیوروز.

[۳] بوراده کی معانی کله سننه عربك علم معانیسیله علم بیانی حتی بدیعنی جمع ایدن بروسعت معنا ویراشدر.

اصل ادبیات ایسه مطلقاً تخیل و تأثر دن منبعث ، غایه حقیقه سی ده ذهن مبدعک خیالات و حسیاتی اذهان غیره سهولت و مکملیتله القادن عبارتدر که قیمت ذاتیه سی بلاشبه منحصر آ او تخیل و تأثرک درجه ملق و تبلیغه تابع اولق لازم کلیر. شعرك الك واسع معاسنه توافق ایدن بو تعریف حقیقته اصل ادبیاتک دارة شموانی تعیین ایدیور .

فقط ادبیات تعیری فضله اوله رق بر ملتک ، بردورک ، بر عصرک مجموع آثار ادبیه سی معناسی ده افاده ایدر ؛ تورک ادبیاتی ، قرون وسطی ادبیاتی ، اون طقوزنجی عصر ادبیاتی کی .
ادبیات کلمه - نك ديكر بر معناسی ده « عصر آ بعد عصر قبول عمومی به مظهر اولان رباب دبك اثارندن استنباط و فعالیت دماغیه بشریه به عائد معلومات فیه دن استنتاج ایدیلن اصول و قواعد دیمکدر که 'یشته بزم بوراده اشتغال ایده جکمز نظریات ادبیه ده بودر .

آثار ادبیه بی احاطه ایدن نظر تدقیق هرائرده بری تلقی به ، دیکری تبلیغه عائد ایکی جهت کورور . بر اثر ادبیدن مستفاد اولان خیال و حس اول باول ذهن مبدعه ، تام و مکمل اولو شرطیه ، حصوله کلمش بولونمیلدر ؛ ذهنک بو تلقیسی « موضوعی » تشکیل ایدر . صوکره اوخیال و حس تبلیغ ایدملک ، یعنی اذهان غیره انتقال ایده یلمک ایچون بر شکل خارجی اکتساب ایتمه لیدر که بوکاده « اسلوب » دینیلیر. ذهنده پیدا اولان خیالات و حسیاتک تبلیغی ایکی عملیه ایله حصول

هر طرفنده ، دهاچوق زمان کورولوب ایشیديله جکدر .
 بو دورلو مدعیات یالکز اصحابی اتر ایتکله قالسهیدی
 شایان بحث بيله اوله مامق لازم کلیردی ؛ فقط - اساساً انسانیتک
 اسباب اعتلاسندن اولان - « سعی اقل » میلانی سؤاستعماله
 پک مساعددر : « مادام که مبدعات ادبیه فکر تدقیق و تنقیدک
 یتیشه میه چکی عوالم رفیعہ مخلوقاتنددر ؛ ابداع آثار ایچون بو
 ارض پستی به خاص اولان استحضارات ذهنیه ایله اوغراشمق ،
 صوکره بر طاقم قیودات تفکر و تخیله تابع اولمق یالکز بیهوده
 دکل ، مضر در بيله ! » مطالعه خودکامانه سی تقلیل سعه مائل اولان
 وجدان بشری تغلیط ایده بیلیر . قواعد ادبیه و ایضاحات بدیمه نک
 تدوینی ، عقامت ادبیه به مبدأ اولان ، بوسقیمه دن اذهان
 شبانی وقایه به ده خدمت ایدر که اوچنجی درجه ده فائده سی ده
 بودر .

نظریات ادبیه ترکیبنده معناً مندمج اولان ادبیات تعبیرینک
 شمول دالالتنه - فلسفه ، تاریخ ، مقالات سیاسی و خطبه لر کی -
 فصاحت و بلاغته متمیز اولان محصولات فکریه ده ادخال
 ایديله بیلیر . فقط بو دورلو آثار قلمیه ده ، اسلوبک فصاحت
 و بلاغتی بر قیمت اضافیه عد اولونسه بيله ، اصل قیمت ذاتیه
 بالخاصه موضوع اصلیسینک ماهیت فکریه واقناعیه سیله تعین
 ایدر . دیمک که فلسفه ، تاریخ کی آثار فکریه ایله ادبیات
 آره سننده کی رابطه روحه ، موضوعه دکل یالکز شکله ، اسلوبه
 عائددر . فصاحت و بلاغت اجزای وجودندن معدود اولان

دیباچه

سرنامهٔ مقالز اولان « نظریات ادبیه » ترکیبی ادبیاته عاقد
قواعد وایضاحات نظریه دیمکدر . بوقاعده لره وایضاحات
بدیعیه نظری دیدیکمزك سببی شودر که : اونلری تعلم ایتمکله
آثار ادبیه ابداعه مقتدر اولمق لازم کلز . مدونات ادبیه دن
بکلنلن فائده ، ابداع آثار قدرت مجبوله سنی حائز اولانلر ایچون
- الکبیوک داهیلرک بیله زمان ایلادده آزاده قالد مدقلری -
دورنجرى و تقلیدی قیصالده رق مساعی ابتدائییه تسهیل
ایتمک ؛ بوندن دهها زیاده - قدرت مبدعانه یی حائز اولسون
اولسون - بوتون کنج ذهنلری آثار ادبیه نك تقدیر و تمیزینه
قادر ، ذوق سلیم ادبییه مالک اولمق ایچون صرف ایدلمسی لازم
کلن سعی مشمره حاضر لامقدر .

بوتون کائنات و حادثاتک تدقیق وایضاحه وقف حیات
ایدن بشریت متفکره نك بالذات فعالیت دماغیه می ده « پسیقولوژی »
دینیلن بر علم مخصوص ایله بوکون اییدن ایییه انسانیتک حوزه
تفکرینه کیرمشدر . مع مافیه بوفعالیتک برجزئی ، برشکل
خصوصیسی اولان ادبیاتک ، تدقیقات علمیه یی استحقار
ایده بیلیر برفضای علوییه منسوبیتتی ادعا ایدنلر ، دنیانک

معلم محترم رجائی زاده اکرم بك افندی حضرتلرینه

حرمت تلیدانه

سنه تدریسیه ابتداسندن اول اتمام طبعی لزومی مانع اولویور .
مبدعات ادبیہ لری فصاحت و بلاغت شواهد معتبره دن اولان یک
چوق ذواتک تأیید اتندن اثرمی مستفید ایدہ مامش اولمقلہ متالم .
آنحجق بو محرومیت یالکز نفسمه عائد ، کندیلری حقفده کی
تقدیر واحترام ایسه مصون وباقیدر .



شرائط اسلوبی بویکی کلمه آلتنه طوبیلامق ، بلکه بعضلرنجه ،
نا قابل عفو بر جرأت عد ایدیلیر .

فقط اویله ظن ایدیورم که کهنه لکری تازه اسملرله
یالذیرلامق - سطحی نظرلره کوره - جالب رواج اولسه بیله ،
چشم حقیقت ، جدی و مستقر تجدیدی اسماده دکل آنجق
مسماده آرار . بوندن باشقه اصطلاحات قدیمه ادبیه فی الاصل
مستعار اولمقله برابر ، عصرلردن بری لسانمزده دوران ایده ایده
کسب استقرار ایلشدر ؛ بونلرک یرینه اسکی اسملر تحریری
غیرتی لسان ادبمزک تکامل طبعیسنه خدمت ایده جک بر قوتی
هبا ، بلکهده عکس تأثیره مستعد بر صورتده استهلاک دیمک
اولور .

برده قورقارم که ادبیاتمزی ، حریت و استقلالی مقصدیله ،
عجمک تضییقندن قورتاروب فقط صوکره غریبک تحکمی آلتنه
صوققی بیهوده بریورغونلق اولسون ... ملتی نوع بشر ، وطنی
روی زمین اولان علم وفنی - ولو چیندهده بولونسه - اولدینی
کبی طلب و اخذ هم مفید ، هم مستحسندر ؛ لکن قومیت کبی ،
طبیعت محیطه کبی ، زمان کبی عواملک تأثیراتنه تابع اولان
بداعاتده ، از جمله ادبیاتده او مؤثراتک اهمالی بالنهایه عقامتی
منتج اولور .

نظریات وقواعد ادبیه حقنده کی استشهاداتی ، انشای تدریسده
دسترس اوله بیلدیکم اثرلره ، حصرا یتک مجبوریتی زمان وامکان
نقصانندن نشأت ایتدی . بونقصانک شوصرمده ا کمالنده اثرک


افادہ مخصوصہ

بوتالیف ناچیز مکتب سلطانیہ ایک سنہ دن بری ایفا
ایتدیکم وظیفہ تدریسک محصولیدر. کورولہ جکدرکہ : بوندہ ،
نظریات ادبیہ نک - قواعد لسان کی - تحکیمات عرفیہ ، یاخود
- بعضیارینک ظنی کی - ارباب تحریرک کیف و ہوسنہ مستددکل ؛
بالعکس دساتیر ثابتہ فنیہ دن منبعث وتعلقل و مناقشہ یہ مستعد اولدیغی
کوسترہ بیلیمک املی غایہ اتخاذایدلمش ؛ تقسیمات و تعریفاتک ہپ او
اساسلردن اقتباسنہ چایشلمشدر .

اثرک حصول مقصدہ کفایتی خصوصندہ مطمئن دکلسمدہ
اذہان شباندہ برفکر متمر پیدا ایدہ بیلیمک ایچون تدقیقات
ادبیہ یی ، بشریتلہ برابر یشایہ بیامک استعدادینی حائر اساسلرہ
اتکا ایتدیرمکدہ کی اصابتہ تمامیلہ قائم ؛ مطیعانہ قبول ایلہ ہیچ
الفت ایتامش اولان یکرمنجی عصر مدنیت تدقیق مختارانہ دن
باشقہ برشی طانیماقدہ حقیدر .

کتابک اقسام ثلاثہ سندن ہر برینی - ولوینی بر معنادہ
اولسون - اسکی بر عنوان ایلہ توسیم ایتک ، فصاحت و بلاغت
کی اسکی لفظلرہ رغبتلہ معنای قدیملرینی توسیع ایدرک بوتون

PL
203
R35
V.1



1015479

رشید

نظریات ادبیہ

مکتب سلطانی ایچون تالیف ایملشدر



برنجی طبع

تکرار طبعی حق مؤلفہ عائددر



استانبول

انجمن احسان و ترقی

طبعیت مشعل شری

۱۳۲۸

رشید
آیدین ولایتی والیسی

نظریات ادبیہ

مکتب ساطانی ایچون تألیف ایڈلشدر

برنجی جلد

برنجی طبع

[عرحق محفوظدر]




استانبول

مکتب ساطانی ایچون

طبع و ترویج

۱۳۲۸



BINDING CECT. AUG 2 1966

PL
203
R35
v.1

Rey, Ahmed Reşid

Nazāriyāt-ı edebîye

1. Tal

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

